

জাতিভেদ-রহস্য

(প্রথম ভাগ)

প্রণেতা ও প্রকাশক
শ্রীতুফলাল বিद्याবিনোদ

দ্বিতীয় সংস্করণ

প্রাপ্তিস্থান
শ্রীকালীপদ বিশ্বাস
পোস্ট—কুমারী, নদীয়া ।
মাহ আষাঢ় সন ১৩৩৪, খৃষ্টাব্দ ১৯২৭ ।
কলিকাতা ।

“पदे स्थितस्य मित्रा ये ते तस्य रिपुतां गताः
भानौ पद्ये जले प्रीति स्तुलोद्धरणे शोषिण ॥”

“प्रहस्यति न सम्माने नावमानेन कुप्यति ।
नक्रुद्धः परुष क्रयादेतत् साधोस्तुलङ्घनम् ॥”

ग्रन्थकार कर्तृक सर्वस्वरु संग्रहित ।

१०५नं मेछुयाबाजार इटिह कलिकता ओरियेण्टल प्रेसे
श्रीनलिनचन्द्र पाल वि-ए कर्तृक मुद्रित ।

দ্বিতীয় সংস্করণের ভূমিকা।

ভগবৎ কৃপায় চতুর্দশ বৎসর পরে জাতিভেদ-রহস্যের দ্বিতীয় সংস্করণ বাহির করিতে সমর্থ হইলাম। এই সংস্করণে পূর্বকার কোন কোন বিষয় কিঞ্চিৎ পরিবর্তিত হইয়াছে এবং কয়েকটা নূতন বিষয়ও সন্নিবেশিত হইয়াছে। দুর্ভাগ্য বিষয়ের সরল ব্যাখ্যা এবং অত্যাবশ্যকীয় বিষয়গুলি নিম্নরেখ করিয়া পাঠকগণকে বিচার করিবার সুবিধা দেওয়া হইয়াছে। সুতরাং গ্রন্থের কলেবরও কিঞ্চিৎ বর্দ্ধিত হইয়াছে।

গ্রন্থের সমধিক “কাট্টি” এবং সমাজে সমাদর হইলে বিশেষতঃ গ্রন্থকার জীবিত থাকিতে, গ্রন্থের বিজ্ঞত্ব প্রাপ্তিতে এত দীর্ঘকাল বিলম্ব ঘটিল কেন—সে বিষয়ে আমার সহৃদয় বন্ধুবর্গ, পাঠক-পাঠিকা, গ্রাহক, অনুগ্রাহক মণ্ডলী বিশেষতঃ মাননীয় সমালোচকগণ নিশ্চয়ই একটা কৈফিয়ৎ তলব করিবেন মনে হয়।

দীন গ্রন্থকারের কৈফিয়ৎ এই—

১। মদীয় গ্রন্থের প্রতিপাদ্য বিষয় অসাধারণ গুরুত্ব ও দায়িত্বপূর্ণ! ভারতে বিশেষতঃ বঙ্গদেশে যে “বর্ণাশ্রমের” অস্তিত্বই নাই, সেখানে বঙ্গীয় বিভিন্ন হিন্দু সম্প্রদায়, স্ব স্ব “জাতির” বর্ণ নির্ণয় পূর্বক একটা “পছন্দসই” নাম ও উপনয়ন গ্রহণ এবং তদনুসারে জাতীয় জীবন গঠনের যে প্রণালী অবলম্বন করিয়াছেন, তাহাতে আমার ইচ্ছা থাকিলেও আস্থা নাই। সহস্রাধিক বৎসর পূর্বে, বঙ্গেশ্বর বল্লালসেনের সময়ে যে প্রথা এ দেশে প্রবর্তিত হইয়া বাঙ্গালী জাতির বর্তমান শোচনীয়তা আনয়ন করিয়াছে বলিয়া অনেকে অনুতাপ করেন, তাহারাই দেখি আবার ব্রাহ্মণত্ব, ক্ষত্রিয়ত্ব, বা বৈশ্যত্বের দাবী করিয়া সমাজে ভেদ-নীতি ও

বিচ্ছিন্নতারই পোষকতা করিতেছেন ! আমার বিশ্বাস বঙ্গীয় হিন্দু সমাজের পক্ষে ঐরূপ কার্য Refined Caste System বা অভিনব জাতিভেদ প্রথার পুনরাভিনয় ব্যতীত আর কিছুই নহে । স্বদেশহিতৈষীগণ যে “জাতি-সংগঠন” বা জাতীয় জীবনের প্রতিষ্ঠা করিবার আয়োজন করিতেছেন—দেশমাতৃকার এক্ষণে যাহা প্রাণের আকাঙ্ক্ষা, ঐ নীতি তাহার বিরোধী বলিয়াই প্রায় ২০ বৎসর পূর্বে আমার মনে হইয়াছিল । দুঃখের বিষয় তখন আমার তেমন পৃষ্ঠপোষক এবং পক্ষ-সমর্থক কেহ ছিলেন না । যথোচিত বিদ্যা, শক্তি, সहाয় ও সামর্থ্যাদিও আমার নাই । কাজেই সুসময়ের অপেক্ষা করাই একান্ত শ্রেয়ঃ মনে করিয়াছিলাম । পক্ষান্তরে বঙ্গদেশের শ্রোত্রিয় নাপিত সম্প্রদায়কে যদি আবার হিন্দু শাস্ত্রানুসারে বর্ণাশ্রমের আশ্রয় লইতে হয়, তবে তাহাদিগকে “ব্রাহ্মণ” বলিয়া স্বীকার করিতে হইবে—ইহাই আমার অনুমান হইয়াছিল । আমার অনুমান ও সিদ্ধান্ত যে নেহাৎ অমূলক বা নিরর্থক হয় নাই, তাহা বঙ্গীয় হিন্দুসমাজের প্রকৃত মঙ্গলকামী, সুস্বদর্শী, নিরুপেক্ষ সুধীমাত্রই স্বীকার করিবেন, আশা করি ।—

অগতির গতি, বিশ্বপতির বিচিত্র বিধানে স্বভাবের গতি রোধ করে কাহার সাধ্য ; এই সুদীর্ঘ ১৪ বৎসরের মধ্যে পরিবর্তনশীল জগতের পরিবর্তনচক্র যে কত দ্রুত গতিতে চলিয়াছে, তাহা বঙ্গদেশের স্বদেশী আন্দোলন, ভারতে সত্ৰাটের শুভাগমন, অসহযোগ নীতির প্রবর্তন, বিশ্বত্রাস জার্মান সমরের সংঘটন, ভীষণ ভীষণ জল প্লাবন, দেশময় ঘন ঘন দুর্ভিক্ষ, চরকা চক্রের পুনরাবর্তন, রেলগাড়ীর ঘন ঘন লোমহর্ষণ সংঘর্ষ, হিন্দুমুসলমানে সংঘর্ষ, মটরকার, এরোপ্লেন, তারহীন টেলিগ্রাফ, টরপেডো, জেপ্লিন প্রভৃতির বৈজ্ঞানিক উদ্ভাবন ও অবশেষে মুসলমান কর্তৃক হিন্দুনারী হরণ ও তাহাদিগের প্রতি পাশবিক নির্যাতনের বিষয় ভাবিলেই

যথোচিত উপলব্ধি হইবে। কে বলিবে ভারতের ভাগ্যবিধাতা বিশ্বপিতা ভারতবাসীর চিরনিদ্রা ভাঙ্গিবার জন্তই এই সকল ভয়াবহ, অলৌকিক ও অভূতপূর্ব ঘটনার সৃষ্টি করিতেছেন না? যে দেশে “জাতি” বিশেষের ছায়া মাড়াইলে প্রায়শ্চিত্ত করিতে হইত, সেই দেশে এখন “অস্পৃগুতাবর্জন” সর্কাপেক্ষা সহজ ও সর্বজন গ্রাহ্য হইয়া উঠিয়াছে। যে দেশের হিন্দুসমাজে বিধবা বিবাহ প্রবর্তিত করিবার জন্ত দেশবরেণ্য, পরম ব্রাহ্মণ ঈশ্বরচন্দ্র বিদ্যাসাগর আপ্রাণ চেষ্টা করিয়াও পূর্ণমনোরথ হইতে পারেন নাই, আজ সেই দেশে প্রতি সপ্তাহে কতগুলো হিন্দু বিধবার পুনর্বিবাহ সংঘটিত হইয়াছে, তাহার তালিকা প্রকাশ করিয়া সংবাদপত্রের সম্পাদকগণও ধন্ত হইতেছেন!

যে নিম্নশ্রেণীর হিন্দু উচ্চশ্রেণীর পূজার দালানে প্রতিমা দর্শন করিবারও সুযোগ পাইত না, সেই হিন্দু সমাজে অধুনা “শুদ্ধি” প্রথার দ্বারা খৃষ্টান, মুসলমান পর্য্যন্ত সাদরে গৃহীত হইতেছে, এবং তাহারা আবার ব্রাহ্মণ কার্যস্থাদির উপাধিও প্রাপ্ত হইতেছে! বিশেষতঃ হিন্দু মুসলমানে সমস্মানে ২।১টা উচ্চঘরের বিবাহও ইতঃমধ্যে সংঘটিত হইয়া গিয়াছে। অতএব এক্ষণে আমার সেই দায়ীত্বপূর্ণ পুস্তকের দ্বিতীয় সংস্করণ প্রকাশ করা একান্তই সময় ও স্বভাবের অনুকূল বলিয়াই প্রতীয়মান হইতেছে। “অসময়ে দিলে চাষ, পুরে কি মনের আশ!”

২। বিগত ১৯১১ সালের সেন্সাস (মানুষ গণনা) হইবার পূর্বে উক্ত সেন্সাসে বঙ্গীয় নাপিতগণের সাম্প্রদায়িক নাম পরিবর্তন করিয়া কি লেখান উচিত, ইহা লইয়া উক্ত সমাজের নেতৃস্থানীয় কতিপয় সমাজ বন্ধু কলিকাতায় আসিয়া আমার সহকারিতা চাহেন। বঙ্গীয় অগ্র কতিপয় হিন্দু সম্প্রদায়ের অনুকরণে তাঁহারা ১৯০৮ সালের পূর্বেই এই আন্দোলন আরম্ভ করিয়াছিলেন। অনেক সভা সমিতির অধিবেশন, অধ্যাপক

ব্রাহ্মণাদির ব্যবস্থা গ্রহণ, এবং নানা উপায়ে অর্থ সংগ্রহের চেষ্টাও হইয়াছিল। অবশেষে স্থির হইয়াছিল যে নাপিতজাতি—“স্বল্পমাস্ত্রজীবী ক্ষত্রিয়!” তখন কলিকাতাই বৃটিশ ভারতের রাজধানী ছিল এবং বিহার, উড়িষ্যা ও আসাম তখন বেঙ্গল গভর্নমেন্টের অধীন ছিল। বেঙ্গল গভর্নমেন্টের Translators অনুবাদকগণের মধ্যে “ঠাকুর তুলসীপ্রসাদ সিংহ” নামে একজন উপবীতধারী “নাই ঠাকুরও” ছিলেন। তিনিই এই বিষয়ে এক সুদীর্ঘ প্রবন্ধ লিখিয়া তখনকার সর্বজনমান্ত্র দেশপূজ্য সুরেন্দ্রনাথ ব্যানার্জি সম্পাদিত “বেঙ্গলীতে” ছাপাইয়া প্রকাশ করিয়াছিলেন। ফলে ঐ ব্যাপার লইয়া বঙ্গীয় নাপিত সমাজে তুমুল আন্দোলন উপস্থিত হইয়াছিল। এমন কি ১৯১১ সনে সেন্সাস হইবার সময়ে সেন্সাস কর্মচারীগণও সে জন্ত বিশেষ বিড়ম্বনা ভোগ করিয়াছিলেন। (১৯১১ খৃষ্টাব্দের সেন্সাস রিপোর্ট দেখুন) কিন্তু ঐ ব্যাপার তখন বঙ্গদেশের সর্বত্র সুপ্রচারিত ও সর্ববাদী সম্মত হয় নাই। অধিকাংশ লোকই ঐ বিষয়টির পরিণাম ও গুরুত্ব বুঝিতে পারে নাই। বিশেষতঃ কলিকাতা সহরবাসী নাপিতবন্ধুগণ তখনও সাড়াই দেন নাই; উক্ত সম্প্রদায়ের সামাজিক একথানা ইতিহাসও তখন ছিল না। তথাপি ঠাকুর তুলসী প্রসাদ সিংহ (বেহারি) প্রমুখ কতিপয় সমাজ নেতা বঙ্গীয় “মসিজীবী ক্ষত্রিয়ের” অনুকরণে “স্বল্পমাস্ত্রজীবী ক্ষত্রিয়” লেখাই নাপিত সমাজের কর্তব্য বলিয়া স্থির করিলেন। “দেব বন্দার” অনুকরণে বঙ্গীয় নাপিত সমাজে ২।১ জন “দেব সরকারও” দেখা দিয়াছিল। আমার তখনকার যৌবন সুলভ উচ্ছৃঙ্খল প্রাণেও কিন্তু এই উত্তম ও অনুষ্ঠান আদৌ ভাল লাগিল না, অধিকন্তু আমি দেখিলাম যে, সামান্ত যে কিছু প্রমাণাদি তাঁহারা প্রদর্শন করিয়াছিলেন, তাহা বাস্তবিক নাপিতের “ব্রাহ্মণত্বের”ই পরিচায়ক! ভুল ধারণার বশে অথবা দূরদর্শিতার অভাবে তাঁহারা ঐ রূপ অনর্থকরী চেষ্টায় ব্রতী হইয়াছিলেন। সুতরাং আমারই প্রতি-বন্ধকতায় তাঁহাদের সেই চেষ্টা একরূপ বিফল হইল।

আমি তখন নাপিত সমাজের ভাল করিয়াছিলাম কি মন্দ করিয়াছিলাম, তাহা বাঁহারা আমার এই সামান্য পুস্তক পড়িয়াছেন ও পড়িবেন তাঁহারাি বিচার করিয়া দেখিবেন। আরও শুনিয়া সুখী হইবেন যে সেই ঠাকুর তুলসী প্রসাদ সিংহকে যখন এই পুস্তকের একখণ্ড উপহার দেওয়া হইল, তিনি তাহা পড়িয়া অনুতপ্ত ও মৰ্মাহত হইলেও কিন্তু কলিকাতার চাকুরী ছাড়িয়া দেশে যাইয়া বৃদ্ধাবস্থায়, তাহার সেই “সিংহ” উপাধিরূপ লেজটা কাটিয়া “তুলসী প্রসাদ শর্মা” সাজিয়াছেন এবং আমার সেই নাপিত কুলদর্পণের অনুকরণে বা অবলম্বনে হিন্দীভাষায় “নাই-কুল-উৎপত্তি” বলিয়া এক পুস্তকও নাকি হিন্দুস্থানে প্রচার করিয়াছেন। পরিণামে সারা হিন্দুস্থান, পাঞ্জাব এবং দাক্ষিণাত্যের নাপিতেরা “নাই ব্রাহ্মণ” নামে পরিচিত হইবার চেষ্টা করিতেছে এবং “নাই ব্রাহ্মণ পত্রিকা,” “নাই ব্রাহ্মণ সভা” ও গুরুকুল প্রভৃতি অনেক শুভানুষ্ঠানের প্রতিষ্ঠা হইয়াছে এবং হইতেছে। বাংলা জুড়েও ঐ রব উঠেছে। বঙ্গদেশেও নাপিত-সমাজে প্রায় ৩০।৩৫টা সমিতির প্রতিষ্ঠা হইয়াছে। আরও আনন্দের বিষয় এই যে বিগত ২০।২১ চৈত্র ১৩৩২ সালে কলিকাতা রামমোহন লাইব্রেরীতে “নিখিল বঙ্গীয় শ্রোত্রিয় নাপিত জাতির” এক Conference অর্থাৎ মহাসভায়, এ দীন গ্রন্থকারকে ধন্যবাদ দিয়া এক প্রস্তাবও গৃহীত হইয়াছে। সুতরাং আমার নামশূন্য, বাচালতাপূর্ণ, সেই সামান্য পুস্তক খানাই যে এত সফলতা উৎপাদন করিয়াছে, আমার নিশ্চেষ্টতা ও নীরবতাই তাহার গৌণ কারণ এবং পরম সহায় স্বরূপ হইয়াছে।

৩। “বেঙ্গলী”তে শ্রীযুক্ত তুলসীপ্রসাদ সিংহ যে প্রবন্ধ ছাপাইয়া ছিলেন (বোধ হয় ১৯০৯ খৃষ্টাব্দে) উহার অবিকল নকল আবার চট্টগ্রামের শীল বাবুদের ব্যয়ে Foolscap কাগজে উক্ত তুলসীপ্রসাদজীর সাক্ষরিত ও মুদ্রিত হইয়া বঙ্গদেশের প্রায় সর্বত্র নাপিত-সমাজের মধ্যে

বিতরিত হইয়াছিল। ইংরাজীতে লেখা সেই “হুম্মাজ্জীবী ক্ষত্রিয়ের” ইস্তাহার এখনও বোধহয় অনেকের ঘরে আছে। বাহুল্য বোধে আমি আর উহা প্রকাশ করিলাম না। যেহেতু

“সম্ভাবিতস্য চাকীর্তি মরণা তিরিচ্যতে।”

এই পুস্তকের দ্বিতীয় খণ্ডের জন্ম অনেকই বিশেষভাবে আগ্রহান্বিত হইয়া আছেন, অনেক অর্ডারও আসিয়াছে। আমারও দুই খণ্ড একত্রে ছাপাইয়া বাঁধাইবার ইচ্ছাই ছিল, কিন্তু তাহা হইলে মূল্যাধিক্যবশতঃ অনেকের ক্রয় করিতে পারিবে না বিচার হওয়ায়, স্বতন্ত্রভাবেই ২য় খণ্ড ছাপান হইতেছে। বঙ্গীয় শ্রোত্রিয় নাপিতগণের সম্প্রদায়িক নাম কি হওয়া উচিত, প্রমাণাদিসহ তাহা দ্বিতীয় খণ্ডে সবিশেষ বর্ণিত হইবে এবং আশা করি পাঠকগণের নিকট ১ম খণ্ড যেরূপ প্রীতি, আদর ও মহানুভূতি পাইয়াছে, ২য় খণ্ডও তদনুরূপ পাইবে। তবে উহার আকার ও মূল্য এই খণ্ডেরই অনুরূপ হইবে, পূর্বকার ১ম খণ্ডের মত ডিনাই সাইজের পুঁথির আকার হইবে না।

এই পুস্তকে প্রসঙ্গক্রমে বাঙলাদেশের প্রায় সকল হিন্দু সম্প্রদায়ের বিষয়ই স্বল্পাধিক পরিমাণে আলোচিত হইয়াছে। এবং ইহাতে অবলম্বিত মূলনীতি সকল সম্প্রদায়েরই উপকার সাধক সুতরাং অবলম্বনীয় হইবে বোধে ইহার নাম এখন হইতে জাতিভেদ-রহস্যই রাখা হইল। জাতিভেদ-পীড়িত বাঙালী জাতির বিভিন্ন সম্প্রদায়ের সংখ্যা, শিক্ষা ও সমালোচনাদি দ্বিতীয় খণ্ডে থাকিবে। নিবেদন ইতি—
২৯শে শ্রাবণ ১৩৩৪ বঙ্গাব্দ ভট্টারকবার।

কলিকাতা।

ত ল ব

দীন গ্রন্থকার

প্রথমবারের বিজ্ঞাপন ।

বঙ্গদেশের প্রায় সকল হিন্দু জাতিরই এক একখানা জাতীয় ইতিহাস সঙ্কলিত ও প্রকাশিত হইয়াছে এবং এখনও হইতেছে । কিন্তু বিশুদ্ধ জাতি হইয়াও হতভাগ্য নাপিত জাতি কেবল এ বিষয়ে পশ্চাদ্দপদ । শিক্ষা ও অর্থের অভাবই ইহার মুখ্য কারণ । পরন্তু অগ্ৰাণু জাতির বিবরণ যেন ছাই চাপা ছিল, সামান্য বাতাসেই প্রকৃত বৃত্তান্ত বাহির হইয়া পড়িতেছে, কিন্তু নাপিত জাতির ইতিহাস পাষণ-চাপা ! সেই ভীষণ পাষণকে অপসারিত করিয়া প্রকৃত তথ্য উৎঘাটন করা বাস্তবিকই দুঃসাধ্য । এইজন্যই বোধ হয় জাতি-তত্ত্ববিদ পণ্ডিত মণ্ডলীর মধ্যে কেহ অদ্যাবধি নাপিত জাতির আদ্যোপান্ত ইতিহাস লিখিতে অগ্রসর হয়েন নাই । স্বেচ্ছা-প্রণোদিত হইয়াই হউক আর স্বজাত্যনুরাগবশতঃই হউক, প্রায় ৪ বৎসর পূর্বে আমি এই কঠোর কার্যে ব্রতী হইয়াছিলাম । প্রথমতঃ জাতিগত ভাবেই লিখিতে আরম্ভ করি, কিন্তু ক্রমশঃ এমন কতকগুলি উপকরণ সংগৃহীত হইল যদ্বারা বুঝিলাম যে নাপিতের ইতিহাস ভারতবর্ষের ইতিহাসের একটা প্রয়োজনীয় অংশ । এবং উহা সম্পন্ন করিতে পারিলে বাস্তবিকই ভারতের ইতিহাসের অঙ্গ পুষ্ট হইবে । এবং বাঙ্গলার জাতি বিভ্রাটেরও অনেক রহস্য-ভেদ হইবে । এইজন্য ইহার নামকরণ করা হইল “**জাতিভেদ-রহস্য**” । লোকমত সংগ্রহ করা ইহার অগ্রতম উদ্দেশ্য । সময় ও সামর্থ্যে কুলায় নাই বলিয়া পুস্তক খানিকে দুই খণ্ডে বিভক্ত করিতে হইল । সহৃদয় পাঠক পাঠিকাগণের মতামত বুঝিয়া দ্বিতীয় খণ্ড প্রকাশ করিব, আশা করিতেছি ।

যে রূপ দেশ কাল পড়িয়াছে এবং সামাজিকগণের মধ্যে যে রূপ কুচির নিদর্শন পাওয়া যাইতেছে, তাহাতে মনে হয় অনেকে আমার এই উদ্যমকে

লক্ষ্য করিয়া—“চ্যাপ্ত যায়, ব্যাপ্ত যায়, ধলসে বলে আমিও যাই”—
 ইত্যাকার কত বিদ্রোহ ও উপহাসপূর্ণ বচনই না আওড়াইবেন। কিন্তু
 আমি যদি নাপিতকে স্বকর্ম ত্যাগ করিতে এবং পৈতা বিলাটে যোগ দান
 করিতে পরামর্শ না দিই, তবে নিশ্চয়ই কাহারও “পাকাধানে মই দেওয়া”
 হইবে না। আমার বিশ্বাস সুধী সজ্জনের কাছে ঐরূপ বিদ্রোহ-বিজৃষ্টিত
 অসার বাক্য কখনই স্থান পাইবে না। পক্ষান্তরে গ্রন্থের শুভ উদ্দেশ্য
 কথঞ্চিৎ সফল হইলেও একটা চিরদিরঙ্গীকৃত সজ্জাতির মহান উপকার
 সাধিত হইতে পারে। নাপিত জাতি ভারতীয় আর্য্যজাতির একটা
 প্রধান শাখা। ইহাকে বাদ দিলে ভারতের ইতিহাসেরই অঙ্গ ভঙ্গ
 হইবে। ইতিহাস সমাজের তথা দেশের প্রাণ-স্বরূপ। যে সকল জাতির
 ইতিহাস নাই, তাহাদের হৃদয়, আত্মসম্মান এবং সার্বজনীন উন্নতিও নাই।
 মুখ ও মস্তকের কলঙ্ক ও জড়তাপনয়ন পূর্বক দেহের সৌন্দর্য্যবিধান
 করিতে যেমন দর্পণের আবশ্যক, জাতীয় ইতিহাসও সমাজ গঠন পক্ষে
 তাদৃশ কার্য্যকরী,—এই কারণেই গ্রন্থের অগ্র নাম “নাপিত-কুল-দর্পণ” রাখা
 হইল। ইহা দ্বারা নাপিত সমাজের এবং পাঠকবর্গের মধ্যে কাহার
 কোন উপকার সাধিত হইলে শ্রম সফল মনে করিব।

প্রকাশ থাকা আবশ্যক—এই ইতিহাস-বৃক্ষের প্রধান শাখা—বুদ্ধ-
 দেবের ধর্ম্মপ্রচার পদ্ধতি; এবং বাহার ঐশ্বর্য্য, বীরত্ব, অসীম সেনাবল ও
 অসাধারণ রণনৈপুণ্যের কাহিনী শুনিয়া, ইতিহাস-বিশ্রুত দিগ্বিজয়ী মহাবীর
 আলেকজান্ডার সিন্ধুনদ পার হইতে সাহস করেন নাই, ভারতের সেই
 একছত্র সম্রাট মৌর্য্য চন্দ্রগুপ্তের জীবনীর সহিত নাপিত সমাজের ইতিহাস
 ওতপ্রোত-ভাবে সম্বন্ধ। এইরূপ শাখা প্রশাখা, ও তাহাদের অধঃপতন
 এবং মীমাংসাদি বিবরণ লইয়া দ্বিতীয় খণ্ড সম্পূর্ণ হইবে। সংপ্রতি মূল
 কাণ্ড প্রকাশিত হইল। ইহাতে ভুল ভ্রান্তি ও ত্রুটি থাকাই স্বাভাবিক।

নানাকারে ইহার প্রফুল্লিও ভাল করিয়া দেখা হয় নাই। যদি কোন মহানুভব দয়া করিয়া গ্রন্থের ভ্রম প্রমাদ প্রদর্শন করিয়া দেন অথবা নাপিত জাতি সংক্রান্ত কোন নূতন তথ্য সংগ্রহ করিতে পারেন, তাহা হইলে তাহা সাদরে গ্রহণপূর্বক তাঁহার নিকট চিরকৃতজ্ঞতাপাশে বদ্ধ থাকিব। ইহাতে জাতিভেদ-পীড়িত ক্ষত-বিক্ষত সমাজে তুলনার সমালোচনা দ্বারা নাপিতজাতিকে “খুঁড়িয়ে বড়” করিয়া তুলিবার চেষ্টা করা হয় নাই। অপরকে খাটো করিয়া আপনাকে বড় করার নীতিতে লেখকের আদৌ বিশ্বাস ও শ্রদ্ধা নাই। সমাজের মস্তক ব্রাহ্মণ হইতে জন আচরণীয় ষাবতীয় জাতি লইয়া যে সমাজ, তাহার সহিত যে জাতি অবিচ্ছিন্ন-ভাবে জড়িত, এই গ্রন্থ সেই নাপিত জাতির যথাসম্ভব সম্পূর্ণ ইতিহাস সঙ্কলনের চেষ্টা এবং শাস্ত্রোক্ত তথ্য সমূহের বিচার মাত্র। তথাপি গ্রন্থকারের নামের দোষ বা গুণে অনেকস্থলে সমালোচনার দোষ গুণ ঘটিতে দেখা যায়, এজন্য গ্রন্থকারের নাম আপাততঃ প্রকাশিত হইল না। এবং সেই জন্মই নাপিতের বর্ণ-নির্ণয় করিয়াও পুস্তকের ১৬৯ পৃষ্ঠায় বন্ধনীর মধ্যে উহা রাখা হইল। সমালোচকগণ সানুগ্রহ খাঁটি কথা বলেন, ইহাই নীচ গ্রন্থকারের সনির্বন্ধ অনুরোধ।

এই পুস্তক সঙ্কলন ব্যাপারে প্রাচীন গ্রন্থাদি ছাড়াও, আধুনিক জাতি-তত্ত্ববিদ অনেক গ্রন্থকারের গ্রন্থসাহায্য লইয়াছি। তাঁহাদের নিকট চিরকৃতজ্ঞ রহিলাম। অভিন্নহৃদয় সুরেন্দ্রনাথের নামোল্লেখ না করিয়া থাকিতে পারিতেছি না। এই কার্যে তিনি আমার দক্ষিণ হস্তস্বরূপ ছিলেন। ভগবান তাঁহার মঙ্গল করুন। অলমতিবিস্তরেণ।

জনৈক নদীয়াবাসী।

কালকাতা, মাহ আশ্বিন

১৩২০ সাল।

সূচনা ।

প্রায় ৩ বৎসর হইল একদিন সন্ধ্যার সময় গঙ্গার ধারে বেড়াইতে গিয়াছিলাম । বাসায় ফিরিবার সময় হাওড়া পুলের অনতিদূরে দোখ ২৩টা লোক ছুটাছুটি করিতেছে । একটা বোতল হাতে করিয়া একজন আর একজনকে বলিতেছে “ব্রাহ্মণের প্রসাদ অমাত্য করিও না বাবা, সাম্নে গঙ্গা, তোমার কিছুতেই ভাল হইবে না ।” পেছন থেকে আর একজন বলিতেছে “যানে দেওনা খুড়া ঠাকুর, বেটা ছোট লোকের খোসামোদ করিয়া কি হইবে ; এস খুড়া ভাই-পো যেটুকু আছে, সাবাড় করে দিই” । ঠিক এই সময় একটি ২৫২৬ বৎসর বয়স্ক স্ত্রীলোক গঙ্গা স্নান করিয়া একাকী আর্দ্রবস্ত্রে ঘরে ফিরিতেছিল । আর যায় কোথা, মদের নেশায় বিভোর উক্ত খুড়া-ঠাকুর টলিতে টলিতে উক্ত স্ত্রীলোকটীকে ধরিবার জন্ত উদ্যত হইল । জনবহুল কলিকাতা মহানগরী ও হাওড়া পুলের সন্ধিস্থলে এই ঘটনা, বিশেষতঃ বিছাতের আলোকে ঐ স্থানটী রাত্রিকালেও দিনমানের স্তায় প্রভীয়মান হয় । সহসা অনেক লোক জড় হইল । ব্যাপার দেখিয়া স্থানীয় দোকান হইতে একটা লোক বলিয়া উঠিল “আরে ঠাকুর করো কি, করো কি ? ও যে ম্যাথরাণী, এইমাত্র ময়লা সাফ্ ক’রে স্নান করতে গিয়েছিল ! অমনি ঠাকুর “রান, রান” বলিয়া প্রতিনিবৃত্ত হইল । এই দৃশ্যে যুগপৎ মনে হর্ষ, বিস্ময় ও ক্ষোভের উদয় হইতে লাগিল । বাসায় আসিয়া দেখি ডাক পিয়ন কয়েকগানা চিঠি রাখিয়া গিয়াছে এবং সেই সঙ্গে একখানা পুরাণ ছাপান কাগজের টুকরাও কোথা হইতে আসিয়া পড়িয়া আছে । চিঠিগুলি পড়া শেষ হইলে অশ্রুমনস্ক-

ভাবে ঐ ছাপান কাগজের টুকরাটুকুও উঠাইয়া লইয়া পড়িতে লাগিলাম,
তাহাতে লিখিত রহিয়াছে—

আচম্বিতে পরাশর আইল সেই পথে ।
কৈবর্তকুমারী কণ্ঠা দেখিল নৌকাতে ॥
আনন্দিত অঙ্গ তার প্রথম যৌবন !
প্রমত্ত কোকিলস্বর জিনিয়া বচন ॥
তাহার লাবণ্য দেখি মোহ-প্রাপ্ত মুনি ।
জিজ্ঞাসিল কহ তুমি কাহার নন্দিনী ॥
কণ্ঠা বলে আমি দাসরাজার কুমারী ।
পিতামাতা নাম দিল মৎস্যগন্ধা করি ॥
মুনি বলে কণ্ঠা তুমি জগন্মোহিনী ।
আমারে ভজহ আমি পরাশর মুনি ॥
এত শুনি কণ্ঠা বলে জুড়ি দুই কর ।
কণ্ঠাজাতি প্রভু আমি নহি স্বতন্তর ॥
সহজে কৈবর্তকণ্ঠা হই নীচজাতি ।
অঙ্গেতে দুর্গন্ধ মগ দেখ মহামতি ॥
দুর্গন্ধেতে নিকটে না আইসে কোন জনে ।
আমারে পরশ মুনি করিবে কেমনে ॥
এত শুনি হাসিয়া কহেন পরাশর ।
আমি বর দিব কণ্ঠা নাহি কোন ডর ॥
মৎস্যের দুর্গন্ধ আছে তব কলেবরে ।
পদ্মগন্ধা হইবেক আমার এ বরে ॥
অনুভা আছহ তুমি প্রথম যৌবনে !
সদা এইরূপে থাক আমার বচনে ॥

ବଳିଳା ଆମାର ଜନ୍ମ ଟୈକବର୍ତ୍ତର ଘରେ ।
 ମହାରାଜ ବିବାହ କରିବେ ମମ ବରେ ॥
 ଏତେକ ବଚନ ଯଦି ମେ ମୁନି ବଳିଳ ।
 ପୂର୍ବଗନ୍ଧ ତ୍ୟଜି କନ୍ୟା ପଦ୍ମଗନ୍ଧା ହୈଳ ॥
 ଅତ୍ୟନ୍ତ ସୁନ୍ଦରୀ ହୈଳ ମୁନି-ରାଜ ବରେ ।
 ଆପନା ନେହାରି କନ୍ୟା ହରିଷ ଅନ୍ତରେ ॥
 ପୁନରପି କନ୍ୟା ବଳେ ଯୁଡ଼ି ହୈ କର ।
 ଧନ୍ତିତେ କାହାର ଶକ୍ତି ତୋମାର ଉତ୍ତର ॥
 ଯମୁନାର ହୈ ତଟେ ଆଛେ ଲୋକଜନ ।
 ଯମୁନାର ଜଳେ ଆଛେ ନୋକା ଅଗନନ ॥
 ଇହାର ଉପାୟ ଶ୍ରୁତୁ ଚିନ୍ତୁହ ଆପନି ।
 ଲୋକେତେ ଶ୍ରୀଚାର ଯେନ ନା ହୟ କାହିନୀ ॥
 ଶକୁପୁତ୍ର ପରାଶର ମହାତପୋଧନ ।
 ଆଜ୍ଞାର କୁଞ୍ଜାଟୀକା ମୁନି କରିଳ ସୃଜନ ।
 ଯମୁନାର ମଧ୍ୟେ ଦ୍ଵୀପ ହୈଳ ତଥନ ।
 ମଂଶ୍ରଗନ୍ଧା କନ୍ୟା ମୁନି କରିଳ ରମଣ ॥
 ମେହି କାଳେ ଗର୍ଭ ହୈଳ କନ୍ୟାର ଉଦରେ ।
 ବ୍ୟାସଦେବ ଜନ୍ମିଲେନ ବିଧ୍ୟାତ ସଂସାରେ ॥
 ଦ୍ଵୀପେ ଜନ୍ମ ହେତୁ ତାର ନାମ ଦୈପାୟନ ।
 ଚାରିଭାଗ ଟୈକଳ ବେଦ ବ୍ୟାସ ମେ କାରଣ ॥
 ଜନ୍ମମାତ୍ର ଜନନୀରେ ବଲେନ ବଚନ ।
 ଆଜ୍ଞା କର ମାତା ଆମି ଯାବ ତପୋବନ ॥
 ଯଥନ ତୋମାର କିଛି ହବେ ଶ୍ରୟୋଜନ ।
 ଆସିବ ତୋମାର ଠାଁହି କରିଲେ ଅରଣ ॥

জননীৰ আজ্ঞা পাইয়া গেল তপোবন ।

তোমাৰে কহিনু এই পূৰ্ব-বিবৰণ ॥

পাঠক বোধ হয় বুঝিতে পারিমাছেন যে, কাশীৰাম দাসের মহাভারতের ব্যাসদেবের জন্মবিবরণ হইতে উক্ত খণ্ডাংশটুকু কিরূপে ছিন্ন হইয়া উপেক্ষিত ভাবে ইতস্ততঃ ঘুরিয়া বেড়াইতেছিল। যাহা হউক উক্ত মৎস্যগন্ধার বিবরণপাঠান্তে আবার সেই মাতাল ও ম্যাথরাণীঘটিত বিষয় স্বতঃই আমার মনে উদ্ভিত হইতে লাগিল।

ক্রমশঃ মহামুনি পরাশর ও ধীবরকণ্ঠা মৎস্যগন্ধার সহিত পূৰ্বোক্ত মাতাল “খুড়োঠাকুর” ও সেই ম্যাথরাণীর চরিত্রের তুলনা আরম্ভ হইল। বিষয় কিনা পাপ-তাপ-জড়িত, দুৰ্ব্বীর-কলি-কলুষিত এই অধম যুগে একজন মাতাল ব্রাহ্মণ, “ম্যাথরাণী নাম শুনিয়াই ঘৃণাসহকারে নিজের পাপপ্রবৃত্তিকে দমন করিতে পারিল, আর সেই ধৰ্ম্মযুগে, সত্যবাদী, জিতেন্দ্রিয়, স্বাধ্যায়নিরত, মহাজপ-তপঃ-সম্পন্ন একজন পরম ব্রাহ্মণ নিজের কামপ্রবৃত্তিকে দমন করিতে পারিল না ; লজ্জা ও বিবেকের মাথায় পদাঘাত করতঃ মনুষ্যসমাজে ষথেষ্টা চারের পরাকাষ্ঠা প্রদর্শন করিল ! ইহা কি আশ্চর্য্যের বিষয় নহে, সেকালেও একালে কি এত প্রভেদ !! ক্রমশঃ এই রহস্যময় জটিলত্বের কারণানুসন্ধানে যতই বিব্রত হইতে লাগিলাম, ততই যেন বিশ্বয়ের মাত্রা উত্তরোত্তর বদ্ধিত হইতে লাগিল। কারণ আর খুঁজিয়া পাই না। এইরূপ চিন্তাতে অনেক রাত্রি অতিবাহিত হওয়ার পর একটু তন্দ্রা আসিলে, কে যেন সহসা বলিয়া দিল উহার প্রধান কারণ জাতিভেদ।

পূৰ্বকালে আৰ্য্যসমাজে জাতিভেদপ্রথা প্রচলিত ছিল না, ব্রাহ্মণেরাই সৰ্ব্বেসৰ্ব্বা ছিলেন। তাঁহারা বেদোক্ত ধৰ্ম্মপালনে ও পরমাৰ্থার ধ্যানে নিযুক্ত থাকিতেন, জীবহিংসা ছিল না, চন্দনে বিষ্ঠায় সমান জ্ঞানে

আত্মপরের মঙ্গল সাধন করিতেন। শাস্ত্র বলিতেছে “পুল্লার্থে ক্রিয়তে ভার্য্যা পুল্ল পিণ্ডপ্রয়োজনম্” এই জন্তু একটা পুল্লের দরকার। কিন্তু রোগ-শোক-পীড়িত সংসারে স্ত্রীপুল্লাদি লইয়া ঘর করা করিতে গেলে তপস্শ্রাদি নির্বাহ করা কঠিন হইত। এখনকার কালের মত জাতিভেদ প্রথা প্রচলিত থাকিলে হয়ত পরাশর মুনিকে ব্রাহ্মণসমাজে “একঘরে” হইয়া থাকিতে হইত। কিন্তু এ সব ঝগড়া তখন ছিল না, সূতরাং নীচ জাতীয়া, দুর্গন্ধময়ী ধীবর-কণ্ডার গর্ভে ব্যাসদেবের শ্রায় সর্বগুণাশ্রিত একটা পুল্লোৎপাদন করিয়া মহামুনি পরাশর ধর্ম বা সমাজবিরুদ্ধ কোন অশ্রায় অনুষ্ঠান করেন নাই। পরন্তু উদারতা, স্মদর্শিতা ও সমাজ-ধর্ম-রক্ষার একটা জলন্ত দৃষ্টান্ত দেখাইয়াছিলেন। আর ঐ কলির বামুন “খুড়োঠাকুর” মেথরাণীকে ছাড়িয়া দিল, কেবল জাতি যাওয়ার ভয়ে! উহার ধর্ম-কর্ম-জ্ঞান নাই, শুদ্ধাচারের কোন ধারণা ধারে না, বিশেষতঃ মা ভাল অবস্থাহেতু ভালমন্দ বিচার করিবার অবসরও তাহার ছিল না। তবুও সে দুস্প্রবৃত্তিকে দমন করিতে পারিল, কেন?—না জাতি যাওয়ার ভয় আছে, রাজদণ্ডের ভয়ও আছে। এখন আর বর্ণগুরু ব্রাহ্মণ বলিয়া নিস্তার পাইবার আশা নাই।

পাঠক এই সামান্য উদাহরণদ্বারা বর্তমান জাতিভেদের উপকারিতা ও অপকারিতা অনায়াসেই বুঝিতে পারিবেন।

আচ্ছা যখন জাতিভেদ ছিল না, ব্রাহ্মণ শূদ্রের কন্যা বিবাহ করিতে পারিতেন, শূদ্রও ব্রাহ্মণকন্যার পাণিপীড়ন করিতেন, তখন আবার বর্ণসঙ্কর কিরূপে উৎপন্ন হইল আর সেই বর্ণসঙ্কর দ্বিজসেবী শূদ্র বলিয়াই বা কেন পরিগণিত হইল; অধিকন্তু আমরা এই নাপিত জাতি চিরদিন বৈদিকক্রিয়াকর্ম্মে ব্রাহ্মণের সাহায্য করা স্বস্তেও বা কেন একরূপ হীনাবস্থায় পতিত হইলাম ইত্যাদি ব্যাপার অনুধাবন করিতে করিতে এই ক্ষুদ্র গ্রন্থ-রচনার সূচনা হইল—১৩১৬ সাল, ১৯০৯ খৃষ্টাব্দ।

উৎসর্গ

স্বর্গীয় পিতৃদেব,

জানিনা কোন সূত্রে আপনি “ভাগবত” নাম ধারণ করিয়াছিলেন। আর
আমার শ্রায় অকৃতি, অধম, ভাগাহীন সন্তানকে লালনপালন করতঃ

অবশেষে দুর্কার-সংসার-সাগরে ভাসাইয়া দিয়া নিজে

পরপারে গিয়া শান্তি-সুখ ভোগ করিতেছেন। ইহাই

কি ভাগবতের লীলা! অবোধ অর্কাচীন

সন্তানের জন্ম কষ্ট পাইয়াছিলেন সত্য,

কিন্তু তাই বলিয়া পিতা কি পুত্রের

আকার রক্ষা করিতে কখনও

কুণ্ঠিত হইবেন?

পর-পারে

থাকিলেও যে মাঝে

মাঝে স্নেহের ডুরীতে টান

লাগে! পিতঃ, ঐ স্বর্গীয় স্নেহের

আকর্ষণই যেন দীনহীন সন্তানকে সর্ববিধ

পাপতাপ হইতে রক্ষা করে। সেই ভরসাতেই

আমি আমার এই বাচালতাপূর্ণ ক্ষুদ্র “জাতিভেদ-বহস্য”

আপনার পবিত্র নামে উৎসর্গ করিলাম। অকিঞ্চনের আশা—

পিতা সন্তুষ্ট হইলে সকল দেবতাই সন্তুষ্ট হইবেন; যেহেতু—

পিতা সর্গঃ পিতা ধর্ম্যঃ পিতাহি পরমং তপঃ।

পিতরি প্রীতিমাপনে প্রীয়ন্তে সর্বদেবতাঃ ॥

সূচীপত্র

	পৃষ্ঠা
জাতি কাহাকে বলে	১
জাতিভেদ কি	২
ভগবানের অবতারের উদ্দেশ্য	৩
কৃষ্ণাবতারের প্রধান লক্ষ্য	৪
শ্রীকৃষ্ণ চাতুর্ভাগ্যের অকর্তা	৫
অজ্জুনের বিশ্বরূপ দর্শন	৭
অজ্জুনকে ভগবানের আদেশ	৮
শ্রীকৃষ্ণ কর্তৃক বর্ণভেদের উচ্ছেদ	১০
বুদ্ধদেব ও জাতিভেদ	১০
বর্ণভেদ ও জাতিভেদে পার্থক্য	১১
“জাতি-জিজ্ঞাসা”	১২
মনুসংহিতার পরিচয়	১৩
মনুর বিধানে মানবের সংখ্যা হ্রাস	১৫
হিন্দু মুসলমানের সংখ্যা	১৬
হিন্দু সংখ্যা হ্রাসের কারণ	১৭
বর্ণভেদ-সমালোচনা	১৮
গুণ-কর্ম-ভেদে বর্ণভেদ	২২
বিবিধ জাতির পরিচয়	২৬
হিন্দুসমাজের জাতি-সংখ্যা	২৮
‘গোড়ায় গলদ’	২৮
নাপিত জাতির বর্তমান অবস্থা	২৮
জাতীয় সংজ্ঞা	৩৫
নপাত	৩৭
গ্রামণী	৩৮

মুদ্রাঙ্কন	...	৪০
মহাপাত্র	...	৪০
বাৎসীসূত	...	৪০
নরসুন্দর	...	৪৪
নরসুন্দর শস্যার পরিচয়	...	৪৪
বঙ্গীয় নাপিতের সংখ্যা	...	৫১
নাপিত সমাজের শিক্ষিত ও অবস্থাপনের সংখ্যা	...	৫৬
হিন্দু শাস্ত্রের পরিচয়	...	৫৯
বিংশতি ধর্মশাস্ত্র	...	৫৯
মনুস্মৃতির প্রাধান্য	...	৬০
মনুর মতে ব্রাহ্মণাদির কন্য ও বিবিধ জাতির উৎপত্তি	...	৬০
ঐ শৃঙ্গের প্রতি ব্যবহার	...	৭০
নাপিতের উৎপত্তি রহস্য	...	৭৭
নাপিতের অন্ন ব্রাহ্মণের ভোজ্য	...	৭৯
নাপিতের দাশ উপাধির কারণ	...	৮১
„ সাক্ষ্য থগুন	...	১০৪
„ বিষয়ে মাননীয় রীতিলে সাহেব	...	১১৯
„ কর্ণকথা বা গৌর্বচন	...	১২৩
সাহিত্য-দূষণ	...	১২৭
সাহিত্য ও সমাজ	...	১৩৭
বৈদিক আভাষ	...	১৪০
নাপিত-বামুন	...	১৫২
অস্ত্রভৌবী ব্রাহ্মণ	...	১৯০
নাপিতের বর্ণ নির্ণয়	...	১৯১

ওঁ তৎ সবিভূ

हिन्दुमतेन साक्षेण सत्यापिहितं मुखम् ।

तत् तत् पुरुषपरान् सत्यधर्मान् दृष्टये ॥

जातिभेद-बहस्य

प्रथम भाग

प्रथम अध्याय

जातिभेदोंर निदान ओ ताहार परिणाम ओर अवतार-रूप

विश्व-निम्नतार अपार करुणाय, विचित्र विधाने ओ दुर्लभा नियमे
श्रावर-जडमात्रक ओ विशाल ब्रह्माण्डे नानाविध प्राणीर सृष्टि हईयाछे ।
आकृति ओ प्रकृति अनुसारे ओ सकल प्राणी आवार विभिन्न नामे
अभिहित हईया थाके । ओरूपे प्रत्येक विभिन्न प्राणी-समष्टि, एक
एकटा "जाति" नामेर विषयीभूत हईयाछे । मानुष ओ प्राणीर
राज्ये, श्रेष्ठ स्थान अधिकार करियाछे । देश-काल-भेदे ओर जल
वायुर उर्कष वा अपकर्षानुसारे ओर प्राणी विभिन्न आकार ओ स्वभाव
प्राप्त हईया थाके । ओर कारणे ओर मानुष इंग्लण्डे वा आफ्रिकार
मरुमय देशे जन्मिले येरूप आकार ओ प्रकृति प्राप्त हय, आमार्दर
वाङ्गाला देशे जन्मिले सेरूप आकार ओ स्वभाव-युक्त हय ना । आकारे
सादृश थारकिलेओ प्रकृतिर अर्थाँ स्वभावेर पार्थक्य थारकिलेओ । ओरजगु
धरि बलिलेन—“आकृति-प्रकृति-ग्राहाः जातिरिति न संशयः” । वास्तविक

আকার এবং প্রকৃতিগত এই পার্থক্যই, জগতের এই বিশাল মনুষ্য সমাজকে নানাবিধ জাতিতে বিভক্ত করিয়াছে । ইংরাজিতে এইরূপে বিভক্ত মনুষ্য সম্প্রদায়কে এক একটি Nation (নেসন্) অর্থাৎ জাতি বলে যথা—ইংরাজ, জার্মান, রুসিয়ান, পাঞ্জাবী, বাঙ্গালী, নেপালি প্রভৃতি । এইরূপে বিভক্ত নেসন্ বা জাতি আবার আমাদের দেশে নানাবিধ ক্ষুদ্র ক্ষুদ্র অংশে বিভক্ত হইয়া হিন্দু সমাজের নেতাগণের অপূর্ব বিধানে “জাতিভেদ” (Division of Nation) নামে পরিচিত হইয়াছে, ইহারই অপর নাম Caste system বা জাতিভেদ প্রথা । পরিণামে একই বাঙ্গালী জাতি গোপ, নাপিত, তিলি, তাম্বুলি, ব্রাহ্মণ, কায়স্থ, মালকর, কর্মকার প্রভৃতি বিভিন্ন সম্প্রদায়ে বিভক্ত হইয়া অধুনা এক একটি স্বতন্ত্র “জাতি” নামে কথিত হইতেছে । অতএব অধুনাতন হিন্দু সমাজের, এই জাতিভেদ—“আকৃতি প্রকৃতি গ্রাহ্যঃ” নহে— অর্থাৎ ঈশ্বর-কৃত নহে । এই রহস্য ভেদ করিতেই এই “জাতিভেদ রহস্যের”— সৃষ্টি ।

আমরা হিন্দু—স্বভাবতঃই অদৃষ্টবাদী, শাস্ত্র ও ঈশ্বরে বিশ্বাসী । বর্তমান যুগে সর্ব উপনিষদের সার শ্রীমদ্ভাগবৎগীতা আমাদের সাংসারিক ও আধ্যাত্মিক সকল বিষয়েই প্রধান অবলম্বন স্বরূপ দাঁড়াইয়াছে । এই গীতা অবলম্বন করিয়াই জাতি-রহস্য ভেদ করিবার চেষ্টা করা যাউক । ভগবান শ্রীকৃষ্ণ এই গীতায় স্বয়ং বলিয়াছেন—

যদা যদা হি ধর্মশ্চ গ্লানির্ভবতি ভারত ।

অভ্যুত্থানমধর্মশ্চ তদাত্মানম্ সৃজাম্যহং ॥

অর্থাৎ জগতে যখনই ধর্মের গ্লানি উপস্থিত হয় এবং অধর্মের প্রাচুর্য্য ভয় তখনই তিনি নিজেকে সৃষ্টি করেন অর্থাৎ অতবার গ্রহণ করেন । সাধারণের সুবিধার্থ আরও পরিষ্কার করিয়া বলিলেন—

পরিভ্রাণায় সাধুনাং বিনাশায় চ হৃষ্টতাম্ ।

ধর্মসংস্থাপনার্থায় সন্তুভামি যুগে যুগে ।

অর্থ—জগতের সাধুগণের রক্ষা ও পাপীগণের বিনাশ এবং ধর্মের প্রতিষ্ঠা বা ধর্মরাজ্য স্থাপনের জন্তু যুগে যুগে অবতার গ্রহণ করিয়া থাকি ।

এইরূপেই আগাদের হিন্দু শাস্ত্রে দশাবতারের বিষয় বর্ণিত হইয়াছে !

যথা—

মৎস্যঃ কুর্মঃ বরাহশ্চ নৃসিংহ বামনস্তথা ।

রামো রামশ্চ রামশ্চ বুদ্ধঃ কঙ্কী চতে দশঃ ॥

মৎস্য, কুর্ম, বরাহ, নরসিংহ, বামন, পরশুরাম, শ্রীরাম, বলরাম, বুদ্ধ ও কঙ্কী এই দশ অবতার । এতন্মধ্যে নৃসিংহ, বামন, পরশুরাম, শ্রীরাম ও বলরাম-রূপে তিনি যথাক্রমে হিরণ্যকশিপু, বলী, কার্ত্তবীৰ্য্যার্জুন, রাবণ ও প্রলম্বাদি অসুরগণকে বিনাশ করিয়া বসুমতীর পাপভারের লাঘব করিয়াছিলেন । কিন্তু বুদ্ধাবতার গ্রহণের প্রত্যক্ষ কোন কারণ দেখা যায় না । আবার উল্লিখিত শ্লোকে ভগবান শ্রীকৃষ্ণের নামগন্ধও নাই ! শ্রীমদ্ভাগবতের মতে “এতে চাংশঃ কলাঃ পুংসঃ কৃষ্ণস্ত ভগবান্ স্বয়ং” অর্থাৎ উপরে যে সকল অবতারের নাম করা হইয়াছে, তাঁহারা পূর্ণাবতার নহেন—অংশ বা কলা মাত্র । কিন্তু শ্রীকৃষ্ণই পূর্ণ অবতার এবং স্বয়ং ভগবান । যে যে কারণে উল্লিখিত অংশাবতারগণ অবতীর্ণ হইয়াছিলেন, তদপেক্ষাও কোন গুরুতর কারণ না ঘটিলে আর স্বয়ং ভগবান পূর্ণব্রহ্মের আবির্ভাব হয় নাই—ইহা সহজেই অনুমেয় । যিনি পূর্ণব্রহ্ম সনাতন, ঐহ্যার ইচ্ছায় সৃষ্টি, স্থিতি, লয়, মুহূর্ত্ত মধ্যে সম্ভব, তাঁহাকে কোন্ অপরিহার্য কারণে ক্ষত্রিয়ের গর্ভে যন্ত্রণা ভোগ করিয়া, গোপনে ‘গোয়ালার ভাতে পুষ্ট’ হইয়া কৃষ্ণ নাম ধারণ করিতে হইল ! জগতের সাধুগণের প্রতি কে বা কাহারো তখন অত্যাচার, উৎপীড়ন আরম্ভ করিয়াছিল ? কোন্ পাপীর বিনাশ সাধন তখন ভগবানের

অবশ্যকর্তব্য হইয়া পড়িয়াছিল ? গৌণ কারণ অনেক থাকিতে পারে, কিন্তু মুখ্য কারণ ত আমরা দেখিতেছি ক্ষত্রিয়-বিনাশ ! শ্রীকৃষ্ণ চরিত্র বিশ্লেষণ করিলে স্পষ্টই প্রতীয়মান হইবে, যে পরশুরাম একবিংশতি বার ক্ষত্রবংশ ধ্বংস করিলেও যাহারা কোনরূপে বাঁচিয়া গিয়াছিল এবং আবার বংশবিস্তার করিয়া সনাতন বৈদিক ধর্মের বিলম্বরূপ হইয়া উঠিয়াছিল, সেই ক্ষত্রকুল নিস্কূল করিবার জগুই কৃষ্ণাবতারের মুখ্য উদ্দেশ্য হইয়াছিল । তাই ভারতের বিভিন্ন জনপদ হইতে কুরু-ক্ষেত্রসমরে অষ্টাদশ অক্ষৌহিণী ক্ষত্রিয়ের আনয়ন ও নিধন এবং কিছুকাল পরে আবার স্বকীয় যজুঃবংশের ছাপান্নকোটি ক্ষত্রিয়ের বিনাশ-সাধন ! সে আবার কিরূপ বিনাশ ? আত্ম-পর ভেদ নাই, লঘু গুরু মানা নাই । “বিনাশ, বিনাশ” করিয়াই যেন কৃষ্ণাবতারের অবসান হইয়াছে । এই সকল নিহত ক্ষত্রিয়ই কি তখনকার কালের ব্রাহ্মণ, ক্ষত্রিয়, বৈশ্য, শূদ্র এই চাতুর্কর্ণ্যের ভিত্তিস্বরূপ ছিল না ? ভারতের ব্রাহ্মণ ত চিরদিনই ক্ষত্রিয়ের মাথায় কাঁটাল ভাঙ্গিয়া জীবিকা নির্বাহ করিতেন । সুতরাং চতুস্পদ হিন্দু-সমাজের প্রধান দুই পদ ব্রাহ্মণ ও ক্ষত্রিয়ের পতন হইলে, আপনিই আবার নবভাবে নূতন সমাজ গঠিত হইয়া পুনরায় বৈদিক ধর্মের সংস্থাপন হইবে—ইহাই কি তাঁহার লক্ষ্য ছিল না ? ভণ্ড, পাষণ্ড, ছুরন্ত, পাপাআগণের বিনাশই যদি তাঁহার অবতারের উদ্দেশ্য হয়, তবে ত কৃষ্ণাবতারে তিনি ক্ষত্রিয়-বিনাশ করিতেই অবতীর্ণ হইয়াছিলেন । বৃন্দাবনের রাধার ভাব ত গীতার মধ্যে পাই না । পক্ষান্তরে ক্ষত্রিয়-বিনাশ করা, আর চাতুর্কর্ণ্যের ধ্বংস করা একই কথা । কারণ দেশের রাজার জাতি বিনষ্ট হইলে, নিগৃহীত, নিরাশ্রয় প্রজাগণ, ধন-মান-প্রাণ রক্ষাকারী, পরনোপকারীর চরণে আত্ম-সমর্পণ করিয়া, তাঁহাকেই হৃদি-সিংহাসনে বসাইয়া পূজা করিয়া থাকে । সুতরাং প্রাচীন বর্ণাশ্রম ব্যাভিচার ধ্বংস করাই যেন শ্রীকৃষ্ণলীলার গূঢ় উদ্দেশ্য । কি ভয়াবহ ঘটনা,

কি ভীষণ দৃশ্য ! কি শোচনীয় পরিণাম ! ভাবিতেও কষ্ট হয় । কোথায় জার্মান যুদ্ধের ভীষণতা ! তুলনায় সমালোচনা করিলে ভগবান শ্রীকৃষ্ণের নেতৃত্বে এই ভারতে যে ধ্বংস-লীলার তাণ্ডব নৃত্য এককালে চলিয়াছিল, প্রাচ্য বা পাশ্চাত্য দেশের কোন যুদ্ধাপেক্ষা প্রাণবিনাশ বিষয়ে, তাহা কোন অংশে নূন নহে । নূনাধিক বিংশতি বৎসরের মধ্যে কুরুক্ষেত্রে অষ্টাদশ অক্ষৌহিনী আর প্রভাসতীরে ছাপ্পান্ন কোটি ! পাঠক, একবার ভাবুন দেখি—কোন জার্মান, কোন ইংরাজ বা কোন অসভ্য বুয়র পিতামহ, শিক্ষাগুরু দ্বারা প্রভৃতি আত্মীয় স্বজনের বক্ষে জ্ঞানপূর্বক অস্ত্রঘাত বা বাণাঘাত করিয়া তাঁহাদের প্রাণপাত করিয়াছে ? এই যুদ্ধোপলক্ষে অর্জুন তাঁহাকে বর্ণভেদ বা চাতুর্ক্য সৃষ্টির উদ্দেশ্য বিষয়ে প্রশ্ন করিলে, তিনি স্পষ্টই বলিয়াছিলেন—

ময়াসৃষ্টং চাতুর্ক্যং গুণ-কর্ম্মবিভাগশঃ,

তস্মকর্ত্তারমপি মাং বিদ্ব্য কর্ত্তারমবায়ম্ ॥

আমার সৃষ্ট যে চাতুর্ক্য, তাহা গুণ কর্ম্মের বিভাগানুসারে হইয়া থাকে । উহার কর্ত্তাও আমি আবার অকর্ত্তাও বটে । কারণ আমি “অব্যয়” সূত্রাং আমার কোন আসক্তি থাকিতে পারে না ।

জন্ম লাভের পর মনুষ্য আপনাপন গুণ ও কর্ম্মানুসারে আপনা হইতেই চারিভাগে বিভক্ত হইয়া পড়ে সূত্রাং ভগবান চাতুর্ক্যের কর্ত্তা হইয়াও অকর্ত্তা । স্বার্থপর স্বেচ্ছাচারী মানুষের নিষ্ঠুর বিধানের সহিত ভগবানের কোন সংশ্রবই থাকিতে পারে না ।

মহাবীর অর্জুন তখনও মোহাচ্ছন্ন । পিতামহ ভীষ্ম, যিনি পরের জন্ত যথাসর্ব্বস্ব ত্যাগ করিয়া অপত্যনির্বিশেষে তাহাকে লালন পালন করিয়া ছিলেন, যাহার বক্ষে উঠিয়া অর্জুন শৈশবে কতবার “দাদামশায়”, “দাদামশায়” বলিয়া সম্ভাষণ করিয়া পরমানন্দ উপভোগ করিয়াছিলেন,

যাঁহার নীতি কথা তখনও অর্জুনের হৃদয়ে গাঁথা রহিয়াছে, সেই পুরুষ, অতিবৃদ্ধ, পিতামহের শ্বেতশ্মশ্রু-বিলম্বিত-বিশাল-বক্ষে, আজ প্রাণঘাতী বাণ মারিতে হইবে! আর ঐ বৃদ্ধ ব্রাহ্মণ—অঙ্গ-গুরু দ্রোণাচার্য্য, যাঁহার প্রসাদে ও শিক্ষাগুণে আজ অর্জুন জগতে অজেয়, অদ্বিতীয় মহাবীর, যিনি নিজের পুত্রাপেক্ষাও তাঁহাকে অধিক স্নেহ ও শিক্ষাদান করিয়াছিলেন, আজ সেই শিক্ষাগুরু বৃদ্ধব্রাহ্মণের প্রাণ বিনাশ করিয়া ক্ষত্রধর্মের বিজয় বৈজয়ন্তী উড়াইতে হইবে! অগ্ন্যাগ্নি আত্মীয় স্বজন ও সমাগত যোদ্ধগণের ত কথাই নাই। আজ কুরুক্ষেত্রের মহা প্রান্তর এক বিশাল জনসমুদ্রে পরিণত হইয়াছে। কিছুকাল মধ্যেই এই জন-সমুদ্র এক ভীষণ শোণিত-সাগরের সৃষ্টি করবে। ভারতের-রাজধানী হস্তিনা ও ইন্দ্রপ্রস্থ হস্ত এক মহাশ্মশানে পরিণত হইবে। শকুনি, গৃধনৌ শৃগাল, কুকুরের বিকট রবে আর কিছুক্ষণ পরে সমরক্ষেত্রে তিষ্ঠান দায় হইবে। পক্ষান্তরে মৃত বোদ্ধবর্গের আত্মীয় স্বজন,—শিশুপুত্র, স্ত্রী, কন্যা, বৃদ্ধা মাতা, বিধবা ভগিনী প্রভৃতির ক্রন্দন, শোক ও দুর্দশায় দেশের অবস্থা কি শোচনীয় হইবে—তাহা চিন্তা করিয়া মহাবীর অর্জুন সতসা গাণ্ডীব ছাড়িয়া শোকাভিভূত হইয়া বসিয়া পড়িলেন। কিন্তু ক্ষত্রিয় কুলের আভিজাত্যগোরব তখনও অর্জুনের ছিল। তাই কৃষ্ণ বলিলেন “স্বধর্ম্মে নিধনং শ্রেয়ঃ”! উদ্দেশ্য—যুদ্ধ করিতে আসিয়াছ অতএব বর্ণাশ্রম ধর্ম্মের মর্যাদা রক্ষা করিতেও ত তুমি বাধ্য। যুদ্ধ তোমাদের বর্ণধর্ম্ম আর যুদ্ধে জীবের নাশই হইয়া থাকে। আত্মীয় হউন, পর হউন, শত্রু হউন আর মিত্র হউন. যুদ্ধে আহৃত হইলে অস্ত্রধারণপূর্ব্বক যুদ্ধ করাই ক্ষত্রিয়ের ধর্ম্ম। অতএব হে অর্জুন, তোমার কুলধর্ম্ম রক্ষা করাও তোমার একান্ত কর্তব্য।*

* স্বধর্ম্মমপি চাবেক্ষ্য ন বিকম্পিতুমর্হসি ।

ধর্ম্ম্যাক্ষি যুদ্ধাচ্ছে যোঃশ্চৎ ক্ষত্রিয়শ্চ ন বিদ্যতে ॥ (গীতা ২য় ৩১ শ্লোক)

অর্জুন কিংকর্তব্য-বিমুঢ় হইলেন। তখন ভগবান তাঁহাকে বিশ্বরূপ দর্শন করাইলেন, তাহাতে অর্জুন দেখিলেন,—মাত্র ভারতবর্ষই সমাগরা ধরা নহে, আর শ্রীকৃষ্ণকে চাতুর্ক্যের কর্তা ধরিলে, তাহাকে বিশ্বনিয়ন্তা ভগবান বলা যায় না। কারণ পৃথিবীর প্রায় ১৫ আনা অংশে বর্ণাশ্রম বিধান নাই, তবুও সেখানে প্রকৃত ব্রাহ্মণের অভাব নাই। আবার ভারতবর্ষে বর্ণাশ্রমের সুদৃঢ় প্রাচীর থাকা সত্ত্বেও কোথাও বা অনাচার, কোথাও বা ব্যভিচার, আর কোথাও বা অবিচারের অভিনয় অবিশ্রান্তভাবে চলিতেছে। শাস্ত্রের বিধান শাস্ত্রেই আছে, কিন্তু শাস্ত্র-কর্তা ব্রাহ্মণ না করিতেছেন এমন কর্মই নাই। জগতের অগ্রাণু সম্প্রদায়-ভুক্ত লোকের একটা না একটা কর্ম নিদিষ্ট আছে, কিন্তু “ঘটকর্ম্মা” ব্রাহ্মণ বিয়াল্লিশ কর্ম্ম হইয়াও তৃপ্তিলাভ করিতে পারিতেছেন না। আর দেখিলেন কৌট, পতঙ্গ, পশু, পক্ষী, মনুষ্যাদি জীব যাহারা পূর্বে অর্জুনের প্রভাসীভূত ছিল, তাহা ছাড়াও অসংখ্য রকমের জীব, অসংখ্য রকমের পুষ্প ও ফল এবং বিভিন্ন রঙের, বিভিন্ন আকারের মানুষও ভগবানের মুখগহ্বরে রহিয়াছে। কুমারিকা অন্তরীপ হইতে আরম্ভ করিয়া বেরিং প্রণালী পর্য্যন্ত গ্রীস, ইজিপ্ট, মিশর, বাবিলোনিয়া, পাটাগিয়া, উত্তর মেরু, দক্ষিণ মেরু, মেক্সিকো, মাদাগাস্কার, ক্যান্সোডিয়া, বেলজীয়াম, চীন তাতার, কামস্কাটকা প্রভৃতি কত দেশ, কত নগর, কত লোহালকড় বোমা পটকার কারখানা ও বিরাট যুদ্ধের উপকরণ সেই মুখগহ্বরে বিরাজমান।

আর ককেসিয়ান্, মঙ্গোলিয়ান্ প্রভৃতি জাতির বংশধরগণ, এমন কি যিশুখ্রীষ্ট ও মহম্মদের পূর্বপুরুষগণও সেই মুখগহ্বরে বসবাস করিতেছেন। আবার দেখিলেন, কোন কোন দেশের মানুষের দেহ তখনও পূর্ণতা-প্রাপ্ত হয় নাই। কোথাও বা নর-বানর অথবা শ্লক্ষ (ভালুক) ও মানুষ একই গুহায় বাস করিতেছে। কাপড়ের ব্যবহার ত নাইই, একটু আঙুল

জালিবার জন্ত কত রকমের চেষ্টাই তাহারা করিতেছে । আবার ভারতের ঋষিগণের অনুরূপ ঋষিও অন্য দেশে দেখা যাইতেছে । আরও কত নদ, নদী, পর্বত, সাগর, উপসাগর, মহাসাগর, দ্বীপ, উপদ্বীপ সেই মুখগহ্বরে বিগমান থাকিয়া বিশ্বপতির অপার মহিমা, অনন্ত শক্তি ও বৈচিত্র্যপূর্ণ বিধানের পরাকাষ্ঠা প্রদর্শন করিতেছে, তাহার ইয়ত্তা নাই ।

ইহাই ত অর্জুনের বিশ্বরূপ দর্শন ।

বাস্তবিক অর্জুনের সন্দেহ ও সঙ্কীর্ণতা দূরীকরণার্থই শ্রীকৃষ্ণ তাহাকে বিশ্বরূপ দেখাইয়াছিলেন । ইহার পরও যখন অর্জুন অস্ত্রধারণ করিতে ইতস্ততঃ করিয়াছিলেন, তখন ভগবান শ্রীকৃষ্ণ তাঁহাকে উপদেশ দিলেন—

“মস্মি সর্কানি কস্ম্যণি সংনাস্ত্রাণ্যাত্চেতসা ।

নিরাশীনির্ম্মনো ভূত্বা যুদ্ধস্য বিগতজ্বরঃ ॥

“হে অর্জুন, তুমি আমার স্কন্ধে সনস্ত কস্মের ভারার্পণ করিয়া নিরাশী এবং নির্ম্মম হইয়া স্তম্ভ-চিত্তে যুদ্ধ কর” । যেহেতু আমি তোমার ঐ সকল আত্মীয় ও জাতিভাইগণকে পূর্ব হইতেই বিনষ্ট করিয়া রাখিয়াছি—তুমি উপলক্ষ মাত্র । যে দিন তোমার সহধর্ম্মিণী, লক্ষ্মী-স্বরূপিণী, পরমা সতী দ্রৌপদীকে রাজাস্তম্ভপুর হইতে ছরাআরা বলপূর্ব্বক কেশাকর্ষণ করিয়া প্রকাশ্য রাজদরবারে তাঁহাকে আনয়ন করিয়াছিল, সে দৃশ্য কি ভুলিয়া গেলে ? ভীষ্ম, দ্রোণ, কর্ণ প্রভৃতি মহাজ্ঞানী মহারথীগণ কি তথায় উপস্থিত ছিলেন না ? তাঁহাদের বিবেক ও বীরত্ব কি তখন লোপ পাইয়াছিল ? আমি রক্ষা না করিলে, তাহারা ত সেই নিরাশ্রয়া, অগম্যা, রাজকুলবধু, পরামাত্মীয়াকে সভামধ্যেই বিবস্ত্রা করিয়া ফেলিত ! মনে নাই কি, সম্রাট দুর্যোধনের সেই রাজসভায় তোমাদের স্ত্রায় মহাবীর, উচ্চবংশ-সন্তৃত পঞ্চ-স্বামীর সম্মুখেই দ্রৌপদীকে, পাপাচার সেই বিপুল স্মৃগঠিত উরুদেশ দেখাইয়া পাশব প্রবৃত্তির চূড়ান্ত নিদর্শন প্রদর্শন ! মানবের এমন শোচনীয় অধঃপতন

কখনও, কোন দেশে হইয়াছে, অর্জুন ? সখে, সমস্ত পাপের দণ্ড বিধান মনুষ্য দ্বারা এই জগতেই হইতে পারে ; কিন্তু হুরাআ কপটীর সমুচিত দণ্ড মানুষে দিতে পারে না । কপটতার দণ্ড একমাত্র বিনাশ ।

এইবার “দ্রোপদীর বেণী বাঁধা পণ” অর্জুনের মনে পড়িল । আত্মীয়-স্বজনের বিনাশ অর্থাৎ যুদ্ধও আরম্ভ হইল ।

এইখানেই যবনিকার শেষ নহে । কুরুক্ষেত্রে অষ্টাদশ অক্ষৌহিনী বিনাশ করিয়া আবার স্বকীয় ষড় বংশেরও ছাপ্পন্ন কোটি ক্ষত্রিয়ের বিনাশ সাধন পূর্বক তাঁহার কৃষ্ণলীলার অবসান করিলেন । শেষোক্ত এই ব্যাপারে আবার অর্জুন তাঁহাকে নিবারণ করিতে গেলে, ভগবান শ্রীমুখে যে উত্তর দিয়াছিলেন, কবির ভাষায় তাহা এই—

কেমনে নিবাবি, হে অর্জুন !

নহি যাদবেয়, আমি,

জগতের স্বামী ! (নবীন সেন)

আবার বর্ণগত ক্ষত্রিয়ত্ব ও আভিজাত্য যে কিছুই নয়, জগতে তাহার জলন্ত দৃষ্টান্ত রাখিবার জন্ত ভগবান তাঁহার লীলাবসানের অব্যবহিতপূর্বে, এক নগণ্য, অসভ্য, অস্পৃশ্য, অরণ্যবাসী, বন্য-পশুর মাংসজীবী ব্যাধের দ্বারা গাণ্ডীবধারী, দিগ্বিজয়ী ক্ষত্রবীর অর্জুনকে পরাস্ত করাইয়া, সেই ব্যাধের শরে বিদ্ধ হইয়া নগ্নর দেহ ত্যাগ করিয়াছিলেন । যিনি কত আপদে, কত বিপদে পাণ্ডবগণকে রক্ষা করিয়াছিলেন, যিনি একাদিক্রমে অষ্টাদশ দিবস অর্জুনের রথে সারথ্য করিয়া, হুরস্তু, দুর্জয় বিপক্ষদলের সমূহ চেষ্টা ব্যর্থ করিয়া অর্জুনের প্রাণ রক্ষা করিয়াছিলেন, অর্জুন সেই পরম সখার প্রাণ-রক্ষার্থ আহুত হইয়াও কিছুই করিতে পারিলেন না । ব্যাধের তীর-ধনুকের দ্বারা মহাবীরের গাণ্ডীব পরাস্ত হইল । কোথায় রইল আভিজাত্য গৌরব ! আর কোথায় রইল ক্ষত্রিয়ের বীরত্ব ও রণকৌশল !

অতএব জগদবাসীর সুখশান্তি বিধানার্থ এবং ধর্মরাজ্য-সংস্থাপন-জনা ক্ষত্রিয় বিনাশ তথা বর্ণ-ভেদ-উচ্ছেদ করাই কৃষ্ণাবতারের প্রধান লক্ষ্য ছিল । এই জন্যই তিনি বৃন্দাবনে “গোয়ালার ভাতে পুষ্ট হইয়া কৃষ্ণ” নাম ধারণ পূর্বক জাতিবর্ণ-নির্কিশেষে রাখালের বেশে, আপামর সাধারণের সঙ্গে মেলা মেশা করিয়া প্রেমের বন্ধনে সকলকে বাঁধিয়া গিয়াছিলেন । কেমন করিয়া মানবধর্ম পালন করিতে হয়, তাহাও স্বয়ং জগদবাসীকে দেখাইয়া ও শিখাইয়া গিয়াছেন ।

এইরূপে ভগবান শ্রীকৃষ্ণের প্রসাদে প্রাচীন বর্ণভেদ ভাঙ্গিয়া মানবের গুণকর্মের বিভাগানুসারে তথাকথিত জাতিভেদ প্রতিষ্ঠিত হইলে, ভারতে কিছুদিন শান্তিস্থাপন হইয়াছিল, কিন্তু প্রাচীন ইতিহাসাদি পাঠে বুঝা যায় যে বর্ণাশ্রম-পুষ্ট ব্রাহ্মণ্য ধর্মের সহিত, শ্রীকৃষ্ণ-প্রবর্তিত বৈষ্ণব-ধর্মের বিরোধ বশতঃ গৌতম বুদ্ধের আবির্ভাবের পূর্বে আবার এক ভীষণ অনর্থের সৃষ্টি হইয়া ছিল । প্রাগৈতিহাসিক যুগে ভারতের সামাজিক অবস্থা ঠিক কিরূপ ছিল, বুঝিবার উপায় নাই । তবে ইহা সর্বদা দাঁসমত যে যুগাবতারগণের অন্তর্দ্বন্দ্বের পর হইতেই তাঁহাদের প্রবর্তিত ধর্ম ও সমাজনীতি শিথিল হইতে আরম্ভ হয় । মোটামোটা ৪০০।৫০০ বৎসরের অধিক কোন অবতারের প্রবর্তিত ধর্ম বা রীতিনীতি জগতে সমভাবে টিকিতে পারে নাই । ভগবান শ্রীকৃষ্ণের প্রবর্তিত ধর্মের অবস্থাও সেইরূপ হইয়াছিল । ফলে ভারতে আবার স্বজাতি-হিংসা, সমাজ-সংঘর্ষ, রাজ-বিদ্রোহ ও প্রাণীহত্যার তাণ্ডব-লীলা আরম্ভ হইয়াছিল । সেই জন্যই “অহিংসা পরম ধর্মের” গুরু হইয়া বুদ্ধদেবকে অবতীর্ণ হইতে হইয়াছিল । নৈলে কুরুক্ষেত্র যুদ্ধের পর যত্নকুলধ্বংস হইলে পৃথিবীতে এমন কোন দুর্দান্ত দানব, মানব বা রাক্ষসাদির প্রাদুর্ভাব হইয়াছিল যে তাহাদের অত্যাচার হইতে জগদবাসীকে রক্ষা করিবার জন্য বুদ্ধরূপে আবার তাঁহাকে ধরাধামে আসিতে হইয়াছিল ?

মুসলমানদের রাজত্বকালে ভারতে নানাবিধ অত্যাচার হইয়াছিল বটে, কিন্তু সেও বুদ্ধদেবের আবির্ভাবের বহুকাল পরে । তবে তাঁহার এই অবতারের উদ্দেশ্য কি ? আছে, উদ্দেশ্য আছে, বিনা উদ্দেশ্যে সেই সর্বাত্ম্যামী ভগবান্ কোন কার্যাই করেন না । কুরুক্ষেত্র যুদ্ধের পরই এক প্রবল শত্রুর জন্ম হইয়াছিল । খুব সাবধানে সন্মোচনে সে নিজের দেহ পুষ্ট করিয়াছিল, এবং ভারতের প্রত্যেক প্রদেশ তন্ন তন্ন করিয়া ঘুরিয়া শেষে সর্বত্র একাধিপত্য সংস্থাপন করিয়াছিল । মানবের এমন মহাশত্রু বোধ হয় কংস, রাবণাদিও ছিলেন না । তাহার অব্যর্থ সন্ধান, মহাবীর অর্জুন বর্তমান থাকিলেও সে তীক্ষ্ণর সহ্য করিতে পারিতেন কিনা সন্দেহ । কারণ এ শত্রু লোকচক্ষুর অগোচর, তাহাকে কেহ দেখিতে পারি না ; সে অদৃশ্য থাকিয়া মানুষকে কবলিত করে । ইহার নাম বর্ণাশ্রমব্যভিচার বা বংশগত জাতিভেদ ।

প্রাচীন বর্ণভেদ ভাঙ্গিয়াই বর্তমান জাতিভেদের সৃষ্টি হইয়াছিল । এই-জন্তই ইহার নাম বর্ণভেদ । বর্ণভেদ শ্বেত, লোহিত, পীত ও কৃষ্ণ এই ৪ বর্ণগত ছিল,

যথা—

ব্রাহ্মণানাম্ শ্বেতোবর্ণঃ শূদ্রাণামসিত স্তথা ।

বৈশ্যানাম্ পীতকোবর্ণঃ ক্ষত্রিয়ান্ত লোহিতঃ ॥

জাতিভেদ বংশগত হইয়াছে ।

অতি প্রাচীনকালে বর্ণ ও জাতি আদৌ একার্থ বোধিক ছিল না । শ্বেত, লোহিত, পীত ও কৃষ্ণ বর্ণে যথাক্রমে ব্রাহ্মণ, ক্ষত্রিয়, বৈশ্য ও শূদ্র এই চারি শ্রেণীতে অধ্যাসমাজ গঠিত ছিল । ব্রাহ্মণ সমাজের হর্তা কর্তা হইলেও গুণের আদর ছিল । গুণ ও কর্মানুসারে লোকের উন্নতি ও অবনতি ঘটিত । এখন যেমন ৪টা ক্লাসযুক্ত কোন বিদ্যালয়ের ছাত্রদের পরীক্ষা গ্রহণ

করিয়া প্রমোদন দেওয়া হয়, তখন সেইরূপ মানুষের গুণ ও কর্মানুসারে উচ্চক্রমে উঠাইয়া দেওয়া হইত । এই স্কুলের প্রথম শ্রেণীতে ছিলেন ব্রাহ্মণগণ, ২য় শ্রেণীতে ক্ষত্রিয়গণ ৩য় শ্রেণীতে বৈশ্যগণ এবং সকলের শেষ চতুর্থ শ্রেণীতে ছিল শূদ্রগণ । শূদ্র যদি ক্রমশঃ গুণোৎকর্ষে ব্রাহ্মণের সমোপযোগী হইত, তবে সেও প্রথম শ্রেণীতে প্রবেশ করিবার অধিকার পাইত । যুগধর্মের প্রাবল্যেই হউক, আর নিজকর্মদোষেই হউক, তখন ব্রাহ্মণেরা স্বধর্ম উপেক্ষা করিয়া স্বেচ্ছাচারে জীবনান্ধিত করিবার মতলব করিলেন, তখন ক্ষত্রিয় ও বৈশ্যশ্রেণীও তাহাদের অনুগমন করিতে লাগিল, ফলে ইহারা অর্থাৎ ক্ষত্রিয় ও বৈশ্যগণ সর্বনিম্নশ্রেণীটিকে বড় করিয়া তুলিলেন । ক্রমশঃ বঙ্গদেশ হইতে ক্ষত্রিয় ও বৈশ্যবর্ণদ্বয় বিলুপ্তপ্রায় হইল, কাজেই ব্রাহ্মণ এবং শূদ্র অর্থাৎ তাঁহাদের দাস, এই দুই শ্রেণীই পরিদৃশ্যমান রহিল । ব্রাহ্মণোচিত ক্রিয়াকর্ম ও বাহ্যিক লক্ষণাদি বিলুপ্তপ্রায়ে হইলেই “আপনারা!” অর্থাৎ জাতি জিজ্ঞাসা করিবার প্রথা প্রচলিত হইল । কারণ ব্রাহ্মণ দেখিলেই প্রণাম করিতে হইবে অথচ চিনিবার উপায় নাই । সর্বত্রই শূদ্রাচার, বর্ণের (বর্ণ অর্থাৎ বংশ) কোন পার্থক্য রহিল না । বাস্তবিক চণ্ডীপাঠ হইতে আরম্ভ করিয়া বিনামা বিক্রয় পর্য্যন্ত করিতে হইবে, অথচ ব্রাহ্মণত্ব বজায় থাকিবে—এই নববিধান কার্যে পরিণত করিবার জন্ত তখন ব্রাহ্মণেরা বক্রপন্থিক হইলেন, তখনই বুদ্ধদেবের আবির্ভাব, জাতিহিংসা নামক দুর্জয় দানবকে ধ্বংস করিবার জন্তই তিনি “অহিংসা পরম ধর্ম” রূপ অস্ত্র ধারণ করিয়াছিলেন । ঐ জাতি-হিংসারই নামান্তর বর্তমান জাতিভেদ । ভারতের এই সর্বনেশে শত্রুকে বিনাশ করিবার জন্ত ভগবান নাকি চৈতন্যরূপেও অবতীর্ণ হইয়াছিলেন । রাজা রামমোহন এবং কেশবচন্দ্রও এই উদ্দেশ্যে জীবন উৎসর্গ করিয়াছিলেন । তাঁহাদের ধনের অভাব ছিল না, জ্ঞানেরও অভাব ছিল না, তবুও তাঁহারা

“পরের তবে আপন ভুলে, পরের প্রাণে প্রাণ” মিশাইবার জন্য সারা জীবন উৎসর্গ করিয়াছিলেন, কিন্তু জাতিভেদকে সমূলে নাশ করিতে বোধ হয় স্বয়ং ভগবানও অক্ষম । জানি না আর কতকাল আগাদিগকে এই শত্রুর বেশে থাকিতে হইবে ।

পাঠক, এই শত্রু কিরূপে এত প্রবল হইল এবং কিরূপে ইহার অধিকার বিস্তৃত হইল তাহার পরিচয় একটু গ্রহণ করুন ।

মনুসংহিতা ।

মানবধর্ম-প্রণেতা স্বয়ম্ভুব নহু যে সকল নিয়ম বিধিবদ্ধ করেন তাহার নাম মনুস্মৃতি বা মনুসংহিতা । ইহা অতি প্রাচীন গ্রন্থ এবং ইহার উদ্দেশ্যও মহৎ ছিল । কিন্তু এক্ষণে আর সে সংহিতা দেখা যায় না । এক্ষণে মনুসংহিতা বলিয়া আমরা যাহা দেখিতে পাই, তাহা ভৃগুর রচিত বলিয়া প্রকাশ, উহাও আবার নানা মূনির হাতে পড়িয়া নানামূর্তি ধারণ করিয়াছে । পণ্ডিতগণ বলেন যে উহা খৃষ্টীয় দ্বিতীয় বা চতুর্থ শতাব্দীতে রচিত হইয়াছিল, স্মরণ্য ইহা আধুনিক । যাহা হউক এক্ষণে আমরা যে মনুসংহিতা দেখিতে পাই, উহার প্রথম অধ্যায়ের ৩১ শ্লোকে বলিতেছে—

লোকানাস্তু বিবৃদ্ধার্থঃ মুখবাহুরূপাদতঃ ।

ব্রাহ্মণঃ ক্ষত্রিয়ঃ বৈশ্যঃ শূদ্রঞ্চ নিরবর্তয়ৎ ।

ইহার অর্থ-লোকসমূহের বুদ্ধিমানসে পরমেশ্বর (ব্রহ্মা) নিজের মুখ, বাহু, উরু ও পাদদেশ হইতে যথাক্রমে ব্রাহ্মণ, ক্ষত্রিয়, বৈশ্য, ও শূদ্র সৃষ্টি করিলেন । ইহাই নাকি, মানবসৃষ্টির সূচনা । আবার ৩২ হইতে ৪০ পর্যন্ত ৯টা শ্লোকে তিনি যাহা বলিলেন, তাহার বঙ্গানুবাদ এই যে, সেই প্রভু অর্থাৎ ব্রহ্মা আপনার দেহকে দ্বিধা করিয়া অর্দ্ধাংশে পুরুষ এবং অর্দ্ধাংশে নারী সৃষ্টি করিলেন এবং সেই নারীর গর্ভে বিরাট পুরুষকে

উৎপাদন করিলেন । ৩২ । হে দ্বিজসত্তমগণ ! সেই বিরাট পুরুষ তপস্যা করিয়া স্বয়ং যাহাকে সৃজন করিলেন, আমি সেই স্বায়ম্ভুব মনু, আমাকে এই সমুদয়ের দ্বিতীয় স্রষ্টা বলিয়া জানিও । ৩৩ । আমিই প্রজাসৃষ্টি-মানসে সূত্বকর তপস্যা করিয়া প্রথমতঃ মরীচি, অত্রি, অঙ্গিরা পুলহ, পুলস্ত, ক্রতু, প্রচেতাঃ, বশিষ্ঠ, ভৃগু ও নারদ এই দশজন মহর্ষি প্রজাপতিকে সৃষ্টি করিলাম । ৩৪ । এই দশজন প্রজাপতি আবার মহাতেজস্বী অপর সপ্তমনুর সৃষ্টি করিলেন এবং যে দেবসমূহকে ব্রহ্মা সৃষ্টি করেন নাই, এমন দেবগণ ও তাহাদের বাসস্থান, অসীম ক্ষমতা-সম্পন্ন বহু মহর্ষি, যক্ষ, রাক্ষস, পিশাচ, গন্ধর্ভ, অঙ্গর, অশুর, নাগ, সর্প গন্ধুড়াদি পক্ষী এবং পৃথক পৃথক পিতৃগণ, বিদ্যুৎ, বজ্র, মেঘ, নানাবর্ণ জ্যোতির্দন্ত, ইন্দ্রধনু, উক্সা নির্ঘাত অর্থাৎ ভূমি ও অন্তরীক্ষগত উৎপাতধ্বনি ধুমকেতু, ধ্রুব ও অগস্ত্যাদি নানা প্রকার জ্যোতিঃ পদার্থ, কিন্নর, বানর, মৎস্য, নানা প্রকার পক্ষী, মৃগ, মনুষ্য ও দুই পংক্তি-দন্ত-বিশিষ্ট সিংহাদি হিংস্রজন্তু, কুমি, কীট, পতঙ্গ যুক (যৌক) নক্ষিক, দংশনশকাদি এবং বৃক্ষগতাদি পৃথক পৃথক স্থাবর সৃষ্টি করিলেন । ৩৫—৪০ ।

পাঠক দেখিতেছেন উক্ত অংশমধ্যেই মনুষ্যসৃষ্টির কথা রহিয়াছে, এই স্থানে শ্লোকটা যথাযথ উল্লেখ করা উচিত মনে করি ।

কিন্মরান্, বানরান্, মৎস্যান্, বিবিধাংশ্চ বিহঙ্গমান্ ।

পশূন্ মৃগান্ মনুষ্যাংশ্চ ব্যালাংশ্চাভয়তোদতঃ ॥ ৩৯

ইহার বঙ্গানুবাদ পূর্বেই দেওয়া হইয়াছে । এক্ষণে দেখুন প্রথমোক্ত শ্লোকে ব্রহ্মা মুখ, বাহু, উরু ও পদ হইতে মানব সৃষ্টি করিলেন, আবার স্বায়ম্ভুব মনুর পরবর্তী প্রজাপতিগণও মানব সৃষ্টি করিলেন । সুতরাং একই লোকসৃষ্টি দুইবার হইল, ইহা অপ্রাসঙ্গিক এবং অসম্ভব বলিয়া বোধ হয় না কি ? আবার পরবর্তী শ্লোকে বলিতেছেন ।

এবমেতৈরিদং সৰ্বং যন্নিয়োগান্নহাঅভি:

যথাকৰ্মতপোযোগাৎ সৃষ্টং স্থাবরজঙ্গমম্ । ৪১

অর্থ—পূর্বোক্ত মহাআগণ আমার আজ্ঞাক্রমে, কৰ্মানুসারে এই সকল স্থাবর জঙ্গম এই প্রকারে সৃষ্টি করিয়াছিলেন । ৪১ ।

তাহা হইলে দেখুন এইখানেই সৃষ্টি বিষয়ে উপসংহার হইল । প্রথমোক্ত (৩১) শ্লোকে বলা হইয়াছে (লোকানাঙ্ক “বিবৃদ্ধার্থং”) মানবসমূহের সংখ্যাকে বিশেষরূপে বৃদ্ধি করিবার জগুই মুখাদি হইতে ব্রাহ্মণাদি মানবগণকে সৃষ্টি করিয়াছিলেন । ইহার অর্থ, তাহা হইলে বুঝিতে হইবে যে পূর্বে আদৌ মানুষ ছিল না, ব্রাহ্মণ মুখ বাহু ইত্যাদি ইহতেই সৃষ্টির সূচনা । কিন্তু আমরা বৃদ্ধি করি কাহাকে ! যাহা আছে তাহাকেই নয় কি ? যাহার অস্তিত্বই নাই, তাহাকে বাড়াই কি করিয়া । আমরা বলিয়া থাকি, প্রদীপের শলিতাটী বাড়াইয়া দাও কিম্বা অমুক জিনিষটা একটু বৃদ্ধি করিয়া দাও । ইহার দ্বারা আমরা স্বতঃই বুঝিতে পারি যে প্রদীপের শলিতাটী আছে বা অমুক জিনিষটা আছে, তাহাকে তাহার তাৎকালিক অবস্থা হইতে কিঞ্চিৎ বৃদ্ধিত করিতে হইবে । সুতরাং “বিবৃদ্ধার্থং” শব্দের প্রয়োগে স্পষ্টই বুঝা যাইতেছে যে, মুখ, বাহু, উরু ও পদ-সম্বৃত মানব জন্মিবার পূর্বেও মানুষ ছিল । যদি না থাকিত তবে “বিবৃদ্ধার্থং” স্থলে “সৃজনার্থং”ও বলিতে পারিতেন । আবার কার্যতঃ আমরা দেখিতে পাইতেছি যে, মনুর উক্ত বিধানানুসারে লোকসংখ্যার বৃদ্ধি না হইয়া ক্রমশঃ ক্ষয়ই হইতেছে । কারণ মহামাতৃ বৃটিশ গভর্নমেন্টের আমলে মানুষ গণনার ফলে বঙ্গদেশে হিন্দু ও মুসলমানের সংখ্যা নিম্নলিখিতরূপে হ্রাস বৃদ্ধি হইয়াছে । *

(বিগত ১৯১১ ও ১৯২১ সালের সংখ্যা দ্বিতীয় ভাগে দেখুন)

সাল	হিন্দুর সংখ্যা	মুসলমানের সংখ্যা	মন্তব্য
১৮৭২	১৭১ লক্ষ	১৬৭ লক্ষ	হিন্দু ৪ লক্ষ অধিক
১৮৮১	১৭২½ লক্ষ	১৭৯ লক্ষ	মুসলমান ৬½ লক্ষ অধিক
১৮৯১	১৮০ লক্ষ	১৯৬ লক্ষ	মুসলমান ১৬ লক্ষ অধিক
১৯০১	১৯৪ লক্ষ	২২০ লক্ষ	মুসলমান ২৬ লক্ষ অধিক ।

৩০ বৎসর পূর্বে বাঙ্গলা দেশে হিন্দুদিগের সংখ্যা মুসলমান অপেক্ষা ৪ লক্ষ অধিক ছিল । ৩০ বৎসর পরে সেই মুসলমানের সংখ্যা হিন্দু অপেক্ষা ২৬ লক্ষ অধিক হইয়াছে । (লেফটেন্যান্ট কর্নেল ইউ, এন্, মুখার্জী কৃত ১৩১৭ সালের “হিন্দু সমাজ” দেখুন) প্রাচীন ঐতিহাসিক ফেরিস্তার মতে মুসলমান রাজ্য প্রতিষ্ঠা হইবার পূর্বে ভারতে হিন্দুর সংখ্যা ছিল ৬০ কোটি, এই কয়েক শত বৎসরে প্রায় ৪০ কোটি হ্রাস প্রাপ্ত হইয়াছে ।

এক্ষণে এই অচিন্ত্যপূর্ব লোকক্ষয়ের কারণ কি ? আর যে ভারতে মুসলমানের নাম মাত্র ছিল না, তাহাদেরই বা সহসা এরূপ বৃদ্ধিসাধন কেন হইল ? কথায়ও আছে ‘উড়ে এল সেখ, তার বাড়াবাড়িটা দেখ ।’ হিন্দুও যে নদীর জল খায়, মুসলমানও সেই নদীর জল খায়, উভয়েই এক রোদে ধান শুকায়, এবং এক রকমের অন্নই উদরস্থ করে, কলেরা ম্যালেরিয়া তাঁহাদেরও যেমন আছে, হিন্দুদিগেরও তেমনি আছে, পরন্তু মুসলমান অপেক্ষা হিন্দু পরিষ্কার পরিচ্ছন্ন থাকে, তবুও হিন্দুক্ষয়ের কারণ কি ? বোধ হয় অনেকেই বুঝিতে পারিয়াছেন যে ধর্ম, জাতিভেদ, বিদ্যাচর্চা, বিধবাবিবাহ ও সামাজিক একতা, এই কয়েকটি বিষয়ে প্রধানতঃ হিন্দু ও মুসলমান সমাজে অনৈক্য আছে’ । তন্মধ্যে ধর্মের পার্থক্যে লোক-সংখ্যা হ্রাসের কোন কারণ দেখা যায় না, কারণ সকল ধর্মেরই মূল উদ্দেশ্য এক ; কিন্তু পরবর্তী ৪টি কারণে হিন্দুসংখ্যা প্রধানতঃ ক্ষয়প্রাপ্ত হইতেছে অর্থাৎ মুসলমানদিগের মধ্যে জাতিভেদ না থাকায়, শিক্ষা স্রোত

অব্যাহত থাকায়, বিধবাবিবাহ প্রচলিত থাকায় এবং তাহাদের মধ্যে পরস্পরের একতা থাকায়, তাহারা ক্রমশঃ সংখ্যায় বাড়িয়া যাইতেছে, আর হিন্দুদিগের মধ্যে ঐগুলির অভাবে ক্রমশঃ সংখ্যা কমিয়া যাইতেছে, এই ৪টী কারণের মধ্যে সামাজিক একতার অভাব, আবার জাতিভেদ বা জাতি-বিদ্বেষ-সম্ভূত । যে সকল হিন্দু অন্ত্যজ বা অস্পৃশ্য বলিয়া স্বর্ণিত ও উপেক্ষিত, তাহাদিগকে অনেক সময় বাধ্য হইয়া ধর্মাস্তরও গ্রহণ করিতে দেখা যায় । বাঙ্গালী জাতি স্বভাবতঃই নিরীহ, সরল ও শান্তিপ্রিয় । জাতি বিচারের ফলে এই জাতি শতধা বিভক্ত ; অবাধ-বিবাহও অপ্রচলিত হইয়াছে । পরিণামে বিধর্মী, বৈদেশিক, প্রবল আক্রমণ কারীগণের বিরুদ্ধে ধর্মযুদ্ধ করিতেও ইহারা অক্ষম হইয়া পড়িয়াছে । Unity অর্থাৎ সামাজিক একতা হইবার কোন উপায় নাই । কাজেই বিজেতার ধর্ম গ্রহণই বিজিত বাঙ্গালীর পক্ষে সহজ এবং সরল পন্থা অনুমিত হইয়া পড়ে । বঙ্গ-ইংরাজ-রাজত্ব সুপ্রতিষ্ঠিত হইবার পূর্বপর্যন্ত এই কারণেই বহু হিন্দু মুসলমান হইয়া গিয়াছিল । এখনও সে স্রোত বন্ধ হয় নাই । অধিকন্তু অধুনা আবার বিজেতা ইংরাজ-জাতির খৃষ্টধর্ম, নিম্নশ্রেণীর হিন্দুগণের প্রাণ জুড়াইবার স্থান হইয়াছে । বঙ্গের হিন্দু মুসলমান উভয়েই এক্ষণে ইংরাজ রাজের প্রজা, কিন্তু মুসলমানদিগকে যিশু খৃষ্টের ধর্ম গ্রহণ করিতে প্রায়ই দেখা যায় না, কিন্তু নিম্নশ্রেণীর হিন্দুগণ এখনও দলে দলে, প্রতিবৎসর খৃষ্টের ধর্ম গ্রহণ করিতেছে । হিন্দু সমাজে “অস্পৃশ্যতা” বলিয়া জাতিভেদের এক সহোদর বর্তমান । তাহাকে ছাড়িয়া জাতিভেদ থাকিতে পারে না । এই অস্পৃশ্যতার হাত হইতে নিষ্কতি পাইবার জগুই, সহস্র সহস্র হিন্দু ধর্মাস্তর গ্রহণ করিতে বাধ্য হয় । সুতরাং জাতিভেদই হিন্দুস্বয়ের প্রধান কারণ, পক্ষান্তরে এই জাতিভেদ মনুস্ত বর্ণাশ্রমেরই নামাস্তর, সুতরাং মনু লোক-বুদ্ধি-মানসে যে চারিটী

আশ্রম স্থাপন করিয়াছিলেন, সেই আশ্রমবিধিই কার্যতঃ লোকক্ষয়ের কারণ হইয়া উঠিয়াছে । অতএব বলিতে হইবে যে “লোকনান্ত্বিবুদ্ধার্থঃ” না হইয়া “লোকনান্ত্বক্ষ্যার্থঃ” ব্রাহ্মণ, ক্ষত্রিয়, বৈশ্যা এবং শূদ্রের জন্ম হইয়াছিল ।

মন্সুর পিনাল কোডের ঐ ৩১ ধারা অনুসারেই যত গোল বাধিয়া উঠিতেছে, ঐ ধারাটী নাকি বেদেও আছে “যথা—

ব্রাহ্মণোহস্ত মুখামাসীৎ, বাহু রাজত্বঃকৃতঃ

উরুতদস্য যদ্বৈশ্বঃ পদ্যাত্ শূদ্রো অজায়ত ।

বেদ স্বয়ং ঈশ্বরের মুখ-নিঃসৃত সূত্রাত্ অভ্রাত্ত এবং অপৌক্ৰম্যে, এই জন্ত উহা হিন্দুর পরম আদরের ধন । উহাকে অনাগ্র্য করিবার উপায় নাই । কিন্তু আশ্চর্যের বিষয় উপরোক্ত শ্লোকটির সম্বন্ধে আধুনিক অনেক পণ্ডিতের মতদ্বৈধ আছে । ঋগ্বেদের পুরুষসূক্তে বিরাট্ পুরুষের বর্ণনা কালে উক্ত মন্ত্রটী রচিত হইয়াছিল । মহামহোপাধ্যায় পণ্ডিত স্বর্গীয় শিবনাথ শাস্ত্রী, এম এ মহাশয় তাঁহার “জাতিভেদ” নামক পুস্তকে প্রমাণ করিয়াছেন যে, ঋগ্বেদের পুরুষসূক্তের ভাষার ও ছন্দের সহিত উক্ত শ্লোকটির সামঞ্জস্য নাই । অর্থাৎ শ্লোকটী প্রক্ষিপ্ত । পাঠকের মনোনয়নার্থে উক্ত শ্লোকটী এবং উহারই সংসৃষ্ট পূর্ববর্তী মন্ত্রটী এই খানে উদ্ধৃত হইল । শ্লোক ২ টীর ভাষা ও ছন্দে কত প্রভেদ দেখুন ।

যৎপুরুষং ব্যদধু কতিধা ব্যকল্পয়ন্ ।

মুখং কিমগ্র্য কো বাহু কো উরু পাদা উচ্যোতে । ১১

ব্রাহ্মণোহস্ত মুখামাসীৎ বাহু রাজত্বঃ কৃতঃ

উরুতদস্য যদ্বৈশ্বঃ পদ্যাত্ শূদ্রো অজায়ত ॥ ১২

প্রথম শ্লোকটির অর্থ এই যে, বিরাট্ পুরুষকে খণ্ড খণ্ড করা হইয়াছিল ।

উহার মুখ কি ? বাহুদ্বয় বা কি ? উহার উরু এবং পাদই বা কি বলিয়া উক্ত হইয়া থাকে ? ১১

উত্তর—“ব্রাহ্মণোগোহস্ত মুখ্যাসীৎ”—ব্রাহ্মণ ইহার মুখ ছিলেন, রাজন্ত (ক্ষত্রিয়) ইহার বাহু ছিল! বৈশ্বই ইহার উরুদ্বয়। পদ হইতে শূদ্র জন্মিয়াছিল!

পাঠক দেখুন, প্রশ্ন হইল পদদ্বয়কে কি বলে।

উত্তর হইল—পা হইতে শূদ্র জন্মিয়াছিল।

ব্রাহ্মণ, ক্ষত্রিয় বৈশ্যের বেলা (১ম কৰ্ত্তৃকারকের বিভক্তি) যথাক্রমে মুখ, বাহু ও উরুর সঙ্গিত অলঙ্কারস্থলে তুলনা করা হইয়াছে, আর শূদ্রের বেলা একেবারে (অপাদানে ৫মী বিভক্তি)—“পদ্ভ্যাং শূদ্রো অজায়ত” কি না পা হইতে শূদ্র জন্মিয়াছিল।

এ সম্বন্ধে আমার বেশী কিছু বলিবার নাই,—জাতিতত্ত্ববারিধি-প্রণেতা পণ্ডিতপ্রবর শ্রীযুক্ত উমেশচন্দ্র বিদ্যারত্ন মহাশয় উক্ত-শ্লোকের বিশদ ব্যাখ্যা যাহা করিয়াছেন তাহাই এখানে উদ্ধৃত করিলাম।

“কৌ পাদৌ উচ্যাত?” (উত্তর)—পদ্ভ্যাং শূদ্রো অজায়ত। ইহার পদদ্বয়কে কি বলিয়া উক্ত হইয়া থাকে—এই প্রশ্নের উত্তর পদদ্বয় হইতে শূদ্র জন্মিয়াছেন, এইরূপ কথা কখনই উক্ত হইতে পারে না। ইহার পদদ্বয় কি বলিয়া উক্ত হইত? অবশ্বই উত্তর হইবে “শূদ্র বলিয়া” সুতরাং “পদ্ভ্যাং শূদ্র অজায়ত” এই অংশের অপাদানকে নিরঙ্কুশ আর্ষ প্রয়োগ বলিয়া মনে করিতে হইবে, তাই আমরা উক্ত ১২শ মন্ত্রের এইরূপ ব্যাখ্যা সঙ্গত বলিয়া মনে করি।

দেহের মধ্যে মুখ শ্রেষ্ঠ, বর্ণের মধ্যেও ব্রাহ্মণ শ্রেষ্ঠ, তাই মন্ত্রপ্রণেতা ঋষি ব্রাহ্মণজাতিকে আদিমানব বিরাটের মুখ বলিয়া নির্দেশ করিলেন।

যে প্রকার বাহুবলে দেশ ও সমাজ রক্ষিত হয়, তদ্রূপ ক্ষত্রিয়জাতি দেশ ও সমাজকে ক্ষত হইতে ত্রাণ করিতেন বলিয়া তাঁহারা ক্ষত্রিয়নামে বিধোষিত হইলেন। এবং তজ্জন্ত ঋষি ও উহাদিগকে আদিমানবের বাহুর

সহিত তুলনা করিয়াছেন। মানুষ উরুতে ভর দিয়া দাঁড়ায়, দেশের লোকেরাও কৃষিবাণিজ্যাদি কার্যে বৈশুগণের সাহায্যে সমাজে তিষ্ঠিত থাকেন, তাই ঋষি বলিলেন, যেন বৈশুগণই আদিমানব বিরাটের উরুদ্বয়। দেহের মধ্যে পাদদ্বয় নিকৃষ্টাঙ্গ, শূদ্রগণও বিদ্যা ও অবদানাদির^{১/২} নিবন্ধন নিকৃষ্টতম; তজ্জন্তু ঋষি বলিলেন, আদিমানব বিরাটের পদদ্বয়ই যেন শূদ্রজাতি। অতএব বর্ণ বা জাতি কোন ব্রহ্মা বা প্রজাপতির অঙ্গ প্রত্যঙ্গপ্রভব ইহা ঠিক হইতেছে না। ঐ কারণে সায়নের ব্যাখ্যাও সাধীয়াসী বলিয়া গৃহীত হইতে পারে না। ফলতঃ দেব, দানব, গন্ধর্ব্ব, যক্ষ, রক্ষ, কিন্নর ও মনুষ্যাদি (মাতা মনুর সন্তান) সকলেই মৈথুনসম্ভব। ত্রেতাযুগের ব্রাহ্মণাদি বর্ণচতুষ্টয়ও সম্পূর্ণ মৈথুনসম্ভব, স্মৃতরাং উহাদিগকে কাহারও মুখনাসিকাদিপ্রভব বলিয়া মনে করিতে পারা যায় না।”

(জাতিতত্ত্ববারিধি, ২য় সংস্করণ ১৫।১৬ পৃষ্ঠা দ্রষ্টব্য)

আমাদের মতে,

১। ব্রাহ্মণ, ক্ষত্রিয়, বৈশু ও শূদ্র এই চারিজাতি ব্রহ্মার পৃথক্, পৃথক্ চারি অঙ্গসম্ভূত হইলে তাহাদের আকৃতিও বিভিন্ন হইত। কারণ জাতি-
“আকৃতি ও প্রকৃতিগত। বিশ্বনিয়ন্তার অলজ্য বিধানে যে বাহা হইতে জন্মিবে, সে সেইরূপ আকার ধারণ করিবে, এইজন্তু সন্তান পিতা বা মাতার সাদৃশ্য প্রাপ্ত হয়। কিন্তু ব্রাহ্মণ’ ক্ষত্রিয়, বৈশু, শূদ্র ইহারা ব্রহ্মার পৃথক্ পৃথক্ অঙ্গ হইতে উৎপন্ন বলিয়া উক্ত হইলেও প্রকৃত-প্রস্তাবে তাহাদের আকার বা বর্ণগত কোন পার্থক্যই নাই।

২। আবার ঈশ্বর নিরাকার চৈতন্যস্বরূপ, তাঁহার অঙ্গই নাই। স্মৃতরাং তাহা হইতে সাকার মানবাদি কিরূপে উৎপন্ন হইল?

৩। আবার দেখুন সংহিতাকার মনু, আদিমানব বিরাট, তাহা হইতে স্বায়ত্ত্ব মনু, তদপত্য মারিচ্যাদি ১০ প্রজাপতি ও দেব, দানব, মানব

প্রভৃতির উৎপত্তির পৃথক্ বিবরণ প্রদর্শন করিয়াছেন । ইহাও পূর্বে দেখান হইয়াছে ।

৪ । ব্রহ্মার মুখ, বাহু, উরু ও পাদদেশ হইতে যাহারা জন্মিল, তাঁহারা পুরুষ বলিয়াই প্রখ্যাত । পক্ষান্তরে স্ত্রীপুরুষের সহবাস ব্যতীত অপর পুরুষ বা স্ত্রীর উৎপত্তির সম্ভাবনা নাই । কিন্তু ব্রহ্মার মুখাদি হইতে যথাক্রমে, ব্রাহ্মণী, ক্ষত্রিয়ানী, বৈশ্যানী, ও শূদ্রাণী জন্মিয়া পূর্বোক্ত ব্রাহ্মণ, ক্ষত্রিয়, বৈশ্য ও শূদ্রের সহিত পরিণয়াবদ্ধ হইয়াছিল, এরূপ কোন প্রমাণ দেখা যায় না । স্ত্রীপুরুষে এক ঘোড়া ব্রাহ্মণ, এক ঘোড়া ক্ষত্রিয়, এক ঘোড়া বৈশ্য ও এক ঘোড়া শূদ্র না জন্মিলে কি করিয়া লোক সৃষ্টি হইল, এবং কিরূপেই বা বর্ণধর্ম রক্ষা হইল, তাহা প্রকাশ নাই ।

৫ । আজ কাল শূদ্র বলিলে উপবীতধারী বিজ্র ছাড়া আর যত প্রকার জাতি আছে, সকলকেই বুঝায় । ব্রহ্মার পাদ হইতে যিনি জন্মিয়াছিলেন, তিনিই শূদ্র বলিয়া সুবিদিত । কিন্তু তিনি কোথায় ? ব্রাহ্মণ, ক্ষত্রিয় ও বৈশ্যাদির ঞ্চায় তাঁহারও ত একটা নির্দিষ্ট নাম ও বৃত্তি থাকার দরকার । নবশায়কাদি যত প্রকার জাতি শূদ্র বলিয়া পরিচিত, তাহারা সকলেই আবার বর্ণসঙ্কর, অর্থাৎ ভিন্ন ভিন্ন বর্ণের সহযোগে উৎপন্ন বলিয়া শাস্ত্রে নির্দ্ধারিত ও তদনুসারে ভিন্ন ভিন্ন নাম প্রাপ্ত হইয়াছে । আবার বিজ্রসেবা ভিন্ন তাহাদের স্বতন্ত্র বৃত্তিও নির্দ্ধারিত হইয়াছে । তাহা হইলে প্রকৃত ব্রহ্মার পাদসম্মুত সেই বিজ্র-পদসেবী শূদ্র কে ?

৬ । আর পা হইতে জন্মিলেই বা তিনি এরূপ নিন্দিতই ও নিগৃহীত হইবেন কেন ? পাও ত ব্রহ্মারই একটা অঙ্গ । বিশেষতঃ যোগী, ঋষি, বৈষ্ণব, তপস্বী প্রভৃতি ধর্ম্মাঙ্গাদিগের একমাত্র লক্ষ্যস্থল যে পদ, এবং যে পদ হইতে পতিতপাবনী, কলুষনাশিনী গঙ্গাদেবীর উৎপত্তি, শূদ্রদিগের পক্ষে সেই পদ এত দূষণীয় ও নগণ্য হইল কেন, তাহাও বুঝিতে পারা যায় না ।

৭। গীতাতে ভগবান্ নিজেই আবার বলিতেছিলেন, “চাতুর্ক্যাং ময়া সৃষ্টং গুণকর্ম্মবিভাগশঃ”—মনুষ্যের গুণ ও কর্ম্মানুসারে বিভাগ করিবার জন্তই তিনি চতুর্ক্যা (ব্রাহ্মণ, ক্ষত্রিয়, বৈশ্য, শূদ্র) সৃষ্টি করিয়াছিলেন। মহাভারতও এইমত সমর্থন করিতেছে। যথা :—

ন বিশেষোহস্তি বর্ণানাং সর্ব্বং ব্রহ্মময়ং জগৎ ।

ব্রহ্মণাপূর্ব্বসৃষ্টং হি কর্ম্মভিঃ বর্ণতাং গতং ।—শান্তিপর্ব্ব ।

অর্থাৎ ব্রহ্মণাদি ৪ বর্ণের বিশেষ কোন প্রভেদ নাই। এই জগৎ ব্রহ্মময়, পূর্বে সকলেই ব্রাহ্মণরূপে সৃষ্ট হইয়াছিল, সেই ব্রাহ্মণেরাই কর্ম্মানুসারে অন্যান্য বর্ণ প্রাপ্ত হইয়াছেন।

তাগ হইলে মানুষ যে ব্রহ্মার মুখ, বাহু, উরু, বা পাদ হইতে জন্মে নাই, তাহা বুঝা গেল, সুতরাং ব্রাহ্মণ, ক্ষত্রিয়, বৈশ্য ও শূদ্র কেহ জাতি লইয়া জন্মগ্রহণ করে নাই, ইহাও সপ্রমাণ হইল। পরন্তু চাতুর্ক্যেব প্রতিষ্ঠা গুণ ও কর্ম্মানুসারে ভগবানের সৃষ্ট হইলেও, এখন যে জাতিভেদ চলিতেছে, উহা মনুষ্যকৃত। ঈশ্বরকৃত নহে। যাহাদের ধারণা হইয়াছে যে তাহারা নিজ নিজ কর্ম্মদোষে নিম্নজাতিতে জন্ম প্রাপ্ত হইয়াছে এবং ইহজন্মে আর তাহাদের উদ্ধারের উপায় নাই, তাহা ঠিক নহে। দয়ার নিদান ভগবান্ মনুষ্যকে একই নিয়মে, একই উদ্দেশ্যে সৃষ্টি করিয়াছেন। গুণ ও কর্ম্মানুসারে নিম্নবর্ণের মানবও যে ব্রাহ্মণত্ব প্রাপ্ত হইয়াছিল, তাহার কয়েকটা প্রমাণ প্রদর্শন করিয়া আমরা বর্ত্তমান অধ্যায় শেষ করিব।

১। কাণ্ডকুজদেশের রাজা গাধি নামক নৃপতির পুত্র বিশ্বামিত্র ক্ষত্রিয় ছিলেন, মহর্ষি বশিষ্ঠকে পরাস্ত করিবার জন্ত তিনি রাজকার্য্য ত্যাগ করিয়া ব্রাহ্মণত্ব লাভের আশায় কঠোর তপস্বী করিয়াছিলেন। তাঁহার তপস্বীর তৃপ্ত হইয়া ব্রহ্মা বর দিতে আসিলে, তিনি ব্রাহ্মণত্ব

পাইবার ইচ্ছা করিলেন । কিন্তু ব্রহ্মা প্রথমতঃ ব্রাহ্মণত্ব দিতে অস্বীকার করতঃ বলেন যে, পরজন্মে তুমি ব্রাহ্মণরূপে জন্মিতে পার ; এবার ক্ষত্রিয়ই থাকিতে হইবে । বিশ্বামিত্র তাহাতে আপত্তি করিয়া আবার কঠোরতর তপশ্চা আরম্ভ করিলেন, ফলে ইহজন্মেই তাঁহাকে ব্রাহ্মণত্ব দিতে হইয়াছিল ।

২ । কুরুবংশীয় ঋষ্ঠীসেনের পুত্র দেবাপি ও শান্তনু দুই ভাই । ছোট ভাই শান্তনু রাজা হইলেন, দেবাপি তপশ্চার্থে নিযুক্ত রহিলেন । শান্তনুর রাজ্যকালে বার বৎসর দেবতা বারি বর্ষণ করিলেন না, সুতরাং অরাজক উপস্থিত হইল ; শান্তিশূন্য হইয়া শান্তনু ব্রাহ্মণগণকে ইহার কারণ জিজ্ঞাসা করিলে তাঁহারা বলিলেন, জ্যেষ্ঠ ভ্রাতাকে রাজা না করিয়া তুমি নিজে অভিষিক্ত হইয়াছ ; এজন্য দেবতা বারিবর্ষণ করিতেছেন না । তখন শান্তনু দেবাপির নিকট যাইয়া তাঁহাকে সিংহাসন গ্রহণের জন্য প্রার্থনা করিলেন, কিন্তু দেবাপি রাজ্যগ্রহণ না করিয়া ছোট ভাইয়ের জন্য যজ্ঞ করিতে লাগিলেন এবং নিজে ছোট ভাইয়ের পুরোহিত নিযুক্ত হইলেন । এইখানে আমরা একপরিবারে দুই জাতি দেখিতে পাইতেছি, এক ভাই ব্রাহ্মণ আর এক ভাই ক্ষত্রিয় ।

৩ । নাভাগাদিষ্টের দুই পুত্র বৈশ্য হইয়াও ব্রাহ্মণত্ব পাইয়াছিলেন যথা—
নাভাগাদিষ্টপুত্রৌ বৌ বৈশ্যৌ ব্রাহ্মণতাং গতো ।

হরিবংশ ১১ অধ্যায় ৫৮

৪ । ব্রাহ্মণদিগের সত্চিত বিবাদ করিয়া শূদ্র কবষ ঐলুষ ঋষিপদবাচ্য হইয়াছিলেন । কবষ ঐলুষ একজন শূদ্র ছিলেন । ঋগ্বেদের ১০ম মণ্ডলের অনেকগুলি সূক্ত এই ঋষির প্রণীত । এক্ষণে বেদের নব উচ্চারণ করিলে শূদ্রের জিহ্বা কর্তন করিবার নিয়ম হইয়াছে, কিন্তু বৈদিকযুগে অনেক শূদ্র-ঋষিই বেদের মন্ত্র প্রণয়ন করিয়াছিলেন । আবার দেখুন—

৫। জাত্যা ব্যাসস্ত কৈবর্ত্যাঃ শ্বপাক্যাশ্চ পরাশরঃ ।
 শুক্যাঃ শুকঃ কণাদাথাঃ তথোলুক্যাঃ সূতোহভবৎ ॥ ২২ ॥
 মৃগীজ্ঞ ঋষ্যশৃঙ্গোহপি বশিষ্ঠো গণিকাত্মজঃ ।
 মন্দপালো মুনিশ্রেষ্ঠো নাবিকাপতামুচ্যতে ॥ ২৩ ॥
 মাণ্ডব্যো মুনিরাজস্ত মণ্ডুকীগর্ভসম্ভবঃ ।
 বহবোহন্তেপি বিপ্রভঃ প্রাপ্তা যে শূদ্রবৎ দ্বিজাঃ ॥ ২৪ ॥

ভবিষ্যপুর্বাণ ।

জন্মই যে জাতির নিদান নহে,—শূদ্রবৎ জন্মিলেও যে পরমব্রাহ্মণ মুনি ঋষি হওয়া সম্ভব, উক্ত ৩টা শ্লোকে শাস্ত্রকারই তাহার অলস্ত দৃষ্টান্ত রাখিয়া গিয়াছেন । যেহেতু—

বেদবিভাগকর্তা কৃষ্ণদ্বৈপায়ন	ব্যাসদেব	কৈবর্ত-কণ্ডার	গর্ভসম্ভূত ।
যুগধর্মের কর্তা পরাশর	...	শ্বপাককণ্ডার	গর্ভসম্ভূত ।
সর্বজনবিদিত মহাত্মা শুকদেব	...	শুকী	... ।
বৈশেষিকদর্শনকার মহর্ষি কণাদ	...	উলুকীর	... ।
মহাতপাঃ ঋষ্যশৃঙ্গ	...	হরিণীর	... ।
সূর্য্যবংশের কুলপুরোহিত মহর্ষি বশিষ্ঠ	...	স্বর্গবেশ্যার	... ।
মুনিশ্রেষ্ঠ মন্দপাল	নাবিককণ্ডার	গর্ভসম্ভূত ।
মহামুনি মাণ্ডব্য	মণ্ডুকীনার্মী	অতিহীনবংশ-

সম্ভূতা নারীর গর্ভে জন্মিয়াছিলেন । ইঁহারা সকলেই পরম ব্রাহ্মণ এবং মুনিঋষি বলিয়া সমাদৃত ও পূজিত । এইরূপ শূদ্রবৎ আরও অনেক দ্বিজ ব্রাহ্মণত্ব প্রাপ্ত হইয়াছিলেন ।

আবার একই পিতার পুত্রগণ গুণকর্ম্মানুসারে যে পৃথক্ পৃথক্ বর্ণে স্থান প্রাপ্ত হইয়াছিলেন, তাহারও দৃষ্টান্ত অপ্রতুল নহে ।

১১৫২/১২/১৪/১৩৬৭

পুত্রো গৃৎসদীমুস্তাপি শুনকো যস্ত শোনকঃ ।

ব্রাহ্মণাঃ ক্ষত্রিয়াশ্চৈব বৈশ্যাঃ শূদ্রাস্তথৈবচ ॥

হরিবংশ ২৯ অধ্যায় ও বায়ুপুরাণ দ্রষ্টব্য ।

অর্থ—

রাজা গৃৎসমদের পুত্র শুনক, এই শুনকের পুত্রগণ ব্রাহ্মণ, ক্ষত্রিয়, বৈশ্য, ও শূদ্রবর্ণে স্থান প্রাপ্ত হইয়াছিলেন । অতএব বুঝাগেল যে, হিন্দুশাস্ত্রকারগণ চাতুর্বর্ণাশ্রম প্রতিষ্ঠা করিয়াও পুরাকালে গানবের গুণ কর্ম্মানুসারে প্রমোদন দিতেন, অর্থাৎ ব্রাহ্মণোচিত কার্য্য করিলে শূদ্রকেও ব্রাহ্মণশ্রেণীতে উঠাইয়া লইতেন । আবার ব্রাহ্মণ হইয়াও যদি কেহ পাপ কার্য্য করিতেন, তবে ক্রমশঃ ক্রিয়াহীন হইয়া শূদ্রের স্তায় গণ্য হইতেন । এই জন্ত পরাশর বলিয়াছেন ।

শূদ্রোহপি শীলসম্পন্নো গুণবান্ ব্রাহ্মণো ভবেৎ ।

ব্রাহ্মণোহপি ক্রীয়াহীনঃ শূদ্রাৎ প্রত্যবরো ভবেৎ ॥

অর্থাৎ শূদ্রও যদি উত্তম স্বভাব প্রাপ্ত হয়, সে ব্রাহ্মণ বলিয়া স্বীকৃত হইবে । আবার ব্রাহ্মণও ক্রীয়াহীন হইলে তিনি শূদ্রাপেক্ষাও অপকর্ষতা প্রাপ্ত হইবেন ।

এই শুভ ও নির্বিরোধ উদ্দেশ্য বিনষ্ট হওয়ায় বর্তমান হিন্দুসমাজ শতধা বিভক্ত এবং জাতিভেদের বিষে জর্জরীভূত । আমাদের হিন্দুসমাজের শোচনীয় পরিণামের ইহাই অবশ্যস্তাবী কারণ ।

দ্বিতীয় অধ্যায়

বিবিধ জাতির পরিচয়।

মন্বাদিশাস্ত্রে বিবিধজাতির উৎপত্তির ষেরূপ বিবরণ দেখা যায়, তদুপে কতকগুলি জাতির পিতামাতার তালিকা নিয়ে দেওয়া হইল। বলা বাহুল্য বিভিন্ন জাতির উৎপত্তি বিষয়ে আমার সিদ্ধান্ত অগ্ররূপ।

(অকারাদিক্রমে)

উৎপন্নজাতি ।	পিতার জাতি ।	মাতার জাতি ।	দ্রষ্টব্য শাস্ত্র ।
অশ্বষ্ঠ	ব্রাহ্মণ	বৈশ্য	মনুসংহিতা ।
অন্ধু	বৈদেহিক	কারাবর	ঐ
অয়োগব	শূদ্র	বৈশ্য	ঐ
উগ্র (আণ্ডরি	ক্ষত্রিয়	শূদ্র	ঐ
করণ	বৈশ্য	শূদ্র	ঐ
কর্মকার	ব্রাহ্মণ	শূদ্র	বৃহদ্র্মপুরাণ
ঐ	তৈলী	বাকুই	পরশুরাম সংহিতা
কারাবর	নিষাদ	বৈদেহী	মনুসংহিতা
কাংশুকার	ব্রাহ্মণ	বৈশ্য	বৃহদ্র্মপুরাণ
কুস্তকার	মালাকার	কর্মকার	পরশরসংহিতা
ঐ	পট্টিকার	তৈলী	পরশর পদ্ধতি
ঐ	ব্রাহ্মণ	ক্ষত্রিয়	বৃহদ্র্মপুরাণ
কৈবর্ত (দাস)	নিষাদ	অয়োগব	মনুসংহিতা
কোটক	ঘরামি	কুমার	ব্রহ্মবৈবর্ত
গন্ধবণিক	ব্রাহ্মণ	বৈশ্য	বৃহদ্র্ম পুরাণ

উৎপন্নজাতি ।	পিতার জাতি ।	মাতার জাতি ।	দ্রষ্টব্য শাস্ত্র ।
মালাকর	ব্রাহ্মণ	শূদ্র	ব্রহ্মবৈবর্ত্য
গোপ	ক্ষত্রিয়	শূদ্র	পরাশরসংহিতা
ঐ(আভীর)	ব্রাহ্মণ	অশ্বষ্ঠ	মনু
চণ্ডাল	শূদ্র	ব্রাহ্মণ	মনু
চর্মকার	তীবর	চণ্ডাল	পরাশরপদ্ধতি
চিত্রকর	স্থপতি	গন্ধবেণে	পরশুরামসংহিতা
ডোম	নেট	চণ্ডাল	ব্রহ্মবৈবর্ত্য
তন্তুবায়	মনিবন্ধ	মণিকর	পরাশরপদ্ধতি
ঐ	ব্রাহ্মণ	ক্ষত্রিয়	বৃহদ্রম্মপুরাণ
তৈলি	বাক্রই	গোপাল	পরশুরামসংহিতা
তৈলকার	কুন্তকার	কোটক	ব্রহ্মবৈবর্ত্য
তাম্বুলি	বৈশ্য	শূদ্র	বৃহদ্রম্মপুরাণ
তীবর	ক্ষত্রিয়	রাজপুত্রী	ব্রহ্মবৈবর্ত্য
ঐ	পুণ্ডক	চূর্ণক	পরাশরপদ্ধতি
ধীবর	কৈবর্ত্য	তীবর (সংসর্গদোষ)	ব্রহ্মবৈবর্ত্য
ঐ	বৈশ্য	ক্ষত্রিয়	গৌতমসংহিতা
নিষাদ (পারশব)	ব্রাহ্মণ	শূদ্র	মনুসংহিতা
পুরুশ	নিষাদ	শূদ্র	ঐ
বাগাতীত (বাগ্‌দী)	ক্ষত্রিয়	বৈশ্য	ব্রহ্মবৈবর্ত্য
বাক্রই	ব্রাহ্মণ	শূদ্র	বৃহদ্রম্মপুরাণ
বৈদেহ	বৈশ্য	ব্রাহ্মণ	মনু
মাগধ	বৈশ্য	ক্ষত্রিয়	"
মাহিষ্য	ক্ষত্রিয়	বৈশ্য	যাজ্ঞবল্ক্য

উৎপন্নজাতি ।	পিতার জাতি ।	মাতার জাতি ।	দ্রষ্টব্য শাস্ত্র ।
ঐ	কর্মকার	তৈলী	পরশরপদ্ধতি
মেদ	বৈদেহিক	নিষাদ	মনুসংহিতা
মূর্ধাভিষিক্ত	ব্রাহ্মণ	ক্ষত্রিয়	যাজ্ঞবল্ক্য
রাজপুত্র	ক্ষত্রিয়	করণ	ব্রহ্মবৈবর্ত্ত
রজক	ধীবর	তীবর	ঐ
শাঁথারী	ব্রাহ্মণ	বৈশ্য	বৃহদ্রশ্মপুরাণ
শৌণ্ডিক	বৈশ্য	তীবর	"
"	কৈবর্ত্ত	গান্ধিক	পরশরপদ্ধতি
স্বর্ণকার	ব্রাহ্মণ	শূদ্র	ব্রহ্মবৈবর্ত্ত
স্বর্ণকার	স্থপতি	সরাকী	পরশুরাম
সূত্র	ক্ষত্রিয়	ব্রাহ্মণ	মনু
ক্ষত্র	শূদ্র	ক্ষত্রিয়	মনু

এতদ্ভিন্ন আরও প্রায় ১০৬ টি "জাতির" নাম বিভিন্ন হিন্দু শাস্ত্রে পাওয়া যায়। বাহুল্যবোধে তাহাদের বিষয় কিছুই উদ্ধৃত করিলাম না। কারণ সদাশয় ইংরাজ গবর্ণমেন্টের অনুগ্রহে ও মাননীয় রিজলী সাহেবের কৃপায় এক্ষণে দেখা যাইতেছে যে উল্লিখিত ৪২ এবং ১০৬ সর্বশুদ্ধ এই ১৪৮ টি জাতি ছাড়াও শত শত বিভিন্ন হিন্দু সম্প্রদায় এই সুবিশাল ভারতবর্ষে বসবাস করিতেছে (সেন্সাস রিপোর্ট দ্রষ্টব্য) ঐ সকল হিন্দু জাতি আসিল কোথা হইতে? উহাদের পিতামাতাই বা পাওয়া যাইবে কোথায়? এই ছরুহ ব্যাপারের মীমাংসা করিতে গেলেই দেখা যাইবে চাতুর্কর্ণ্যের গোড়ায় গলদ ছিল। ২১১ টি সুপ্রাচীন হিন্দু সম্প্রদায় যথা গোপ-নাপিতের ইতিহাস পর্যালোচনা করিলে এখনও সে গলদ বাহির হইতে পারে। দৃষ্টান্ত স্থলে নাপিত জাতির ইতিহাসই লিখিতে অতঃপর প্রবৃত্ত হইব।

তৃতীয় অধ্যায় ।

নাপিত জাতির বর্তমান অবস্থা ।

কোন জাতির ইতিহাস লিখিতে গেলে সেই জাতির নাম, ভাষা দেশ, গঠন, উৎপত্তির বিবরণ ও আচার ব্যবহার পর্যালোচনা করিতে হয় । ভারতবর্ষের ধারাবাহিক ইতিহাস থাকিলে এই সকল বিষয় নির্ণয় করা সহজ হইত । কিন্তু প্রাচীন ঋষিরা সংহিতা, পুরাণ, ইত্যাদি যাহা কিছু রাখিয়া গিয়াছেন, উহার অধিকাংশই কেবল বর্ণাশ্রম, শুদ্ধিতত্ত্ব অথবা ধর্ম্মালোচনার বিষয়মীভূত । বস্তুতঃ মাসিডোনিয়ার অধীশ্বর আলেকজেন্ডারের ভারত আক্রমণের পূর্বে এদেশের অবস্থা কিরূপ ছিল, তাহা নির্ণয় করিতে হইলে অনেক বিষয়ে কেবল কল্পনার উপরই নির্ভর করিতে হয় । এজন্য আজকাল ভাষা, ব্যবসা ও জাতীয় সংজ্ঞা অবলম্বন করিয়া পাশ্চাত্য প্রণালীতে জাতি নির্ণয় করিবার প্রথা অনেকেই অবলম্বন করিয়াছেন । বাঙ্গালী হিন্দুর উদ্দেশ্য ব্রাহ্মণ, ক্ষত্রিয়, বৈশ্য ও শূদ্র এই চারিবর্ণের মধ্যে কোন না কোন একটিতে প্রতিষ্ঠিত হওয়া । দেখা যাউক নাপিত শাস্ত্রমত কোন বর্ণের অধিকারী । পাঠক ! পুরাণাদি আজ কাল এতই “প্রক্ষিপ্ত” ও “নিক্ষিপ্ত” দোষে দূষিত যে, তদনুসারে কোন একটী স্থির মীমাংসায় উপস্থিত হওয়া সুকঠিন । সেজন্য প্রথমে আমরা নাপিত সমাজের বর্তমান অবস্থা ও আচার ব্যবহার এবং জাতীয় সংজ্ঞা লইয়া কিঞ্চিৎ আলোচনা করিব । আমাদের এই নাপিত সমাজের বর্তমান অবস্থা পর্যালোচনা করিলে বিশ্বয় ও ক্ষোভের সীমা থাকে না । সৃষ্টির প্রারম্ভ হইতে যাহারা ব্রাহ্মণদিগের সাহায্য করিয়া আসিতেছেন, যাহাদের অভাবে হিন্দুসমাজের বেদবিহিত অনেক ক্রিয়াকর্ম্মই সমাধা হয় না,

যাঁহাদের মধ্যে ব্রাহ্মণাদি বর্ণের ঞ্চার গোত্রও দৃষ্ট হয়, অধিকন্তু আবহমান কাল যাঁহারা হিন্দুশাস্ত্রানুগোদিত শুদ্ধাচার রক্ষা করিয়া আসিতেছেন, তাঁহারা কি না নগণ্য, নমাণ্ড ও জড়ভাবাপন্ন হইয়া হিন্দুসমাজের অতি নিম্নস্তরে অবস্থান করিতেছেন! পূজনীয় স্বজাতি মহাশয়গণের মধ্যে আমাপেক্ষা অনেক বিদ্বান্, বুদ্ধিমান, ও ধনবান্ আছেন সত্য, কিন্তু তাঁহাদের সংখ্যা সমগ্র নাপিত সমাজে সমুদ্রে শিশিরবিন্দুর ঞ্চার। সেই জন্ড আশা করি তাঁহারা যেন আমার কোন অপরাধ গ্রহণ না করেন। আমি সত্যের অপলাপ করিতে পারিব না, স্মতরাং সমাজের আভ্যন্তরিক বৃদ্ধান্ত যতদূর জানি সমস্তই লিপিবদ্ধ করিব। নাপিত কুলের এই শোচনীয় অবস্থার কারণ অনুসন্ধান করিলে দেখিতে পাই যে, অজ্ঞতা, বিঘ্নাভীনতা ও অর্থ-ভাবহিঁ আমাদের সমাজে এই শোচনীয় দুরবস্থা আনয়ন করিয়াছে। বলা বাহুল্য ডোমচণ্ডালাদি অস্পৃশ্য জাতির নাপিতের বৃদ্ধান্ত আমার আলোচনার বহির্ভূত।

ক্ষৌরব্যবসা—পরিশ্রম মাত্রেই একটা নগদ ও নিরূপিত মূল্য আছে, কিন্তু আমাদের মধ্যে যাঁহারা পাড়াগাঁয়ে প্রাচীন পদ্ধতি মতে ক্ষৌর কার্য করেন, তাঁহারা বৎসরান্তে পারিশ্রমিক স্বরূপ বেলনোক্তা সামাণ্ড বেতন বা ধাণ্ডাদি শস্ত পাইয়া থাকেন। ইহাতে অনেক স্থলে ক্ষৌরকারের সমৃদ্ধ ক্রতি হইয়া থাকে। কারণ যজ্মান বৎসরান্তে উক্ত পারিশ্রমিক না দিলে, উহা আদায় করিবার কোন উপায় থাকে না, হীনাবস্থা হেতু অবস্থাপন্ন লোককে কিছু বলিতেও বোধ হয় কেহ সাহস করেন না। দ্বিতীয়তঃ বণ্ডা বা অনাবৃষ্টির দরুণ ফসল না জন্মিলে, যজ্মানের নিকট হইতে সম্বৎসরের পাণ্ডনার আশায় জলাঞ্জলি দিতে হয়। যজ্মানও স্মযোগ পাইলে অণ্ড নাপিতের দ্বারা ক্ষৌরি করাইয়া নিজের কর্মোদ্ধার করিয়া থাকেন। ফলে আত্মকলহের সৃষ্টি ও সমাজে নানা কেলেকারী হয়। এই জন্ড ক্ষৌর-

কর্মদ্বারা কাহারও উন্নতি দেখা যায় না। তবে কলিকাতার শ্রায় সহরে কাহারো ক্ষৌর ব্যবসা করেন, তাঁহারো অপেক্ষাকৃত কিছু বেশী উপার্জন করিয়া থাকেন।

অন্যান্য বৃত্তি—চাষ, চাকুরী, চিকিৎসা, বাণিজ্যাদি ব্যবসায়ও আমাদের সমাজে প্রচলিত, ইহার মধ্যে চাষ ও চিকিৎসা অতি প্রাচীন কাল হইতে চলিয়া আসিতেছে, অনেকে পুরুষানুক্রমে ঐ উভয় বৃত্তির কোন না কোন একটা দ্বারা জীবিকা নির্বাহ করিয়া আসিতেছেন। আর চাকুরী ও বাণিজ্য আধুনিক বলিয়াই বোধ হয়। তবে আজকাল অনেকেই ক্ষৌরি তাগ করিয়া ব্যবসায়ের গ্রহণ করিতে আরম্ভ করিয়াছেন। কিন্তু স্বচ্ছায় কেহ কখনও অপর জাতির দাসত্ব করেন না।

শ্রেণীবিভাগ—দেশাচার বা পরগণা ভেদে নাপিতের মধ্যে অনেক-গুলি শ্রেণী হইয়া পড়িয়াছে। যথা আনরপুরিয়া, বামনবেন, কমলাবাড়ী বারেন্দ্র, উত্তররাঢ়ী, দক্ষিণরাঢ়ী, পশ্চিমরাঢ়ী, মামুদসাহী, সপ্তগ্রাম, সাতঘরিয়া, ফুল, ভুলু, সন্দীপ, হালদার, কোলা, হংসদহা, মুজগঞ্জী, ও খোট্টা। খোট্টা-নাপিত পশ্চিমাঞ্চল হইতে সংপ্রতি বঙ্গদেশে প্রবেশ লাভ করিয়াছে। খোট্টা নাপিতের সঙ্গে বাঙ্গালী নাপিতেরা কোন সংশ্রব রাখে না। বঙ্গদেশে অবস্থিতি নিবন্ধন পাঞ্জাবাদি স্থানের নাপিতেরাও উহাদিগকে ঘৃণা করে। হালদার কোলা, হংসদহা, মুজগঞ্জীদিগকে ২৪ পরগণায়, আর নোয়াখালীতে ভুলু ও সন্দীপ দেখা যায়, এই সকল শ্রেণীও এক একটা পটী বা থাক নামে অভিহিত। বিবাহাদি আদান-প্রদান-কার্য্য নিকটবর্ত্তী অথবা স্ব স্ব পটী ভিন্ন দূরবর্ত্তী পটীতে খুব কমই হয়। ইহার পরিণামে ভাষা ও ভাবের বিনিময় না হওয়ায় পরস্পরের মধ্যে তাদৃশ একতা ও সহানুভূতি দেখা যায় না। এই কারণে সমাজের অবস্থা আরও দুর্বল হইয়া পড়িতেছে।

দশবিধ সংস্কার—উপনয়ন ব্যতীত দশবিধ বৈদিক সংস্কারের আর সমস্তই প্রায় প্রচলিত আছে। অজ্ঞতা ও অসমর্থতা প্রযুক্ত সকলে যথা-বিধানে ঐ সকল সংস্কার সমাধা করিতে পারে না ; তবে জাতকর্মা, বিবাহ, গর্ভাধান, সাধভক্ষণ, নিজ্জামণ, কর্ণবেধ ও শ্রাদ্ধাদি শাস্ত্রানুসারেই নিৰ্ব্বাহ করিয়া থাকে। বাল্যবিবাহ সমধিক প্রচলিত, বয়স্হা কত্তা প্রায়ই দেখা যায় না। কত্তাপণ অনেক স্থলে চলিতেছে, এই জন্তই বোধ হয় কত্তার বয়স ১০ বৎসর হইতে না হইতেই বিবাহ হইয়া যায়। মৃতদার ব্যক্তির পক্ষে দ্বিতীয়বার বিবাহ করা বড় কষ্ট সাধ্য ; বয়স্হা পাত্ৰী মিলে না অথচ পণের পরিমাণ বৃদ্ধি হয়। বিধবা বিবাহ প্রচলিত নাই, বহু বিবাহও দেখা যায় না।

গোত্র—আলম্যান, কানাইমদন, কাশ্যপ, গর্গক্ষষি, দৈবকী, মৌন্দলা, মহানন্দ, রাম, রাঘব, রাজিব, বাৎস্য, শাণ্ডিল্য ভরদ্বাজ এবং শিবগোত্রও স্থানে স্থানে দৃষ্ট হয়। বিবাহ ও শ্রাদ্ধাদি কালে ঐ সকল গোত্র উল্লেখ করিয়া কার্য্য হইয়া থাকে, তবে অজ্ঞতাবশতঃ অনেকে “ধথানাম গোত্র” বলিয়াও সংকল্প করে।

জাতীয় সংজ্ঞা—নাই, নাপিত, গ্রামণী, ছত্ৰী, বাৎসীসূত, ভাণ্ডপুট, ক্ষৌরকার, ক্ষুরী, মুণ্ডী, দিবাকীৰ্ত্তি, অন্তাবশায়ী, মুণ্ড, নখকুট, ও চন্দ্রিল এবং নরসুন্দর। কিন্তু সকল নাপিতকে নরসুন্দর বলা উচিত নহে। বারেন্দ্রশ্রেণীস্থ নাপিতেরাই সাধারণতঃ ঐ নামে পরিচিত।

উপাধি—প্রামাণিক, বারিক, শীল, ভাণ্ডারী, বৈষ্ণ, চন্দ্রবৈষ্ণ, দাশ, ধান, নন্দী, বিশ্বাস, জোয়াদ্দার, রাম, মূর্দানি, মজুমদার, স্বাহা, দিক্‌দার, নাগ, মাক্ত, মণ্ডল, সরকার, লাহা, সিংহ, চন্দ্র, ঠাকুর মল্লিক, মহাপাত্র ইত্যাদি

শিক্ষা—বিদ্যা শিক্ষার স্রোত অতি নৃহত্বে চলিতেছে, দৈবাধীন

বিনি নিজে লেখা পড়া শিখিয়াছেন, তিনিই তাঁহার সন্তানদিগকে লেখা পড়া শিখাইতে চেষ্টা করেন । আর যাহারা জাতি-ব্যবসায় করেন তাঁহারা প্রায়শঃ ঐ জাতীয় ব্যবসায়কেই একমাত্র অবলম্বন মনে করিয়া বিদ্যা শিক্ষার দিকে তত মনোযোগী হয়েন না । আজকাল সদাশয় ইংরাজ গভর্ণমেন্টের অনুগ্রহে সর্বত্র জাতিধর্ম্মানির্কীর্ণশেষে অবাধ-শিক্ষা প্রচার হওয়ায় আমাদের স্বজাতির মধ্যেও অনেকে ইংরাজী এবং বাঙ্গালা ভাষাতে সুপণ্ডিত হইয়াছেন । বিশ্ববিদ্যালয়ের উপাধি-ধারীও অনেক আছেন, এবং উচ্চ পদেও অনেকে প্রতিষ্ঠিত হইয়াছেন । সুখের বিষয় এই যে নাপিতের ছেলেকে পড়াইলে, তাহাকে প্রায়ই প্রশংসার সহিত পরীক্ষায় উত্তীর্ণ হইতে দেখা যায় । বি, এ ; এম, এ ; বি, এ, বি, এল ; প্রভৃতি উপাধি-ধারীও আছেন । তবে এণ্ট্রান্স পর্য্যন্ত পড়িয়া অর্থাভাব-নিবন্ধন অনেকেই পাঠ শেষ করিতে বাধ্য হইয়া জীবিকা-নির্কীর্ণের উপায় দেখিতেছেন । এল, এম, এস এবং এন, বি উপাধি-ধারী খ্যাতনামা ডাক্তারও কয়েকজন আছেন । বলপুরুষ হইতে চিকিৎসা-শাস্ত্রে অভিজ্ঞ অনেক সংস্কৃতজ্ঞ কবিরাজের বংশাবলী বর্ত্তমান আছে । এজন্য সংস্কৃত শিক্ষা চিরদিনই প্রচলিত ছিল বলিয়া বোধ হয় । চিকিৎসা-ব্যবসায়ীরা অনেকেই ব্যাকরণ পাঠ শেষ করিয়া আয়ুর্বেদ-শাস্ত্র অধ্যয়ন করিয়া থাকেন । অনেকে আয়ুর্বেদীয় উপাধি-পরীক্ষায় উত্তীর্ণ হইয়া যোগ্যতার সহিত চিকিৎসা করিতেছেন ।

খাদ্য—হিন্দুশাস্ত্রানুমোদিত ব্রাহ্মণাদি বর্ণের খাদ্যই নাপিতের খাদ্য । বৈষ্ণবধর্ম্মাবলম্বীরা প্রায়ই মাংস খায় না, এমন কি অনেকে মৎস্যও খায় না । মদ্যপান করিতে খুব কম লোককে দেখা যায় । শাক্তদিগের মধ্যে পাটার মাংস ও মৎস্যের ব্যবহার আছে । বিধবাদিগের মধ্যে অধিকাংশ স্থলেই বঙ্গদেশের উচ্চবর্ণের ঞায় (স্মার্ত্ত রঘুনন্দের বিধানানুযায়ী) আহারের প্রচলন আছে ।

ধর্ম—বৈষ্ণব ধর্মই সমধিক প্রচলিত । শাক্ত ও শৈব ধর্মের প্রচলন খুব কম ।

আবশ্যকতা—হিন্দুর যাবতীয় বৈদিক ক্রিয়াকর্মের নাপিতের আবশ্যক । জন্ম, মরণ, দীক্ষা, চূড়াকরণ, উপনয়ন, এবং বিবাহাদিতে নাপিতের কার্য অপরিহার্য । নাপিত ভিন্ন অশৌচ নাশের কোন উপায় নাই । দেশভেদে নাপিতকে ব্রাহ্মণের অনুপস্থিতিতে পৌরহিত্য পর্য্যন্ত করিতে দেখা যায় । এবিষয়ে পরে যথাস্থানে আলোচনা করা যাইবে । ফলতঃ নাপিতের আবশ্যকতা হিন্দু সমাজে অপরাপর জাতি অপেক্ষা অনেক অধিক । এজন্য একটা প্রবাদও আছে যে,

“ধাই বলে ঠউক, বামুন বলে মরুক

আর নাপিত বলে যা হয় তাই করুক ।”

স্বভাব—ইঁহারা পরিশ্রমী, স্বভাবতঃ সরল ও স্বল্পে সন্তুষ্ট । ইঁহারা নির্বিবাদে হিন্দুর অন্তঃপুরেও প্রবেশাধিকার পাইয়া থাকেন ; পরন্তু এমন বিধানী ‘জাত’ খুব কমই দেখা যায় । অতি বিশ্বস্ত লোক ভিন্ন ভাণ্ডার রক্ষার ভার কেহ কখনও কাহাকেও দেয় কি ? যজ্ঞ, বিবাহ, শ্রাদ্ধ ইত্যাদি ব্যাপারে নাপিত ভাণ্ডার রক্ষার ভার পাইত বলিয়া ইঁহাদের একটা উপাধি “ভাণ্ডারী ।” ইঁহাদের পূর্বপুরুষগণ ঐ সকল কার্যে নিযুক্ত হইতেন, তাঁহাদের বংশধরেরা ঐ উপাধিটা অদ্যাবধি ধারণ করিয়া আসিতেছেন । ছুংখের বিষয় “নরাণাং নাপিতো ধূর্তঃ” এই অপবাদটা পুরস্কার দিয়া কর্তারা নাপিতের মাগ্ন রক্ষা করিয়াছেন ; আমরা এ বিষয়ে পরে যথাস্থানে আলোচনা করিব

আচার ব্যবহার—বঙ্গদেশের প্রায় সর্বত্রই শুদ্ধাচার রক্ষা করায় আবহমান কাল হইতে নাপিত জাতি হিন্দু সমাজে আদরণীয় । এজন্য শ্রোত্রীয় ব্রাহ্মণে ইঁহাদের পৌরহিত্য করিয়া থাকেন । ইঁহারা নবশাখার অন্তর্ভুক্ত

ও সংশুদ্ধ বলিয়া এক্ষণে পরিগণিত । ভুলক্রমে বা অর্থ-লোভে কেহ কোন অস্পষ্টীয় জাতিকে ক্ষৌর করিলে, তাহাকে সমাজচ্যুত অর্থাৎ ‘একঘরে’ হইয়া থাকিতে হয় । আচার, ব্যবহার, ধর্মনিষ্ঠা, সত্য ও তীর্থপরায়ণতা প্রভৃতি যে সকল গুণ অর্থ-সাপেক্ষ নহে, কুল-লক্ষণের সে সমস্তই নাপিত সমাজে বর্তমান । আর্ঘ্যোচিত আত্মদায়িক ও কুশগুণিকা ক্রিয়াও প্রচলিত আছে এবং অসপিণ্ড প্রথা অনুসারেই বিবাহ সম্পন্ন হইয়া থাকে । কতকগুলি গ্রাম লইয়া এক এক জন “প্রামাণিকের” নেতৃত্বে সামাজিক ক্রিয়াকর্ম পরিচালিত হয় । এই সকল প্রামাণিক অপেক্ষাকৃত অবস্থাপন্ন ও উচ্চকলসদৃশ বলিয়া সমাজ-নর্যাদাও পাইয়া থাকেন ।

নাপিতের জাতীয় সংজ্ঞা ।

নাপিতের পদ্যায় লিখিতে **অমর কোষ** মাত্র ৫টা সংজ্ঞার উল্লেখ করিয়াছেন, যথা—

“ক্ষুরি মুণ্ডঃ, দিবাকীর্ত্তী নাপিতান্তাবশায়িনঃ” ।

ইহা ছাড়াও নাই, ছত্রী, বাৎসীসুত, নখকট, গ্রামণী, চন্দ্রল, মুণ্ড ও ভাণ্ডপুট এই কয়েকটা নামও অনেক আধুনিক ও পুরাতন অভিধানে দেখিতে পাওয়া যায় । এই সকল জাতীয় সংজ্ঞার কতকগুলি বিষয় আলোচনা করিয়া দেখা যাউক, আমরা কোন একটা মীমাংসায় উপনীত হইতে পারি কি না ।

১। নাই—“নাই” বলিলে কিছুই নাই, তবুও দেখি যদি কিছু পাই । “নাই” কথাটা অভাবার্থক অথবা প্রাণিগণের নাভিকে বুঝায় । উদাহরণ—সংহিতায় দেখা যায় ।—“নাভেক্ষে বপতে ইতি নায়” অর্থাৎ নাপিতের নাভির উপর দেশে ক্ষৌর করে বলিয়া নাভি (নাই ইতি ভাষা) নামে অভিহিত । নাভির উর্ধ্বে ক্ষৌর করে বলিয়াই যদি “নাই” সংজ্ঞা হয়

তবে নাপিত জাতির একটু শ্রেষ্ঠত্ব স্বীকার করিতে হইবে । কারণ আধুনিক নাপিতেরা নাভির অধঃদেশের অর্থাৎ পায়ের নখাদিও কর্তন করিয়া থাকে, পূর্বে ঐরূপ ছিল না—এরূপ আভাষ পাওয়া গেল ।

২ । নাপিত—এই শব্দের ধাতু ও ব্যুৎপত্ত্যর্থ দেখুন ।

ন—আপ্ + ক্ত অর্থ—(কিছুই উল্লেখ নাই)—শব্দকল্পদ্রুম ।

ন—আপ্ + ক্ত অর্থ—আত্মসমীপে নেয় যে—অমরকোষ টীকা ।

ন—আপ্ + ক্ত অর্থ—মাগ্ন পায় না যে—বাচস্পতি ।

ন—আপ্ + ক্ত + ইট্ অর্থ—ন আপ্নোতি সরলতামিতি ।

নঞাপ্ ইট্ চ—বিশ্বকোষ ।

পাঠক দেখিতেছেন উপর্যুক্ত ব্যুৎপত্তিগত অর্থগুলি নাপিতের শীনতাসূচক । বিদ্বৈষ-বশতঃই হউক আর যে কোন কারণেই হউক, কোষ-কারগণ নাপিতের প্রকৃত্যর্থ কেহ লক্ষ্য না করিয়া, তাঁহাদের সময়ে যিনি যেরূপ অবস্থায় নাপিতকে দেখিয়াছেন, সেই অবস্থানুরূপ ব্যাখ্যা তাঁহাদের স্ব স্ব কৃতাভিধানে সন্নিবিষ্ট করিয়াছেন । সর্বাপেক্ষা প্রাচীন আভিধানিক যদি দৈবাৎ একটা ভুলও করিয়া থাকেন, তৎপরবর্তী অপর কোন কোষ-কার আবশ্যিক না হইলে ঐ ভুলই বজায় রাখিয়া যান, সামান্য এক আধটু পরিবর্তন করিয়া নূতনত্বের পরিচয় রক্ষা করেন মাত্র ! উল্লিখিত চারিটা দৃষ্টান্তই তাহার প্রমাণ । যেহেতু—

“আপ্” ধাতুর অর্থ পাওয়া, আর “ন” অভাবার্থক, সুতরাং প্রকৃতি-প্রত্যয় দেখিয়া বুঝা গেল “কোন একটা কিছু না পাওয়া” । ইহাতেই কেহ বলিলেন “মাগ্ন পায় না যে” অর্থাৎ নগ্ন, কেহ বলিলেন সরলতা পায় না যে অর্থাৎ ক্রুর-স্বভাব ইত্যাদি । ফলতঃ ন—আপ্ + ক্ত প্রত্যয় করিয়া “নাপিত” শব্দ সিদ্ধই হইতে পারে না,—“নাপ্ত” হয়, যেমন প্র—আপ্ + ক্ত = প্রাপ্ত । এই জগুই বোধ হয় সর্বাপেক্ষা আধুনিক কোষ-কর্তা

নগেন্দ্রনাথ বসু মহাশয়, ন—আপ্ + তন ইট্ চ যোগ করিয়া উক্ত শব্দ নিষ্পন্ন করিতে চেষ্টা করিয়াছেন। কিন্তু তিনি আবার “ন আপ্নোতি সরলতামিতি” এই অশ্রুতপূর্ব ব্যাখ্যা করিয়া নাপিতকে আরও হেয় করিতে চাহেন। কেন? “ন আপ্নোতি পাপম্”—বলিলেও ত বলা যায়। নাপিত না হয় অর্থহীন, দীনভাবাপন্নই হইয়াছে, কিন্তু তাহারা “সরলতা-বর্জিত” কখনই নহে। বস্তুতঃ তাহারা যাবতীয় হিন্দুর পাপ-রাশিই নাশ করিয়া থাকে। ব্রহ্মার কায়া হইতে উৎপন্ন হইলেও সরলপ্রাণ নাপিত ভিন্ন অশৌচ নাশ বা উপনয়নাদি কোনরূপেই নিষ্পন্ন হইতে পারে না। পুষ্করতীরে স্বাং ব্রহ্মাকেও যথাবিধানে ক্ষৌরকার্য্য করিয়া বস্তুে ব্রতী হইতে হইয়াছিল। চূড়া করণে নাপিতকে এখনও সর্ব্ববর্ণে ধ্যান করিয়া থাকেন। এ সকল বিষয় বিশ্বকোষকার নিশ্চয়ই অবগত আছেন। দুঃখের বিষয় নাপিতের ভাগ্যে প্রাচ্যবিজ্ঞানমহার্গবেও করুণা-বিন্দুর অভাব; নাপিতের উপাদান তাঁহার বিশ্বকোষে যথেষ্টই আছে।

যাহা হউক আমরাদিগকে দেখিতে হইবে তবে কিরূপে নাপিত শব্দ নিষ্পন্ন হইল? আমরা দেখিতে পাই, বাঙ্গালাভাষায় যে সকল শব্দ প্রচলিত, তাহাদের অধিকাংশই সংস্কৃত শব্দ হইতে উৎপন্ন। সংস্কৃতে “নপাত” ও “নপ্তা” বলিয়া দুইটী শব্দ আছে, ইহাদেরই অপভ্রংশে নাপিত শব্দ প্রচলিত হইয়াছে। এই দুইটী শব্দের ব্যুৎপত্ত্যর্থের সহিত নাপিতের অতীত ও বর্ত্তমান বৈদিক অনুষ্ঠানের অনেক সাদৃশ্যও আছে। যথা—
নপাত (পুং) নাস্তি পাতো যত্র । ন পাতং কৰোতি যঃ সঃ নপাত ।
“অবিৎসি নপাতং বিক্রমগঞ্চ বিষ্ণোঃ” (শুক্লযজুঃ ১৯।৫৬) । ন পাতো যত্র সঃ নপাতো ; দেবযানপথঃ । যত্র গতানাং পাতো নাস্তি (বেদদীপ)
যেখানে গমন করিলে পতন হয় না, ইহাই হইল নপাত শব্দের ভাবার্থ।

পুরাকালে এবং বর্ত্তমান সময়ে হিন্দুসমাজে বেদ-বিহিত যে সকল

ক্রিয়াকর্মের অনুষ্ঠান হইত এবং হইতেছে তাহাতে নাপিতের আবশ্যকতা সর্বাগ্রে । বিশ্বকোষও বলিতেছেন “হিন্দুদিগের যাবতীয় শুভকার্যে নাপিতের উপস্থিত থাকা আবশ্যিক ।” চূড়াকরণ, উপনয়ন এবং বিবাহাদি দশবিধ সংস্কারে নাপিতকে একটা প্রধান উপকরণস্বরূপ ধরা হইয়া থাকে ; সাধারণতঃ লোকে মনে করে যে, নাপিতকে কেবল ক্ষৌর করণার্থ ই দরকার, কিন্তু বাস্তবিক তাহা নহে । নাপিতকে স্পর্শ করিলে পবিত্র হয়, ইহাই অশ্রুতম উদ্দেশ্য । ইহা না হইলে অশ্রু জাতীয় লোক দ্বারাও নাপিতের কার্য সমাধা হইতে পারিত । এই অশ্রুই “স্পর্শমণি” বা পরশ-চিকিৎসা-মণি বলিয়া নাপিতের একটা নামও হিন্দু সমাজে প্রচলিত আছে ; অত্যাধি বিবাহ সংস্কারে “গৌর বচনে” নাপিতের ঐ নামটির উল্লেখ দেখিতে পাওয়া যায় । জনন-মরণাদি অশৌচ এবং প্রায়শ্চিত্তাদিতেও নাপিতকে স্পর্শ না করিলে, কোনরূপ ধর্ম্মাচার অনুষ্ঠান করা যায় না ; সুতরাং নাপিত ঐ দেবযান পথস্বরূপ । কারণ নাপিতের নিকট গমন (পত্-ধাতু—গমনে) করতঃ মুণ্ডনাদি কর্ম্মসম্পাদনীয়, পক্ষান্তরে উর্হাদিগকে স্পর্শ করিলে আর পতন হয় না অর্থাৎ তাহার স্পর্শ ও ক্ষৌরকার্য করিলে, পাতকী ধর্ম্মাচার অনুষ্ঠানের উপযোগী হয় । ইহা প্রত্যক্ষ এবং সর্বজনবিদিত । সুতরাং ঐ নপাত শব্দ হইতেই নাপিত শব্দ উৎপন্ন হইয়াছে । নিপাতন করিলেও নপাত শব্দ হইতে (নপাত + ষ্য) নাপিত শব্দ সিদ্ধ হইতে পারে কিম্বা ন-আপত্যতি (পাতিত্যং করোতি ইতি)ন-আ—পত্ + ইট্ করিলেও হইতে পারে । আর নপ্তা শব্দের বিষয় পরে বলিব ।

(নপাত ও নপ্তা শব্দের সামঞ্জস্য “বৈদিক আভাষে” দেখুন) ।

৩ । গ্রামণী—গ্রাম—নী ধাতু + ক্ৰিপ = গ্রামং (সমূহং) নয়তি প্রেরয়তি স্বস্বকর্ম্মেণ ইতি গ্রামণী,—যিনি সকলকে স্ব স্ব কর্ম্মে নিযুক্ত করেন ; গ্রামের মধ্যে প্রধান ব্যক্তিকে বা অধিপতিকে গ্রামণী বলে, এই

শক হইতেই ব্রাহ্মণদিগের বর্তমান “গাঁই” কথার উৎপত্তি হইয়াছে (পঞ্চ গোত্র ছাড়া গাঁই, ইহা ছাড়া বামন নাই) । জগতের আদি গ্রন্থ ঋক্ সংহিতায় গ্রামপতি গ্রামণী নামে অভিহিত হইয়াছেন । বৈদিক সময় হইতেই গ্রামপতিত্বের ভার ব্রাহ্মণদিগের প্রাপ্য ছিল ।

হিন্দু রাজগণ ব্রাহ্মণ বাতীত অপর কাহাকেও গ্রামণীত্ব বা গ্রামপতিত্ব প্রদান করিতেন না । কারণ শাস্ত্র বলিতেছেন—

গ্রামপো ব্রাহ্মণো যোজ্যঃ কাম্বস্থো লেখকস্তথা ।

শুকগ্রাহী তু বৈশ্বাহি প্রতিহারশ্চ পাদজঃ ॥

অর্থ—ব্রাহ্মণকে গ্রামপতি, কাম্বস্থকে লেখকের কার্যে, শুক আদায় কার্যে বৈশ্বকে এবং দারোয়ানের কার্যে পাদজ অর্থাৎ শূদ্রকে নিযুক্ত করিবে । (শুক্রনীতি ১৪২৬)

সুতরাং গ্রামপতি বা গ্রামণীর পদ ব্রাহ্মণেরাই লাভ করিয়া স্ব স্ব গ্রামের অধিবাসীদিগের উপর কর্তৃত্ব করিতেন । এখন কিন্তু গ্রামণী বলিলে সাধারণতঃ নাপিতকেই বুঝায় । বহু প্রামাণ্য অভিধানে এই অর্থই আছে । “শব্দসান্নি” নামক বিখ্যাত অভিধানে ৬গিরিশচন্দ্র বিহারত্ন মহাশয়ও এই অর্থ লিখিয়া গিয়াছেন । অধিকন্তু এই নাপিতের একটা উপাধিও আছে, যাহাতে সে গ্রামের শ্রেষ্ঠ বলিয়া পরিচিত হয়, ঐ উপাধিটা “প্রামাণিক”—অপভ্রংশে পরামাণিক । আজ কাল অনেক জাতির মধ্যে “প্রামাণিক” প্রধান বা মণ্ডল এই উপাধি সৃষ্ট হইয়াছে বটে, কিন্তু প্রামাণিক বলিলে সাধারণতঃ নাপিতকেই বুঝায় । অনেক স্থলে আবার নাপিতের মান-মর্যাদাও আছে । সেই স্থানের বা গ্রামের বাসিন্দাগণ নাপিতকে বেশ মাণ্ড করে এবং সামাজিক ক্রিয়া সম্বন্ধে তাহার নিকট হইতে উপদেশাদিও লইয়া থাকে (মাননীয় রিজলী সাহেবের রিপোর্ট দেখুন) ; ইহাদের বসতিও সেইরূপ, প্রতি গ্রামে সকল রকমের জাতি না থাকিলেও

পুরুষানুক্রমে গ্রামে নাপিত একঘর বাস করিতেছে, ইহা বোধ হয়
অনেকেই প্রত্যক্ষ করিয়া থাকিবেন ।

৪ । প্রামাণিক—(প্রমাণ + ষিক) = মর্যাদার্থঃ, শাস্ত্রজ্ঞ, পরিচ্ছেদক ও প্রামাণ-কর্তাকে বুঝায় ; স্মতরাং গ্রামণী ও প্রামাণিক প্রায়ই একার্থ বাচক । পাঠক দেখিতেছেন, উপর্যুক্ত তিনটি পরিভাষাতেই নাপিতের শ্রেষ্ঠত্ব প্রকাশ করিতেছে । মুর্দ্ধনি, মহাপাত্রাদি উপাধিও নাপিতের শ্রেষ্ঠত্বেরই পরিচায়ক । ক্রমশঃ দেখিতে পাইবেন, নাপিত নগ্ন ও নেহাৎ নরাধন নহে । এই সকল শব্দ ও অর্থ অতি প্রাচীন এবং প্রামাণ্য অভিধানে আছে ।

কেহ হয়ত বলিতে পারেন যে, “গঙ্গাপুত্র” শব্দের অর্থ ভীষ্মদেব হইতে পারে, আবার মুদ্গাক্ষরাসও হইতে পারে ; স্মতরাং গ্রামণী শব্দও সেইরূপ ব্রাহ্মণকে একার্থে এবং নাপিতকে ভিন্নার্থে বুঝাইয়া থাকে । আমরা বলি “গ্রামণী” শব্দে তাহা হইতে পারে না, কারণ সর্বজন বিদিত “প্রামাণিক” এই ভারত-বিখ্যাত উপাধিটা নাপিতের সপক্ষে সাক্ষ্য দিতেছে ।

“শব্দকল্পদ্রুম” আবার কি বলিতেছেন—শুনুন ।—

৫ । বাৎসীস্মৃত—বাৎস্র (বৎস + ষ্য) মুনিবিশেষ-বাৎস্রসাবর্ণি-গোত্রয়ো রৌর্ক চ্যবন-ভার্গব-জামদগ্ন্যা-পু বৎপ্রবরাঃ ।—(ইতুদ্বাহতত্ত্বম্)

এই সম্বন্ধে বিশ্রুতকাম বলিতেছেন—

বাৎসী (স্ত্রী) বাৎস্রশাখাসমুতা স্ত্রী ।

বাৎসীপুত্র—আচার্য্যভেদ, নাপিত !

বুঝা গেল বাৎস্র নামে এক মুনি ছিলেন, বৎস গোত্রে তিনি জন্মিয়া-ছিলেন । এই গোত্রের ৫টি প্রবর ষথা—ওর্ক ; চ্যবন, ভার্গব, জামদগ্ন্য ও আপু বৎ । এই বাৎসী গোত্রীয় কোন স্ত্রীর গর্ভে নাপিতের উৎপত্তি, এজন্য নাপিতের এক নাম বাৎসীস্মৃত । চ্যবন মুনি মহর্ষি ভৃগুর পুত্র এবং অতি তেজস্বী ও মহাতপঃবলসম্পন্ন ঋষি ছিলেন । তাঁহারই জন্ত প্রসিদ্ধ

“চ্যবন-প্রাস” নামক আয়ুর্বেদীয় ঔষধের সৃষ্টি হইয়াছিল । তিনিই সূর্য্য—
তনয় অশ্বিনী-কুমারদ্বয়কে স্বর্গের সমাজের সকল কর্ম্মেই দেবতাদের সঙ্গে
সমান অধিকার দেওয়াইয়াছিলেন ! এই জগুই তাঁহার দেব-বৈগু বলিয়া
বিখ্যাত । নাপিতও সৃষ্টির গোড়া হইতে চিকিৎসক, আর ঔর্ক ঋষি
সূর্য্য বংশীয় ক্ষত্রিয়-রাজ সগরের জাত-কর্ম্মাদি নাপিতের গ্ৰাম সম্পন্ন করিয়া
ছিলেন, এ বিষয় পরে যথাস্থানে সন্নিবেশ করিব । নাপিতের গোত্র মধ্যে
“বাৎস্র” গোত্রও আছে । (বিষ্ণুকোষ দৃষ্টব্য)

৬ । চন্দ্রিল—(চন্দ্র + ইল) পুং শিবঃ । নাপিতঃ বাস্তুকম্ যেদিগ্ৰাম্—
ইতি শব্দকল্পদ্রুমঃ ।

মহাদেবের কপালে চন্দ্রদেব আছেন বলিয়া তাঁহার এক নাম চন্দ্রিল
বা চন্দ্রশেখর । বিবাহের “গৌর্বচনে” শিবের নাভি হইতে নাপিতের
উৎপত্তি বলিয়া কিস্বদন্তী আছে, আবার শিবগোত্র নাপিতও দেখা যায় ;
সুতরাং শিবের সন্তানকেও চন্দ্রিল বলা যাইতে পারে ।

৭ । ছত্রী—ক্ষত্রি শব্দের অপভ্রংশ । পশ্চিমা বায়ুন, সুতরাং বেশী
কিছু বলিবার আবশ্যক দেখি না ।

৮ । ভাণ্ডপুট—নাপিতঃ ইতি জটাম্বর । কেন নাপিতকে ভাণ্ডপুট
বলে ?

বৃহদ্রাণ্ডে তুর্ঘৈঃ পূর্ণে মধ্যে মৃষাং বিধারয়েৎ ।

ক্ষিপ্তাগ্নিং মুদ্রয়েদ্রাণ্ডং তদ্রাণ্ডপুটমুচ্যতে ॥—ইতি ভাবপ্রকাশ ।

এইটী চিকিৎসা শাস্ত্রের কথা, নাপিতের মধ্যে সহস্রপুট-লৌহাদি
প্রস্তুতকারক অনেক সংস্কৃত-বিদ্যা-বিশারদ কবিরাজ এখনও বিদ্যমান
আছেন, অতি প্রাচীন কালে চিকিৎসা ব্যবসায়টী বোধ হয় নাপিতেরই
ছিল । বড় বড় জালায় করিয়া ধাতু ও তৈলাদি আয়ুর্বেদীয় ঔষধের
পাক জারণ, মারণাদি কার্য্যে পারদর্শিতা হেতুই এই নাম হইয়াছিল ।

৯। চন্দ্রবৈদ্য—চন্দ্রদেবের একটা নাম সোম, আবার “সোম-বৈদ্য” বলিয়া এক রূপ বৈদ্যও আছে। তাহা হইলে চন্দ্র-বৈদ্য, সোম-বৈদ্য একই অর্থ-বোধক। বৈদ্য অর্থে চিকিৎসক, ইহা জাতিবাচক শব্দ নহে। এখন যেমন যে কোন জাতি ডাক্তার উপাধি ধরিতে পারেন, তেমনি চিকিৎসা ব্যবসায়ী মাত্রই বৈদ্য নামে অভিধেয়। যাহাদিগকে আমরা আজকাল “বৈদ্য” বলিয়া বুঝি, তাহারা অশ্বষ্ঠ। মনু বলেন “ব্রাহ্মণাং বৈশ্বকৃত্বায়াং অশ্বষ্ঠো নাম জায়তে”—ব্রাহ্মণের ঔরসে বৈশ্বকৃত্বার গর্ভে অশ্বষ্ঠ উৎপন্ন হইয়াছিল; আর ইহাদিগের বৃত্তি চিকিৎসা। কিন্তু শাস্ত্রানুসারে সত্যযুগে একমাত্র ব্রাহ্মণ ব্যতীত অন্য বর্ণের সৃষ্টি হয় নাই। সত্যে ব্রাহ্মণ, ত্রেতায়া ক্ষত্রিয় এবং দ্বাপরে বৈশ্ব শূদ্রের উৎপত্তি; সুতরাং দ্বাপর যুগে ভিন্ন তৎপূর্বে অশ্বষ্ঠোৎপত্তির সম্ভাবনা নাই। কিন্তু রোগ শোকাদি ত ছিল, কাজেই চিকিৎসা ব্যবসায়ও ছিল। অপিচ অত্রি, হারীত, চরক, সুশ্রুতাদি ঋষিই যখন আয়ুর্বেদ শাস্ত্রের প্রণেতা, তখন অশ্বষ্ঠোৎপত্তির পূর্বে চিকিৎসা বৃত্তি ব্রাহ্মণেরই ছিল! মনুর ব্যবস্থা প্রণয়ন কালে “সকর্ম্মণাঞ্চ ত্যাগেন জায়ন্তে বর্ণসঙ্করাঃ” অর্থাৎ স্বকর্ম্ম ত্যাগ করিলে বর্ণসঙ্কর হইয়া থাকে, আর “অশ্বষ্ঠানাং চিকিৎসিতম্” অর্থাৎ অশ্বষ্ঠের বৃত্তি চিকিৎসা—এই নিয়ম বিধিবদ্ধ হইলে, চিকিৎসাজীবী অনেক ব্রাহ্মণকে ব্রাহ্মণ-সমাজ-চ্যুত হইতে হইয়াছিল। তাহারাই নানা স্থানে নানা মূর্তিতে বিরাজমান। এসম্বন্ধে বাবু গোবিন্দ চন্দ্র বসাক তৎপ্রণীত “জাতিমালাতে” যাহা লিখিয়াছেন তাহা এই,—“এক্ষণে প্রশ্ন হইতে পারে বৈদ্যেরা যদি অশ্বষ্ঠ না হয়, তবে বঙ্গদেশে অশ্বষ্ঠ কে? ইহার উত্তরে আমি বলি যে, পূর্ব্বে ময়মনসিংহে ও শ্রীহটে যাহারা “চন্দ্র-বৈদ্য” ও “লতা-বৈদ্য” নামে বিখ্যাত এবং আমাদের বাংলাদেশে নাপিত ও বাকুই বলিয়া পরিচিত তাহারা অশ্বষ্ঠ। ইহাদের জল ব্রাহ্মণের আচরণীয়”।

আমি এক্ষণে বাদ প্রতিবাদ করা উচিত মনে করি না। চন্দ্রদেবের একটি নাম ওষধীশ বা দ্বিজরাজ। যাবতীয় ফলপাকাস্ত বৃক্ষ এবং আয়ুর্বেদোক্ত গাছ-গাছড়াকে জ্যোতির্লতা বা “ওষধি” বলে আর পানও লতা বিশেষ, স্মতরাং ওষধিবিদ্ নাপিতকে চন্দ্রবৈদ্য আর লতাবিদ্ বারুইকে লতাবৈদ্য বলা অসম্ভব নহে। নাপিত সমাজে ‘চন্দ্র’ উপাধিরও বহুল প্রচার আছে এবং দেশ-ভেদে অষ্ট উপাধিও নাকি আছে।

১০। ক্ষুরী—পুং (ক্ষুর + ইন্) ক্ষুরের দ্বারা ক্ষৌর করে বলিয়া নাপিতের এক নাম ক্ষুরী।

১১। মুণ্ডী—পুং (মুণ্ড + গিন্ কর্তৃ) মুণ্ডন করে বলিয়া মুণ্ডী।

১২। অন্তাবশায়ী—অন্ত—অব + শোধাতু গিন্ । (শান, শূর, শায়ক, নিশান প্রভৃতি শব্দ, শো ধাতু-নিম্পন্ন)

—অন্তে (অস্তিমে) শেষাবস্থায়ঃ শুদ্ধিকৃতেন (মুণ্ডনে ন বা) পাপম্
খর্বীকরোতি যঃ সঃ (মুনিবিশেষ ইতি হেমচন্দ্র)

মৃত্যুকালে প্রায়শ্চিত্তাদি করিতে হইলে অগ্রে নাপিত দ্বারা, মুণ্ডন করিতে হয়, পাপ নাশের জগুই হিন্দু শাস্ত্রে এই ব্যবস্থা আছে ; নাপিতের মঙ্গলাকাঙ্ক্ষীরা অন্তাবশায়ী এবং “অন্তাবসায়ী” এই দুইটা শব্দের স্বাতন্ত্র্য (বানান দেখুন) রক্ষা না করিয়া, নাপিতকেও অন্তাজ মধ্যে গণ্য করিতে চাহেন, কিন্তু অগ্নি ছাই চাপা কতদিন থাকে। অন্তাজ কি যাকে তাকে বলা যায় ?

মহর্ষি অঙ্গিরা কি বলিয়াছেন শুনুন—

চণ্ডালঃ শ্বপচঃ ক্ষত্বা স্মৃতো বৈদেহকস্তথা—

মাগধায়োগবো চৈব সশ্বেতেহন্তাবসায়িনঃ ।

চণ্ডাল, শ্বপচ, ক্ষত্বা, স্মৃত, বৈদেহক, মাগধ ও আয়োগব এই সাত জাতিকে অন্তাবসায়ী বলে। (অন্ত + অব—সো + গিন্)—অন্তম্

(গ্রামান্তঃ) বসতি গিন্ । যাহারা গ্রামের বাহিরে বাস করে, তাহারাই অন্তাবসায়ী ।

১২ । নরসুন্দর—বলিয়া কোন কথা অভিধানে পাওয়া যায় না । অবশ্য আধুনিক ছোট ছোট বাঙ্গালা শব্দ-কোষের কথা বলিতেছি না । প্রকৃতিবাদ অভিধান, বাচস্পতি, শব্দকল্পদ্রুম, অমরকোষ এবং বিশ্বকোষ

প্রভৃতি কোন প্রামাণ্য অভিধানে উহা নাই । সুতরাং এই শব্দটী

আধুনিক । বাস্তবিক এইটী নাপিতের পুরাকালের কোন জাতীয় সংজ্ঞা নহে । কিন্তু উহা প্রত্যক্ষই একটা সমাস-নিষ্পন্ন শব্দ বটে ।—

(১) নরাণাম্ সৌন্দর্য্যং সম্পাদয়তি (ক্ষৌরকার্যোন) যঃ সঃ ইতি বহুব্রীহিঃ (২) অথবা নরেষু সুন্দরঃ (শ্রেষ্ঠঃ) যঃ সঃ ইতি সপ্তমী তৎপুরুষ । আধুনিক পণ্ডিত মহাশয়েরা অবশ্য প্রথমোক্ত মতটীই সমর্থন করিবেন এবং হয়ত আমাদের কল্যাণকামী কোন কোনকার ভবিষ্যতে তাঁহার অভিধানে ঐরূপ শব্দরূপই মুদ্রিত করিয়া দিবেন । কিন্তু নাপিতকে “নরসুন্দর” বলার প্রকৃত কারণ কি, তাহা জানিলে বোধ হয় আর ঐরূপ করিবেন না । এজন্য এখানে নরসুন্দরের প্রকৃত পরিচয় দেওয়া গেল । হিন্দু-শাস্ত্র-বিশারদ শ্রীযুক্ত উমেশচন্দ্র বিদ্যারত্ন মহাশয়ের “জাতিতত্ত্ব-বারিধি”তে একস্থানে দেখা যায়—“সরমা নামে জনৈক নাপিত বারেন্দ্র কারসু দলে প্রবেশ করে । তাহাকে আধ ঘর বলিয়া গণ্য করা হইয়াছিল । কালক্রমে সরমার বংশ লোপ হইয়াছে । এবং ধর, কর, গুণ, দাম প্রভৃতি আরও দশ ঘর কারসু, বারেন্দ্র-কারসু দলে প্রবেশ করিয়াছেন, তাহারা হেজ (নিকুষ্ঠ) বলিয়া খ্যাত । ঢাকুরে লেখা আছে নীচ শূদ্র জাতীয় নরসুন্দর সরমা নামে একব্যক্তি ভৃগুনন্দীর পরিচর্যায় নিযুক্ত ছিল । সে ভৃগুনন্দীর নিকট মর্যাদা প্রার্থনা করিতে তাহাকে আধ ঘর বলিয়া

স্থির করেন। বারেন্দ্র কায়স্থ কুলে নাপিত ॥০ (অর্দ্ধ) ঘর—ইহা প্রসিদ্ধ কথা ।”

(জাতিতত্ত্ববারিধি প্রথম ভাগের যে পুস্তক ১৯০২ খৃষ্টাব্দে ছাপান হইয়াছিল, তাহার ৩৩১ ও ২৫৪—২৫৬ পৃষ্ঠা দ্রষ্টব্য ।)

পাণ্ডিতপ্রবর শ্রীযুত লালমোহন বিদ্যানিধি মহাশয় কৃত “সম্বন্ধনির্ণয়” নামক গ্রন্থে দেখা যায়—যে, “যে সকল কায়স্থ পূর্বাধি বঙ্গদেশে বাস করিয়া আসিতেছেন, যাঁহারা পাশ্চাত্য কায়স্থদিগের সহিত সংস্রবাধিকার প্রাপ্ত হন নাই এবং বারেন্দ্র ভূমিই যাঁহাদিগের স্মৃতিকাগৃহ তাঁহারা ই বারেন্দ্র কায়স্থ বলিয়া পরিগণিত । ইহাদিগের সংখ্যাও সর্ব-সমেত সাড়ে সাত ঘর । দাস, নন্দী, চাকি, শরমা, নাগ, সিংহ, দেব ও দত্ত । (এইরূপ বিশ্বদস্তী আছে যে, শরমা পূর্বে নরসুন্দর জাতি ছিলেন । কালক্রমে কোন অলৌকিক ক্ষমতা প্রদর্শন দ্বারা, দাস নন্দী প্রভৃতিকে কোন দৈবত্বক্ৰিপাক হইতে মুক্ত করেন । কেহ বলেন তিনি সিদ্ধ-পুরুষ ছিলেন । ইতি—টীকা ।)

দাস, নন্দী, চাকি এই তিন ঘর কুলীন, শরমাও কালক্রমে কোলিণ্ড মর্যাদাসম্পন্ন হইলেন । তদবধি শরমা আধ ঘর বলিয়া পরিগণিত হন এবং দাস, নন্দী, চাকির আধ ঘর নিয়ে আসন গ্রহণ করেন । নাগ, সিংহ দেব, দত্ত মৌলিক বলিয়া পরিগণিত ।

নাগ সিদ্ধমৌলিক, সিংহ সাধাকুল, দেব ও দত্ত নিম্নকুল বলিয়া খ্যাত ।

বারেন্দ্র কায়স্থগণের কুল মর্যাদানুযায়ী স্থানাঙ্গি যথা—

বংশ	গোত্র	সমাজের নাম—
দাস,	অত্রি,	সাধুখালী,
নন্দী,	কাশ্যপ.	নন্দীগ্রাম,
চাকি	গৌতম	১ম শ্রেণী—সরিষ, বাজুরস ।
		২য় শ্রেণী—ময়ুরহট্ট ।

ইহার শরমার অনুগ্রহে কোন দুর্বিপাক হইতে মুক্তিলাভ করিয়া তাঁহার নিকট কৃতজ্ঞতা প্রদর্শন জন্ত তাঁহাকে জিজ্ঞাসা করেন, আপনি আমাদিগের যে উপকার করিয়াছেন তাহার প্রত্যুপকার স্বরূপ আমরা আপনার প্রসন্নতা বিধান করিতে ইচ্ছা করি। শরমা কহিলেন— আপনাদের সহিত আমার ধর্মসম্বন্ধ থাকিলেই আমার যথেষ্ট প্রীতি হইবে। তাঁহার এতাদৃশ গম্ভীর উত্তরে দাস, নন্দী প্রভৃতি মহাজনগণ পরম পরিতুষ্ট হইয়া কহিলেন, অদ্যাবধি আমরা আপনাকে আমাদের কার্য-সমাজমধ্যে পরিগণিত করিতে ইচ্ছা করি। সেই কথা শুনিয়া শরমা কহিলেন মহোদয়গণ! যদিও আপনারা আমার প্রতি বিশেষ অনুগ্রহ প্রকাশ করিতেছেন বটে, কিন্তু আমি তাহাতে আপনাকে বিশেষ অনুগ্রহীত বলিয়া জ্ঞান করিতেছি না। কারণ আমি নাপিত-জাতিমধ্যে অগ্রগণ্য আছি, অর্থাৎ “প্রামাণিক” বলিয়া খ্যাত। আপনাদিগের দলে উঠিলে আমাকে অত্যন্ত নীচকুল বলিয়া গণ্য হইতে হইবে। ইহার উত্তর দিলেন, আমরা আপনাকে আমাদিগের সমাজ-মর্যাদা প্রদান করিতে ইচ্ছা করি।

তখন তিনি সন্মত হইলেন। তৎপরে শরমার কয়েকটি কন্যা ও ও পৌত্রী দাস নন্দী ও চাকীদের বরে প্রদত্ত হইল। সগাভস্থ সকল কার্যস্থ যখন ইহার মূল বৃত্তান্ত জানিতে পারিলেন, তখন ইহাকে পূর্ণ মাত্রায় একজন কার্যস্থ ও পূর্ণ মাত্রায় কুলীন বলিয়া স্বীকার করিতে অনিচ্ছুক হইলেন। পরে দলাদলি সূত্রে শরমা একপ্রকার প্রচলিত হইলেন। ক্রমে দলাদলির বন্ধন শিথিল হইলে, তাঁহার বংশপরম্পরা বারেন্দ্র শ্রেণীর কার্যস্থ মধ্যে আদধর কুলীন বলিয়াই প্রসিদ্ধ থাকিলেন, আধঘরের অর্থ—কন্যাদানকালে কুলীন, গ্রহণে মৌলিক। কেহ বিপরীতও বলেন। শরমার বংশের কন্যা গৃহীত হইত, শরমার বংশে পারতপক্ষে সহজে

কেহ কণ্ঠাদান করিতেন না। এইরূপে শরমার বংশাবলী এক প্রকার নিস্মূল হইয়া আসিয়াছে বলিলেই হয়। ইহাদিগের কুলপুত্রগত। কুলের হ্রাসবৃদ্ধি নাই। সংক্রিয়া দ্বারা সম্মান বৃদ্ধি হয় অসং কার্য্য দ্বারা কুলের ধ্বংস হয় না, কিন্তু কিঞ্চিন্ন্যনতা জন্মে। অধুনা রাজসাহী, বগুড়া, পাবনা, মুর্শিদাবাদের পূর্বভাগ ও নদিয়ার উত্তরাংশে ইহাদিগের বাসের আধিকা দেখা যায়।

বারেন্দ্র কায়স্থকুলে বল্লালি মর্যাদা স্বীকৃত হয় নাই। তাঁহারা কহেন, বল্লাল নীচ জাতীয় কণ্ঠা গ্রহণ দ্বারা মহাপাতকী হইয়াছিলেন। মহাপাতকীর প্রদত্ত মর্যাদা গ্রহণে পাপ ব্যতীত পুণ্য সঞ্চয় হয় না। যাহাতে মন সঙ্কুচিত থাকে, উহা পাপের লক্ষণ। সে যাহা হউক বল্লাল কর্তৃক নিত্যানন্দ নামক কোন কুক্রিয়াশালী এবং কতিপয় অনাচরণীয় শূদ্রকে কায়স্থ বলিয়া গৃহীত করায়, বারেন্দ্রগণ অত্যন্ত ভীত হইয়া স্বস্থান ত্যাগ করিয়া পলায়ন করেন। গোড়ের নিকটবর্তী অত্র শূদ্রকে কায়স্থ শ্রেণীতে প্রবেশ করান হেতুই ইহাদিগের ভয় বৃদ্ধি ত হইয়াছিল।

নিম্নলিখিত ব্যক্তিগণ যথাক্রমে নিম্নলিখিত স্থানে যাইয়া বাস করেন।

ককটনাগ—শৈলকুপা,

জটাধর নাগ—শরগ্রাম,

ভৃগুনন্দী—নন্দীগাঁতি,

মুরারীচাকী—টাকীগাঁতি

ইহাদিগেরই প্রযত্নে বারেন্দ্র কায়স্থকুলে মর্যাদা বান্ধা হয়। ইহারা সেই মর্যাদা বন্ধনকে পটী বা মেল শব্দে অভিহিত করেন। ভৃগুনন্দী বারেন্দ্র কায়স্থ সমাজের নিয়ম নির্ধারণ করেন। তদীয় নিয়মে কণ্ঠা বিক্রয় প্রথা ছিল না।” (বাঙ্গালা ১৩০৩ সাল মুদ্রিত “সম্বন্ধ নির্ণয়” দ্রষ্টব্য)।

নাপিতজাতির কেহ কখনও ব্রাহ্মণ, বৈশ্য বা কায়স্থের কোন অপকার করে নাই। চিরদিন দীনভাবে তাহারা স্ব স্ব কষ্টলব্ধ অর্থ-দ্বারা কায়ক্লেণে জীবিকা-নির্বাহ করিয়া আসিতেছে। কিন্তু তবুও কেন তাঁহারা আমাদিগকে গোলকধাঁড়ায় ফেলাইয়া রাখিতে চান বুঝিতে পারি না। বাদপ্রতিবাদ করিবার ইচ্ছাও নাই, ক্ষমতাও নাই। তবে সত্যের অপলাপ করিতে পারিব না।

“নরসুন্দর” বলিলেই আজকাল নাপিত জাতিকে বুঝায় ইহা বোধ হয়, শ্রীযুত উমেশচন্দ্র গুপ্ত বিদ্যারত্ন এবং শ্রীযুত লালমোহন ভট্টাচার্য্য বিদ্যানিধি মহাশয়দ্বয় জ্ঞাত আছেন। * আর শরমা বা সরমা একরূপ কোন শব্দ লোকের নামের পূর্বে ব্যবহার হয় না, একথাও বোধ হয় তাঁহারা জানেন। “নরসুন্দর শর্মা”—বলিলেই ত সব গোল চুকিয়া যাইত। কিন্তু তাঁহারা সে পথে যান নাই। যে কায়স্থদিগের বিবরণ লিখিতে যাইয়া তাঁহারা এই নরসুন্দরের অবতারণা করিয়াছেন, তাঁহাদিগেরই মুদ্রিত বারেন্দ্র “টাকুরে” স্পষ্টাক্ষরে উহা মুদ্রিত আছে। সাধারণের সন্দেহ অপনোদনার্থ এইখানে উহা অবিকল উদ্ধৃত হইল।

“১৩ ঘর লয়ে মাত্র পটী বন্ধ ছিল।

পরেতে অর্ধেক ঘর শরমা হইল ॥

শর্মার বৃত্তান্ত শুন কষ্ট-সাধ্য মতে।

তাহাকে রাখিল নন্দী নিজের কার্য্যেতে ॥

নরসুন্দর নাম তার শর্মা পদ্ধতি।

হীন কর্ম্ম করে নিজে অতি ক্ষুদ্রমতি ॥

নিত্য নিজে ক্ষেদ করে শর্মা মহাশয়।

* এক্ষণে উভয় গ্রন্থকারই পরলোকগত। সমালোচনার জন্ত এই পুস্তকের প্রথম সংস্করণ তাঁহাদিগকে যথাকালে দেওয়া হইয়াছিল। “সমালোচনা” দ্রষ্টব্য।

আমা তুল্য লোক যত বল্লাল সভায় ॥
 তা সবার মর্যাদা হইল বহুতর ।
 আমি সে রহিল মাত্র হইয়া নাচার ॥
 অদ্য হতে আমি আর হেথা না রহিব ।
 যদি মোরে দেন কুল তবে সে থাকিব ॥
 একথা শুনিয়া হাসি কহে নন্দী চাকী ।
 আজি হতে অর্দ্ধভাব আর অর্দ্ধ ফাঁকি ॥
 এই বাক্য শুনি পরে নাগ জটাধর ।
 উদ্ঘাতে খেদালে তারে দেশ দেশান্তর ॥
 সেই হতে সরগা গেলেন অত্র দেশে ।
 বরেন্দ্র পটীর মধ্যে কভু নাহি মিশে ॥”

এক্ষণে বোধ হয় সকলেই বুঝিতে পারিলেন যে, নরসুন্দর শর্মা নামে নাপিতেরই এক জন পূর্ব পুরুষ বঙ্গদেশের তাৎকালিক রাজা বল্লালসেনের সময়ে জীবিত ছিলেন । তৎকালে বঙ্গদেশের রাজধানী গৌড়নগরে ছিল । উক্ত নরসুন্দর শর্মার আত্মীয় এবং বংশধরেরাই এক্ষণে নরসুন্দর বলিয়া খ্যাত । এই উপাধিটি ভারতে এমন কি সমগ্র বঙ্গদেশের নাপিতের মধ্যেও দেখা যায় না বলিয়া, কোন কোষকার বা গ্রন্থকার উহাকে একটি জাতি-বাচক শব্দ বলিয়া গ্রহণ করেন নাই । বরেন্দ্রভূমির যে যে স্থানে বরেন্দ্র কায়স্থদিগের বসবাস ছিল, সেই সেই স্থানে এবং তন্নিকটবর্তী গ্রাম সমূহের নাপিতেরাই উক্ত উপাধির অধিকারী । সমগ্র নাপিত সমাজে উহা প্রযোজ্য নহে, অর্থাৎ নরসুন্দর যে সম্প্রদায়ের “প্রামাণিক” ছিলেন, সেই সম্প্রদায়ের নাপিতদিগকেই নরসুন্দর বলে ।

যাহা হউক, প্রসিদ্ধ ব্রাহ্মণ পণ্ডিত লালমোহন বিদ্যানিধি মহাশয়ের ভাষাতেই প্রকাশ, বল্লালসেনের সমকালেও নাপিতের স্থান, হিন্দু সনাজে ব্রাহ্মণের নিম্নেই ছিল, সেই জন্মই নরসুন্দর কাশ্মীর সমাজে প্রমোদনের প্রলোভন অনায়াসে সংবরণ করিয়াছিলেন। ইনি আলম্যান গোত্রীয় ছিলেন, এজন্য এক্ষণে যাহারা নরসুন্দর বলিয়া পরিচয় দেন, তাঁহারা ও ঐ আলম্যান গোত্র উল্লেখ করিয়া বিবাহ, শ্রাদ্ধ পূজাদি করিয়া থাকেন। কিন্তু নরসুন্দর শব্দটির এই শব্দী উপাধিটী কেবল বর্ণ-গুরু ব্রাহ্মণেরই হইয়া থাকে। কারণ মনু বলিয়াছেন—

শর্ম্মবদ্ ব্রাহ্মণশ্চ শ্রাদ্ধাজ্ঞো রক্ষাসমবিতম্ ॥

বৈশ্বশ্চ পুষ্টিসংযুক্তং শূদ্রশ্চ তৈশ্রযা সংযতম ॥ ২ অঃ ৩২ শ্লোক
—অর্থাৎ ব্রাহ্মণের নামের অন্তে শর্ম্মা উপপদ, ক্ষত্রিয়ের নামে বর্ম্মাদি কোনও রক্ষা বাচক উপপদ, বৈশ্বের নামে ভূতি প্রভৃতি পুষ্টিবাচক উপপদ এবং শূদ্রের নামের শেষে দাসাদি কোনও প্রেযাবাচক উপপদ যুক্ত হইবে। পাঠক বোধহয় বুঝিতে পারিতেছেন যে, নরসুন্দর শর্ম্মা এক্ষণে কোন বর্ণ বা জাতি হইল। অধিকন্তু তাঁহার আবার ব্রাহ্মণোচিত গুণও ছিল, কেননা তিনি সিদ্ধপুরুষ বলিয়া বর্ণিত হইয়াছেন। হা ভগবন্, নাপিত কি তবে ব্রাহ্মণ জাতি! “কালশ্চ কুটীলা গতিঃ!” দেখা যাউক শাস্ত্র কি বলে।

এইখানে সংখ্যা বিষয়ে কিঞ্চিৎ আলোচনা করিয়া পরে শাস্ত্রালোচনা করা বিধেয় মনে করিতেছি।

চতুর্থ অধ্যায়

গভর্নমেন্ট সেন্সাস অনুসারে বঙ্গীয় নাপিতের সংখ্যা

জেলায় নাম	খৃষ্টাব্দ ১৮৮১	খৃষ্টাব্দ ১৮৯১	খৃষ্টাব্দ ১৯০১
বক্সমান	১৭৮৯৭	১৫৭৫৬	১৬৭৩৬
বাঁকুড়া	১২২২২	১১৬৫৫	১২৭০০
বৌবভূম	৮১৯৪	৯৭১২	৭৬২৪
মেদিনীপুর	৪৫৯৮৯	৪৩৫৫১	৪০৯৪২
ভূগলী	১৩৯৮৭	১৪১৭৭	১২৭৪৬
হাওড়া	১১৪৫৪	১১৬০১	১৩২৯৮
২৪ পরগণা	২১৮০৩	২৪১৪১	২৫৯০৩
নদিয়া	১৯৪৪৯	১৬৫১৭	১৫৪৪৩
খুলনা	১৬২৮৯	১৭৪০৪	১৭৭৮৫
ষশোহর	২৫০০২	২২৬৯৯	২০৯৫১
মুর্শিদাবাদ	১৩৪৫৯	১৩৭৮৯	১২৪৩৪
দিনাজপুর	১২২০৬	১১১৫৮	৯০৩২
রাজশাহি	৮৪৫৫	৬৯৭৩	৬৭৮২
রংপুর	১২৯৪০	৯০৮৩	৯৬৬৬
বগুড়া	৩৯১৭	৫২২১	৪৪৩৪
পাবনা	১১৬৮৬	১০৮৮৩	১০৬০৮
ত্রিপুরা	২২২০৬	২২৭৫৬	২৫০৩৭
নোয়াখালী	১২৬৭১	১৪৮৬৬	১৬২৫৬
চট্টগ্রাম	১৫৪০০	১৮১২৪	১৯৯৬৫

গভর্ণমেন্ট সেন্সাস অনুসারে বঙ্গীয় নাপিতের সংখ্যা

জেলার নাম	খৃষ্টাব্দ		খৃষ্টাব্দ
	১৮৮১	১৮৯১	
জলপাইগুড়ি	৪৮৩৪	৫৮৩৭	৩৩৬১
ঢাকা	২১৭১৫	২২৪৪৬	২৪৪৪৫
ময়মনসিংহ	৩২৭৬৮	৪৭৪০২	২৬৭৩৩
ফরিদপুর	১৮৮৯৭	২০২৬৯	২১৩৩৫
বাধরগঞ্জ	৩৩৪৮৬	৩৮৬৬৯	৩৫৫২৪
মানভূম	১৫১৭৪	১৭১২৪	১৯২৫৯
মালদহ	৭৮৬৫	৬৯৫০	৬৮২১
শ্রীহর্ট	২১০৬৩	২৪০৩৫	২১২২৪
স্বীপুরুষের } মোট— সংখ্যা	৪৬১০২৭	৪৮২৮১৮	৪৫৭০৪৪

বিগত ১৮৭২ সালের লোক গণনার উপরোক্ত ২৭ জেলার নাপিতের সংখ্যা ছিল প্রায় ৪,২৭০১০ ।—

১৮৮১ সালে হইল ৪৬১০২৭ অর্থাৎ ৩৪০১৭ জন অধিক

১৮৯১ সালে হইল ৪৮২৮১৮ অর্থাৎ ২১৭৯১ জন অধিক

১৯০১ সালে হইল ৪৫৭০৪৪ অর্থাৎ ২৫৭৭৪ জন কম ।

পূর্ববর্তী দুই গণনার অনুপাতে ১৯০১ সালে অন্ততঃপক্ষে (৩৪০১৭ + ২১৭৯১ + ২) ২৭৪০৪ জন অধিক হওয়া উচিত ছিল । তাহা না হইয়া ২৫৭৭৪ জন কমিয়া গেল, ইহাতে মোটের উপর ন্যূনাধিক ৫৩৪৭৮ জন সংখ্যায় কমিয়া গিয়াছে । প্রাকৃতিক নিয়মে লোকসংখ্যা ক্রমশঃ বর্দ্ধিত হইবারই কথা । দেশে যুদ্ধবিগ্রহ, মহামারী বা ছুভিক্ষাদি দৈব দুর্ঘটনা

সংঘটিত না হইলে একরূপ অসম্ভবরূপে মানব-সংখ্যা হ্রাসের কোন কারণ নাই। কিন্তু কি আশ্চর্য, নাপিত-সমাজের পক্ষে বিপরীত ফলই ফলিতেছে। কর্ণেল ইউ, এন, মুখার্জী-কৃত “ধ্বংসোন্মুখ জাতি”তে হিন্দু-সংখ্যা হ্রাসের যে সকল কারণ দেখান হইয়াছে, আমার বিশ্বাস তদ্ব্যতীত আরও কয়েকটা শোচনীয় কারণে নাপিত-সমাজ ধ্বংসের দিকে যাইতেছে। নাপিত-সমাজে আমদানী মোটেই নাই, তবে রপ্তানি বেশ আছে, বড় দুঃখেই একথা প্রকাশ করিতে হইল।

আমাদের সমাজে যাঁহারা অপেক্ষাকৃত শিক্ষিত ও পদস্থ, স্ব-জাতির প্রতি সহানুভূতি ত দূরের কথা, তাঁহারা সুবিধা পাইলে জাত্যন্তর গ্রহণ করিতেও বিমুখ নহেন। অগ্ৰাণু জাতির মধ্যে যাঁহারা শিক্ষিত ও পদস্থ হইতেছেন, তাঁহারা স্ব স্ব সমাজের নিম্নস্তরের লোকাদগকে যথাসাধ্য শিক্ষিত ও উন্নত করিয়া স্ব স্ব সমাজ পুষ্ট করিবার চেষ্টা করিতেছেন কিন্তু নাপিত সমাজে ঠিক তাঁর বিপরীত ভাব চলিতেছে। আর কি কুক্ষণেই চৈতন্যদেব মধু-নাপিতের (?) সৃষ্টি করিলেন। এবার আর বেশী কিছু বলিব না। বর্তমান ১৯১১ সালের আদমশুমারী রিপোর্ট বাহির হইলেই প্রকৃত ব্যাপার বুঝা যাইবে, ইত্যবসরে স্বজাতি মহাশয়দিগেরও মতামত জানিতে পারিব আশা করি। প্রত্যেক জেলার সমাজপতি মহাশয়েরা একটু চেষ্টা করিয়া উপযুক্ত গণনার সত্যাসত্য অনায়াসেই নির্ণয় করিতে পারিবেন, যদি উক্ত গণনা সত্য হয়, আর সমাজ যে ভাবে এক্ষণে চলিতেছে এই ভাবেই চলিতে থাকে—কোন প্রতীকার না করা হয়—তবে বোধ হয় পরবর্তী ১০০ শত বৎসরের মধ্যে বঙ্গদেশের নাপিতকুল নিশ্চল হইবে, অথবা তাহাদিগকে আর নিজমূর্তিতে দেখিতে পাওয়া যাইবে না। ব্যাপারটা সকলেরই বিশেষ মনোযোগের সহিত ভাবিয়া দেখা উচিত।

আমাদের অনুমান যে একেবারে অসঙ্গত নহে, তাহা গভর্ণমেন্টের রিপোর্টেই প্রমাণ করিতেছে ।

নিম্নে যে তালিকা দেওয়া হইল, ইহাতে ১৯০১ সালের বাঙ্গালা গভর্ণমেন্টের অধীনস্থ প্রদেশ সমূহের হিন্দুস্থানী ও বাঙ্গালী নাপিতের সংখ্যা এক সঙ্গে ধরা হইয়াছে বুঝিতে হইবে ।—

Census Report 1901

VOL VI, Page 460, percentage of variation increase (+) or decrease (—). সংখ্যার আধিক্য + এবং হ্রাস(—) চিহ্নদ্বারা প্রকাশ ।

1901	1891	1881	1872
841,826.	861,754	941,052	732,264
1891—1901	1881—91	1872—81	
—2.31	—8.42	+28.51	

Percentage of the net variation increase or decrease
+14.96.

উপর্যুক্ত হিসাবে প্রমাণ করিতেছে যে ১৮৯১ সালের গণনাতে ৮.৪২ অর্থাৎ প্রায় ৮½ জন শতকরা কমিয়া গিয়াছিল । আর ১৯০১ সালেও শতকরা ২.৩১ অর্থাৎ প্রায় ২½ জন কমিয়া গিয়াছিল ।

ধাস বাঙ্গালা দেশে অর্থাৎ মানভূম শ্রীহট্ট প্রভৃতি কয়েকটা জেলা বাদে নাপিতের স্ত্রী পুরুষের সংখ্যা ও অগ্রাণু জাতব্য বিষয় নিম্নে দেওয়া হইল ।

(Numerical Strength of Napits 1901 in civil condition by age for Selected castes. Bengal proper)

অবিবাহিত	বিবাহিত	মৃতদার ও বিধবা
পুরুষ ৮৯৪৬৮	পুঃ ৮০৪৮০	পুঃ ১০২৮২
স্ত্রী ৪৯৯৭০	স্ত্রী ৮০৮৪২	স্ত্রী ৪৯৮৭২
১২৯৪৬৮	১৬১৩২২	৬০১৫৪

মোট স্ত্রীপুরুষের সংখ্যা ৩৬০৯১৪ তন্মধ্যে পুরুষ ১৮০২৩০ আর স্ত্রী ১৮০৬৮৪ ।

বয়সের অনুপাতে মৃতদার পুরুষ ও বিধবা স্ত্রীলোকের তালিকা দেখুন ।

বয়স	০—৫,	৫—১২,	১২—১৫,	১৫—২০,	২০—৪০	৪০—তদূর্ধ্ব
পুরুষ	২	২৯	৩৩	১৪৫	২৩৮৯	৭৬৮৫
স্ত্রী	২৫	৩৩৬	৬২৪	১৯১৪	১৬২২৬	৩০৭৩৭

উপর্যুক্ত বিবরণে শিখবার ও বুঝবার অনেক বিষয় আছে ; ৫ বৎসরের ছেনেরও বিবাহ হইয়া থাকে, আবার ৫ বৎসরের মধ্যে বিবাহ হইয়া যে কয়েকটা মেয়ে বিধবা হইয়াছিল তাহাদের সংখ্যা ১৯০১ সালে ২৫ হইয়াছিল ; আর মৃতদার পুরুষাপেক্ষা বিধবার সংখ্যা প্রায় ৫ গুণ অধিক । অপিচ ১৫ বৎসর বয়সের মধ্যে বিধবার সংখ্যা সর্বসমেত ৯৮৫ অর্থাৎ প্রায় ১০০০ হাজার । কি শোচনীয় ব্যাপার !

উল্লিখিত সংখ্যার মধ্যে শতকরা প্রায় ১০ জন লিখিতে পড়িতে জানে, তন্মধ্যে অপেক্ষাকৃত শিক্ষিত, পদস্থ লোকের তালিকা নিয়ে দেওয়া হইল, বাহুল্যবোধে ইহার বঙ্গানুবাদ বা মন্তব্য প্রকাশ করিলাম না । সরকারি রিপোর্টের কপিই অবিকল উদ্ধৃত হইল । মোটের উপর আমার বিশ্বাস, আন্দাজ পাঁচ হাজার লোক অপেক্ষাকৃত শিক্ষিত, উন্নত ও অবস্থাপন্ন আছেন । তন্মধ্যে (Gazetted officer) অর্থাৎ গভর্ণমেন্টের চাকরপদেও এক্ষণে ২০৩০ জন আছেন । (১৯২১ সালের সেন্সাস দ্রষ্টব্য)

	Burdwan Division.	Calcutta.	Presidency Division.	Rajshshi Division.	Dacca, Division.	Chittagong Division.	Patna Division	Bhagalpur Division	Orissa Division	Chota Nagpur Division	Feudatory States.	TOTAL.
Clerks, Inspectors & Clerical Service ...	30	55	11	1	8	9		2				116
Rent receivers ...	54	27	687	469	382	108		20		110	9	1866
Agents etc. of landed estates ...	6			4	2							12
Officers of Postal & Telegraphic Dept.	7	3										10
Professors, Teachers etc. ...	40	10	32	20	80	46		12		21	1	253
Lawyers & Law agents ...	1		8	1	25			2				37
Medical Practitioners ...	190	29	102	46	1894	459		12	1	23	1	2757

১।
কর্মচারী

পঞ্চম অধ্যায়

হিন্দুশাস্ত্র ।

“অখণ্ডমণ্ডলাকারং ব্যাপ্তং যেন চরাচরম্ ।

তৎপদং দর্শিতং যেন তস্মৈ শ্রীগুরবে নমঃ ॥”

শাস্ত্র বলিলেই আমরা সাধারণতঃ অনুস্বর-বিসর্গ-বিজড়িত সংস্কৃত ভাষায় রচিত পুস্তক বা শ্লোকাদি—যাহার অর্থ সহজে বোধগম্য নহে অথচ শ্রুতিমধুর—তাহাই বুঝি এবং উহার মনোদবাটিনে অসমর্থ-বিধায় যিনি ষেক্রপ বুঝাইয়া দেন, আমরা সাগ্রহে, সরল-চিত্তে তাহাই গ্রহণ করি, কারণ সংস্কৃত ভাষাটী দেব ভাষা আর এই ভাষাতে যাহারা অভিজ্ঞ তাঁহারা বর্ণশূন্য ব্রাহ্মণ । শূদ্র-নাম-ধারী যে সকল “কৃষ্ণের জীব” এই ভারতে বর্তমান ছিল এবং এখনও আছে, বহুকাল হইতে তাহারা সংস্কৃত শিক্ষা বা আলোচনা করিবার সুযোগ না পাওয়ায়, সংস্কৃত সাহিত্যটী ব্রাহ্মণদিগেরই একচেটিয়া হইয়া গিয়াছিল, যেহেতু ক্ষত্রিয় ও বৈশ্যবর্ণদ্বয়ও শূদ্রভাবাপন্ন হইয়া পড়িয়াছিল, ইহা পূর্বেও সপ্রমাণিত হইয়াছে । পুরুষানুক্রমে এই ভাষার চর্চা ব্রাহ্মণদিগের মধ্যেই সীমাবদ্ধ থাকায়, কালে অনেক ব্রাহ্মণ বিনা বিদ্যায় “বিদ্যাবাগীশ” হইতে আরম্ভ করিলেন । ফলে “বিদ্যাস্থানে ভয়েবচ”—(বিদ্যাস্থানেভ্যঃ এবচ) বলিলেও ব্রাহ্মণের শূন্যগর্ভ বাক্য বেদবাক্য এবং গর্হিত আদেশও শিরোধার্য্য বলিয়া গৃহীত হইতে লাগিল । এই অন্ধ বিশ্বাসই হিন্দু সমাজের বর্তমান শোচনীয় অবস্থার অগ্রতম কারণ । মহাযশঃ-তপ-সম্পন্ন-ভারত-গৌরব ঋষিগণের বংশধরগণ যদি স্বার্থপর, স্বকর্মত্যাগী ও ব্যভিচার-পরায়ণ না হইতেন তাহা হইলে

হয় ত আজ ভারতের ইতিহাস ভিন্নরূপ আকার ধারণ করিত ; জাতিভেদ লইয়া আজ ভারতময় যে আন্দোলন উঠিয়াছে হয়ত তাহাও উঠিত না ; সুতরাং জাতি-বিদ্বেষও জাতিভেদের সহচর হইত না। কিন্তু অন্ধ বিশ্বাসই হউক আর স্থূল বিশ্বাসই হউক, হিন্দুশাস্ত্র মতে “বিশ্বাসই” মুক্তির প্রধান উপায়। কথায় আছে “বিশ্বাসে পাইবে বস্তু, তর্কে বহুদূর”। ব্রাহ্মণের সে গুণ সে ব্রহ্মতেজ না থাকিলেও পাপী-তাপীর-বিচারক, পরম শ্রায়বান, সর্বাশ্রয়ামিন্ ভগবান্ যথাকালে শ্রায়দণ্ড পরিচালিত করিয়া অলক্ষিত ভাবে আবার সনাতন হিন্দুধর্মের পথ দেখাইয়া দিতেছেন। তাই নাকি ভারতের লুপ্তপ্রায় বর্ণাশ্রম ধর্ম আবার পুনর্জীবন লাভের পথে অগ্রসর হইতেছে। তাই আজ বৈষ্ণব, কাশ্মীর, কৈবর্ত, গন্ধবণিক, সুবর্ণ-বণিকাদি হিন্দু-সম্প্রদায় বহুকালের অজ্ঞতা, অবসাদ ও কুসংস্কার পরিত্যাগ পূর্বক আপন আপন সমাজ বন্ধনে ও তাহার উন্নতি সাধনে বন্ধ-পরিকর হইয়াছেন। “জগৎ পারিবর্তনশীল”—তাই যুগ যুগান্তরের ভ্রনাকার আপনা হইতেই অপসারিত হইতেছে। পূর্বে আমরা যাহা-দিগকে বলিতে শুনিয়াছি “ন শূদ্রায় মতিং দদ্যাৎ,” “উহাকে বিদ্যা শিক্ষা দিও না”, “উহার বেদে অধিকার নাই—ইত্যাদি, তাহারাই এক্ষণে দেখাইয়া দিতেছেন “আত্মবৎ মৃত্যুতে জগৎ”, “জ্ঞানাৎ পরতর নাস্তি”, সর্বত্রব্রহ্মময়ং জগৎ”—ইত্যাদি। বিশেষতঃ “বিদ্যায়া সমং ধনং নাস্তি”—এই মহৎ বাক্যের মূল্য আজকাল সকলেই প্রায় বুঝিয়াছেন। তাই সর্বত্র শিক্ষার প্রচার আরম্ভ হইয়াছে। যে বিদ্যালয়ে মানবের জ্ঞান মার্জিত ও মনের অন্ধকার দূরীভূত হয়, যে বিদ্যালয়ে মানুষ কি স্বদেশে কি বিদেশে সমাদৃত হয়, যে বিদ্যালয়ে মানব প্রকৃত মনুষ্য নামের যোগ্য হয়, সেই-বিদ্যালয়ে যাহারা বঞ্চিত তাহারা কি আর মানুষ! নরাকারে পশু বলিলেও বোধ হয় অত্যাঙ্কি হয় না। বিধিনির্দিষ্ট মানবের সর্বপ্রকার

উপাদানে সৃষ্ট ও পুষ্ট হইলেও তাহারা চক্ষু থাকিতে অন্ধের স্থায় জীবনমৃত ভাবে কাল কাটাইয়া থাকে । অন্ধকে যে পথ দেখাইয়া দেওয়া যায়, সে সেই পথ ধরিয়াই চলিতে থাকে । খানা, ডোবা, কূপাদিযুক্ত রাস্তা দেখাইয়া দিলেও সে সেই রাস্তারই অনুসরণ করে । ফলতঃ পথ-প্রদর্শকের উদ্দেশ্য ভাল হইলেই মঙ্গল, নচেৎ “পারে বাঁচুক, না হয় খোঁড়া হয়ে থাকুক”—এই শ্লেষ বাক্যই সিদ্ধ হইয়া থাকে । ভারতের বিশেষতঃ বঙ্গদেশের অনেকগুলি জাতিরই অধঃপতন এইরূপে সংঘটিত হইয়াছিল । পাঠক, আসল কথা ছাড়িয়া আমরা অনেকদূর আসিয়া পাড়িয়াছি । হিন্দুশাস্ত্র বলিলেই আৰ্য্য-ধর্ম্মানুশাসন গ্রন্থাদিকেই বুঝায় ।—শাস্ত্রম-নিদেশঃ-গ্রন্থঃ—ইত্যমরঃ ।

বেদ, সংহিতা, পুরাণ উপপুরাণাদিই হিন্দুর শাস্ত্র । আমাদের সর্ব্বাপেক্ষা প্রাচীন এবং প্রধান ধর্ম্মগ্রন্থ—বেদ । ঋক্, যজু, সাম, ও অথর্ব্ব ভেদে বেদ চারিপ্রকার । বেদাঙ্গ, কল্পসূত্র ও সংহিতা প্রভৃতি ধর্ম্মশাস্ত্র এই বেদ অবলম্বনেই লিখিত । বর্ত্তমান কালে মনু প্রভৃতি মহর্ষি-প্রণীত সংহিতাগুলির বিধানানুসারেই হিন্দুসমাজ পরিচালিত হইতেছে । মূলতঃ এই সংহিতাগুলির সংখ্যা বিংশতি খানি মাত্র, যথা—

মন্ত্রত্রি বিষ্ণুহারীতযাজ্ঞবল্ক্যোশনোগ্নিরাঃ ।

যমাপস্তম্ব সংবর্ত্তাঃ কাত্যায়ন বৃহস্পতি ॥

পরশর-ব্যাস-শঙ্খ-লিখিতা-দক্ষ-গোতমো ।

শাতাতপো বশিষ্ঠশ্চ ধর্ম্মশাস্ত্র-প্রয়োজকাঃ ।

অর্থ—মনু, অত্রি, বিষ্ণু, হারীত, যাজ্ঞবল্ক্য, উশনা, অগ্নিরা, যম, আপস্তম্ব, সংবর্ত্ত, কাত্যায়ন, বৃহস্পতি, পরশর, ব্যাস, শঙ্খ, লিখিত, দক্ষ, গোতম, শাতাতপ এবং বশিষ্ঠ ধর্ম্ম-শাস্ত্র প্রণয়ন করিয়াছিলেন । এই সকল মহর্ষির নামানুসারেই তাঁহাদের প্রণীত স্মৃতি বা সংহিতাগুলি

বিখ্যাত হইয়াছে। যথা—মনু-সংহিতা, অত্রি-সংহিতা, বশিষ্ঠ-সংহিতা প্রভৃতি। এতন্মধ্যে মহর্ষি মনু, আদি বিধানকর্তা ও দ্বিতীয় শ্রী বাল্মীকি বিখ্যাত। কোন স্থলে বিরোধ উপস্থিত হইলে, মনুর মতই সর্বতোগ্রাহ্য ও সর্বজনমাণ্য হইয়া থাকে। স্বয়ং দেবগুরু বৃহস্পতি বলিয়াছেন—
বেদার্থো উপনিবন্ধুত্বাৎ প্রাধান্যং হি মনুঃস্মৃতৌ ।

মনুর্থ বিপরীতা যা স্মৃতি সা ন প্রশস্ততে ।

অস্মার্থ—মনুর স্মৃতিই প্রধান, কারণ ইহাতেই বেদের অর্থ উপনিবন্ধ হইয়াছে, মনুর স্মৃতি বাহার অর্থ বিরোধ হয়, সে স্মৃতি প্রশস্ত নহে।

প্রকৃত প্রস্তাবে মনুর বিধান-বলেই আৰ্য্যগণ পৃথিবীর মধ্যে সর্বোচ্চ জাতি বলিয়া পরিগণিত ছিলেন, এবং অদ্যাবধিও মনুর বিধান-বলেই নাকি বিদেশীয় ও বিজাতীয় বিবিধরূপ অত্যাচার সত্ত্বেও হিন্দু-ধর্মের স্বাভাবিক রক্ষা হইয়া আসিতেছে। হিন্দুদের দাবী করিতে হইলে এই সায়স্বেদ মনুর বিধান মানিয়া চলিতেই হইবে। এই মনু-সংহিতাই হিন্দু-সমাজের Penal Code, Criminal Procedure Act এবং Evidence Act স্বরূপ। সুতরাং এই পুস্তকে বর্ণভেদ বা বর্ণাশ্রম এবং বর্ণসঙ্কর বিষয়ে যে সকল নিয়ম বিধিবদ্ধ করা হইয়াছে, তন্মধ্যে হইতে প্রধান প্রধান কতকগুলি উদ্ধৃত করিয়া এইখানে পাঠকদিগকে উপহার দেওয়া আবশ্যিক মনে করিতেছি।

ব্রাহ্মণ, ক্ষত্রিয়, বৈশ্য, শূদ্র—এই চারি বর্ণের জন্ত তিনি যে সকল কর্তব্য কর্ম নির্দেশ করিয়া গিয়াছেন তাহা এই,—

অধ্যাপন মধ্যয়নং যজনং যাজনং তথা ।

দানং প্রতিগ্রহশ্চৈব ব্রাহ্মণানামকল্পয়ৎ ॥ ৮৮ ।

প্রজানাং রক্ষণং দান মিজ্যাধ্যয়ন মেবচ ।

বিষয়েষ প্রসক্তিঃ ক্ষত্রিয়স্ত সমাসতঃ ॥ ৮৯ ।

পশুনাং ব্রহ্মনঃ দান মিজ্যাধায়নমেবচ ।

বনিকৃপথঃ কৃসীদক্ণ বৈশ্বশ্চ কৃষিমেবচ ॥ ৯০ ।

এক মেবতু শূদ্রশ্চ প্রভুঃ কৰ্ম্ম সমাদিশৎ ।

এতেযা মেব বর্ণানাং শুশ্রুষামনুসূয়মা ॥ ৯১ !

(মনুসংহিতা—প্রথম অধ্যায়)

অর্থ—অধ্যয়ন, অধ্যাপন, যজন, ষাজন, দান ও প্রতিগ্রহ এই ছয়টি কৰ্ম্ম তিনি ব্রাহ্মণদিগের জন্ত নির্দিষ্ট করিয়া দিলেন । প্রজারক্ষণ, দান, যজ্ঞ, অধ্যয়ন এবং ভোগাসক্তির পরিবর্জন এই কয়েকটি কৰ্ম্ম তিনি ক্ষত্রিয় গণের জন্ত সংক্ষেপতঃ নিরূপিত করিলেন । পশুরক্ষা, দান, যজ্ঞ, অধ্যয়ন, বাণিজ্য, ধন-বৃদ্ধির জন্ত অর্থ-প্রয়োগ এবং কৃষিকৰ্ম্ম তিনি বৈশ্বদিগের জন্ত ব্যবস্থা করিলেন, এবং উপযুক্ত তিন বর্ণের অনুশাস্তি হইয়া সেবা করা শূদ্রগণের একমাত্র কর্তব্য—ইহা প্রভু নির্দেশ করিলেন ।

তৎপরে বিবিধ জাতির উৎপত্তি বিষয়ে বলিতেছেন ।—

অধীর্যরংস্রয়ো বর্ণাঃ স্বকৰ্ম্মস্থা দ্বিজাতয়ঃ ।

প্রক্রমাদ্ ব্রাহ্মণশ্চেযাং নেতরাবিতি নিশ্চয় ॥১

সর্কেষাং ব্রাহ্মণো বিজ্ঞাদবৃত্তুপায়ান্ যথাবিধি ।

প্রক্রমাদিতরেভ্যশ্চ স্বয়শ্কেব তথা ভবেৎ ॥২

বৈশেষ্যাৎ প্রকৃতিশ্ৰেষ্ঠ্যান্নিয়মশ্চ চ ধারণাৎ ।

সংস্কারশ্চ বিশেষাচ্চ বর্ণানাং ব্রাহ্মণঃ প্রভুঃ ॥৩

ব্রাহ্মণঃ ক্ষত্রিয়ো বৈশ্বস্রয়ো বর্ণা দ্বিজাতয়ঃ ।

চতুর্থ একজাতিস্ত শূদ্রো নাস্তি তু পঞ্চমঃ ॥৪

সর্ববর্ণেষু তুল্যাসু পত্নীধক্ষতযোনিষু ।

আনুলোম্যেন সঙ্কৃতা জাত্যা ক্ষেয়াস্ত এব তে ॥৫

স্ত্রীধনন্তরজাতাসু দ্বিজৈরুৎপাদিতান্ সূতান্ ।
 সদৃশানেব তানহর্ষাতু-দোষবিগর্হিতান্ ॥ ৬
 অনন্তরাসু জাতানাং বিধিরেষ সনাতনঃ ।
 দ্বোকান্তরাসু জাতানাং ধর্ম্যাং বিদ্যাভিমংবিধিম্ ৭
 ব্রাহ্মণাঈশ্বকক্ৰায়ান্বর্ষষ্ঠো নাম জায়তে ।
 নিষাদঃ শূদ্রক্ৰায়ঃ ষঃ পারশব উচ্যতে ॥ ৮
 ক্ষত্রিয়াচ্ছূদ্রক্ৰায়ঃ কুরাচারবিহারবান্ ।
 ক্ষত্রশূদ্রবপূর্জন্তুক্ৰো নাম প্রজায়তে ॥ ৯
 বিপ্রশু ত্রিবু বর্ণেষু নৃপতেবর্ণয়োদ্বয়োঃ ।
 বৈশ্বশু বর্ণে চৈকস্মিনযড়েতেহপসদাঃ স্মৃতাঃ ॥ ১০
 ক্ষত্রিয়াদ্বিপ্রক্ৰায়ঃ সূতো ভবতি ভাণ্ডিতঃ ।
 বৈশ্বান্নাগধবৈদেহৌ রাজবিপ্রাঙ্গনাসূতো ॥ ১১
 শূদ্রাদায়োগবঃ ক্ষত্রা চাণ্ডালশচাধমো নৃগান্ ।
 বৈশ্বরাজশুবিপ্রাসু জায়ন্তে বর্ণসকরাঃ ॥ ১২
 একান্তরে ত্বানুলোম্যাদশ্বর্ষষ্ঠো যথা স্মৃতো ।
 ক্ষত্রবৈদেহকৌ তদ্বৎ প্রাতিলোম্যেহপি জন্মনি ॥ ১৩
 পুত্রা যেহনন্তরস্ত্রীজাঃ ক্রমেণোক্তা দ্বিজন্মানান্ ।
 তানন্তরনায়ন্তু মাতৃদোষাৎ প্রচক্ষতে ॥ ১৪
 ব্রাহ্মণাছগ্রক্ৰায়ানাবৃতো নাম জায়তে ।
 আভীরোহ্বর্ষ ক্ৰায়ান্নায়োগব্যাস্তু ধিগুণঃ ॥ ১৫
 অযোগবশ্চ ক্ষত্রা চ চাণ্ডালশচাধমো নৃগান্ ।
 প্রাতিলোম্যেন জায়ন্তে শূদ্রাদপসদাস্ত্রয়ঃ ॥ ১৬
 বৈশ্বান্নাগধ বৈদেহৌ ক্ষত্রিয়াৎ সূত এব তু ।
 প্রতীপমেতে জায়ন্তেহ পরেহ প্যাপসদাস্ত্রয়ঃ ॥ ১৭

জাতো নিষাদাচ্ছূদ্রায়াং জ্যাত্যা ভবতি পুঙ্কসং ।
 শূদ্রাজ্জাতো নিষাদ্যাস্তু স বৈ কুকুটকঃ স্মৃতঃ ॥ ১৮
 ক্ষত্বুর্জাতস্তথোগ্রায়াং শ্বপাক ইতি কীর্ত্যতে ।
 বৈদেহকেন ত্বষষ্ঠ্যানুৎপন্নো বেণ উচ্যতে ॥ ১৯
 দ্বিজাতয়ঃ সবার্ণসু জনয়ন্ত্যব্রতাংস্তু যান্ ।
 তান্সাবিত্রীপরিভ্রষ্টান্ ব্রাত্যাইতিবিনিদিশেৎ ॥ ২০
 ব্রাত্যাৎ তু জায়তে বিপ্রাৎ পাপাত্মা ভূর্জকন্টকঃ ।
 আবস্ত্যবটধানৌ চ পুষ্পধঃ শৈথ এব চ ॥ ২১
 বাল্লো মল্লশ্চ রাজগ্ৰাদ্ভ্রাত্যান্নিচ্ছিবিরেব চ ।
 নটশ্চ করণশ্চৈব খসো দ্রবিড় এব চ ॥ ২২
 বৈশ্যাৎ তু জায়তে ব্রাত্যাৎ সুধম্বাচার্য্য এব চ ।
 কারুযশ্চ বিজয়া চ মৈত্র সাত্বত এব চ ॥ ২৩
 ব্যভিচারেণ বর্ণানামবেদ্যাবেদনেন চ !
 শ্বকশ্মাণাঞ্চ ত্যাগেন জায়ন্তে বর্ণসঙ্করাঃ ॥ ২৪
 সঙ্কীর্ণযোনয়ো যে তু প্রতিলোমানুলোমজাঃ ।
 অশ্রোত্তব্যতিযুক্তাশ্চ তান্ প্রবক্ষ্যাম্যশেষতঃ ॥ ২৫
 সূতো বৈদেহকশ্চৈব চণ্ডালশ্চ নরাধমঃ ।
 মাগধঃ ক্ষত্বুর্জাতিশ্চ তথায়োগব এব চ ॥ ২৬
 এতে ষট্ সদৃশান্ বর্ণান্ জনয়ন্তি স্বযোনিষু ।
 মাতৃজাত্যাং প্রসূয়ন্তে প্রধরাসু চ যোনিষু ॥ ২৭
 যথা ত্রয়াণাং বর্ণানাং ঘরোরাশ্রাশ্চ জায়তে ।
 আনস্তুর্যাৎ স্বযোনাস্তু তথা বাহেঘপি ক্রমাৎ ॥ ২৮
 তে চাপি বাহান্ সুবহুংস্ততোহপ্যধিকদূষিতান্ ।
 পরম্পরশ্চ দারেযু জনয়ন্তি বিগহিতান্ ॥ ২৯

যথৈব শূদ্রো ব্রাহ্মণ্যাং বাহুং জন্তুং প্রস্মরতে ।
 তথা বাহুতরং বাহুশ্চাতুর্ষণ্যে প্রস্মরতে ॥ ৩০
 প্রতিকূলং বর্তমানা বাহা বাহুতরান্ পুনঃ ।
 হীনাহীনান্ প্রস্মরন্তে বর্ণান্ পঞ্চাশৈব তু ॥ ৩১
 প্রসাধনোপচারজ্জমদাসং দাসজীবনম্ ।
 সৈরিক্ৰিঃ বাণ্ডুরাবৃত্তিঃ স্মৃতে দস্যুরমোগেষে ॥ ৩২
 মৈত্রেয়কন্তু বৈদেহো মাধুকং সম্প্রস্মরতে ।
 নৃনৃপ্রশংসত্যজস্রং ষো ঘণ্টাতাড়াহুকগোদয়ে ॥ ৩৩
 নিষাদো মার্গবং স্মৃতে দাসং নৌ কশ্মজীবিনম্ ।
 কৈবর্তমিতি যং প্রাহুরাধ্যাবর্তনিবাসিনঃ ॥ ৩৪
 মৃতবস্ত্রভূৎসু নারীষু গহিতান্নাশনাসু চ ।
 ভবন্ত্যামোগবীষেতে জাতিহীনাঃ পৃথক্ ভ্রমঃ ॥ ৩৫
 কারাবরো নিষাদাৎ তু চর্ম্মকারঃ প্রস্মরতে ।
 বৈদেহিকাদক্ মেদৌ বহিগ্রামপ্রতিশ্রয়ো ॥ ৩৬
 চাণ্ডালাৎ পাণ্ডুসোপাকস্তক্সারব্যবহারবান্ ।
 অহিণ্ডিকো নিষাদেন বৈদেহ্যামেব জায়তে ॥ ৩৭
 চণ্ডালেন তু সোপাকো মূলব্যাসনবৃত্তিমান ।
 পুরুশ্চাং জায়তে পাপঃ সদা সজ্জনগহিতঃ ॥ ৩৮
 নিষাদস্ত্রী তু চাণ্ডালাৎ পুত্রমন্ত্যাবসায়িনম্ ।
 শ্মশানগোচরং স্মৃতে বাহানাংপি গহিতম্ ॥ ৩৯
 সঙ্করে জাতয়েন্তেতাঃ পিতৃমাতৃপ্রদর্শিতাঃ ।
 প্রচ্ছন্ন বা প্রকাশ্য বা বেদিতব্যঃ স্বকশ্মভিঃ ॥ ৪০
 সজাতিজানন্তুরজাঃ যট স্মৃতা বিজধর্ম্মিণঃ ।
 শূদ্রাণাস্তু সধর্ম্মাণঃ সর্কেহপধ্বংসজাঃ স্মৃতাঃ ॥ ৪১

তপোবীজ প্রভাবৈস্ত য়ে গচ্ছন্তি যুগে যুগে ।
 উৎকর্ষণাপকর্ষণ মনুষ্যোষিহ জন্মতঃ ॥ ৪২
 শনৈকস্ত ক্রিয়ালোপাদিমাঃ ক্রিয়জাতয়ঃ ।
 বৃষলত্বং গতা লোকে ব্রাহ্মণাদর্শনে চ ॥ ৪৩ ৪৩
 পৌণ্ড্র কাশ্চোদ্ভবিড়াঃ কাষোজা যবনাঃ শকাঃ ।
 পারদাপহুবাশ্চীনাঃ কিরাতা দরদাঃ খশাঃ ॥ ৪৪
 মুখবাহুরূপজ্ঞানাং যা লোকে জাতয়ো বহিঃ ।
 শ্লেচ্ছবাচশ্চাৰ্য্যবাচঃ সর্কে তে দশ্যবঃ স্মৃতাঃ ॥ ৪৫
 যে দ্বিজানাং পসদা যে চাপধ্বংসজাঃ স্মৃতাঃ ।
 তে নিন্দিতৈবর্ত্তয়েষু দ্বিজানাং মেব কৰ্ম্মভিঃ ॥ ৪৬
 স্মৃতানাং মন্ত্রসারথ্যমম্বষ্ঠানাং চিকিৎসিতম্ ।
 বৈদেহকানাং স্ত্রীকার্যং মাগধানং বণিকপথঃ ॥ ৪৭
 মৎশ্রঘাতো নিষাদানাং ত্বষ্টিস্তায়োগবশ্চ চ ।
 মেদাক্চুক্ষুঃমদগুণামারণ্যপশুহিংসনম্ ॥ ৪৮
 কল্ৰুগ্রপুক্সানাস্ত বিলোকবধবন্ধম্ ।
 ধিগ্বগানাং চৰ্ম্মকার্য্যং বেগানাং ভাণ্ডবাদনম্ ॥ ৪৯
 চৈতাদ্রমশ্মাণানেষু শৈলেষু পবনেষু চ ।
 বসেয়ুৰেতে বিজ্ঞানা বর্ত্তয়ন্তঃ স্মৃশ্চ কৰ্ম্মভিঃ ॥ ৫০

মনু-সংহিতা ১০ম অধ্যায়

পার্শ্বস্থ সংখ্যানুসারে উল্লিখিত শ্লোকগুলির অর্থ, যথা—

১। দ্বিজন্মা বর্ণত্রয় সতত স্বধৰ্ম্মে-নিরত থাকিয়া বেদাধ্যয়ন করিবেন ;
 কিন্তু বেদাধ্যাপন কেবল ব্রাহ্মণেরই কৰ্ম্ম ;—কদাপি বৈশ্য ক্রিয়ের নহে ।

২। ব্রাহ্মণ যথাশাস্ত্র সৰ্ববর্ণকে ঐ উপায় সকল উপদেশ দিবেন এবং স্বয়ং তদনুযায়ী কার্য্য করিবেন ।

৩। বেদের অধ্যয়ন ও অধ্যাপন, ব্যাখ্যানবিৎ, উপনয়ন-সংস্কারে বিশিষ্ট ব্রাহ্মচর্য্যরত, ও ব্রাহ্মণ উত্তমাজ্জ বলিয়া, ব্রাহ্মণ—সৰ্বশ্রেষ্ঠ ।

৪। উপনয়ন সংস্কারে সংস্কৃত বলিয়া ব্রাহ্মণ, ক্ষত্রিয়, বৈশ্য দ্বিজোপাধি পাইয়াছেন। উপনয়ন সংস্কারবিহীন চতুর্থ-বর্ণ শূদ্র দ্বিজ নহে। এই ৪ বর্ণ ভিন্ন আর পঞ্চম বর্ণ নাই ।

৫। বর্ণচতুষ্টয়ের পরিণীত সৰ্ববর্ণগর্ভসম্ভূত—সন্তানই তত্তৎনামে অভিহিত হয়। এতদ্ভিন্ন অসবর্ণপত্নীতে সমুৎপন্ন সন্তান জাত্যন্তর হইয়া থাকে ।

৬। দ্বিজবর্ণত্রয় কর্তৃক অনুলোমে অনন্তর বর্ণজা পত্নীর গর্ভসম্ভূত অর্থাৎ ব্রাহ্মণ দ্বারা ক্ষত্রিয়াতে, ক্ষত্রিয়দ্বারা বৈশ্যাতে এবং বৈশ্য দ্বারা শূদ্রাতে জাত সন্তানেরা হীনগর্ভ হেতু ঠিক পিতার সদৃশ হইবে না ।

৭। ভর্তা হইতে অনুলোমক্রমে অনন্তর-বর্ণজা পত্নীর গর্ভসম্ভূত তনয়ের নিয়ম সকল বর্ণিত হইল। অতঃপর ভর্তা হইতে এক বা দুই বর্ণান্তরজা পত্নী-তনয়ের বৃত্তান্ত বর্ণন করিতেছি ।

৮। ব্রাহ্মণ কর্তৃক পরিণাতা বৈশ্যার গর্ভসমুৎপাদিত ‘অশ্বষ্ঠ’ এবং শূদ্রার গর্ভসম্ভূত সন্তানেরা ‘নিষাদ বা পারশব আখ্যা পায় ।

৯। ক্ষত্রিয় কর্তৃক শূদ্রাগর্ভসম্ভূত সন্তান “উগ্র” এবং পিতা মাতার স্বভাবানুসারে নিজে কুরচেষ্ঠা ও কুরকর্ম্ম হইয়া থাকে ।

১০। ব্রাহ্মণের ক্ষত্রিয়াদি বনত্রয়গর্ভজাত ; ক্ষত্রিয়ের বৈশ্যা-বর্ণদ্বয় গর্ভজাত এবং বৈশ্যের শূদ্রা গর্ভজাত তনয়েরা অপকৃষ্ট ।

১১। ক্ষত্রিয় কর্তৃক ব্রাহ্মণী গর্ভসম্ভূত তনয় ‘সূত, বৈশ্য কর্তৃক ক্ষত্রিয়া-গর্ভসম্ভূত সন্তান ‘মাগধ’ এবং ব্রাহ্মণীগর্ভসম্ভূত সন্তান ‘বৈদেহ’ ।

১২। শূদ্র কর্তৃক বৈশ্যাগর্ভজ সন্তান ‘আয়োগব’—ক্ষত্রিয়া-সম্ভূত

সন্তান 'ক্ষত্ৰা' এবং ব্রাহ্মণীগর্ভসম্ভূত পুত্রই 'চণ্ডাল' আখ্যা প্রাপ্ত হইয়া থাকে । এই সকল সন্তান বর্ণ-সঙ্কর বলিয়া পরিগণিত ।

১৩ । অনুলোমক্রমে একান্তরবর্ণজ 'অম্বষ্ঠ' এবং "উগ্র" জাতি এবং প্রতিলোমে 'ক্ষত্ৰা' ও 'বৈদেহ' স্পর্শযোগ্য ।

১৪ । দ্বিজন্মাদিগের অনুলোমক্রমে অনন্তরবর্ণজ, ও একান্তরবর্ণজ তনয়েরা মাতৃদোষ ছুট বলিয়া মাতৃ জাতির সংস্কার যোগ্য হইবে ।

১৫ । ব্রাহ্মণ কর্তৃক উগ্রকণ্ঠা গর্ভসম্ভূত তনয় 'আবৃত', অম্বষ্ঠ কণ্ঠা গর্ভজ তনয় 'আভীর' এবং আয়োগব-কণ্ঠাগর্ভজ সন্তান 'ধিগণ' ।

১৬ । শূদ্র হইতে প্রতিলোমক্রমে সমুৎপন্ন আয়োগব, ক্ষত্ৰা এবং চণ্ডালের পিতৃকার্য্যে অধিকার নাই, ইহারা নরাধম ।

১৭ । বৈশ্য হইতে প্রতিলোমক্রমে সমুৎপন্ন মাগধ ও বৈদেহ এবং ক্ষত্রিয় হইতে প্রতিলোমক্রমে সঞ্জাত সূতেরও পিতৃকার্য্যে অধিকার নাই ।

১৮ । নিষাদ হইতে শূদ্রকণ্ঠাতে সম্ভূত 'পুক্কশ' এবং শূদ্রের নিষাদ-কণ্ঠাগর্ভজ তনয় 'কুক্কটক' ।

১৯ । ক্ষত্ৰা হইতে উগ্রকণ্ঠা সম্ভূত সন্তান 'শ্বপাক' এবং বৈদেহকর্তৃক অম্বষ্ঠকণ্ঠা সম্ভূত তনয় 'বেণ'সংজ্ঞা প্রাপ্ত হয় ।

২০ । দ্বিজাতি কর্তৃক পরিণীতা সর্বণী স্ত্রীগর্ভ সম্ভূত-তনয়ের উপনয়ন সংস্কার না হইলে 'ব্রাত্য' বলে, ইহাদের পিতৃকার্য্যে অধিকার নাই ।

২১ । 'ব্রাত্য' ব্রাহ্মণের সর্বণী স্ত্রীগর্ভজ তনয় 'ভূর্জকণ্টক' । দেশ বিশেষে ইহাদিগকে 'আবস্ত্য', 'বাটধান' 'পুস্পধ' এবং 'শৈথ' বলে ।

২২ । ব্রাত্য ক্ষত্রিয়ের সর্বণীগর্ভজ তনয়কে দেশবিশেষে 'বাল্ল', নিচ্ছিবি, 'মল্ল', 'নট' 'করণ' 'থস' এবং 'দ্রবিড়' বলে ;

২৩ । ব্রাত্য বৈশ্যের সর্বণী-সম্ভূত তনয় 'সুধন্বা' 'আচার্য্য' 'কারুধ' বিজন্মা, মৈত্র এবং 'স্বাঘত' ।

২৪। অন্যের স্ত্রী গমন, স্বগোত্র-বিবাহ-সংঘটন অগম্যা-গমন এবং স্বকর্ম-ত্যাগ এই তিন কারণে বর্ণসঙ্কর জন্মে ।

২৫। অন্যান্য ব্যাসক্তিবশতঃ অনুলোম ও প্রতিলোমক্রমে যে সমস্ত জাতি জন্মগ্রহণ করে, তাহা সমগ্রভাবে বলিতেছি, শ্রবণ করুন ।

২৬। নরাধম চণ্ডাল, সূত, বৈদেহ, আয়োগব, মাগধ এবং ক্ষত্র প্রতিলোমজ সঙ্করবর্ণ ।

২৭। এই ৬ সন্তান মাতৃজাতীয়া এবং উৎকৃষ্ট জাতীয়া কন্যাতেও সদৃশবৎ তনয় উৎপন্ন করে ।

২৮। ক্ষত্রিয়া এবং বৈশ্যা পত্নীর গর্ভে ব্রাহ্মণ কর্তৃক সমুৎপাদিত সন্তান এবং ব্রাহ্মণের সর্বাঙ্গসম্মত সন্তান দ্বিজ বলিয়া যেমন শূদ্র অপেক্ষা মাত্র, তদ্রূপ বৈশ্যের ক্ষত্রিয়াজাত সন্তান ও ক্ষত্রিয়ের ব্রাহ্মণী গর্ভজাত সন্তান,—শূদ্রের প্রতিলোমজ সন্তান অপেক্ষা শ্রেষ্ঠ ।

২৯। আয়োগবাদি ষড়্‌বিধ সঙ্করজাতিরা পরম্পর অনুলোম বা প্রতিলোমক্রমে বা পরম্পর স্বজাতীয়া পত্নীগর্ভে যে সন্তান জন্মায়, তাহারা তৎ-পিতা-মাতা অপেক্ষা হীন, নিন্দাই ও সংক্রিয়া-বহিভূত ।

৩০। শূদ্রের ব্রাহ্মণী-গর্ভজাত চাণ্ডালাদি সন্তানেরা ষে রূপ অপকৃষ্ট, চাণ্ডালাদি ষড়্‌বিধ সঙ্করবর্ণের ব্রাহ্মণাদি চতুর্কর্মে সমুৎপাদিত সন্তানেরা তাহাদের অপেক্ষা সহস্রগুণে হীন ও নিন্দাই ।

৩১। আয়োগবাদি ত্রিবিধ হীন জাতীয়েরা পরম্পর মিশ্রভাবে ৪ বর্ণের স্ত্রীতে এবং স্ববর্ণা পত্নীর গর্ভে যে সন্তান উৎপাদন করে, তাহাদের সংখ্যা পঞ্চদশ ; তাহারা জনকাপেক্ষা হীন !

৩২। দস্যুজাতি কর্তৃক আয়োগবস্ত্রীগর্ভে জাতসন্তান 'সৈরিক্কা' । কেশরচনা, দাসবৎ-কার্য্য এবং যুগাদিবধ ইহাদের জীবিকা ।

৩৩। বৈদেহজাতি কর্তৃক প্রকৃত আয়োগব স্ত্রীগর্ভে উৎপন্ন সন্তান

“মৈত্রেয়” ইহারা মধুরভাষী এবং প্রাতঃকালে ঘণ্টা বাজাইয়া নৃপতি প্রভৃতির স্তুতিপাঠই ইহাদের কার্য্য ।

৩৪ । নিষাদ কর্তৃক আয়োগবস্ত্রীগর্ভে সমুৎপাদিত সন্তানের নাম ‘মার্গব’ বা ‘দাস’ ; ইহারা নৌকশ্মোপজীবী ; আখ্যাবর্তনিবাসীরা ইহাদিগকে কৈবর্ত বলিয়া থাকে ।

৩৫ । উচ্ছিষ্ট-ভক্ষণশীলা এবং মৃতবস্ত্রপরিধানা আয়োগবী-স্ত্রীগর্ভে সৈরিক্ক, মৈত্রেয়, মার্গব জনকভেদে বিভিন্ন জাতি জন্মগ্রহণ করে ।

৩৬ । নিষাদের বৈদেহীগর্ভসম্ভূত সন্তানের নাম “কারাবর” । ইহারা চর্মচ্ছেদকারী ; এবং বৈদেহজাতির কারাবর স্ত্রী হইতে “অক্ক” ও নিষাদ-স্ত্রী হইতে “মেদ” জাতি জন্মগ্রহণ করে ; ইহারা গ্রামের বহির্দেশে বাস করে ।

৩৭ । চাণ্ডাল হইতে বৈদেহী-স্ত্রীতে বেণুব্যবহারজীবী “পাণ্ডুপাক” জাতির জন্ম, এবং নিষাদ হইতে বৈদেহীতে ‘আহিণ্ডিকের’ জন্ম, । চাণ্ডালের পুরুসী স্ত্রীগর্ভে যে পাপিষ্ঠ জাতি জন্মে, তাহার নাম “সোপাক” নিতান্ত পাপজনক জন্মদের কার্য্য ইহাদের জীবিকা ।

৩৮ । চাণ্ডালের নিষাদীগর্ভসম্ভূত যে সন্তান, তাহার নাম “অস্ত্যাব-সায়ী”, শশানকার্য্য ইহাদের উপজীবিকা, ইহারা অতি ঘৃণাহ’ । ৩৯ ।

সুবিদিত যাবতীয় সঙ্করজাতির জনক জননীর নাম নির্দেশ করিলাম ; ইহারা প্রচ্ছন্ন প্রকাশমান যে কোন অবস্থায়, কস্ম দ্বারা জ্ঞেয় । ৪০ ।

ব্রাহ্মণাদি দ্বিজত্রয়ের সজাতিপত্নীসম্ভূত সন্তানত্রয় এবং অনুলোমক্রমে ব্রাহ্মণ ঔরসজাত তনয়দ্বয় ও ক্ষত্রিয়-ঔরসজাত বৈশ্যার সন্তান দ্বিজধর্ম্মাবলম্বী এবং দ্বিজসংস্কারযোগ্য ; কিন্তু ইহাদের প্রতিলোমজ তনয়ের কোন সংস্কারই নাই । ৪১ ।

উক্ত বড়্‌বিধ জাতি যুগে যুগে তপশ্চা-প্রভাবে ও বীজোৎকর্ষে মনুষ্য

মধ্যে যেমন জাত্যপকর্ষ লাভ করিয়া থাকে, তদ্রূপ তদ্বৈপরীত্যে তাহাদের জাত্যাপকর্ষও ঘটিয়া থাকে । ৪২ ।

বক্ষ্যমাণ ক্ষত্রিয়েরা উপনয়নাদি-সংস্কারাভাবে ক্রমশঃ শূদ্রত্ব লাভ করিয়াছে । ৪৩ ।

‘পৌণ্ডক’ ‘ঔদ্র,’ ‘দ্রাবিড়,’ কাশ্মীর,’ ‘শক,’ ‘পারদ,’ ‘পহ্লব,’ ‘চীন,’ ‘কিরাত,’ ‘দরদ,’ এবং ‘খশ’ দেশোদ্ভব ক্ষত্রিয়েরা কস্মদোষে শূদ্রত্ব লাভ করিয়াছেন । ৪৪ ।

ব্রাহ্মণাদি বর্ণচতুষ্টয়ের মধ্যে ক্রিয়ালোপাদি করিলে যাহারা বাহুজাতি বলিয়া পরিগণিত হয়—সাধুভাষীই হউক, আর ম্লেচ্ছভাষীই হউক উহারা দম্ব্য । ৪৫ ।

দ্বিজাতি হইতে অনুলোমক্রমে সমুৎপন্ন সস্তানদিগের নাম ‘অপসদ,’ এবং প্রতিলোমসস্তানদিগের নাম ‘অপধ্বংসজ’ ; দ্বিজবিগহিত কস্মই ইহাদের জীবিকা । ৪৬ ।

শূত্ৰজাতির বৃত্তি—অশ্বসারথ্য ; অশ্বষ্ঠের বৃত্তি—চিকিৎসা ; বৈদেহিক-জাতির বৃত্তি—ভক্তঃপুর-রক্ষা এবং মাগধ-জাতির বৃত্তি—বাণিজ্য । ৪৭ ।

নিষাদজাতির বৃত্তি,—মৎস্যমারণ ; আয়োগবের কাষ্ঠভঞ্জন এবং মেদ, চক্ষু, অন্ধ এবং মঙ্গু জাতিচতুষ্টয় পশুহিংসাজীবী । ৪৮ ।

ক্ষত্র, উগ্র এবং পুরুস জাতিত্রয়ের বৃত্তি,—বিলবায়ী গোধাদির বধ বা বন্ধন ; ধিগ্ধ-জাতির চর্মকার্য্য এবং বেণজাতির মৃদঙ্গবাদন । ৪৯ ।

ঐ সকল জাতি স্ব স্ব বৃত্তি অবলম্বনে জীবন-ধারণ করত চৈতে, বৃক্ষ-মূলে, পর্বতসমীপে, শ্মশানে বা উপবনে বাস করিয়া থাকে । ৫০ ।

শূত্রের প্রতি ব্যবহার ।

যো লোভাদধমো জাত্যা জীবেহুৎকৃষ্ট কস্মভিঃ ।

তং রাজা নিক্কিনং কৃত্বা ক্সিপ্নেব প্রবাসয়েৎ ॥ মনু ১০-৯৬ ।

যদি কোন অধম জাতীয় ব্যক্তি লোভ-বশতঃ উৎকৃষ্ট জাতির বৃত্তি
অবলম্বনপূর্বক জীবিকা-নির্বাহ করে, তাহার স্বৰ্গস্ব গ্রহণপূর্বক তাহাকে
শীঘ্রই স্বদেশ হইতে বহিস্কৃত করা রাজার কর্তব্য ।

ন শূদ্রায় মতি দদ্যাম্নোচ্ছিষ্টং ন হবিষ্কৃতম্ ।

ন চাস্ত্রোপদিশেদ্ধর্ম্যং ন চাস্ত্র ব্রতমাদিশেৎ ॥

শূদ্রকে বিষয় কর্মের কোন উপদেশ দিবে না, (ভৃত্য ভিন্ন) শূদ্রকে
উচ্ছিষ্ট দিবে না, যে হব্যের কিয়দংশ হোম করা হইয়াছে. সেই হবি শূদ্রকে
দিবে না, শূদ্রকে কোন ধর্মোপদেশ বা কোন ব্রতের উপদেশ দিবে না ।

শক্তে নাপি হি শূদ্রেন ন কার্যেয়া ধনসঞ্চয়ঃ ।

শূদ্রহি ধনমাসাণ্ড ব্রাহ্মণানেব বাধতে ॥১০-১২৯ ।

অর্থোপার্জনে সক্ষম হইলেও শূদ্রের ধন সঞ্চয় করা উচিত নহে । কারণ
ধনবান হইলে সে ব্রাহ্মণের অবমাননা করিতে পারে ।

সহাসনমভিপ্রেপ্শু রুৎকৃষ্ট শ্রাপকৃষ্টজঃ ।

কট্যাং কৃত্যঙ্কো নির্ঝাস্যঃ ক্ষিচং বাস্যাবকর্তয়েৎ ॥৮ম—২৮১

শূদ্র যদি স্বেচ্ছায় ব্রাহ্মণের সহিত একাসনে বসিতে চেষ্টা করে, তাহা
হইলে উহার কটিদেশে লৌহময় তপ্তশলাকা দ্বারা অঙ্কিত করিয়া দেশ
হইতে তাড়াইয়া দিবে অথবা না মরে এইরূপ করিয়া পাছা কাটিয়া দিবে ।”

এতাদৃশ অনেক রকমের ধারা আছে যাহা বর্তমান ইংরাজ গবর্নমেন্টের
আমলে গুনিলেও আশ্চর্য্য বোধ হয় । আমরা যদি একই রকমের
অপরাধের জন্য রাজার জাতি সাহেবদিগকে তাহাদের বিজিত ভারতবাসী
অপেক্ষা কম দণ্ড পাইতে দেখি, তাহা হইলে কতই না বাদানুবাদ করি !
কিন্তু পুরাকালে যখন ব্রাহ্মণদিগের প্রতিষ্ঠিত আইনের দ্বারা হিন্দুরা রাজত্ব
করিতেন, তখন এদেশবাসী শূদ্রদিগের জন্য বিনাকারণেও কঠোর দণ্ডের
ব্যবস্থা ছিল, কারণ সে নিজের চেষ্টায় কায়িক পরিশ্রম দ্বারা অর্থোপার্জন

করিতে পারিবে না, বিদ্যা শিক্ষা করিতে পারিবে না, আবার ধর্মাচরণও করিতে পারিবে না। চিরদিন নিরীহ, নিৰ্বিরোধ পশুর স্থায়, ব্রাহ্মণের সেবার জগুই যেন ভগবান তাহাদিগকে সৃষ্টি করিয়াছিলেন। শূদ্রের পক্ষে ব্রাহ্মণের আশীর্বাদ টুকুও সুচলভ, কারণ শাস্ত্র বলিতেছেন—

অপ্রণামে তু শূদ্রে হপি স্বস্তি যো বদতি দ্বিজঃ ।

শূদ্রহপি নরকং য়াতি ব্রাহ্মণোপি তথৈবচ ॥

যদি ব্রাহ্মণ শূদ্রের প্রণাম না পাইয়া আশীর্বাদ করেন তবে সেই ব্রাহ্মণ ও শূদ্র উভয়েই নরকে গমন করে। (অঙ্গিরা সং—৫০)

বোধ হয় পুরাকালে নরাকার শূদ্রজন্ম অপেক্ষা পশু হওয়াও ভাল ছিল, কারণ মনু বলিতেছেন—

এক জাতি দ্বিজাতীংস্ত বাচা দাক্ষণয়া ক্ষিপন্ ।

জিহ্বায়াঃ প্রাপ্নুয়াচ্ছেদং জঘন্ প্রভবো হি সঃ ॥

(মনুঃ—৮ম—২৭০)

জঘন্প্রভব এক জাতি অর্থাৎ শূদ্র যদি দ্বিজদিগের প্রতি কঠোর বাক্য প্রয়োগ করে, ঐ শূদ্র জিহ্বা-চ্ছেদরূপ-দণ্ড প্রাপ্ত হইবে।

ভগবান যখন ব্রাহ্মণ, ক্ষত্রিয়, বৈশ্য, শূদ্রকে একই উপাদানে, একই আকারে, একই দেশে সৃষ্টি করিয়াছেন, তখন শূদ্রেরও কথা বলিবার অধিকার আছে, অধিকন্তু শূদ্রের পক্ষে সভ্য এবং শিক্ষিত হইবার কোন উপায় যখন ছিল না, তখন সহজেই সে ঈশ্বরদত্ত জিহ্বার ব্যবহার করিতে গেলে, অশ্লীল বা পক্ষ ভাষার প্রয়োগ করিত। পরিণামে জিহ্বা-যন্ত্রটি হারাইয়া বেচারী শূদ্র (জিহ্বাহীন !) পশুতেই পরিণত হইত ! কারণ বাকশক্তিহীন ষাবতীয় চেতন পদার্থের নামই জন্তু বা পশু। কিন্তু পশুও জিহ্বাবস্ত্রের সাহায্যে অনায়াসে জীবনাতিবাহিত করিয়া থাকে ; তাই বলিতেছিলাম পুরাকালে শূদ্র-জীবনাপেক্ষা পশুজীবনও যেন ভাল ছিল।

এইবার দেখা যাউক ব্রাহ্মণেরা অপরাধ করিলে কিরূপ শাস্তি পাইতেন ।

কোটসাক্ষ্যস্ত কুর্কাণাং স্ত্রীন্ বর্ণান ধার্মিকো নৃপঃ ।

প্রবাসয়েদগুয়িত্বা ব্রাহ্মণস্ত বিবাসয়েৎ ॥

৮ম—১২৩ ।

ক্ষত্রিয়, বৈশ্য ও শূদ্র বার বার মিথ্যা সাক্ষ্য প্রদান করিলে তাহা-
দিগকে অর্থদণ্ড করিয়া দেশ-বহিষ্কৃত করিবে, ব্রাহ্মণের অর্থদণ্ড না করিয়া
বাসস্থান হইতে তাড়াইয়া দিবে ।

পঞ্চগব্যং পিবেচ্ছূদ্রো ব্রাহ্মণস্ত সুরাং পিবেৎ ।

উভো তৌ তুল্যদোষৌ চবসতো নরকে চিরম্ ॥

(অত্রিসংহিতা ২৯৪ শ্লোক ।)

পঞ্চগব্য পায়ী (দধি, দুগ্ধ, ঘৃত, গোময়, গো-মূত্র একত্র মিশ্রণে পঞ্চগব্য
তৈয়ারি হয়) শূদ্র এবং মগুপায়ী ব্রাহ্মণ উভয়েই তুল্য পায়ী ! ইহারা উভয়েই
চিরদিন নরকে বাস করে ।

এই গব্য দ্বারা মানবের মহাপাপ নাশ হয়—ইহাও প্রভুদের বাবস্থা !
কিন্তু শূদ্রের পক্ষে পঞ্চগব্য পুণ্য না হইয়া পাপ ও নরক হইল !

আর অধিক লিখিতে গেলে এইরূপ অত্যাচার ও অবিচার কাহিনীতে
একখানা পুস্তক হইয়া পড়ে । সুতরাং এইখানেই ক্ষান্ত হইলাম । পাঠকেরা
জানিয়া রাখিবেন, যে রাজা এইরূপ বিধিবদ্ধ আইনদ্বারা প্রজাশাসন
ও পালন করিতেন, তিনি হিন্দু শাস্ত্রমতে আপনার সমুদয় পাপ দূরীভূত
করিয়া শেষে পরমাগতি প্রাপ্ত হইতেন ! যেহেতু মনু বলিতেছেন—

এবং সর্কানিমান্ রাজা ব্যবহারান সমাপয়ন্ ।

বাপোহু কিৰিষং সর্কং প্রাপ্নোতি পরমাং গতিম্ ॥

তোষামদ ও তৈলবট কি তখনও ছিল ?

ছিল বৈ কি, নৈলে মনু ব্রাহ্মণের ঔরসে ক্ষত্রিয়ার গর্ভে জাত সন্তানকে, অশ্বষ্ট পারশ্বাদির শ্রায় স্বতন্ত্র কোন সংজ্ঞা প্রদান করিলেন না কেন ? ব্রাহ্মণের ঔরসে বৈশ্যার গর্ভে যে জন্মিবে তাহার নাম “অশ্বষ্ট”, আর ক্ষত্রিয়ার গর্ভজাত সন্তানটী কি হইবে ?—

এবার প্রভু বড় শক্তের পাল্লায় পড়িয়াছেন, রাজার জাতি ক্ষত্রিয়কে “বেইমান” করেন কি করিয়া ? অন্ন মারা যাইবে যে! বড় কঠিন সমস্যা !! পাঠক, এই সমস্যার পূরণ অতি সুকৌশলে মনুর পরবর্তী যাজ্ঞবল্ক্যাদি মহর্ষিরা করিয়া গিয়াছেন। তাঁহারা বলিয়াছেন যে ব্রাহ্মণের ঔরসে ক্ষত্রিয়ার গর্ভে যে সন্তান জন্মিবে, তাহার নাম “মূর্দ্ধাভিষিক্ত !” কি না (মূর্দ্ধিং অভিষিক্ত অর্থাৎ অভিষিক্ত-মস্তক) অর্থাৎ রাজ্যাভিষেক প্রাপ্ত ক্ষত্রিয় ! (শব্দ কল্পদ্রুম দ্রষ্টব্য)। একেই বলে “ধরি মাছ, না ছুই পানি।” ব্রাহ্মণ এবং ক্ষত্রিয় জাতি ভিন্ন একটা স্বতন্ত্র জাতিও হইল অথচ “বীর সিংহের মান রক্ষাও” হইল। আমরা কিন্তু “মূর্দ্ধাবসিক্ত” বা “মূর্দ্ধাভিষিক্ত” বলিয়া কোন একটা স্বতন্ত্র জাতির অস্তিত্ব দেখিতে পাই না।

“গোঁজামিল” আর কাকে বলে। আবালা ব্রহ্মচারী পরম ব্রাহ্মণ মহর্ষি বাসুদেবের ঔরসজাত ধৃত-রাষ্ট্র ও পাণ্ডু এবং তাঁহাদের বংশাবলিকে সকলে চন্দ্রবংশীয় ক্ষত্রিয় বলিয়াই জানেন, “মূর্দ্ধাবসিক্ত” বলিয়া কেহ জানেন কি ! মানবের কল্পিত ক্ষত্রিয় বংশে জন্মিলেই রাজা বা রাজার জাতি হইবে—ইহা স্বীকার করিলে, কৰ্মফলদাতা, বিশ্বনিয়ন্তা ঈশ্বরের ঈশ্বরত্ব রৈল কোথায় ? কে বলিবে ভারতবাসী হিন্দুগণের এই মহাত্মম ঘুচাইবার জন্যই ভগবান বর্ণাশ্রম-পীড়িত ভারতের বহিষ্কৃত সুদূর বিদেশ হইতে ভিন্নধর্মী মুসলমান ও ইংরাজ জাতিকে আমদানি করিয়া ভারতের রাজ-সিংহাসনে বসান নাই ! বংশগত জাতিভেদের শোচনীয় পরিণাম

প্রদর্শন করাই কি তাহার উদ্দেশ্য নয় ? সৃষ্টিকর্তা ব্রহ্মার বাহু হইতে জন্মিয়া মন্বাদি ঋষিনির্দিষ্ট সনাতন শৌর্যবীৰ্য্য থাকিতেও মহাবীর ঋত্বিয়গণ যবন হস্তে পরাস্ত ও রাজ্যচ্যুত হইলেন কেন ? অধিকন্তু প্রায় ৭০০ বৎসর রাজত্ব করার পরে, সেই সুবিশাল রত্নগর্ভা ভারত-সাম্রাজ্য, ৭ সমুদ্র ১৩ নদীর পারস্থ ক্ষুদ্র বৃটেন দ্বীপের ইংরাজ-জাতির করতলগতই বা কেন হইল ? ভারতের হিন্দু ও মুসলমান দুইই ত বীরের জাতি ! ফলতঃ যাহার প্রসাদে পশুতে গিরি-লজ্বনে সমর্থ হয়, তিনিই বৃটেন দ্বীপের খৃষ্টান জাতিতে সুবিশাল মহাসাগরাদি পার করিয়া ভারতের শাসনভার তাঁহাদেরই হস্তে ন্যস্ত করিয়াছেন । পাঠক, ব্রাহ্মণের গরু হারাইলে যেকালে ঋত্বিয়ের দ্বারস্থ হইয়া রাজ্য শাসনের দোষারোপ পূর্বক তাঁহারা ঋত্বিয়কেই দায়ী করিতেন, সেই ত্রেতাযুগের একটা ঘটনা এক্ষণে একবার স্মরণ করুন ।

অযোধ্যাধিপতি মহারাজ দশরথ যুগলমে অন্ধক মুনির (করণ জাতীয় ?) পুত্র সিন্ধুকে বধ করিলেন ! অন্ধের ষষ্টি একমাত্র প্রিয় পুত্রকে হারাইয়া বৃদ্ধ, অন্ধ মাতাপিতাও মহারাজের সম্মুখেই পুত্রশোকে, পিপাসায় ও অনাহারে মারা গেলেন ! প্রবীণ পরম ধার্মিক মহারাজের বিবেক যখন বড়ই বিচলিত হইয়া উঠিল—এই ভীষণ মহাপাপের পরিণাম ভাবিয়া ব্যাকুল ও হতাশ হইয়া পড়িলেন, তখন ব্রাহ্মণগণ তাঁহাকে কি ব্যবস্থা দিয়াছিলেন, জানেন কি ? গরু মারিলেও প্রায়শ্চিত্ত আছে—“গোবধ-কিস্তী” করিতে হয়, কিন্তু এই অসহায়, ফল-মুলাহারী, দীন দরিদ্র, অরণ্যবাসী, ধর্ম-প্রাণ পবিত্র পরিবারটির বধ-সাধন করিয়া, মহারাজের “শাপে বর” হইয়াছিল ! আর আজ বিদেশী, বিভিন্নধর্মী, ইংরাজ জাতির সদাশয়তায়, কোথায় কোন্ ভারতীয় কর্মচারী, তাহারই স্বদেশী আততায়ীর হস্তে নিহত বা আহত ও অকর্মণ্য হইলে—কোন পোষ্ট মাষ্টার, দারোগা, কনেষ্টবলাদি মারা গেলে, তাহার অসহায়, বিপন্ন পরিবারের ভরণ-পোষণের জন্ত যথাযোগ্য বৃত্তি বা

ভাতার বনোবস্ত হইয়া থাকে ! এমন কি পিতা বাঁচিয়া থাকিলে যে কন্যার বিবাহ হওয়াই ছুফর হইত, সদাশয় ইংরাজ গবর্নেন্ট যথাযোগ্য ষৌতুক (পণ) দিয়া উপযুক্ত পাত্রে ঐরূপ অভিভাবক-হীন কন্যার বিবাহ পর্যাস্ত দিয়া দিতেছেন ; এবিষয়ে দৃষ্টান্তের অভাব নাই ।

শূদ্রক মুনি বেদোচ্চারণ করিলে, ব্রাহ্মণগণের আদেশে রাধা রামচন্দ্র তাহার শিরশ্ছেদ করিয়াছিলেন। আর আজ সেই বেদ কলিকাতার রাস্তায়, মুসলমান ফেরিওয়ালার দোকানে সর্কাপেক্ষা সুলভ মূল্যে বিক্রয় হইতেছে ! কোন্টা “রাম রাজত্ব” !

ষষ্ঠ অধ্যায় ।

নাপিতের উৎপত্তি রহস্য

মনু-সংহিতাতে নাপিতকে নিজ মূর্তিতে খুঁজিয়া পাওয়া যায় না । এই জন্তই আমি মনু-সংহিতার জাতি-সংক্রান্ত বচনাবলি পূর্বেই উদ্ধৃত করিয়াছি । পাঠক, একবার উক্ত শ্লোকগুলি পুনরালোচনা করিয়া দেখিলেই বুঝিতে পারিবেন যে মনু নাপিতের জন্ম বা বৃত্তি সম্বন্ধে বিশেষ করিয়া কিছুই বলেন নাই । অথচ নানা স্থানে সংস্কার ও অশৌচাদি কার্যের ব্যবস্থা দিয়া নাপিতের অস্তিত্ব স্বীকার করিয়াছেন । কিন্তু মহা ৪র্থ অধ্যায়ের ২৫৩ শ্লোকে বলিতেছেন :—

আর্দ্ধিকঃ কুলমিত্রঞ্চ গোপালোদাসনাপিতৌ ।

এতে শূদ্রেষু ভোজ্যান্না যশ্চাঅানং নিবেদয়েৎ ॥

আর্দ্ধিক অর্থাৎ যে যাহার কৃষিকর্ম করিয়া অর্দ্ধেক ভাগ লয়, যে পুরুষানুক্রমে আপন বংশের মিত্র, যে যাহার গো পালন করে, যে যাহার ভৃত্যকর্ম করে, এবং নাপিত ; শূদ্রের মধ্যে ইহাদের সিদ্ধান্ত ভোজন করা যায় । এতদ্ব্যতীত যে যাহার নিকট আত্ম-সমর্পণ বা নিবেদন করিয়াছে, তাহার অন্তর্ভুক্ত ভোজন করা যায় ।—দ্বিজদিগেরই কর্তব্য বিষয়ের মধ্যে এই শ্লোকটির উল্লেখ আছে, সুতরাং নাপিতের অন্তর্ভুক্ত ভোজন করিতে পারিতেন, এবং ইচ্ছা করিলে এখনও পারেন, উক্ত শ্লোক দ্বারা স্পষ্টই ইহা বুঝা যাইতেছে । কিন্তু “এতে শূদ্রেষু” অর্থাৎ “এই সকল শূদ্রের”—এই বাক্য দ্বারা নাপিতকে শূদ্রমধ্যে গণ্য করা হইয়াছে । মনু যে অধ্যায়ে ব্রাহ্মণ হইতে আরম্ভ করিয়া বল্ল, মল্ল,

নট, করণ, ডোম, চণ্ডাল, মেদ, মেথর প্রভৃতির জন্ম-বৃত্তান্ত এবং জীবিকা নির্বাহের বিধি ব্যবস্থা করিয়া গিয়াছেন, সেখানে নাপিতের কোন উল্লেখ নাই। হঠাৎ এখানে দাস গোপালের দলে গোঁজামিল দিয়া নাপিতকে শূদ্র নামে অভিহিত করিবার কারণে সন্দেহ আসে না কি? আন্ধিক, কুলমিত্র, দাস ও গোপালের কার্য্য যে কোন জাতীয় লোক দ্বারা নির্বাহ হইতে পারে। কিন্তু নাপিত ভিন্ন অগ্র কোন জাতীয় লোক দ্বারা নাপিতের কার্য্য চলিতে পারে না। অর্থাৎ আন্ধিক, কুল-মিত্র, দাস ও গোপাল ইহারা প্রকৃত প্রস্তাবে কোন জাতি নহে। কেন না আন্ধিক বা অর্দ্ধসীরী অর্থে—যাহারা শশুর অর্দ্ধভাগ লইয়া জমীতে আবাদ করে। এইরূপ—

কুলমিত্র--যাহারা পুরুষানুক্রমে কোন কুলের অর্থাৎ বংশের মিত্র, হিতকারী অথবা বন্ধুতাসূত্রে বদ্ধ।

দাস—সাধারণ ভৃত্য। মনু সাত প্রকার দাসের উল্লেখ করিয়াছেন। যথা—

ধ্বজাহতো ভক্তদাসো গৃহজঃ ক্রীতদত্রিমো ।

পৈতৃক দণ্ডদাসশ্চ সশ্ঠেতে দাস ষোনয়ঃ ॥

যুদ্ধে জীত, ভক্তদাস, ভাতের লোভে দাস বা দাসীপুত্র, ক্রীত, প্রতি-গ্রহ-লক, পিত্রাদি-ক্রমে দাস আর রাজদণ্ড শোধিবার জন্ত দাস। এই ৭ প্রকার লোকই প্রকৃত প্রস্তাবে দাস-পদ-বাচ্য।

গোপাল—গো রক্ষক, যাহারা গরু পালন করে অর্থাৎ পরের গরু পোষে। গরুর মালিক হয়ত দুধ টুকু ভোগ করেন, আর যে পালন করে সে দুধ ছাড়িলে বাছুরটী পায়; অগ্ররূপ বন্দোবস্তও হইতে পারে। মুসলমান রাখালকেও গোপাল বলা যায়। সুতরাং উক্ত ৪টী শ্রেণী জাতিবাচক নহে। যে কোন জাতীয় লোক ঐ সকল বৃত্তি অবলম্বন

করিতে পারে । অতএব দাস, গোপাল, কুলমিত্র, অর্দ্ধসীরী বা আর্দ্ধিক এই ৪টা শব্দ বৃত্তি-সাপেক্ষ ।* একমাত্র নাপিত শব্দটী জাতিবাচক । সুতরাং মনু-সংহিতার উক্ত শ্লোকটীতে নাপিত শব্দের প্রয়োগে নাপিত জাতির শ্রেষ্ঠত্বই সূচিত হইয়াছে ; কেবল দোষ হইতেছে “এতে শূদ্রেষু” লইয়া । দেখা যাউক প্রতিষেধক কিছু আছে কিনা ।

পাঠক, হিন্দুর বর্ণাশ্রম ধর্মের প্রবর্তক হইলেন মহর্ষি মনু, আর কলিযুগের ধর্ম-প্রবর্তক মহামুনি পরাশর । এই উভয় মহাত্মার প্রবর্তিত ব্যবস্থাগুলিকে স্বেচ্ছামত দূষিত করিতে না পারিলে, বক-ধার্মিকদের উদ্দেশ্য সিদ্ধির পথে অনেক সময় ব্যাঘাত পড়ে । এই জন্য উক্ত উভয় শাস্ত্রকারের বিধি-ব্যবস্থাগুলির কোন কোন অংশ ভাবান্তরিত, প্রক্ষিপ্ত বা স্বেচ্ছাকৃত দোষে দূষিত হইয়া গিয়াছে । ইহার প্রমাণ যথাস্থানে প্রদর্শন করিব । এক্ষণে দেখুন উপযুক্ত শ্লোকে নাপিতকে শূদ্র বলা হইল ; অথচ মনু তাহার জন্ম-বৃত্তান্ত বা বৃত্তি নির্ধারণ করিলেন না । কিন্তু মহর্ষি যাজ্ঞবল্ক্য বলিতেছেন—

শূদ্রেষ—দাস গোপাল কুল মিত্রাৰ্দ্ধসীরিনঃ ।

ভোজ্যান্না নাপিতশ্চৈব যশ্চাত্মানং নিবেদয়েৎ ॥১৬৮।

অস্যার্থ—দাস, গোপাল, কুলমিত্র, অর্দ্ধসীরী শূদ্রের মধ্যে এই কয়জনের এবং নাপিত আর যে আত্মোৎসর্গ করিয়াছে তাহার অন্নও দ্বিজগণের ভোজ্য ।

মহর্ষি যাজ্ঞবল্ক্য দুইটা “চ”কার দ্বারা নাপিতকে আর আত্মোৎসর্গ-কারীকে দাস, গোপাল, কুলমিত্র ও অর্দ্ধসীরী (আর্দ্ধিক) হইতে পৃথক করিয়া নির্দিষ্ট করিলেন । সুতরাং নাপিতকে যাজ্ঞবল্ক্য শূদ্রের অন্তর্নিবিষ্ট

* উল্লিখিত ৪টা নামানুসারে ৪টা নূতন জাতি গড়িবার যোগাড় চলিতেছে ।

করেন নাই, ইহা বিজ্ঞ ও নিরপেক্ষ বিচারকে অবশ্য স্বীকার করিতে হইবে। আর যাজ্ঞবল্ক্য সংহিতার মৌলিকত্ব ও শ্রেষ্ঠত্ব সম্বন্ধে বোধ হয় এক্ষণে কাহারও অমত নাই। এই সংহিতাখানি নিজ মূর্তিতেই আছে, এইরূপই অনেকের বিশ্বাস। সুতরাং মনুসংহিতার উক্ত শ্লোকটি ঠিক নাই। আবার উহাতে ব্যাকরণ দোষও দেখা যায়, কারণ “নাপিতৌ শক্ দ্বারা প্রথমার দ্বিবচন-প্রকাশ হইতেছে ; কিন্তু “এতে শূদ্রেষু” দ্বারা বহু বচন বুঝাইতেছে। যাহা হউক নাপিতের অন্ন ব্রাহ্মণ খাইতে পারেন একথা বুঝা গেল। কটা, মিঠাই, সন্দেশের ত কথাই নাই! অপিচ—স্মার্ত্ত-প্রবর ব্রাহ্মণ কুলতিলক রঘুনন্দন তৎকৃত ‘উদ্বাহতশ্বে’ বলিতেছেন—

সংসর্গ দোষঃ পাপেষু মধুপর্কে পশোর্বধঃ

দন্তৌ বসেতরেষাস্ত পুত্রেষু পরিগ্রহ ।

শূদ্রেষু দাস গোপাল কুলমিত্রাদ্বিসীরাণাম্

ভোজ্যান্নতা গৃহস্থসুতীর্থ সেবাতি দূরতঃ

ব্রাহ্মণাদিষু শূদ্রশ্চ পকতাতি ক্রিয়াপিচ

ভৃগ্মি পতনশ্চৈব বৃদ্ধাদি মরণং তথা ॥

ইত্যাদিগ্ৰন্থাভিধায় ।

এতানি লোক গুণার্থং কলেৱাদৌ মহাঅভিঃ

নিবর্তিতানি কৰ্ম্মানি ব্যবস্থাপূৰ্ব্বকং বুধৈঃ ॥

“হেমাদ্রি” নামক প্রবন্ধে এবং পরাশর ভাষ্যে “আদি-পুরাণ” হইতে উপস্থিত বচনাবলি উদ্ধৃত করিয়া রঘুনন্দন বলিতেছেন যে, “পাপ বিষয়ে সংসর্গদোষ স্বীকার, মধুপর্কে পশুহিংসা, শাস্ত্রোক্ত দশবিধ পুত্রের মধ্যে “দন্তক” এবং “ওরস” ভিন্ন অবশিষ্ট আট প্রকারকে পুত্ররূপে গ্রহণ, শূদ্র জাতির মধ্যে দাস, গোপালক, বংশানুক্রমে মিত্রতা সূত্রে আবদ্ধ এবং অর্দ্ধসীরা (যাহাদিগকে শাস্ত্রের অর্দ্ধভাগ দিয়া জমি বিলি করা হয়) এই

সকল শূদ্র জাতির অন্ন ভোজন, গৃহস্থের পক্ষে অতি দূরস্থিত তীর্থ সেবন, ব্রাহ্মণাদি ত্রিবর্ণের খাওয়া শূদ্রদ্বারা পাক করান, উৎকট মনের দুঃখে নিজের ইচ্ছায় পর্বতের শৃঙ্গ হইতে পড়িয়া বা জলে অথবা অনলে প্রবেশ করিয়া মরণ—ইত্যাদি প্রকার আরও কতকগুলি কথার উল্লেখ করিয়া পরিশেষে বলিতেছেন—মহাত্মা পণ্ডিতগণ কলির প্রথমে লোক রক্ষার্থ ব্যবস্থা-পূর্বক উক্ত কৰ্ম সকলের আচরণ নিষেধ করিয়াছেন। তাহা হইলে দেখুন কলিকালেও নাপিতের অন্ন ব্রাহ্মণের ভোজ্য বলিয়া বুঝা যাইতেছে, মনু ও যাজ্ঞবল্ক্য সংহিতাতে দাস, গোপাল, কুলমিত্র ও অর্দ্ধসারী ও নাপিত এই পাঁচ জনের অন্ন সর্ব জাতির ভোজ্য বলিয়া বর্ণিত হইয়াছে। কিন্তু রঘুনন্দন বলিলেন যে দাস, গোপাল, কুলমিত্র এবং অর্দ্ধসারী এই কয়টি শূদ্র জাতির অন্ন ভোজন কলিতে নিষেধ। নাপিত সম্বন্ধে কিছুই বলিলেন না। আদি পুরাণেও নাপিতের অন্ন ভোজন নিষেধ নাই যথা—

শূদ্রেষু দাস গোপাল কুলমিত্রার্দ্ধ সীরিনাম্
ভোজ্যান্নতা গৃহস্থ্যশ্চ এতানি লোক গুপ্ত্যর্থং
কলেরাদৌ মহাত্মভিঃ নিবর্তিতানি কৰ্ম্মাণি
ব্যবস্থা পূর্বকং বৃধৈঃ ॥

তাহা হইলে নাপিতের অন্ন কলিতেও নিষিদ্ধ নহে। কারণ “মৌনং সম্মতি লক্ষণম্”—নাপিত সম্বন্ধে রঘুনন্দন যখন কিছু বলিলেন না, তখন উহাই বুঝিতে হইবে। যুক্তিপ্রিয় কোন পাঠক বলিতে পারেন—হয়ত এখনকার কালের খানসামার মত নাপিত পূর্বক খানসামার পর্যায়ভুক্ত ছিল, তাই নাপিতের অন্ন সকলে খাইত। তাহা হইলে উক্ত শ্লোকে “দাস” শব্দটি থাকিত না। কারণ, যাহাদিগকে আমরা এখন গোলাম বা খানসামা বলি, তখনকার কালে তাহাদিগকেই “দাস” বলিত। “কৈবর্তঃ দাস ধীবরে” বলিয়া একটা প্রবাদ থাকিলেও প্রকৃত প্রস্তাবে

‘দাস’ বলিয়া কোন জাতি নাই । শাস্ত্রমতে শূদ্রেরই প্রতি শব্দ দাস ।
যথা—সর্বেষাং কিকরাঃ শূদ্রাঃ ব্রাহ্মণস্ত বিশেষতঃ ।

(ইতি ব্রহ্মবৈবর্তে গণেশখণ্ডে) ॥

তবে যে আজ কাল প্রায় সকল জাতির মধ্যেই “দাস” শব্দের প্রয়োগ দেখা যায়, তাহার কারণ স্বতন্ত্র । দেবতা ও ব্রাহ্মণাদি গুরুজনের প্রতি ভক্তি ও সম্মান প্রদর্শনার্থই কেহ কেহ নামের শেষে দাস শব্দ ব্যবহার করিতেন । যথা—কালীদাস, ব্রহ্মদাস, বৈষ্ণবদাস প্রভৃতি । এই প্রথাই কালে বংশানুক্রমিক উপাধিতে পরিণত হইয়াছে, পক্ষান্তরে দাস ভিন্ন অনেক রকম উপাধি কৈবর্ত ও ধীবরদিগের মধ্যেও দেখা যায় ।

পরন্তু মনু নাপিত সম্বন্ধে আর কিছু বলেন নাই বলিয়াই, মনুর পরবর্তী সংহিতা ও পুরাণ কর্তারা নাপিতকে নানাবর্ণে চিত্রিত করিয়াছেন । এই শুনুন—

১। শূদ্রকণ্ঠা সমুৎপন্নো ব্রাহ্মণেন তু সংস্কৃতঃ ।

সংস্কৃতস্ত ভবেদাসোহসংস্কারে তু নাপিতঃ ॥

পরশর-সংহিতা ।

ব্রাহ্মণের গুণসে শূদ্রার গর্ভজাত সন্তান সংস্কৃত হইলে “দাস” আর অসংস্কৃত অবস্থায় থাকিলে “নাপিত” হয় । (বঙ্গবাসী প্রেসে মুদ্রিত পরশর-সংহিতা দ্রষ্টব্য) ।

২। ক্ষত্রিয়াচ্ছৃদ্ধ কণ্ঠায়াং জাতী নাপিত-মোদকৌ ।

(ইতি বৃহদ্রম্ম-পুরাণ এবং বিবদার্নবসেতু)

শূদ্রকণ্ঠার গর্ভে ক্ষত্রিয়ের গুণসে নাপিত এবং মোদক অর্থাৎ ময়রা জাতির উৎপত্তি হইয়াছে ।

৩। বৈশ্বায়াং বিপ্রতশ্চৌর্গায়াং জাতাঃ পুত্রাস্ত্রয়ঃ ক্রমাৎ ।

তেষাং যো প্রথমপুত্রঃ কুম্ভকারঃ স উচ্যতে ॥

কুলাল বৃত্তা জীবেতু নাপিতং ভবত্যতঃ ।

স্মৃতকে প্রেতকে বাপি দীক্ষা কালেচ বাপনঃ ॥

নাভে রুদ্রস্ত বপনং তস্মান্নাভিচ্চ স উচ্যতে ।

কায়স্থং স জীবেতু বিচরেচ্চ ইতস্ততঃ ।

কাকাং লৌল্যং যমাং ক্রৌর্যং স্থপতে রথ কৃন্তনঃ

আত্মক্ষরানি সংগৃহ্য কায়স্থঃ হি স কীর্তিতঃ ।

(ইতি অস্ম্যর্থ ঔশনস ধর্মশাস্ত্রম)

বিপ্র ও বৈশ্যের অবৈধ প্রণয়ে (চৌর্যাৎ—চুরি করিয়া) ক্রমান্বয়ে ৩টা পুত্র জন্মাইয়াছিল। উহার প্রথমটাই হইল কুন্তকার, তাহার বৃত্তি হইল কুলালের অর্থাৎ কুমারের। ২য় পুত্রটাই নাপিত, তাহার বৃত্তি অর্থাৎ ব্যবসায় হইল জনন-মরণাশোচে এবং দীক্ষাকালে ক্ষৌর করা। আর নাভির উদ্দেশে ক্ষৌর করে বলিয়া 'নাভি' বা নাই বলিয়াও সে অভিহিত হইল। আর তৃতীয় পুত্রটাই ইতস্ততঃ ঘুরিয়া বেড়াইতে লাগিল। তাহার স্বভাব কাক অপেক্ষা লোভী, যম অপেক্ষা ক্রুর, এবং শক্রর শিরশ্ছেদনে স্থপতি অপেক্ষা নিপুণ, এই কারণে কাক, যম ও স্থপতি এই তিন শব্দের আত্মক্ষর লইয়া "কায়স্থ" বলিয়া তিনি কীর্তিত হইলেন !

৪। কুবেরিণ পট্টিকার্যং নাপিতঃ সমযাম্বতঃ ।

(পরশুরাম-সংহিতা ও পরাশর পদ্ধতি)

কুবেরি পিতা আর পট্টিকারী মাতা হইতে নাপিত জন্মিয়াছিল।

৫। বিবাহকালে নাপিতেরা যে "কর্ণ-কথা" বা গোর্বচন" বলে, তাহাতে আছে "(শিবের) নাভিতে জন্মিল নাপিত কুলের অধিকারী ; নাম রাখিল তার পরশ-চিকিৎসা-মুনি"। (গোর্বচন দেখুন)। এটা নাপিতের নিজস্ব হইলেও, ভ্রম-প্রমাদ-শূন্য নহে, তবে পুরুষ-পরম্পরা ক্রমে ঐ বচন চলিয়া আসিতেছে বলিয়া এবং উহা নিরীহ, নিরক্ষর,

সরল-প্রকৃতির লোক-দ্বারা রচিত এবং বর্ণিত হয় বলিয়া উহার মূলে নিশ্চয়ই একটু সত্য নিহিত আছে, কারণ—“নহ মুলা জনশ্রুতিঃ,” জনশ্রুতি কখনও মূলহীন নহে। এই গোবর্চনের রচনা এক রকম নহে। আজকাল ঐ বচন নাপিতে আগাগোড়া বলিবার সুযোগ পায় না এবং সকল নাপিতেও সম্পূর্ণ জানে না। তবে উহার মূল এক। অর্থাৎ নাপিতে জন্মিল নাপিত কুলের অধিকারী—ইহা প্রায় সকলেই জানেন। হর গৌরীর বিবাহকালে গাভী মোচনার্থে নাপিতের দরকার হয় এবং সেইজন্য মহাদেব নাভি হইতে নাপিত সৃষ্টি করেন, এই কিম্বদন্তী নাপিত সমাজে প্রায় সর্বত্রই প্রচলিত আছে।

আপাততঃ এই টী মত উদ্ধৃত করা গেল। খুঁজিলে বোধ হয় আরও ২১৩টি স্বতন্ত্র স্বতন্ত্র দৃষ্টান্ত বাহির হইবে। কিন্তু ইহা কি বিশ্বাসযোগ্য যে নাপিতের ত্রায় তুচ্ছ এক জাতির সৃষ্টির জন্য অখিল ব্রহ্মাণ্ডের কর্তা সর্বশক্তিমান ভগবান আর কোন উপায় করিতে পারিলেন না! একবার ব্রাহ্মণ-শূদ্র, একবার ক্ষত্রিয়-শূদ্রে, একবার ব্রাহ্মণ-বৈশ্যে, অবশেষে হিন্দু সমাজের অবজ্ঞাত বর্ণ-সঙ্কর কুবেরী আর পট্টিকারী জাতির শরণাপন্ন হইলেন! হা, হতভাগ্য স্বজাতিবর্গ! আর কতকাল অন্ধকারে ঘুমঘোরে কাল কাটাইবে! তোমাদের জড়ভাবাপন্ন অসার-জীবনে কি জ্ঞানের সঞ্চার একবারও হইবে না! তোমরা কি বুঝ নাই যে সরলতা ও পরহিতৈষিতার পুরস্কার একালে আশা করা অন্তায়। দেখিতেছ না, প্রভুরা তোমাদিগকে ব্রাহ্মণ হইতে আরম্ভ করিয়া শূদ্রাধম অন্ত্যজ নামে অভিহিত করিতেও কুণ্ঠিত নহেন। দেখিতেছ না এক সময়ে, একই দেশে, একই বিধাতার সৃষ্ট মনুষ্য, সেই বিধাতার বিধান লঙ্ঘন করিয়া আর এক রকমের মনুষ্য সৃষ্টি করিতেছে! তোমরা স্থির সিদ্ধান্ত করিয়া রাখিয়াছ যে লোক-পিতামহ ব্রহ্মা তাঁহার মুখ, বাহু, উরু ও পদ

হইতে যথাক্রমে ব্রাহ্মণ, ক্ষত্রিয়, বৈশ্য ও শূদ্রের সৃষ্টি করিয়া, তাহাদিগকেই বর্ণ-সঙ্কর উৎপাদনের ভারার্পণ করিয়া নিশ্চিত্ত রহিয়াছেন ! তাহা হইলে আর ঈশ্বরের ঈশ্বরত্ব বৈল কোথায় ? ঈশ্বর আছেন একথা যদি স্বীকার কর, তাহা হইলে জীব-সৃষ্টি বিষয়ে তাহার মহিমাও স্বীকার করিতে হইবে । পাঠক, একটু ধীরভাবে বুঝিবার চেষ্টা করিলেই দেখিতে পাইবেন যে, অনাদি কাল হইতে সেই বিশ্ব বিধাতা জরায়ুজ, অণুজ এবং শ্বেদজ এই তিন প্রকার প্রাণীকে তাহাদের স্ব স্ব প্রভেদ-জ্ঞাপক লক্ষণানুসারে সৃষ্টি করিয়া আসিতেছেন । আরও বুঝিবেন যে ঈশ্বর-দত্ত গুণ ও গঠন কেহ বলপূর্বক গ্রহণ বা ইচ্ছাপূর্বক অনুকরণ করিতে পারে না । জগৎ-স্রষ্টার এই অলঙ্ঘ্য নিয়মের ব্যতিক্রম কস্মিনকালেও ঘটিবার নহে—অর্থাৎ জরায়ুজ কখনও অণুজ বা শ্বেদজের এবং শ্বেদজ বা অণুজ কখনও জরায়ুজের লক্ষণ গ্রহণে সমর্থ হইবে না । জরায়ুজ (মনুষ্য) অণুজ (পক্ষী) এবং শ্বেদজ (পোকা)—ইহারা কেহ অপরের রূপ বা আকৃতি ধরিতে পারে না । ব্রাহ্মণ, ক্ষত্রিয়, বৈশ্য ও শূদ্রের মধ্যে পরস্পরের প্রভেদ জ্ঞাপক কোন লক্ষণ দেখা যায় না, অর্থাৎ শূদ্রতেও যে গুণ, যে রূপ আকৃতি, যে রং ও যে রূপ আচার ব্যবহার দেখা যায়, ব্রাহ্মণেও তাহার ব্যতিক্রম নাই । ইহা দ্বারা স্পষ্ট বুঝা যাইতেছে যে জাতিবিচার মনুষ্যকৃত, ঈশ্বরের নহে । ঈশ্বরদত্ত গুণ ও লক্ষণ এতই অলঙ্ঘ্য যে যদি একটা কাকাতুয়া ও একটা টিয়া পাখীকে কাহারও সম্মুখে রাখিয়া তাহাকে জিজ্ঞাসা করা যায়, ইহারা এক জাতীয় কি না, তাহা হইলে সে ব্যক্তি—যদি দুইটা পাখীর পরিচয় নাও অবগত থাকে, তবু সে বিনা উপদেশে বলিবে যে উহারা ভিন্ন ভিন্ন পক্ষী,—এক জাতীয় নহে । বৃক্ষাদিতেও দেখুন আম গাছের যে রূপ আকার, কাঁটাল গাছের সেরূপ নহে । কাঁটাল গাছের যে রূপ আকার নারিকেল গাছের সেরূপ নহে ।

পক্ষীতেও দেখুন কাক পক্ষীর যেরূপ আকার ও কণ্ঠস্বর, শালিকের আকার ও স্বর তদ্রূপ নহে । টিয়াপাখী বকের মত মৎস্য ধরিয়া খাইতে পারে না, সৃষ্টি বিষয়ে এই অলজ্ঞ্য নিয়ম সর্বত্র জাজ্বল্যমান । কিন্তু দেখুন ব্রাহ্মণ, ক্ষত্রিয়, বৈশ্য ও শূদ্রের মধ্যে কাহারও কি বিশেষ-রূপ ও গুণ আছে যে অন্য বর্ণে তাহা দেখিতে পাওয়া যায় না বা অন্তে তাহা গ্রহণ বা অনুকরণ করিতে পারে না । ক্ষত্রিয়, বৈশ্য বা শূদ্র ইচ্ছা করিলেই ব্রাহ্মণের রূপ ধারণ ও তাহার গুণ গ্রহণ করিতে পারে । এইরূপ ব্রাহ্মণ ও শূদ্রের দোষ-গুণ ধারণে, অনুকরণে ও গ্রহণে সমর্থ । যদি সৃষ্টিকর্তা ব্রাহ্মণাদি ৪ বর্ণকে পৃথক পৃথক রূপে উৎপন্ন করিতেন তাহা হইলে প্রত্যেক বর্ণের এক একটি বিশেষ গুণ ও রূপ প্রদান করিতেন, কেন না ইহাই তাঁহার সৃষ্টিবৈচিত্র । এই জন্মই ভগবান শ্রীমুখে গীতাতে বলিয়াছেন—

চাতুর্কণ্যং ময়া সৃষ্টং গুণ-কর্ম্য বিভাগশঃ ।

তস্য কর্তার মপি মাং বিদ্যাকর্তারমব্যয়ম্ ॥

৪র্থ অধ্যায়—১৩ ।

টীকা—ময়া গুণকর্ম্যবিভাগশঃ (গুণানর্ কর্ম্যনাঞ্চ বিভাগৈঃ) চাতুর্কণ্যং সৃষ্টম (ইতি সত্যম তথাপি) তস্য কর্তারমপি (ফলতঃ) অব্যয়ং (আসক্তি রাহিত্যেন) মাম্ অকর্তার মেব বিদ্ধি ।

অর্থাৎ “আমি গুণ ও কর্মের বিভাগদ্বারা চাতুর্কণ্য সৃষ্টি করি সত্য বটে, কিন্তু তাহার কর্তা হইলেও আমাকে অব্যয় এবং আসক্তিশূন্যতা হেতু অকর্তা জানিও !” বিশ্বব্রহ্মাণ্ডের কর্তা, যিনি নিমেষ মধ্যে সৃষ্টি-স্থিতি-প্রলয় করিতে পারেন, যিনি যক্ষ, রক্ষ, নর, কিন্নর, বানর, দেব-দৈত্যাদি অসংখ্য রকমের প্রাণী—সৃষ্টি করিয়াছেন, তিনি বলিতেছেন যে ব্রাহ্মণ, ক্ষত্রিয়, বৈশ্য ও শূদ্র এই চতুর্কর্ণের কর্তা তিনিই বটেন, আবার

অকর্তাও” বটেন !! আমরা কিন্তু দেখিতে পাই নাপিত আর বায়ু
ননে করিলেই “জাতি” মারিতেও পারেন, সৃষ্টি করিতেও পারেন !!!

পাঠক, বর্ণাশ্রম পদার্থটা কি কঠিন ও কত জটিল রহস্যময় বুঝুন,
এই খানেই বর্ণবিচার-রহস্য নিহিত রহিয়াছে ।

আমরা বেদ জানি না, স্মৃতি জানি না, মনু জানি না, ব্যাস পরাশরা-
দিরও কিছুই জানি না, কিন্তু শ্রীভগবান শ্রীমুখে বাহা বলিতেছেন তাহাই
গ্রাহ্য ও শিরোধার্য্য, স্মৃতিরং দেখা যাউক ভগবানের মুখ-নিঃসৃত ঐ
“অব্যয়” এবং “অকর্তা” শব্দের অর্থ এবং উদ্দেশ্য কি ? আসক্তি বলিলেই
বিস্ময়-ভোগ-বাসনা ও নশ্বর জীবনের ইন্দ্রিয়-সুখাদিকে বুঝায় ; কিন্তু
ভগবান অবিনশ্বর, ত্রিগুণা তীত, স্মৃতিরং ভোগবাসনারও অতীত । তাই
তিনি অব্যয় অর্থাৎ অক্ষয়, অবিনশ্বর । (ন—ব্যয় = ব্যয় রহিতে ইতি
মেদিনী) । উক্ত শ্লোকে “অব্যয়” শব্দের প্রয়োগে বুঝা গেল যে—
চাতুর্কর্ণ্য সৃষ্টিতে ভগবানের আসক্তি ছিল না, তবে তাঁহার সৃষ্ট সত্ত্ব,
রজ, তমঃ গুণ-প্রভাবে, মানুষ স্বভাবতঃই ৪ ভাগে বিভক্ত হইয়া পড়িয়া
থাকে । সেই গুণের উৎকর্ষে, অপকর্ষে বা মিশ্রণে ও তদনুযায়ী কর্মের
তদনুষ্ঠানে—সত্ত্বগুণে ব্রাহ্মণ, সত্ত্ব ও রজঃগুণে ক্ষত্রিয়, রজস্তমঃগুণে বৈশ্য, আর
একমাত্র তমঃগুণে শূদ্রবর্ণের প্রতিষ্ঠা হইয়া থাকে । লোক সৃষ্টির কর্তাও
যিনি আর উক্ত গুণত্রয়ের শ্রষ্টাও তিনি, তাহা হইলে—ঐ কয়টা গুণ-সম্মুত
এবং তদনুযায়ী কন্মানুরক্ত বিভিন্ন শ্রেণীর মানবের কর্তাও সেই ভগবান ।
সেই জন্ত তিনি সাক্ষাৎ সঙ্কল্পে, বর্ণ চতুষ্টয়ের কর্তা না হইলেও বাস্তবিক
তিনিই চাতুর্কর্ণ্যের সৃষ্টিকর্তা । স্ত্রী পুরুষের সহবাসে মানুষ আপনা
তইতেই জন্মিতেছে—ইহাই আমাদের স্থূল বিশ্বাস, এই মানুষ আবার
ইচ্ছামত বৃক্ষাদি সৃজন ও পালন করিতেছে, তবে ঈশ্বর কি করিতেছেন ?
একটা দৃষ্টান্ত দ্বারা বুঝান যাউক । বট বা অশ্বথ ফল অপেক্ষা নারিকেল

ফল অনেক বৃহৎ ও ভার-বিশিষ্ট । কিন্তু বৃক্ষ-সৃজন-মানসে আমরা যদি একই ক্ষেত্রে, একই সময়ে উক্ত দুইটা বৃক্ষের ফল মাটিতে পুতিয়া রাখি, তাহা হইলে ১০।১২ বৎসর পরে দেখা যাইবে যে ২টা পৃথক বৃক্ষের বৃক্ষ উৎপন্ন হইয়াছে, তন্মধ্যে বট বা অশ্বথ ফলে যে বৃক্ষ জন্মিয়াছে, তাহা নারিকেল গাছ অপেক্ষা অনেক বড় এবং অনেক শাখাপ্রশাখা বৃক্ষ । অশ্বথের বীজ কিন্তু নারিকেল অপেক্ষা অনেক ছোট । বড় ফলে দেখুন ছোট গাছ জন্মিল, আকারও বিভিন্নরূপ : হইল । ইহাই গুণপ্রভাব এবং ঈশ্বরের সৃষ্টি বৈচিত্র্য । মানুষ সহস্র চেষ্টা করিলেও ইহার ব্যতিক্রম হয় না । ফলতঃ গুণকর্ম্মানুসারেই মানবের শ্রেণী বিভাগ হওয়া উচিত । ইউরোপ ও আমেরিকাতে সেইরূপ প্রথাই আছে । গুণ ও কর্ম্মের অপকর্ষতা ঘটিলে কি পরিণাম হয় দেখুন । সকলেরই বিশেষতঃ ব্রাহ্মণদিগের ইচ্ছা পুত্র হউক, কিন্তু ক্রমাগতই কন্যারত্ন জন্মিতেছে, আর ব্রাহ্মণ অনুক্ষণ ঈশ্বরের দোষ দিতেছেন, কারণ কন্যাদায় ব্রাহ্মণের পক্ষে বড় দায় । যে সকল মুনিঋষির বংশধর বলিয়া তাঁহারা আজিও গর্ক করেন, তাঁহারা কিন্তু যাহা বলিয়া বীর্ষাধান করিতেন ঠিক তাহাই ফলিত । ব্যাস, বসিষ্ঠ, পরাশর, ঋষ্যশৃঙ্গ, শুকদেব, ধৃতরাষ্ট্র, পাণ্ডু ও বিদুরাদির জন্ম-বৃত্তান্ত পড়িলে ইহা সহজেই অনুমিত হয় । ফলতঃ গুণী, জ্ঞানী ও বলবান সন্তান লাভ করিতে হইলে পিতাকেও তদনুরূপ তেজোবীর্ষ্য সম্পন্ন হইতে হয় । কেহ প্রশ্ন করিতে পারেন যে তবে অনেক পণ্ডিতের সন্তান মূর্খ হয় কেন ?—উত্তর, গর্ভাধান সময়ে পিতা অথবা পিতামাতা উভয়েই তনুময় হইয়া পড়িয়াছিলেন, সেই জন্ম বীজাপকর্ষ ঘটয়াছিল (রতিশাস্ত্র দেখুন) অথবা তাঁহারা স্বভাবতঃই স্ত্রীণবীর্ষ্য ; এরূপ হওয়া অসম্ভবও নহে । পুত্র-পৌত্রাদি রাখিয়া ব্রাহ্মণী স্বর্গারোহণ করিলেন, তাহার বৃদ্ধ স্বামী হয়ত দ্বিতীয় বা তৃতীয় পক্ষে বিবাহ

করিতেছেন, একরূপ ব্রাহ্মণ পণ্ডিতও বিরল নহে । অপরকে ব্যবস্থা দিবার সময় ভট্টাচার্য্য মহাশয় অবশ্য বলিবেন “আরে বাপু, তোমার আর এ বৃদ্ধ বয়সে বিবাহ করাটা ভাল দেখায় না, পুত্রার্থে কৃষতে ভার্য্যা”—তা যখন তোমার বর্তমান তখন ছেলেটীর বিবাহ দিয়া নিজে ধর্ম্মালোচনা করাই ভাল ।” আরও আশ্চর্য্যের বিষয় এই ভট্টাচার্য্য মহাশয়কে যদি জিজ্ঞাসা করা যায়—মহাশয় বর্ণভেদ কেমন করিয়া হইল ? অমনি গম্ভীর আওয়াজে উত্তর পাইবেন—

শঠৈকস্তু ক্রিয়ালোপাদিমা ক্ষত্রিয়-জাতয়ঃ ।

বৃষলত্বং গতালোকে ব্রাহ্মণাদর্শনে নচ !

কামভোগ প্রিয়াস্তীক্ষ্ণা ক্রোধনাঃ প্রিয় সাহসাঃ ।

ত্যক্ত স্বধর্ম্মারক্তাগ্রান্তে দ্বিজাঃ ক্ষত্রতাংগতাঃ ॥ ইত্যাদি

অর্থাৎ কি না যে সকল ব্রাহ্মণ রজোগুণ প্রভাবে কাম ভোগে প্রিয়, ক্রোধ পরতন্ত্র রক্তবর্ণ, সাহসী ও হটকাদ্রী হইয়া স্বধর্ম্ম ত্যাগ করিয়াছেন, তাঁহারাই ক্ষত্রিয় হইয়া গিয়াছেন ! এবং এইরূপে বৈশ্য ও শূদ্রও ব্রাহ্মণ হইতেই জন্মিয়াছে ইত্যাদি । পাঠক, কি ভীষণ ভ্রান্তি, প্রবৃত্তি ও কালের গতি ! বুঝিতে চেষ্টা করুন । পুরাকালে সত্ব ও রজঃগুণ অথবা দুইটী গুণ এক সঙ্গে মানুষে বর্তমান ছিল : কিন্তু বর্তমানযুগে একমাত্র তমঃগুণে লোককে আচ্ছন্ন করিয়া রাখিয়াছে । তাই উক্ত শাস্ত্রজ্ঞ ব্রাহ্মণ পণ্ডিতও নিজের ভুল দেখিতে পাইতেছেন না ; সন্তানাদি বর্তমান থাকিতে ব্রাহ্মণের কুল উজ্জ্বল করিয়া—দ্বিতীয় বা তৃতীয় পক্ষে, বার্লুকো ৮।১০ বৎসরের বালিকার পাণিগ্রহণ করা কি সাহসিকতার লক্ষণ ? তাহা কখনই বলা যায় না । শিখা ও সূত্রগুচ্ছ ও বাকপটুতায় ব্রাহ্মণত্ব নাই । সত্বগুণ থাকা চাই । পরের বেলা মহাপাপ আর নিজের বেলা “মাকড় মারিলে ধোকড় হয়” এতাদৃশ সদ্যুক্তি আর এখন খাটে কি ? বিধানকর্ত্তা ব্রাহ্মণেরা যদি

দেশকাল বুঝিয়া সাবেক আইন কানুন গুলা সংশোধন বা পরিষ্কার করতঃ একটা ব্যবস্থা স্থাপনপূর্বক বর্তমান হিন্দু সমাজের মঙ্গল ও উন্নতির চেষ্টা করিতেন, তাহা হইলে বোধ হয় এ বিষয়ের অবতারণাও প্রয়োজন হইত না। বড় দুঃখেই এই সকল কথা বলিতে হইতেছে। প্রারম্ভ অধ্যায়টী লিখিবার পূর্বেই সংবাদ পাইলাম—এক মালগুদামের হেড বাবু শৃঙ্খলাবদ্ধ হইয়া পুলিশের দ্বারা হাজতে প্রেরিত হইল ! অপরাধ, তিনি সরকারের বেতনভোগী কর্মচারী হইয়া ২।৩ গাড়ী চিনির মধ্যে বালি মিশাইয়া তাহারই তত্ত্বাবধানস্থ গুদামে রাখিয়াছিলেন এবং সেই বালির পরিমাণ চিনি গোপনে বিক্রয় করিয়া টাকাগুলি আত্মসাৎ করিতাছেন ইত্যাদি—(১৯১২ খৃষ্টাব্দের ৫ই জুলাই তারিখের ইণ্ডিয়ান ডেলি নিউজ পত্রিকা দেখুন)—বাবুটী জাতিতে ব্রাহ্মণ, বেতন নাকি ৩০ টাকা !

সচরাচর আমরা দেখিতে পাই,—মানুষের অর্থ বা শিক্ষার অভাব হইলে স্বভাব নষ্ট হইয়া থাকে। কিন্তু এই বাবুটীর কিসের অভাব একবার বিবেচনা করিয়া দেখুন দেখি।

- ১। ইনি চাতুর্ভঙ্গের গুরু পবিত্র ব্রাহ্মণকূলে জন্মিয়াছেন।
- ২। লেখাপড়াও শিখিয়াছেন, নৈলে একটা আফিসের ইন্চার্জ অর্থাৎ হেডবাবু কিরূপে হইলেন।
- ৩। বেতন ৩০ হইলেও “প্রতিগ্রহের” নামান্তর অনেক উপরি উপায়ও আছে।

৪। ছেলে মানুষও নহেন, বয়স নাকি ৩০।৩৫ বৎসর। ইনি করিলেন কি, না বিশ্বাসঘাতকতা ও চুরি ! সে চুরিও যেমন তেমন নহে “পুকুর চুরি” !! ইহা অবশ্যই ব্রাহ্মণোচিত কাজ নহে বলিতে হইবে। ইহাই শৃঙ্খলের পরিচায়ক ! পথ-প্রদর্শক ব্রাহ্মণেরাই যদি যজ্ঞসূত্র ধারণের প্রতিজ্ঞা

লজ্জনপূর্বক ঘোর অত্যাচার ও ব্যভিচার আরম্ভ করেন, তাহা হইলে
 অপর সাধারণ তাঁহাদের আদর্শ কোথায় পাইবেন । বলা বাহুল্য আধুনিক
সংবাদপত্রাদিতে বর্ণগুরু ব্রাহ্মণের বিরুদ্ধে যত পাপ ও গুরুতর অভিযোগ
দেখা যায়, দীন, দরিদ্র ও অশিক্ষিত হইলেও অত্যাচার হিন্দু সম্প্রদায়ের মধ্যে
 বিশেষতঃ নাপিত সমাজে তত দৃষ্ট হয় না । যে কোন সমস্যা হইলে সংবাদ
 পত্রাদি মনোযোগ পূর্বক দেখিলেই এ কথা সারবত্তা উপলব্ধি হইবে ।
 চৌর্যাদি অপরাধে দণ্ডপ্রাপ্ত দাগীর সংখ্যায় মুসলমানের নিম্নেই প্রায়
 ব্রাহ্মণের স্থান দাঁড়াইয়াছে (সরকারী মানুষ গণনার রিপোর্ট দেখুন) । যাহা
 হটক, ব্রহ্মপুত্র গুণবীৰ্য্য-সম্পন্ন ব্রাহ্মণের ঔরসে কি সাত্বিক ভাবের
 জলন্তমূর্ত্তি, ব্রহ্ম-ধারণা-ক্ষম ব্রাহ্মণ জন্মিতে পারে ? না, কখনই না । তাহা
 হইলে যে ঈশ্বরের মতিমা ও বাক্যের কোন স্ফূর্ত্তি থাকে না । সত্বগুণ-সম্পন্ন
 ব্রাহ্মণেই ব্রাহ্মণোৎপাদন করিবে । ব্রহ্মতেজ সমন্বিত হইলে ক্ষেত্র যেরূপই
 হটক না কেন, তাহাতে ব্রাহ্মণ জন্মিবেই । অতথা ধীবর কণ্ডার
 গর্ভে বেদবিভাগকর্ত্তা ব্যাসদেবের উৎপত্তি অসম্ভব হইয়া পড়িত ! ক্ষেত্র-
 পেক্ষা বীৰ্য্যের প্রাধান্য এতই অধিক যে মহর্ষি মনু বৈশ্বের ঔরসে শূদ্রার
 গর্ভে উৎপন্ন সন্তানকে পিতার সদৃশ বলিয়াছেন, কিন্তু শূদ্রের ঔরসে
 ব্রাহ্মণীর গর্ভজাত সন্তানকে একেবারে অস্পৃশ্য, নরাধম চণ্ডালের দলভুক্ত
 করিয়াছেন ! অতএব সত্বগুণ-প্রধান পুরুষই ব্রাহ্মণ-পদ-বাচ্য এবং
 ব্রাহ্মণোৎপাদনে সমর্থ । সত্বগুণবর্জিত, বৃথা সত্বগুণচ্ছর্গিত ব্রাহ্মণের
 সন্তান ব্রাহ্মণ হইলে শাস্ত্রকারগণ নিম্নোক্ত-রূপ অর্থাচিত ভূরি ভূরি
 কৈফিয়ৎ কেন দিয়া গিয়াছেন ?

মহামুনি পরাশর বলিয়াছেন—

শূদ্রোহপি শীলসম্পন্ন গুণবান ব্রাহ্মণো ভবেৎ ।

ব্রাহ্মণোপি ক্রিয়াহীনঃ শূদ্রাৎ প্রত্যবরো ভবেৎ ॥

ধর্মরাজ যুধিষ্ঠির আরও স্পষ্ট করিয়া বলিয়াছেন—

নবৈ শূদ্রো ভবেচ্ছূদ্র ব্রাহ্মণো ব্রাহ্মণঃ নচ ।

যত্রৈতৎ লক্ষতে সর্প ! বৃত্তং স ব্রাহ্মণ স্মৃতঃ ।

যত্র তন্ন ভবেৎ সর্প তন্ শূদ্রমিতি নির্দেশেৎ ॥

অর্থ—শূদ্র হইলেই শূদ্র হয় না, আর ব্রাহ্মণের বংশে জন্মিলেই ব্রাহ্মণ হয় না, বৃত্ত অর্থাৎ সদাচার ও সংবৃত্তি যাহাতে দেখিবে তাঁহাকেই ব্রাহ্মণ জানিও, যাহাতে তাহা নাই তাহাকে শূদ্র বলিয়া নির্দিষ্ট করিবে ।

আবার পতিত পাবনাবতার মহাপ্রভু চৈতন্য-দেবও বলিয়া গিয়াছেন—
“মূচিও হয় গুচি যদি কৃষ্ণ ভজে ।” অপিচ—

“চণ্ডালোপি দ্বিজশ্রেষ্ঠ হরিভক্তি পরায়ণঃ ।

হরিভক্তি বিহীনস্ত দ্বিজোপি শ্বপচাধমঃ ॥

হরিভক্তি পরায়ণ চণ্ডালও দ্বিজাপেক্ষা শ্রেষ্ঠ । ব্রাহ্মণের সন্তান হইয়া হরিভক্তি হীন হইলে তিনিও চণ্ডালাপেক্ষা অধম বলিয়া গণ্য ।

হরি-পরায়ণ ব্রাহ্মণ আজকাল কজন আছেন ? আর মহাপ্রভুর প্রধান অবলম্বন যে হরি-সংকীর্তন, যে হরিসংকীর্তন দ্বারা তিনি হিন্দু সমাজে জাতিধর্মনির্কীর্ষশেষে সাম্য, মৈত্রী ও ভগবদ্ভক্তি রক্ষার জন্ত আজীবন প্রাণপণ চেষ্টা করিয়াছিলেন, আজিও যে কীর্তনের তরঙ্গাঘাতে সমগ্র বাঙ্গলাদেশ মুখরিত ও আন্দোলিত রহিয়াছে, সেই হরিসংকীর্তনে নিম্ন শ্রেণীর কৃষ্ণের জীব ব্যতীত কজন ব্রাহ্মণ বোগদান করিয়া থাকেন, কেহ ভাবিয়া দেখিয়াছেন কি ? পরন্তু ভগবানের উদ্দেশ্য পাছে সাধারণে বুঝিতে ভুল করে, তাই তিনি রামরূপে গুহক চণ্ডালের সহিত মিত্রতাপাশে বদ্ধ হইয়া মনুষ্য সমাজে সাম্যনীতির একটা জ্বলন্ত দৃষ্টান্ত রাখিয়া দিয়াছেন । জাতি-বিদ্বেষ-দমন-কল্পেই ভগবান ক্ষত্রিয় কুলে জন্মগ্রহণ করিয়াও গোপ-কুলে কৃষ্ণরূপে প্রতিপালিত ও গো-রাখালগণের সঙ্গে সখ্যতাপাশে বদ্ধ

হইয়াছিলেন । কিন্তু তাঁহার প্রিয় পাত্রেরা তাহা বুঝিয়াও বুঝিলেন না, সকলই স্বায়ম্ভুব মনু সাজিয়া বসিলেন, আর স্বকপোল-কল্পিত 'বর্ণ সঙ্কর' সৃষ্টি করিয়া সৃষ্টি-কর্তার সৃষ্টিছাড়া জাতিভেদের সৃষ্টি করিলেন । ফলে সত্যের অপলাপ করিলে যাহা হয় তাহাই ঘটতে লাগিল অর্থাৎ এক দোষ ঢাকিবার জন্য আর দোষ করিয়া হিন্দু সমাজকে শতধা বিভক্ত করতঃ জাতি অর্থাৎ Nation টী উড়াইয়া দিয়া কেবল caste লইয়া বিব্রত হইয়া পড়িলেন । পরিণামে অপবিত্র জলও আদর্শ খাণ্ড দুগ্ধ বলিয়া অবাধে চলিয়া যাইতে লাগিল । পাঠক, ভাবিয়া দেখুন, দুধে জল মিশান জাতি-ভেদেরই একটা প্রতিকল কি না । যখন গোয়ালী বুঝিল যে দুধে জল মিশাইতে তাহার অধিকার আছে, যেহেতু সে গোপকূলে জন্মগ্রহণ করিয়াছে, আর অন্য জাতিতেও দুগ্ধ বিক্রয় করিতে পারিবে না, কারণ তাহারা বুঝিল "পরধর্ম ভগ্নাবহ" ! তখন গোয়ালী মনে করিয়া লইল, যত জলই মিশাইনা কেন, উহাতে তাহার কোন পাপ নাই । সুতরাং যে কৃষ্ণের বৈভোগ প্রভূরী, "বিনিমূলে" পাইতেন, এখন মূল্য দিয়াও একসের দুধে তিনসের জল পাওয়া তাঁহাদের পক্ষে হুসুর । কিন্তু "গরজ বড় বলাই", সেই জন্য অত্যাচার ও স্বেচ্ছাচার, অত্যাচার ও অবিচার, ধর্মের নামে বিকাইতেছে । জাতিভেদের এই সকল বিষময় ফল এক্ষণে অনেকেই বুঝিয়াছেন, তাই আমরা দেশের অবস্থা ভাবিয়া অনেক সাম্প্রিক এবং নিরূপেক্ষ ব্রাহ্মণকেও অধুনা অনুতাপ করিতে দেখি । ফলতঃ বর্ণাশ্রম ধর্মের ব্যভিচার ঘটাইয়া ঈর্ষামূলক বৃত্তি ও বংশগত জাতিভেদ প্রথা প্রবর্তিত করার প্রতিফল হাতে হাতেই ফলিয়াছে । কোন বর্ণের স্বকর্মেরও ঠিক নাই, আর "ছুঁওনা ছুঁওনা" রবও নামে মাত্র পর্যাবসিত হইতেছে । অধিকন্তু অপরাপর জাতির কার্য্যকার্য্যের একটা সীমা আছে কিন্তু ব্রাহ্মণের অসাধ্য কোন কাষই নাই এবং তাঁহারা করিতেছেন না

এমন কার্য্যও দেখা যায় না । তবুও তাঁহাদের জাতি যায় না, জাতি যায় তাহাদের—যাহারা ব্রাহ্মণের আশ্রিত, অনুগত ও আজ্ঞাবহ ।

পাঠককে বলিয়া রাখি, ব্রাহ্মণের অধঃপতনই নাপিত জাতির শোচনীয় অবস্থার অগ্রতম কারণ । জাতীয় জাগরণের এই তুমুল কোলাহলের মধ্যেও নাপিত সমাজ যে কেন জাগিয়া উঠিতেছে না তাহার উত্তর— ব্রাহ্মণের ঐ কঠিন সমস্তা ! নাপিত জাতি শূদ্র বা বর্ণ-সঙ্কর নহে । “নয়” কে “হয়” করিতে যাইয়া স্বার্থপর ভণ্ড তপস্বীগণ যে সকল বাক্যজাল বিস্তৃত করিয়াছেন এইবার তাহার কতকাংশ এই খানে প্রদর্শন করিব ।

বর্ণ-সঙ্কর কাহাকে বলে ?

বিঘ্নহীন হইয়া বহুদিন অজ্ঞানানুককারে থাকিলে মানুষ জড়ভাবাপন্ন হইয়া পড়ে । কলের পুতুলের মত যে যেদিকে লইবে দিক্ক্রান্তি না করিয়া সেই দিকেই যাইবে—এইরূপ অবস্থায় দীর্ঘকাল থাকিলে, ক্রমশঃ তাহার মনুষ্যত্ব লোপ পায় ; সে একরূপ পশুতেই পরিণত হয় । এইরূপে জড়তা, অজ্ঞতা ও অসারতা যখন তাহার অস্থিমজ্জাগত হইয়া যায়, তখন তাহাকে ভাল পরামর্শ বা সহায়তা দিতে গেলেও সে সহজে তাহা গ্রহণ করে না । আমেরিকা হইতে যখন ক্রীতদাসের ব্যবসায় উঠাইয়া দিবার চেষ্টা হইয়াছিল, তখন তৎকালকার ক্রীতদাস সকল প্রথমে কত আপত্তি করিয়াছিল এবং বলিয়াছিল “কে আমাদের মাষ্টার হইবে” ! “কাল্ আমরা কি খাইব” ইত্যাদি । আমাদের দেশে যেরূপ গরু বাছুর কেনা বেচা হয় এবং তাহাদের প্রতি যেরূপ ব্যবহার করা হয়, ঐ সকল ক্রীতদাসের উপরও সেই রূপ পশুর গায় ব্যবহার করা হইত । কোন্ বুদ্ধিমান এই অবস্থায় থাকিতে চায় ? কিন্তু বহু দিন দাসত্ব শৃঙ্খলে বদ্ধ থাকায় ঐ সকল দাসের এরূপ শোচনীয় অধঃপতন হইয়াছিল যে যখন তাহাদিগকে ছাড়িয়া দিবার অর্থাৎ

স্বাধীন করিয়া দিবার জন্ত ইংরাজেরা প্রস্তাব করিলেন, তাহারা ভয় পাইয়া নানারূপ আপত্তি উত্থাপন করিল—আমাদের নাপিত সমাজেও এখন এই অবস্থা । প্রভূদের প্রসাদে আমরা এমনই অবস্থায় উপনীত হইয়াছি যে আমাদের পূর্বাবস্থা যে ইহাপেক্ষা ভাল ছিল, আর চেষ্টা করিলে যে আবার বর্তমান অবস্থার পরিবর্তন হইলেও হইতে পারে, ইহা চিন্তা করিতেও সাহসী নহি, যদি কেহ যুক্তিপূর্ণ উপদেশাদি প্রদান করেন তাহাও উদাসীনতার সহিত উপেক্ষা করি, আর চিরন্তন সিদ্ধান্ত যাহা আছে অর্থাৎ “যেমন আছি তেমনই থাকি, “আমাদের জল ত চল আছে, ”ঈশ্বর আমাদের নাপিত ক’রে সৃষ্টি করেছেন কি করিব”—ইত্যাদি মহৎবাক্য দ্বারা মনকে প্রবোধ দিয়া উপদেষ্টাকে বিদায় দেই । কিন্তু আমাদের যে “আটপ’রে” কাপড়ের মত ব্রাহ্মণাদির মন যোগাইতে হইতেছে, শিক্ষা বা আয়োজনের জন্ত আমরা যে কোন সুযোগ বা সহানুভূতি পাই না, তাহা কেহই বুঝি না বা বুঝিবার চেষ্টাও করি না । কোন জাতির উন্নতির পথ বন্ধ করিতে হইলে, অগ্রে তাহাদের শিক্ষার পথ অবরোধ করিতে হয় । ভারতের জাতিভেদ প্রথা তাই অনেকগুলি জাতির শিক্ষার পথ অবরোধ করিয়াছিল । প্রকাশ্যভাবে কেহ বিদ্যা শিক্ষায় বাধা না দিলেও ঐ জাতিভেদের অন্তরালে এমন একটা বন্ধ আছে, যদ্বারা স্বতঃই লোক নিশ্চেষ্ট ও জড়-ভাবাপন্ন হইয়া পড়ে : আর জাতিভেদের পুষ্টি সাধনার্থেই এই বর্ণ-সাক্ষ্যের সৃষ্টি । এই জন্তই প্রভুরা বর্ণ-সঙ্কর অর্থাৎ “খচ্চর” জাতি তৈয়ারী করিবার জন্ত এত ব্যগ্র । সদাশয় ইংরাজ গভর্নমেন্টের কল্যাণে আজকাল বিদ্যা-শিক্ষার দ্বার সকলের পক্ষেই উন্মুক্ত ; তাই এক্ষণে শূদ্র মহাশয়েরা বড় টের পাইতেছেন না কিন্তু—

“হিন্দু রাজা থাকিলে,
ধরিয়া দিত শূলে”

মমুর আইন কানুনগুলা আর একবার ভাবুন, আর বর্ণসঙ্কর উৎপত্তির
ক্রমটাও একবার দেখুন—

ব্রহ্ম-বৈবর্ত পুরাণ

(বিবিধ জাতির উৎপত্তি ।)

ক্ষত্র হতে বৈশ্বাগর্ভে কৈবর্ত উৎপত্তি ।

জাতি মালা শুনহ সৌনক মহামতি ॥

কৈবর্তদিগের মধ্যে কেহ কলিষুগে ।

পতিত হইয়া পড়ে তীবর সংসর্গে ॥

ধীবর নামেতে তাদের হইল খেরাতি !

ধীবরের ঔরসেতে রজক উৎপত্তি ॥

তীবর কণ্ঠার গর্ভে আছেয়ে প্রচার ।

অতঃপর অল্প জাতির শুন সমাচার ॥

তীবর হইতে রজকিনীর উদরে ।

জন্মিলে যে জাতি সে কোয়ালি নাম ধরে ॥

নাপিতের ঔরসেতে গোপিনী তখন ।

সর্কশ্বী নামেতে জাতি প্রসবিত হন ॥

সর্কশ্বী ভার্য্যাতে আর ক্ষত্রের বীর্য্যেতে ।

ব্যাধ জন্মিল কহি পুরাণের মতে ॥

ঋতুর পূর্ব্বদিনে জনৈক কামিনী ।

ক্ষত্রবীর্য্যে গর্ভবতী হইল শূদ্রানী ;

কতকগুলি শ্লেচ্ছ জাতি জন্মে সে উদরে ।

শ্লেচ্ছ হতে কুবিন্দ কামিনী গর্ভ ধরে ॥

কুবিন্দ অর্থাৎ তাঁতি রমণী তখন ।

জোলা নামে জাতি এক প্রসবিতা হন ॥

গুরুপুত্র হন সহোদরের সমান ।
 ভগিনী সমান গুরু কন্যা মতিমান ॥
 মাতার সমান গুরু কন্যা পূজনীয়া ।
 রঘু কহে শ্রোতাদের পদধূলি নিয়া ॥
 পুত্র 'ও কন্যার গুরু অথবা স্বশুর ।
 ভ্রাতার সমান হন গুনহ ভুসুর ॥
 ভ্রাতৃগুরু ও ভ্রাতার স্বশুরের প্রতি ।
 নিজ গুরু স্বশুরের মত কর প্রীতি ॥
 মিত্রের জননী আর মিত্রের ভার্য্যারে ।
 মাতৃতুল্য জ্ঞান কর শাস্ত্র অনুসারে ॥
 বন্ধুর জনক আর বন্ধুর ভ্রাতাকে ।
 নিজ পিতা নিজ ভ্রাতা মত দেখে লোকে ॥
ন মাতা ন পিতা ভ্রাতা আমি যে অধম ।
অনাথ বালকে কৃপা কর সাধুজন ॥
শ্রোতা পাঠকের পদ করিয়া বন্দন ।
শ্রীকৃষ্ণের ভক্তি মাগে শ্রীরঘুনন্দন ॥

পাঠক, “ধান ভান্তে শিবের গীত” কখনও শুনেছেন? এই
 গুনুন।—উপাখ্যানের গোড়ায় হইল ভিন্ন ভিন্ন জাতির উৎপত্তি আর
 শেষে হইল তাহাদিগের স্তুতি ও মিনতি! বাহাইউক এই সকল পুঁথি
 বা শাস্ত্র পাঠ করিলে সহজেই বুঝা যায় যে গ্রন্থকর্তার মনে যখন যে
 জাতিটির নাম উদয় হইয়াছে, অর্থাৎ তাঁহার পূর্ব পুরুষের শাস্ত্র আরম্ভ
 হইয়াছে! আবার তাহা দ্বারা অত্র একটী নূতন জাতির সৃষ্টি করা আবশ্যিক
 বোধ হইয়াছে। ফলে “জোলাও বাদ পড়ে নাই, জোলা ত মুসলমান-
 ধর্ম্মাবলম্বী! যে ব্যাসদেব এই ব্রহ্মবৈবর্ত-পুরাণের সৃষ্টিকর্তা, তাঁহার

সময়ে বাঙ্গলাভাষাও প্রচলিত হইয়াছিল কিনা সন্দেহ। ‘জোলা’ শব্দটি সংস্কৃত ভাষায় দেখা যায় না, উহা নিরঙ্কুশ আধুনিক ষাবনিকভাষা, সুতরাং জোলা জাতির উৎপত্তি সংস্কৃত ব্রহ্ম-বৈবর্ত পুরাণে ব্যাসদেব কর্তৃক বর্ণিত হওয়া কি কখনও সম্ভব? এইরূপ কত দোষ যে ঘটিয়াছে তাহার ইয়ত্তা নাই। আরও ২।১১টী বর্ণনাস্থানে সন্নিবিষ্ট করিব। ব্রহ্ম-বৈবর্ত পুরাণের ঐ অংশটুকু উদ্ধৃত করার আরও একটু উদ্দেশ্য আছে। পাঠক বোধ হয় বুঝিয়াছেন যে, যে জাতিটির বিষয় বর্ণনা করা শাস্ত্রকারের উদ্দেশ্য হইয়াছে, অমনি সঙ্গে সঙ্গে সেই উৎপন্ন জাতি হইতে আবার আর একটা জাতির সৃষ্টি করিয়া ক্রমান্বয়ে অপরাপর জাতির পিতামাতার নামোল্লিখিত হইয়াছে, কিন্তু নাপিত কিরূপে কাহা দ্বারা জন্মিল তাহা মূল পুস্তকেও নাই, যযুনন্দনের উল্লিখিত উক্তিতেও নাই। অথচ নাপিতের দ্বারা গোপিনীর গর্ভে সর্বস্বী জাতির উৎপত্তি—ইহা প্রকাশ আছে। এক্ষণে কথা হইতেছে যে পুরাণাদিতে যে সকল জাতির উল্লেখ আছে, তাহা ছাড়াও ত অনেক সঙ্কর জাতির উৎপত্তি হইতে পারে; স্ত্রী পুরুষের সহবাসে সন্তান হওয়া যখন অসম্ভব নহে, তখন এখনও ত বর্ণ-সঙ্কর জন্মিতেছে অর্থাৎ একজাতীয় পুরুষ অপর জাতীয় স্ত্রীর সহিত বৈধ বা অবৈধ প্রণয়দ্বারা মানুষ সৃষ্টি করিতেছে। নাপিতের ঔরসে গোপিনীর গর্ভে সর্বস্বী নামক জাতির উৎপত্তি হইয়াছে বুঝা গিয়াছে, কিন্তু নাপিতের ঔরসে গোপিনী ছাড়া অপরাপর জাতির স্ত্রীতেও ত বর্ণসঙ্কর উৎপত্তি হইতে পারে? তাহাদের নাম করণ করিতেছে কে? অবশ্য নামকরণ আর হইতেছে না। কারণ হিন্দুরাজত্ব বা ব্রাহ্মণের প্রভুত্ব আর সেকালের মত নাই! মনে ভাবিয়াছিলাম শাস্ত্রকারেরা বোধ হয় এইটুকু ফাঁক রাখিয়া গিয়াছেন, কিন্তু মনুর কি অব্যর্থ সন্ধান! তিনি বলিয়া রাখিয়াছেন বর্ণসঙ্কর হইবেই! কারণ ব্রাহ্মণ, ক্ষত্রিয়, বৈশ্য ও শূদ্র ছাড়া আর জাতি নাই—“নাস্তি তু পঞ্চমো”! আর

বর্ণসঙ্কর বা শূদ্র হইলেই তিনি যেন 'চোরাচার্য্যের' আসামী বা মার্কামারা দাগী হইলেন সুতরাং দেশের রাজা বা ব্রাহ্মণেরা যখন ইচ্ছা শূদ্রদিগের সৰ্ব্বস্ব লুণ্ঠন করিতে পারিবেন, কেননা মনুর পিনাল কোডের (Penal Code) ১ আইনের ১০০ এবং ১০১ ধারায় বলিতেছে—

সৰ্ব্বং স্বং ব্রাহ্মণশ্চেদং যৎকিঞ্চিজ্জগতীগতং ।

শ্রেষ্ঠোনা ভিজনেদং সৰ্ব্বং বৈ ব্রাহ্মণোহহঁতি ॥ ১০০ ॥

স্বমেব ব্রাহ্মণ ভুংক্তে স্বং বস্তে স্বং দদাতি চ ।

আনুশংস্তা দ্ৰাক্ষণশ্চ ভুঞ্জতে হীতরেজনা ॥ ১০১ ॥

যেহেতু

ত্রিজগতের সমুদায় ধনই ব্রাহ্মণের নিজস্ব । সৰ্ব্ববর্ণের শ্রেষ্ঠ এবং উৎকৃষ্ট স্থান জাত বলিয়া ব্রাহ্মণই সমুদয় সম্পত্তি পাইবার যোগ্য পাত্র । ব্রাহ্মণ যাহা ভোজন করেন, যাহা দান করেন, তাহা পরের হইলেও নিজস্ব । কেননা ব্রাহ্মণের অনুগ্রহ বলে অপরাপর লোকে ভোজন-পানাদি দ্বারা জীবিত আছে !

মিথ্যা শূদ্র জীবনের এই সকল অযথা বিড়ম্বনা পরিহার মানসেই আজ ভারতময় আন্দোলন ও বাদ প্রতিবাদ চলিতেছে ।

আবার Evidence Act এর ৮ আইনের ৪১৭ ধারাতে বলিয়াছেন—

বিস্কং ব্রাহ্মণঃ শূদ্রাদ্ভ্যোপাদানমাচরেৎ ।

নহি তস্মাস্তি কিঞ্চিং স্বং ভৰ্তৃহার্য্যঃ ধনোহি সঃ ॥

শূদ্র যদি কোন ধন উপার্জন করেন ব্রাহ্মণে অসঙ্কোচে তাহা আত্মসাৎ করিতে পারেন, যেহেতু দাসের নিজস্ব কিছুই নহে । উহা তাহার প্রভুর ।

শূদ্র বলিয়া অব্যাহতি দিলেও হয়ত অনেকে বাদানুবাদ করিত না, কিন্তু আবার বর্ণসঙ্কর, অস্তাজ, অস্পৃশ্য প্রভৃতি পুরুষ ভাষার অযথা প্রয়োগ ও তদনুসারে অনেক নির্ঘাতনও আমরা সদা সৰ্ব্বদা দেখিতে পাই । শূদ্র

নামধারী জীবগুণাকে যতদূর হেয় করিতে পারা যায় তাহাই করিয়া কর্তারা যেন আত্মপ্রসাদ লাভ করিয়া থাকেন। কাহারও বিশ্বাস না হয় কোন ব্রাহ্মণ পণ্ডিতকে (অবশ্য যিনি আমার এই অসার পুস্তক পড়েন নাই) নাপিতের উৎপত্তি সম্বন্ধে প্রশ্ন করিয়া দেখিবেন। তিনি যদি কিছু জানেন ত বলিবেন—

“কুবেরিণ পট্টিকাৰ্যং নাপিতঃ সমজায়তঃ অর্থাৎ কুবেরী পিতা আর পট্টিকারী মাতা হইতে নাপিতের উৎপত্তি। আর যে ৩৪টা প্রমাণ আছে, সেগুলিও তাঁহাদিগেরই পূর্বপুরুষের কৃত হইলেও পারতপক্ষে আপনাকে তাহা বলিবেন না। ইহাতে বুঝা যায় যে ক্রমশঃই নাপিত জাতিকে অধঃপাতে দিবার বেশ চেষ্টা চলিতেছে, তাই অভিধানে, আদম সুমারীর রিপোর্টে ও জাতিবিষয়ক পুস্তকাদিতেও ঐ মতটাই সাদরে গৃহীত হইয়াছে।

পাঠক, এইবার বর্ণসঙ্কর শব্দের অর্থ ও উৎপত্তির কারণ কি তদসম্বন্ধে কিছু বলা আবশ্যিক—সাধারণতঃ সকলেই বোধ করেন যে ব্রাহ্মণ; ক্ষত্রিয়, বৈশ্য ও শূদ্র এই চারি বর্ণের কোন এক পুরুষের সহিত অপর বর্ণের স্ত্রীর সংযোগে কোন সন্তান জন্মিলেই সে বর্ণ-সঙ্কর হইবে, কিন্তু তাঁহাদের এই ধারণাটা ঠিক নহে। প্রথমে দেখা যাউক বর্ণসঙ্কর শব্দের অর্থ কি।

সঙ্কর শব্দের অর্থ (সম—কৃ + অন্, ঘে) পুং, = সম্মার্জনী উৎকৃষ্ট ধুলাদি। তৎপর্যায়—অবকর = ইত্যমর। অগ্নি চটৎকারঃ ইতি মেদিনী। সম্মার্জনী অর্থাৎ খেঙরা বা কাঁটা দ্বারা কাঁট দিলে উৎকৃষ্ট হইয়া যে ধুলি পুঞ্জীকৃত হয় অথবা আগুন জ্বালিলে যে চট চট শব্দ হয় উহার নাম সঙ্কর। (শব্দ কল্পদ্রুম দ্রষ্টব্য)। তাহা হইলে “বর্ণ-সঙ্কর” শব্দের অর্থ হইল “বর্ণেয় সঙ্কর ইব” অর্থাৎ বর্ণের (ব্রাহ্মণ ক্ষত্রিয়, বৈশ্য এবং শূদ্রের) মধ্যে যাহারা সঙ্কর অর্থাৎ সম্মার্জনী দ্বারা পুঞ্জীকৃত তৃণাদির স্তায়। যেমন খেঙরা দ্বারা

ঝাট দিলে কতকগুলি অকেজো খড়কুটা ধূলামাটি এক জায়গায় জড় হয়, সেইরূপ হিন্দুসমাজে যাহারা উপেক্ষিত এবং নিকৃষ্ট তাহাদিগকেই বর্ণসঙ্কর বলে । এই জন্তই মহর্ষি মনু বর্ণসঙ্কর উৎপত্তির তিনটি কারণ দেখাইয়াছেন যথা—

ব্যভিচারেণ বর্ণানা মাবেত্ত বেদনেন চ ।

স্বকর্ম্মনাঞ্চ ত্যাগেন জায়ন্তে বর্ণ-সঙ্করাঃ ॥

(১০—১৪ শ্লোক)

অর্থাৎ ব্যভিচার, অবৈধাবেদন এবং স্বকর্ম্মত্যাগে বর্ণসঙ্কর জন্মে । আর একটু খোলসা করিয়া না বলিলে উক্ত শ্লোকটির উদ্দেশ্য সহজে সকলে বুঝিতে পারিবেন না ।

১ । ব্যভিচারে অর্থাৎ একের স্ত্রীতে অণ্ডের অবৈধ গমনে যে সন্তান জন্মিবে সে বর্ণসঙ্কর হইবে ! এক ব্রাহ্মণের স্ত্রীতে অবৈধভাবে যদি অণ্ড ব্রাহ্মণেও সন্তান উৎপাদন করেন, সেও বর্ণ-সঙ্কর । এইখানে একবর্ণেই বর্ণসঙ্কর উৎপত্তি হইল । ঐরূপে ক্ষত্রিয় বৈশ্য বা শূদ্রেও একবর্ণেই বর্ণসঙ্কর হইতে পারে ; বলাৎকার বা অবৈধ প্রণয়-সম্বৃত সন্তানই বর্ণসঙ্কর—সবর্ণে হউক আর অসবর্ণেই হউক ।

২ । অবৈধ বেদন দ্বারাও বর্ণ সঙ্কর হয় । বেদ্যা শব্দের অর্থ বেদনীয়া বা বিবাহা, অর্থাৎ শাস্ত্রানুসারে যাহাকে বিবাহ করা যায় । আর অবৈদ্যা অর্থে যে বিবাহের অযোগ্য অর্থাৎ যাহাকে বিবাহ করা নিষেধ আছে ; যেমন স্বীয় ভগ্নী, পিসতুত, মাসতুত, বা মামাত ভগ্নী ; আবার অপরের বিধবা স্ত্রীকেও বুঝাইতে পারে । এই অবিবাহ স্ত্রীতে যদি কেহ সন্তান উৎপাদন করেন, সেই সন্তানও বর্ণসঙ্কর হইবে । এই জন্তই সগোত্রে এবং সপিণ্ডে বিবাহ নিষেধ ।

এইখানে দেখুন পূর্বকালে যখন অসবর্ণ বিবাহ প্রচলিত ছিল

অর্থাৎ যখন ব্রাহ্মণ, ক্ষত্রিয়, বৈশ্য এবং শূদ্রের মধ্যে পরস্পর বিবাহ প্রথা প্রচলিত ছিল, তখন যদি ক নামক কোন ব্রাহ্মণ ঞ্ নামক কোন ক্ষত্রিয়, বৈশ্য বা শূদ্র কন্যাকে বিবাহ করিত এবং তাহাদের সংযোগে গ নামক সন্তান জন্মিত তবে গ বর্ণ-সঙ্কর হইত না, কারণ ক শাস্ত্র-বিধান মতে ঞ্কে বিবাহ করিয়াছিল, এবং সে (গ) ব্যভিচার-জাত নহে। এই খানে দেখা গেল পৃথক পৃথক দুই বর্ণের মিশ্রণেও বর্ণ-সঙ্কর হয় না। পক্ষান্তরে খুড়াত, জেঠাত, মামাত, পিসাত বা মাসতাত ভগ্নীকে বা অপরের বিবাহিত স্ত্রীকে ঢাক, ঢোল বাজাইয়া বিবাহ করিলেও সেই স্ত্রীতে জাত সন্তান বর্ণ-সঙ্কর হইবে। এই জন্ত অনুলোমজ সন্তান নিকৃষ্ট অস্পৃশ্য বা অনাচরণীয় নহে। ইহারা অপসদ অর্থাৎ সর্বজ সন্তান অপেক্ষা কিঞ্চিৎ ন্যূন বা হয়। আর প্রতিলোমজ সন্তান অপধ্বংশজ বা বর্ণ-সঙ্কর পদবাচ্য। উচ্চবর্ণের পুরুষ নিম্ন বর্ণের স্ত্রীকে বিবাহ করিলে তাহাতে যে সন্তান জন্মে, তাহাকে অনুলোমজ বলে আর নিম্ন বর্ণ অর্থাৎ শূদ্রাদি যদি উচ্চ বর্ণের (ব্রাহ্মণাদির) কন্যাকে বিবাহ করিয়াও কোন সন্তান উৎপাদন করে তবে সে প্রতিলোমজ সন্তান হইবে। পুরাকালে যে অসবর্ণ বিবাহ প্রচলিত ছিল, তাহার প্রকৃষ্ট প্রমাণ এই—মহর্ষি মনু বলিয়াছেন—

শূদ্রেব ভার্য্যা শূদ্রশ্চ সাচ ঞ্ চ বিশঃ স্মৃতে ।

তেচ ঞ্ চৈব রাজ্ঞঃ স্যাস্তশ্চ ঞ্ চা গ্রজন্মনঃ ॥ ৩৯—১৩ ॥

শূদ্রাই কেবল শূদ্রের ভার্য্যা হইবে। বৈশ্য—বৈশ্য ও শূদ্রাকে বিবাহ করিতে পারিবে। ক্ষত্রিয়—ক্ষত্রিয়া বৈশ্যা, ও শূদ্রাকে বিবাহ করিতে পারে ; এবং ব্রাহ্মণ—ব্রাহ্মণী, ক্ষত্রিয়া, বৈশ্যা ও শূদ্রা এই চারি বর্ণের স্ত্রীলোককেই বিবাহ করিতে পারিবেন।

মহর্ষি নারদ বলিয়াছেন,—

আনুলোম্যেন বর্ণাণাং যজ্জন্ম স বিধিঃ স্মৃতঃ !

প্রাতিলোম্যেন যজ্জন্ম স জ্ঞেয়ো বর্ণ-সঙ্করঃ ॥

অনুলোম্য বিবাহে উৎপন্ন সন্তান বিধি মতে শ্রেষ্ঠ । আর প্রাতিলোম্য বিবাহে উৎপন্ন সন্তাকেই বর্ণ-সঙ্কর বলে । অতএব ছই স্বতন্ত্র বর্ণের সংযোগই বর্ণ-সঙ্করের নিদান নহে ।

৩। “স্বকর্ম-ত্যাগে” বর্ণ-সঙ্কর হইয়া থাকে, ইহার অর্থ কি ? মনু ব্রাহ্মণ, ক্ষত্রিয়, বৈশ্য ও শূদ্রের যে সকল কর্ম নির্দ্ধারণ করিয়া দিয়াছিলেন তাহা ত্যাগপূর্ব্বক অন্ম বর্ণের কর্ম অবলম্বন করিলে উক্ত চারি বর্ণের যে কোন ব্যক্তিকে বর্ণ-সঙ্কর বলে । ব্রাহ্মণের কর্ম ছয়টি—যাজন, যজন, অধ্যয়ন, অধ্যাপন, দান ও প্রতিগ্রহণ । এই ছয়টি ত্যাগ করিয়া অন্ম উপায় দ্বারা জীবিকা নির্ব্বাহ করিলে ব্রাহ্মণও বর্ণ-সঙ্কর-পদবাচ্য । ঐরূপে ক্ষত্রিয়, বৈশ্য বা শূদ্রও স্বকর্ম-ত্যাগ করিয়া অন্ম বর্ণের কর্ম (বৃত্তি) অবলম্বন করিলে তাহারাও বর্ণ-সঙ্কর হইবেন । পাঠক, এইবার বোধহয় বুঝিতে পারিয়াছেন যে স্বায়ম্ভুব মনু কে ! “নিজের নাক কেটে পরের যাত্রা ভঙ্গ” করে কখন ? না জিদের বালাই লইয়া মরণ আসে যখন ! এই জন্মই জাতিভেদপ্রিয় কলির বায়ুনের উপরি-স্থিত শ্লোকের “স্বকর্ম” শব্দের অর্থ লাগাইয়াছেন “জাতকর্ম উপনয়নাদি সংস্কার !”—যে সকল কর্ম প্রায়শঃ মানবকের (নাবালকের) পিতা মাতা এবং নাপিতের দ্বারাই প্রকৃত প্রস্তাবে সংসাধিত হইয়া থাকে । পাঠক বোধহয় অবগত আছেন যে জাতকর্ম, চূড়াকরণ, উপনয়ন ও বিবাহাদি হিন্দুর দশবিধ বৈদিক অনুষ্ঠানকেই সংস্কার বলে । এই সকল সংস্কারের কোন একটা ত্যাগ করিলে যদি বর্ণ-সঙ্কর হয়, তাহা হইলে পুরাকালে যে সকল মুনি-ঋষি বিবাহ সংস্কার না করিয়া আজীবন ব্রহ্মচর্য্য পালন করিয়া পৃথিবীতে আর্ষ্যগৌরব প্রতিষ্ঠা করিয়া গিয়াছেন, তাঁহারাও বর্ণ-সঙ্কর ! আর কত বলিব । (মনু ১০ অধ্যায় ৭৫ শ্লোক দ্রষ্টব্য ।)

নাপিতের সাক্ষ্য-খণ্ডন ।

দেব-গুরু বৃহস্পতি বলিয়াছেন—

কেবলং শাস্ত্রমাশ্রিত্য ন কর্তব্য-বিনির্গয়ঃ ।

যুক্তিহীন বিচারেণ ধর্মহানিঃ প্রজায়তে ॥

অর্থাৎ কেবল শাস্ত্রকে অবলম্বন করিয়া কোন কর্তব্য-নির্ধারণ করা-উচিত নহে, যেহেতু যুক্তিহীন বিচার দ্বারা ধর্মহানি হইতে পারে । অতএব আমাদেরকেও যুক্তির আশ্রয় লইতে হইবে, এবং নাপিতের উৎপত্তি সম্বন্ধে আমরা যে কয়টি প্রমাণ পাইয়াছি উহার কোনটী যুক্তি-সঙ্গত ও প্রমাণ-সহ দেখিতে হইবে ।—

১। আধুনিক পরাশর-সংহিতা বলিতেছেন,—

শূদ্রকণ্ডা সমুৎপন্নো ব্রাহ্মণেনতু সংস্কৃতঃ ।

সংস্কৃততস্তু ভবেদাসো হসংস্কারেতু নাপিতঃ ॥

অর্থ—ব্রাহ্মণের গুরুর শূদ্রের গর্ভজাত সন্তান সংস্কৃত অর্থাৎ জাতকর্ম চূড়াকরণাদি হিন্দুশাস্ত্রোক্ত বৈদিক সংস্কার প্রাপ্ত হইলে সে “দাস” হয়, আর উক্ত সংস্কারাদি না হইলে সে “নাপিত” হয় ! আচ্ছা বেশ, দাস বলিলে কোন জাতিকে বুঝায় ? পূর্বেই দেখান হইয়াছে “দাস” বলিয়া কোন জাতি নাই, অতএব দাসত্ব করিয়া বাহারা জীবিকা নির্বাহ করে তাহারা হইবে দাস । মীমাংসা স্থলে “কৈবর্তো দাসো ধীবরে” স্বীকার করিলেও সংস্কার-প্রাপ্ত ব্রাহ্মণ-পুত্র দাসমহাশয় নাপিত অপেক্ষাও হেয় হইলেন নাকি ? সুতরাং এ সংস্কার না প্রাপ্ত হইলেই ভাল ছিল । কারণ নাপিতের অবস্থা হীন হইলেও অদ্যাবধি নাপিতের জল হিন্দু সমাজে সর্বত্র সাদরে গৃহীত হইয়া থাকে কিন্তু কৈবর্ত বা ধীবরের জল সর্বত্র চলে না । তাহাদের পুরোহিতও স্বতন্ত্র । তাহারাও এই প্রমাণ স্বীকার করেন না ।

পক্ষান্তরে মনুর মতে এইরূপ সন্তানকে নিষাদ বা পারশব কহে । নিষাদকে অনেকে চণ্ডাল মনে করেন, কিন্তু মনু শূদ্রের ঔরসে ব্রাহ্মণীর গর্ভজাত সন্তানকে চণ্ডালাখ্যা দিয়াছেন । পারশবজাতির উৎপত্তি ঠিক ইহার বিপরীত, অর্থাৎ ব্রাহ্মণের ঔরসে শূদ্রার গর্ভে পারশব বা নিষাদের উৎপত্তি । (১০ম অধ্যায় ৮ম শ্লোক দ্রষ্টব্য) । পারশব অমূলোমজ আর চণ্ডাল প্রতিলোমজ সন্তান । যাহা হউক মনু এই নিষাদের বৃত্তি নির্ধারণ করিয়াছেন—মৎস্ত-মারণ যথা “মৎস্ত ষাতো নিষাদানাং”—১০অ—৪৮ । কিন্তু নাপিতের বৃত্তি মৎস্ত-মারণও নহে । কাজেই পরাশর সংহিতার মতটী মনুর স্মৃতির সহিত মিলিতেছে না—স্মৃতরাং ইহা যুক্তি-সিদ্ধ নহে । কারণ বৃহস্পতি বলিয়াছেন “মব্বর্থা বিপরীতা যা সা স্মৃতি ন প্রশস্ততে ।” অর্থাৎ যে স্মৃতিতে মনু-সংহিতার বিপরীত মত আছে, তাহা প্রমাণ বলিয়া গণ্য নহে । অতএব পরাশর সংহিতার উক্ত মত টিকিল না ।

২ । বৃহদর্শ পুরাণ বলিতেছেন—“ক্ষত্রিয়াচ্ছূদ্র কণ্ঠায়াং জাতী নাপিত-মোদকৌ ।”—ক্ষত্রিয় দ্বারা শূদ্র কণ্ঠার গর্ভে নাপিত এবং মোদক জন্মিয়াছে । মন্দ নয়—একই পিতা মাতার সন্তান ভিন্ন ভিন্ন নাম এবং ভিন্ন ভিন্ন ব্যবসায় (বৃত্তি) প্রাপ্ত হইয়াছে ! আচ্ছা—মোদকটা কে দেখা যাউক ; মোদকের প্রতি শব্দ মধুনাপিত (ময়রা ইতি ভাষা) “গুড় কৰ্ম্মনি” গুড়-দ্রব্য-নির্মাণ ইহাদের কার্য । (ব্যবস্থা-দর্পণ দ্রষ্টব্য) ।

“সম্বন্ধ নির্ণয়ে” “স্পষ্টাক্ষরে লেখা রহিয়াছে “প্রকৃত পক্ষে মোদক কুরি নহে, ইহাদিগের উপাধি মধুনাপিত । মধু-নাপিতের বৃত্তাস্ত চৈতন্য-চরিতামৃত ও চৈতন্য ভাগবতে আছে, স্মৃতরাং এই জাতি চারিশত বৎসর মাত্র নাপিত হইতে পৃথক জাতি বলিয়া পরিগণিত হইয়াছে । এক্ষণে নাপিত ও মধু-নাপিত পৃথক পৃথক জাতি বলিয়া গণ্য ।”

বাবু গোবিন্দ চন্দ্র বসাক (B. A B L) মুনসেফ তৎপ্রণীত “জাতিমালা”

গ্রন্থে বলিয়াছেন—মধু-নাপিত (ময়ূরা) তিন শত বৎসর মাত্র নাপিত হইতে পৃথক জাতি বলিয়া পরিগণিত ।

মধু-নাপিত উৎপত্তির কাল নির্ণয় বিষয়ে উপযুক্ত গ্রন্থ-কর্তাদের মধ্যে একটু মতবৈধ দেখা যাইতেছে । আমরা চৈতন্যচরিতামৃতে দোষিতে পাই “শ্রীকৃষ্ণ চৈতন্য নবদ্বীপে অবতরি, । আটচল্লিশ বৎসর প্রকট বিহারি । চৌদশত সাত শকে জন্মের প্রমাণ ! চৌদশত ছাপ্পানে প্রভুর অন্তর্ধান ॥” যখন তিনি সন্ন্যাস গ্রহণ করেন তখন যদি বয়স ২৪ বৎসর হয়, তাহা হইলে মধু-নাপিতের উৎপত্তির কাল (বর্তমান ১৯১১ খৃঃ অঃ) যে ৪০৩ বৎসর মাত্র তাহা অনায়াসে নির্ণয় করা যায়, কারণ এক্ষণে শকাব্দ ১৮৩৪ আর প্রভু অবতীর্ণ হইয়াছিলেন ১৪০৭ শকে, সুতরাং (১৪০৭ + ২৪) বৎসর অর্থাৎ ১৪৩১ শকেই মধু-নাপিতের উৎপত্তির কাল । তাহা হইলে ১৮৩৪—১৪৩১ অর্থাৎ ৪০৩ বৎসর মধ্যেই মধু-নাপিতের উৎপত্তি এবং বিস্তৃতি ! চৈতন্য দেবের সন্ন্যাস-গ্রহণ কালে যে নাপিত তাঁহার মস্তক মুগুন করিয়াছিল তাঁহারই বংশ নাপিত হইতে প্রমোদন পাইয়া মোদক নামে আর একটা জাতির সৃষ্টি করিয়াছে, যে হস্ত ভগবানের মস্তক এবং পদস্পর্শ করিয়াছে সেই হস্ত আবার পাপ-তাপ-জড়িত-কলি-কলুষিত অপর লোকের পদ স্পর্শ করিলে প্রভুর মহিমা ও উদ্দেশ্য কলঙ্কিত হইবে বলিয়াই নাকি তিনি নাপিতকে ব্যবসান্তর গ্রহণ করিতে বলিয়াছেন, তাই মধু-নাপিতের অর্থাৎ ময়ূরার সৃষ্টি । যাহা হউক নাপিত ও মধু-নাপিত তাহা হইলে মূলে একই পিতা মাতা হইতে সম্ভূত এবং ৪০৩ বৎসর পূর্বে মধু-নাপিতের অস্তিত্ব বাঙ্গালা দেশে ছিল না—ইহা স্পষ্টই বুঝা গেল । তাহা হইলে বৃহদ্রথপুরাণ খানা কি এই ৪০৩ বৎসরের মধ্যে সৃষ্ট হইয়াছে । যদি তাহাই হয়, তবে নিশ্চয়ই ব্যাসদেবকে স্বর্গ হইতে, নবদ্বীপে চৈতন্যদেবের আবির্ভাবের পরেও তাঁহার ঐ পুরাণ খানা ছাপাইবার জন্য অনেকবার

যাতায়াত করিতে হইয়াছিল । কিন্তু কৈ তাঁহার গমনাগমনের ত কোন প্রমাণ পাওয়া যায় না । তবে “ঋত্রিয়াচ্ছূদ্রকন্যায়াং জাতৌ নাপিত-মোদকৌ” কি করিয়া ছাপান হইল ? পক্ষান্তরে মনু বলিতেছেন ।—

ঋত্রিয়াং শূদ্র কন্যায়াং ক্রুরাচার-বিহারবান্ ।

ঋত্রশূদ্রবপূর্জস্তু ক্রুণো নামো প্রজায়তে ॥

ঋত্রিয় হইতে শূদ্রাতে উৎপন্ন সন্তান উগ্র অর্থাৎ আগুরী নামে খ্যাত, পিতা (ঋত্রিয়) মাতার (শূদ্রার) স্বভাবানুসারে ইহারা অতি ক্রুরচেষ্ঠ ও ক্রুরকর্মা হইয়া থাকে ।

পাঠক দেখুন কোথায় আগুরী আর কোথায় নাপিত ! এইখানে স্মৃতি ও পুরাণে বিরোধ উপস্থিত হইল । একরূপ স্থলে স্মৃতির মতই শাস্ত্রানুসারে বলবান্ স্মতরাং গ্রহণীয় । যেহেতু ।—

শ্রুতি-স্মৃতি-পুরাণানাং বিরোধো যত্র দৃশ্যতে ।

তত্র শ্রুতিঃ প্রমাণস্ত তন্মোর্দ্দৈর্ধে স্মৃতি বরা ॥

অর্থাৎ বেদ, সংহিতা ও পুরাণে বিরোধ ঘটিলে শ্রুতির (বেদের) প্রমাণই শ্রেষ্ঠ, আর স্মৃতি (সংহিতা) ও পুরাণে মতবৈধ হইলে সংহিতার মতই বলবান এবং গ্রহণীয় । অতএব “মন্বর্থ বিপরীত” বলিয়া বৃহদ্রশ্ম পুরাণের এই মতও গ্রাহ্য নহে । বিশেষতঃ এই বৃহদ্রশ্মপুরাণ ও ব্রহ্ম-বৈবর্ত পুরাণ একই মহাশ্রীর (ব্যাসদেবের) কৃত । যদি ব্যাসদেব বৃহদ্রশ্ম পুরাণে নাপিতের পিতামাতার উল্লেখ করিয়া থাকেন তবে ব্রহ্ম-বৈবর্ত পুরাণেও ঐ মত উল্লেখ করিতেন । বৃহদ্রশ্মপুরাণ অপেক্ষা ব্রহ্ম-বৈবর্ত পুরাণ প্রাচীন এবং তাহার গৌরবও অধিক । কিন্তু ২০১৩০ বৎসর পূর্বে সঙ্কলিত ও ভিন্ন ভিন্ন পণ্ডিতের দ্বারা প্রকাশিত ৪৫ খানা ব্রহ্ম-বৈবর্তপুরাণ দেখিয়াছি, কোন পুস্তকেও নাপিতের উৎপত্তির বিষয় দেখিতে পাই নাই । পরন্তু নাপিত হইতে গোপিনীর গর্ভে সর্কস্বী জাতির

উৎপত্তি এইমাত্র পাওয়া যায়। ব্যাসদেবের ৫ম বেদ মহাভারতেও (মহু-সংহিতার স্তায়) নাপিতের স্বতন্ত্র উৎপত্তির কোন প্রমাণ নাই। সুতরাং ক্ষত্রিয় দ্বারা শূদ্র কণ্ঠাতে নাপিতের উৎপত্তি—ইহা সর্বৈব মিথ্যা অথবা কপট-কল্পনা।

৩। অতঃপর ঔশনন্ ধর্মশাস্ত্রের মত—

বৈশ্যায়াঃ বিপ্রতশ্চাৰ্য্যাঃ—ইত্যাদি

(এই পুস্তকের ৬৪ পৃষ্ঠা দৃষ্টব্য)

বিপ্র ও বৈশ্যার অবৈধ প্রণয়ে কুলভঙ্গ, নাপিত ও কায়েশ্বের উৎপত্তি হইয়াছে বলিয়া ঔশনন্ ধর্মশাস্ত্রে উল্লেখ আছে। একই ক্ষেত্রে তিনটি জল আচরণীয় জাতি জন্মিল, অগচ অবৈধ-প্রণয়ে! (ক) কেন, অবৈধ প্রণয়ে পিতা বা মাতার জাতি নষ্ট হইল না? তিনটি সন্তান ত একদিন ভূমিষ্ট হয় নাই, জাতির যখন সৃষ্টি হইল, তখন জাতি মারিবারও পদ্ধতি হইয়াছিল। সুতরাং কুলটার গর্ভসম্ভূত সন্তান কয়টি হিন্দুসমাজে অচল হওয়া উচিত ছিল! তাহা হয় নাই কেন?

(খ) পুরাকালে যখন গন্ধর্ব-বিবাহ প্রচলিত ছিল এবং একবর্ণ অপর এক বর্ণের কণ্ঠাকে অবাধে বিবাহ করিতে পারিত, তখন ঐ ব্রাহ্মণ-সন্তান চুরি করিয়া কেন একরূপ পাপাভিনয় করিল কেহ বলিতে পারেন?

(গ) ঔশনা অতি প্রাচীন শাস্ত্র বলিয়াই আমরা মনে জানি। উক্ত শ্লোকটির গোড়াতেই “বৈশ্যায়াঃ” রহিয়াছে, সুতরাং বৈশ্যের স্ত্রীকেই বুঝাইতেছে, কোন কোন পুস্তকে আবার “শূদ্রায়াঃও” দৃষ্ট হয়। যাহা হউক উভয়তই বৈশ্য বা শূদ্রের পরিণীতা স্ত্রীকে বুঝাইতেছে,—অবিবাহিতা কন্যাকে বা বিধবাকে বুঝাইতেছে না। এখনকার কালের ব্রাহ্মণ অপেক্ষা সত্যাদি যুগের ব্রাহ্মণ চরিত্র অনেকাংশে ভালই ছিল,

ইহা বোধ হয় কেহই অস্বীকার করিবেন না, তখন ধর্মভাব অক্ষুন্ন ছিল, এবং গুণকর্মের অপকর্ষ ঘটিলে ব্রাহ্মণকেও ব্রহ্মণত্ব হইতে খারিজ করিবার নিয়ম ছিল, সুতরাং সেই ধর্মযুগে একজন ব্রাহ্মণ একজন বৈশ্যের স্ত্রীকে চুরি করিয়া ক্রমাগত তাহার গর্ভে তিনটী সন্তান উৎপাদন করিল এবং তাহাদিগকে আবার ভিন্ন ভিন্ন কার্যে নিযুক্ত করিল ইহা কি কখনও সম্ভব ! ইহা আলোচনা করিতেও ঘৃণা বোধ হয় ।

(ঘ) মনুর মতে—“ব্রাহ্মণাং বৈশ্যকন্যায়াং অশ্বষ্ঠঃ নাম জায়তে” অর্থাৎ ব্রাহ্মণের গর্ভে বৈশ্য-কন্যাতে অশ্বষ্ঠ জাতির জন্ম, তবে সেটা বৈধ বিবাহ-সিদ্ধ । আবার ঐ ক্ষেত্রে তৃতীয় পুত্রটিকে কায়স্থ বলা হইয়াছে । কায়স্থের আবার এক্ষণে ক্ষত্রিয়ত্বের দাবী করিতেছেন, সুতরাং নাপিত, কুমারও ক্ষত্রিয়ত্বের দাবী করিতে পারে ! তাহা হইলে কিন্তু বাহুজঃ-প্রকোপে জগৎ উল্টাইয়া যাইবে । ফলতঃ ইহা সর্বৈব অবিশ্বাস্য সুতরাং অগ্রাহ্য ।

বৈদ্য (অশ্বষ্ঠ) ও কায়স্থে প্রায় শত বর্ষ ধরিয়া বাদানুবাদ চলিতেছে, আমার বোধ হয় বৈদ্য ও কায়স্থের ঐ সংঘর্ষ ফলেই কুমার ; নাপিত আর কায়স্থকে লইয়া এই ত্র্যহম্পর্শ সংঘটিত হইয়াছে । মনুর মতে—অশ্বষ্ঠের বৃত্তি চিকিৎসা । আবার নাপিতের বৃত্তি মধ্যোচ চিকিৎসা নিহিত । এক্ষণে যে surgery বা অস্ত্র চিকিৎসা সর্ব-বর্ণে অবলম্বন করিয়াছেন ও করিতেছেন উহা পূর্বে নাপিতের একচেটিয়া ছিল । কবিরাজি চিকিৎসাতেও নাপিত পুরাকাল হইতে অশ্বষ্ঠের শ্রায় কৃতবিদ্য ছিল । এজন্য নাপিতের আর একটা নাম “বৈদ্য” বা “চন্দ্রবৈদ্য” । এখনও অনেক নাপিত আয়ুর্বেদ মতে শিক্ষিত ও উপাধি প্রাপ্ত হইয়া চিকিৎসা ব্যবসায় করিয়া থাকেন । আধুনিক কোন লেখক হয়ত নাপিতের সহিত অশ্বষ্ঠের এই বৃত্তিগত সাদৃশ্য দেখিয়া চিকিৎসা-বৃত্তিক অশ্বষ্ঠের পিতামাতার

স্থলে নাপিতের পিতামাতাকে দাঁড় করিয়া থাকিবেন। বাহাউক কায়স্থ মহাশয়েরা ইতঃপূর্বেই এই জঘন্য অশ্রাব্য শ্লোকটির অসারত্ব প্রমাণ করিয়াছেন; সুতরাং এসম্বন্ধে আর অধিক বলা বাহুল্য মাত্র ।

৪। পরশুরাম-সংহিতার মত—“কুবেরিণঃ পট্টিকাৰ্য্যং নাপিতো সমজায়তঃ “অর্থাৎ কুবেরী পিতা আর পট্টিকারী মাতা হইতে নাপিতের উৎপত্তি। পাঠক, উপরের যে তিনটী মত দেখিয়াছেন তাহাতে লক্ষ্য করিয়া থাকিবেন যে, কোন শাস্ত্রকারই নাপিতকে একক যেন উৎপন্ন হইতে দেখেন নাই। দাস-নাপিত, মোদক-নাপিত এবং কুমার-নাপিত-কায়স্থ এই তিন রকমের দৃষ্টান্তে বুঝা গিয়াছে যেন নাপিত একলাটী কোন এক পিতা-মাতার সন্তান নহে। অর্থাৎ দাস, মোদক, কুমার অথবা কায়স্থের সঙ্গে উল্লিখিত মতানুসারে একই গর্ভে একই পিতার ঔরসে নাপিতও জন্মিয়াছিল। ঐ সকল জাতিও আবার বিভিন্ন মুনির মতে বিভিন্ন পিতা মাতা হইতে জন্মাইয়াছে, শাস্ত্রে ইহাও দেখা যায়। কাজেই সর্বাপেক্ষা আধুনিক কোন মহাত্মা পরশুরাম-সংহিতা এবং পরাশর-পদ্ধতিতে নাপিতের একটা খাস পিতামাতা সাব্যস্ত করিয়া দিলেন ! নাপিতের দুর্ভাগ্যক্রমে সমস্ত উত্তীর্ণ হইয়া যাওয়ায় আর ভাল জাতি তখন মিলে নাই, অথচ এমন ২টী জাতি চাহি যাগরা অথ কোন জাতির পিতামাতারূপে কোন শাস্ত্রকার দ্বারা নির্ণীত না হইয়াছেন, তাই তিনি বহু চেষ্টায় অজানা, অচেনা কুবেরী এবং পট্টিকারীকে নাপিতের পিতামাতা সাব্যস্ত করিলেন ! কিন্তু মিথ্যাকে সত্যে পরিণত করা কখনও কি সম্ভব ? আজকাল সকলেই বলিতেছেন পরাশর-পদ্ধতির মত মানিতেই হইবে, তাহাতে যখন “কুবেরিণ পট্টিকাৰ্য্যং নাপিতঃ সমজায়তঃ” —রহিয়াছে এবং অন্যান্য জাতি বিষয়ক গ্রন্থ-লেখকেরাও ঐ মত সমর্থন করিতেছেন তখন ঐটীই ঠিক ! কিন্তু পরাশর-সংহিতা বলিয়া যে আর

একখানি স্মৃতি আছে যাহা পরাশর পদ্ধতি অপেক্ষা প্রাচীন এবং শ্রেষ্ঠ বলিয়া পরিগণিত, তাহাতে বলিতেছে “শূদ্র-কণ্ঠা-সমুৎপন্ন ব্রাহ্মণেন” ইত্যাদি ।
৯ম মন্তব্য দেখুন । পাঠক, আপনারা “নানা মুনির নানামত” দেখিয়াছেন, একই মুনির দুই মত কখনও দেখিয়াছেন কি ? এই দেখুন—পরাশর-পদ্ধতিও ঠাঁর, পরাশর-সংহিতাও তাঁর ! তবে মত বিভিন্ন !! বলি তপঃসিদ্ধ মহামুনি পরাশর কি এতই কাণ্ডজ্ঞান-বিহীন ছিলেন যে, একই জাতির উৎপত্তি-বিষয় লিখিতে দুই কেতাবে দুই রকম লিখিয়াছেন । ফলতঃ এই শ্লোকটী বিদ্বেষপ্রসূত, কারণ যে পরাশর নবশাখার প্রবর্তক বলিয়া বিদিত এবং যিনি বলিয়াছেন—

“উত্তমাধবে চৈব স্মৃতশ্চোৎপাদিতো যতঃ ।

অধমত্বমবাপ্নোতি অধোধোহীনতাং ব্রজেৎ ॥—

তিনি কি ঐরূপ যুক্তিহীন অসার পক্ষপাতিত্ব করিতে পারেন ? উপরিস্থিত শ্লোকটির অর্থ—উত্তমে আর অধমে যে জাতি হইবে সে অধমই হইবে আর অধমে অধমে যে জন্মিবে সে হীন বা নীচ জাতি বলিয়া জানিবে । কেহ কেহ বলেন যে পরশুরাম বঙ্গদেশে নবশায়ক (বা নবশাখা) প্রতিষ্ঠা করিয়া ছিলেন, নবশায়কটা কি, না—

গোপোমালী তথা তৈলী তন্ত্বী বারুজি মোদকো ।

কুললাং কস্ম্মকারশ্চ নাপিতো নবশায়কঃ ।

অর্থাৎ গোপ, মালী, তিলি, তন্ত্বায় (তাঁতি) বারুই, মোদক, কুস্তকার কস্ম্মকার আর নাপিত এই নয়টী জাতি নবশাখার অন্তর্গত । ইহাদের জল ব্রাহ্মণের আচরনায় এবং শ্রোত্রীয় ব্রাহ্মণ ইহাদিগের পৌরহিত্য করিতে পারেন । **সম্ভ্রম নিৰ্ণয়ে** নবশাখা বিষয়ে এইরূপ বচন দৃষ্ট হয় ।—

তিলি, মালী, তামুলী, গোপ, নাপিত, গোছালী ।

কামার, কুমার, পুঁটলি,—এই নবশাখাবলি ॥

আচ্ছা, নাপিতের পিতামাতাকে অথাৎ কুবেরী আর পট্টীকারীকে বাদ দিয়া তাহাদের জারজ সন্তান নাপিতকে নবশাখায় লওয়া হইল কেন ? কুবেরীও বর্ণসঙ্কর, আর পট্টীকারীও বর্ণসঙ্কর ! তাহারা জল আচরণীয় বলিয়াও কোন শাস্ত্রে দেখা যায় না। সুতরাং “অধমে অধমে জাত” নাপিতকে জল আচরণীয় সর্কজনমাণ্ড নবশাখায় মধ্যে কেন স্থান দেওয়া হইল ! বোধ হয় এখনকার কালের মত স্কন্দদর্শী তপঃপরায়ণ শাস্ত্রবেত্তার যোগ্যতা, পরাশর বা পনশুরাম সেই ত্রেতা বা দ্বাপর যুগেও প্রাপ্ত হন নাই ! আবার দেখুন পরশুরাম ভগবানের এক অবতার বিশেষ । ক্ষত্রিয়কুল নিশ্চূল করিবার জন্মই তিনি রাম অবতারের পূর্বে জন্মগ্রহণ করিয়াছিলেন । শাস্ত্রানুসারে বর্ণসঙ্কর উৎপত্তির কাল চাতুর্কণ্য প্রতিষ্ঠার বহুকালপরে হইয়াছে । সত্য যুগে ব্রাহ্মণ, ত্রেতায় ক্ষত্রিয়, দ্বাপরে বৈশ্য ও শূদ্রের উৎপত্তি বলিয়া নির্দিষ্ট আছে । যথা—

“পুরাকৃত যুগে রাজন্ ব্রাহ্মণা বৈ তপস্বিনঃ ।

অব্রাহ্মণ স্তদা রাজন্ ন তপস্বী কদাচন ॥

তস্মিন যুগে প্রজ্জগিত ব্রহ্মভূতে স্বনাবৃতে ।

অমৃতবস্তদা সর্কে জজ্জিরে দীর্ঘদশিনঃ ॥

ততস্ত্রেতা যুগং নাম মানবানম্ স্মৃতাং ।

ক্ষত্রিয়া যত্র জায়ন্তে পূর্বেন তপসাঞ্চিত ॥”

(রামায়ণ ৭ । ৭৪ । ১০—১২ ।

জায়ন্তে ক্ষত্রিয়া বীরা স্ত্রেতায়াং বশবর্তিনঃ ।

সর্কে বর্ণাঃ মহারাজ জায়ন্তে দ্বাপরে সতি ॥

মহোৎসাহা বীৰ্যবন্তঃ—পরস্পর জয়ৈষণঃ ।

(মহাভারতঃ ভীষ্মপর্ব ১০ অধ্যায়)

—ইহার পরে বর্ণ-সাহচর্য্য । বৃহদ্রশ্মপুরাণ এবং মহাভারতের মতে বেণ

রাজার স্বেচ্ছাচারিতা, না হয় কুরুক্ষেত্র যুদ্ধের ফলে অসংখ্য নারীর বৈধব্যতা বর্ণ-সঙ্কর উৎপত্তির কারণ হইয়াছিল। এই সকল ব্যাপার পরশুরামের আবির্ভাব এবং অস্তর্ধানের বহুকাল পরে সংঘটিত হইয়াছিল অথচ আমরা ত্রেতাযুগে রামচন্দ্রের চূড়াকরণ, উপনয়নাদি সংস্কার এবং চতুর্দশ বৎসর বন-বাসাস্তে নাপিত দ্বারা তাঁহার জটামুগুন প্রভৃতি অনেক কার্যো নাপিতের অস্তিত্বের প্রমাণ পাইতেছি। ভগবানের রাম অবতারের পর কৃষ্ণাবতার, তারপর কুরুক্ষেত্র যুদ্ধ। তারপরে ত বর্ণ-সঙ্কর সৃষ্টি ? পরশুরাম যদি সংহিতা প্রণয়ন করিয়া থাকেন, তবে তিনি তাঁহার অস্তর্ধানের পূর্বেই তাহা করিয়াছিলেন কিন্তু তাহার অবতার কালে অর্থাৎ দ্বাপর যুগে অথবা রামাবতারের পূর্বে তিনি বর্ণসঙ্কর কুবেরী আর পাঁটিকারীকে পাইলেন কিরূপে ! আর নাপিতই বা তাহাদের দ্বারা উৎপন্ন হইল কিরূপে ! পক্ষান্তরে চারিবেদ ও বিংশতি সংহিতার অস্তিত্ব মাত্র সকলে স্বীকার করেন। পরশুরাম-সংহিতার অস্তিত্ব আদৌ স্বীকার করিলে সংহিতা-সংখ্যা এক-বিংশতি হইয়া পড়ে। সুতরাং এই পরশুরাম সংহিতাকে আমরা প্রামাণ্য গ্রহণ বলিয়া স্বীকার করিতে পারিলাম না (৫৯ পৃষ্ঠা দেখুন)। অধিকন্তু যে বেণ রাজা দ্বারা বর্ণ-সঙ্করের প্রথম সৃষ্টি হইয়াছিল বলিয়া বৃহদ্রথ পুরাণে নির্দিষ্ট আছে তাহার সময়ে কুবেরী ও পটিকারী বলিয়া কোন জাতি সৃষ্ট হইতে দেখা যায় না। মূল চারিবেদে অর্থাৎ ব্রাহ্মণ, ক্ষত্রিয়, বৈশ্য শূদ্রে যে সকল সঙ্কর জাতি উৎপন্ন হইয়াছিল তাহারাই সংশূদ্র নামে অভিহিত, ইহাদের সংখ্যা বিংশতি মাত্র। যথা—করণ, অঘষ্ঠ, গন্ধবণিক, শঙ্খবণিক, কাংশবণিক, উগ্র ক্ষত্রিয়, রাজপুত্র, কুম্ভকার, তন্তুবায়, কস্মিকার, দাস, মাগধ, গোপ, নাপিত, মোদক, বারজিবী, সূত, মালাকার, তাষুলী, তিলী।

তক্ষা, রজক, স্বর্ণকার, সুবর্ণ-বণিক, আভির, তৈলকার, ধীবর, নট, শাবক, শেখর, জালিক এই ১২ জাতি মধ্যম সঙ্কর বর্ণ।

চণ্ডাল, চর্মকার, হাড়ি, দোলাবাহী ইত্যাদি অধম বা অস্ত্যজ সঙ্কর বর্ণ বলিয়া বৃহৎস্মরণে এই ৩৬ জাতির বর্ণনা আছে । ইহার মধ্যে কুবেরী, পটিকারী বলিয়া কোন জাতি দেখা যায় না । সুতরাং পরশুরামের ঐ মতটী কিরূপে সম্ভব হইতে পারে ? পাঠক বোধ হয় বুঝিয়াছেন যে এই কীর্ত্তি কলিযুগের কোন শর্ম্মারাম ভিন্ন পরশুরামের কীর্ত্তি হইতেই পারে না । (বৃহৎস্মরণ পুরাণ উত্তরখণ্ড ১৩ অধ্যায় দ্রষ্টব্য)

আবার দেখুন—“মালাকারং কর্ম্মকার্যাং পটিকারোপ্যভুৎসুতঃ ॥”

অর্থ—মালাকার নর কর্ম্মকারের যুবতী
উভয়ের যোগে জন্মে পটিকারীজাতি } পটিকারী
পটিকারীচ তৈলিকাং কুম্ভকার বভুবতু
পটিকাভাষ্যাং কুম্ভকারাং কুবেরী জাতিকস্মৃতঃ ॥

অর্থ—তিলি কন্যা পটিকারে কুম্ভকার হয় । } কুবেরী
পটিনারী কুম্ভকারে কুবেরী নির্ণয় । }

“কারান্ত” অর্থাৎ ক্ধাতু নিম্পন্ন কতকগুলি জাতি আছে তাহারা কিন্তু বিশ্বকর্ম্মার পুত্র বলিয়া প্রসিদ্ধ যথা—মালাকার, কর্ম্মকার, শঙ্খকার, বস্ত্রকার (তন্তুবায় কুবিন্দক) কুম্ভকার, কাষ্ঠদ্রব্যকার (সূত্রধর) স্বর্ণকার ও চিত্রকার । (ক্ষৌরকার নাই কিন্তু) । আমরা উপরে দেখিলাম “তিলি কন্যা পটিকারে কুম্ভকার হয়” তাহা হইলে কুম্ভকার আর বিশ্বকর্ম্মার পুত্র নয় ! পক্ষান্তরে ঘৃতাচী নামক স্বর্গীয়া বেণ্ডার গর্ভে বিশ্বকর্ম্মার দ্বারা উক্ত ৮টি জাতির উৎপত্তি বিষয়ে পুরাণে যেসকল প্রমাণ দেখান হইয়াছে, তাহা আলোচনা করিতেও লজ্জা এবং ঘৃণার উদ্দেক হয় ।* যাহা হউক

* ঘৃতাচী কিছুতেই যখন রাজি হইলেন না, তখন বিশ্বকর্ম্মা কি করিলেন ?

ঘৃতাচী বচনং শ্রদ্ধা বিশ্বকর্ম্মা নরাকৃতিঃ ।

জগাম ত্বাং গৃহীত্বা চ মলয়ং চন্দনাচলং ॥

উদ্ধৃত ক্রমদ্বারা বুঝা গেল যে মালাকার, কৰ্ম্মকার, পট্টিকার, তিলি, কুম্ভকার ও কুবেরী এই ছয়টি জাতি না জন্মিলে আর নাপিত হয় নাই ! পাঠক বলুন দেখি এই নাপিত অর্থাৎ নাপিতদের আদি বা বীজপুরুষ, নাপিতের বংশ বিস্তার করিতে স্বজাতীয় নাপিত কণ্ঠা পাইলেন কোথায় ? যদি বলেন ঐ কুবেরী আর পট্টিকারীতে হয়ত কোন কণ্ঠা জন্মিয়াছিল, তাহার সহিত প্রথমোক্ত নাপিতের বিবাহ হইয়াছিল এবং সেই কণ্ঠার গর্ভে নাপিত বংশের বিস্তার-সাধক সন্তানাদি জন্মিয়াছিল ; তাহা হইলে কি ভাই ভগ্নীতে বিবাহ হইয়াছিল ! আবার ঐ ছয়টি জাতি জন্মিতেও বহুকাল লাগিয়াছিল ; কারণ স্বজাতীয়া কণ্ঠা থাকিতে অপর জাতীয় কণ্ঠাতে সন্তান উৎপাদন করা দুর্দেব বলিয়াই ধর্তব্য ! সুতরাং যতকাল মালাকার, কৰ্ম্মকার, পট্টিকার, তিলি, কুম্ভকার, কুবেরী ও নাপিত না জন্মিয়াছিল, ততকাল ইহাদের বৃত্তি অর্থাৎ ব্যবসায়ও ভারতে সৃষ্টি হয় নাই । তাহা হইলে কি এই কয়টি জাতির জন্ম অপেক্ষায়, ব্রাহ্মণাদি উচ্চ বর্ণের জাতি সকল জল-বায়ুভক্ষণ করিয়া জীবন ধারণ করিতেন ! নাপিত না হইলে হিন্দুশাস্ত্রানুযায়ী জাতকৰ্ম্মাদি সম্পন্ন হয় না, কুম্ভকার না হইলে জীবনের তৈয়ারী করিবার পাত্র হাঁড়ী তৈয়ারি হয় না, কৰ্ম্মকার না হইলে কাষ্ঠাদি কৰ্ত্তন করিবার বা কৃষি কার্যোপযোগী যন্ত্রাদি ও যজ্ঞীয় পশু হনন করিবার অস্ত্রাদি তৈয়ারি হয় না । আর্ষ্যেরা নাকি অনার্যাদিগের সহিত সৰ্বদা যুদ্ধ ব্যাপারে লিপ্ত থাকিতেন সুতরাং কৰ্ম্মাকারভাবে সেই যুদ্ধের প্রধান উপকরণ তরবারিও তৈয়ারি হয় নাই ॥ ফলতঃ এইরূপে পৃথক পৃথক জাতি সৃষ্টির অপেক্ষায় আৰ্য্যসমাজের প্রতিষ্ঠা কখনই বন্ধ থাকে নাই, সুতরাং এই সকল তথ্য কথিত শাস্ত্রানুসারে নাপিতের জন্মও উপরিলিখিত ভাবে হয় নাই । যদি কেহ বলেন যে নাপিতের ঐ বীজ-পুরুষের বিবাহ অপর আর এক চালানের কুবেরী আর পট্টিকারীতে জাত

কর্তার সহিত হইয়াছিল এবং তাহাদের সহবাসে নাপিতের উত্তর পুরুষেরা জন্মিয়াছে ; তাহা হইলে নাপিতের আদি পুরুষেরই বা দরকার কি ? যাবৎকাল কুবেরী আর পট্টিকারী আছে এবং যখনই তাহাদের অবৈধ সংযোগ হইতেছে, তখনই নাপিত জন্মিতেছে সুতরাং এখনও নাপিত ঐরূপে জন্মিয়া দ্বিজগণের জাতকর্ম্ম, চূড়াকরণ, উপনয়নাদি এবং অশৌচনাশাদি করিয়া হিন্দুত্বের প্রধান উপকরণ সংস্কার এবং শুদ্ধাচারের প্রতিষ্ঠা স্থাপন করিতেছে ! বলা বাহুল্য এই উদাহরণ বর্ণসঙ্করাধ্যা-প্রাপ্ত সংশুদ্ধ মাত্রেরই পক্ষে প্রয়োজনীয় । এই সকল কারণেই জাতিভেদ প্রথাটা অযুক্তি এবং অধর্ম্মের উপর প্রতিষ্ঠিত বলিয়া অনুমিত হয় ।

আবার দেখুন উপরি উক্ত ছয়টি জাতি সকলেই হিন্দুধর্ম্মাবলম্বী, তাহা হইলে হিন্দুশাস্ত্রানুসারে উহাদের জননাশৌচ, মরণাশৌচ ও বিবাহাদি-সংস্কার সমস্তই করিতে হইয়াছিল, সাধারণ ক্ষৌরকর্ম্মটা না হয় বাদ দিয়াই ধরিলাম, বলি, তাহা হইলে ঐ কয়টি জাতির অশৌচাদি নাশ ও বিবাহ-সংস্কার কোন্ মহাশয় সমাধা করিয়াছিলেন ? কর্তারা জাতি সৃষ্টি করিতে পারেন, কিন্তু জাতি মারিবার সময় নাপিতকে আগে তলব হয় । নাপিতের যদি জন্মই না হইল, তবে নাপিতের পূর্বজ ঐ কয়টি জাতির জাতি মারিতে হইলে অথবা তাহাদের অশৌচ নাশ করিতে হইলে নাপিত পাইতেন কোথায় ! যদি কেহ বলেন নাপিতের তখন দরকার ছিলনা, আমরা বলিব তাহা হইলে সনাতন হিন্দুসমাজ বা শাস্ত্রও ছিলনা । কারণ জন্মমাত্রে একমাসের মধ্যে হিন্দুসন্তানের জাতাশৌচ নাপিত দ্বারা দূরীকৃত না হইলে, চিরদিন সেই সন্তান এবং সন্তানের মাতা অশুচি ও অস্পৃশ্য থাকে ; আর শ্রাদ্ধাদির কথা বলাই বাহুল্য । বিবাহে নাপিতের “গৌর্বচন” না হইলে সে বিবাহ শুদ্ধ ও সমাধা হয় না । তাহা হইলে কি ঐ ছয়টি জাতিই অস্পৃশ্য এবং উহাদের জল অনাচারণীয় । এবং তদ্ব্যতীত উহারা হিন্দুর

কোন ধর্মাচারেও যোগদানের অযোগ্য। পক্ষান্তরে পুরোহিত মহাশয় ত
 নাপিতের ক্রিয়াকর্ম পূর্বাঙ্কে সম্পন্ন না হইলে যজ্ঞমানের হাতে “কুশাই দেন
 না ! এই সকল কি ভারত-গৌরব ত্রিকালজ্ঞ আর্য্যঋষিগণের ব্যবস্থাপিত
 শাস্ত্র ! না ভণ্ড তপস্বীদিগের কপট-কল্পনা । স্বল্পদর্শী তপঃসিদ্ধ ঋষিগণের
মীমাংসা অবশ্য একরূপই হইবে, যোগ বা তপশ্চালক মীমাংসা নানারূপ
হইবে কেন ? প্রদেশভেদে* নাপিতের বিভিন্ন রূপ সংজ্ঞা আছে সত্য,
 কিন্তু তাহাদের উৎপত্তির মূল এক নিশ্চয়ই । ফলতঃ স্বার্থপর, বেদবিদ্যা-
 হীন তথাকথিত শাস্ত্রকারদিগের দ্বারা আর্য্য-গৌরব কালে নষ্ট হইবে
 জানিয়াই যেন ত্রিকালজ্ঞ ঋষি বলিতেছেন—

“কেবলং শাস্ত্রমাশ্রিত্য ন কর্তব্য বিনির্গয়ঃ ।

যুক্তিহীন বিচারেণ ধর্ম্মহানিঃ প্রজারতে ॥”

অতএব আমরা যদি এই সব শাস্ত্র মানি, তবে শুধু জাতি যাইবে না,
 ধর্ম্মহানি হইবে ! এখন দেখা যাউক “গৌর-বচনটা” কি !

কর্ণকথা বা গৌর্বচন

হিন্দুর বিবাহ সময়ে সপ্তপদী গমনের পূর্বে নাপিত একটা ছড়া বলিয়া
 থাকে, ইহা বোধ হয় সকলেই প্রত্যক্ষ করিয়া থাকিবেন । উহাকেই কর্ণ
 কথা বা গৌর্বচন (গৌর বচন নহে) বলে । এই বচনে নাপিতের
 উৎপত্তির যে আভাস পাওয়া যায়, তাহা সর্কবাদী-সম্মত না হইলেও
 একেবারে অবিদ্বান্ত নহে । বৃহৎ সংহিতার ১৫ অধ্যায়ের ১ম শ্লোকে
 দেখা যায় “নাপিত কৃত্তিকা নক্ষত্রের অধীন” ইহার গূঢ় অর্থ কি বুঝা যায়
 না, তবে কৃত্তিকা নক্ষত্রে মহাদেবের বীর্য্যে দেব সেনানী কার্ত্তিকের জন্ম

* পাঞ্জাবে নাপিত নাও ঠাকুর, হিন্দুস্থানে নাই, মারহাটা অঞ্চলে নাভি, মাল্লাজে
 মঙ্গলী, পূর্ব্ববঙ্গে শীল এবং পশ্চিম বঙ্গে প্রমাণিক বলিয়া সাধারণতঃ সুবিদিত ।

হইয়াছিল, সেই জাতি তাহার নাম কার্তিক বা কার্তিকেয় । আবার নাপিতের মধ্যেও শিব-গোত্র দেখা যায়—অধিকন্তু “চন্দ্রিল” বলিলে নাপিত এবং মহাদেবকে বুঝায় । আরও একটা প্রবাদ এই যে ভগবতীর অশোচনা-শার্থ স্বয়ং মহাদেবই এই জাতির সৃষ্টি করেন ; মাননীয় রিজলী সাহেবও এ কথা লিখিয়া গিয়াছেন ।* এই সকল কারণে বোধ হয় যেন নাপিতের সঙ্গে মহাদেবের একটা ঘনিষ্ঠ সম্বন্ধ আছে । যাহা হউক আমরা এই বচন ও তাহার আবশ্যিকতা পর্যালোচনা করিলে নাপিত সংক্রান্ত অনেক প্রয়োজনীয় তথ্য নির্ণয় করিতে সমর্থ হইব আশা করি ।

*Napit, the barber caste of Bengal, descended, according to one opinion, from a Kshatriya father and Sudra mother and according to Parasara from a Kuveri father and Pattikari mother. Some again, ascribe the origin of the caste, to an act of special creation on the part of Siva, undertaken to provide for the cutting of his wife's nails. Several different versions of this myth are current, all of which are too childish to be worth quoting here. The caste is clearly a functional group, formed in all probability, from the members of respectable castes who in different parts of the country adopted the profession of Barbers.

Vide Castes and Tribes by Hobl. H. H. Resley I. C. S.

মাননীয় রিজলী সাহেব নাপিত জাতির উৎপত্তি সম্বন্ধে যে মন্তব্য প্রকাশ করিয়াছেন তাহার ভাবার্থ এই—কাহারও মতে বঙ্গীয় নাপিতগণ ক্ষত্রিয় পিতা এবং শূদ্র মাতা হইতে জন্ম গ্রহণ করিয়াছে । পরাশর মুনির মতে কুবেরি পিতা এবং পট্টিকারী মাতা দ্বারা ইহাদিগের উৎপত্তি । আবার কেহ বলেন ভগবতীর নখ কর্তনার্থ স্বয়ং মহাদেবই এই জাতির সৃষ্টি করেন । এইরূপ আরও অনেক প্রবাদ প্রচলিত আছে । প্রায় সকল গুলিই এইরূপ “ছেলেমীতে” পরিপূর্ণ যে এই রিপোর্টের অযোগ্য অর্থাৎ বিশ্বাস যোগ্য নহে । যাহা হউক স্পষ্টই বুঝা যাইতেছে যে নাপিত জাতি এক কালে হিন্দু সমাজের

সাধারণতঃ লোকের ধারণা যে নাপিত বর-কণ্ঠকে কেবল ক্ষৌর করিবার জন্ত বিবাহে উপস্থিত হয় । কিন্তু তাহা নহে । প্রকৃত প্রস্তাবে নাপিতকেও পুরোহিতের কার্য্যাংশ সমাধা করিতে হয় । নাপিত উপস্থিত না থাকিলে পুরোহিত যদি একাই বিবাহ সংস্কার সমাধা করেন তবে বৈদিক বিধি অনুসারে ঐ বিবাহ সংস্কার অসম্পূর্ণ স্মতরাং অসিদ্ধ হয় । সাধারণের অবগতির জন্ত এই স্থলে ব্রাহ্মণের লিখিত “পুরোহিত দর্শন” নামক পুস্তক হইতে যজুর্বেদীয় বিবাহ পদ্ধতির শেষাংশ হইতে নিম্নলিখিত কথাগুলি অবিকল উদ্ধৃত হইল ।—“অতঃপর নাপিত তিন বার “গোঃ গোঃ” এই শব্দ উচ্চারণ করিবে, জামাতা তাহা শ্রবণ করিয়া পাঠ করিবে—ওঁঃ মাতা ক্রদ্রাণাং ছুহিতা বসুনাং স্বসাদিত্যানামমৃতস্য নাতিঃ ।

প্রণুবোচঃ চিকিতুষে জনায় মাপামনাগামদিতিঃ বধিষ্ট !

মম চামুষা চ পাপ্যানং হনোমীতি যদ্যালভেত । অথ যদ্যৎসিসৃক্ষেন্
মম চামুষা চ পান্মাহতা ওমুৎসৃজতু তৃণাশ্চাভিতি ।”

“গোঃ গোঃ” শুনিয়া জামাতা এই মন্ত্র পাঠ করিবেন, পড়াইবেন কে ? উল্লেখ নাই ! বেদ হিন্দুর পরমারাধ্য ও মহামাণ্ড গ্রন্থ । এমন কি বেদ জগতের আদি গ্রন্থ বলিয়া নির্দিষ্ট । এই বেদের বিধানে যখন হিন্দুর বিবাহে নাপিতের দ্বারা “গোঃ গোঃ” বলিবার ব্যবস্থা আছে, তখন নিশ্চয়ই হিন্দু জাতির সহিত পুরোহিতের ঞ্চায় নাপিতেরও একটা সম্বন্ধ আছে, কারণ বিবাহকালে আরও ত অনেক জাতীয় লোকের সমাগম হয় ; কৈ তাহাদের দ্বারা ত ঐ কার্য্য হয় না ! পাঠক দেখিয়াছেন যে

উচ্চ শ্রেণীস্থ (সর্গর্হ) জাতির অন্তর্নিবিষ্ট ছিল । কালে, ভিন্ন ভিন্ন প্রদেশে তাহারা ক্ষৌরকারের ব্যবসা অবলম্বন করায়, এক্ষণে ব্যবসাগত-জাতিতে পরিণত হইয়াছে ।

বাস্তবিকই মহামাণ্ড রিজলী সাহেব নিরপেক্ষভাবে যে মত প্রকাশ করিয়াছেন, তাহা একরূপ অখণ্ডনীয় ।

উল্লিখিত মন্ত্রটি উচ্চারণের পূর্বে নাপিত তিনবার মাত্র “গৌঃ” বলিবে, নাপিত কিন্তু তাহার জন্ম ও বৃত্তি বিষয়ক সুদীর্ঘ এক ছড়া আরম্ভ করিয়া দেয় । যথা—

সভা বন্দন, সভা বন্দন, আর বন্দন ধর্ম্ম ।

মন দিয়ে শুন সবে নাপিত কুলের জন্ম ॥

যাবৎ গঙ্গা মহীতলে, তাবৎ জন্ম নাপিতের কুলে ;

নাপিতস্ত গৌর, গৌর, গৌর ॥

চন্দ্র সূর্য্য দেবগণ,

চিন্তে যুক্ত হলেন মন

না হলে নাপিতের জন্ম ।

শুদ্ধ নাইকো দশকর্ম্ম ॥

বেদে আছে নিয়মে নাই ।

শুধাও যেয়ে ব্রহ্মার ঠাঁই ॥

ব্রহ্মার আদেশ শুনি,

তপ যপ করেন মুনি,

হয়ে জটাধারী !

নাভিতে জন্মিল নাপিত কুলের অধিকারী ॥

পূর্ব পুরুষের কায়া,

দেখিয়ে দর্পণে ছায়া,

নাম রাখেন পরশ-চিকিৎসা-মুনি ।

বিবাহ সহিত যাবে,

আসন, বসন পাবে,

সভামাঝে পাবে জয়ধ্বনি ॥

স্ত্রী পুরুষ না রবে ভেদ,

অশৌচ চূড়া কর্ণ-বেধ ,

বেদবিধি নাপিতের কর্ম্ম ।

ব্রাহ্মণ যা বলে দিবে,
 নাপিত তাই আচরিবে,
 শুদ্ধভাবে রাখিবে স্বধর্ম ।
 ডানি শঙ্কর বাঁয়ে গৌরী,
 সর্কজন বল হরি,
 বর ক'নের নাথায় সুবর্ণের ময়ূর ।
 নাপিতশু গৌর, গৌর, গৌর !

পাঠক কিছু বুঝিলেন কি ? বোধ হয় সম্পূর্ণ বুঝিতে পারেন নাই, কারণ উক্ত ছড়ার ছন্দ ও ভাব কিছুই ঠিক নাই ।

আমি এইবার ঐ ছড়াটির স্তায় আর একটি পাঠকদিগকে উপহার দিয়া বর্তমান অধ্যায় শেষ করিব । এই ছড়াটি আমার বহুকষ্টলব্ধ সম্পত্তি, কারণ সকল নাপিত উহা সম্পূর্ণ জানে না, আবার যে বতটুকু জানে, সেও তাহা সহজে অপরকে শিখায় না । এমন কি, যদি (কর্ণকথা) গোবর্চন জানেনা এমন কোন নাপিতের যজ্ঞমান বাড়ীতে বিবাহ উপস্থিত হয়, তবে সেই নাপিতকে আবার কর্ণকথা-জানা অন্য এক নাপিত ভাড়া করিয়া যজ্ঞমানের কার্য-নির্বাহ করিতে হয়, অন্যথা নাপিতের দ্বারা পুরোহিতের আদেশমত “গৌর, গৌর, গৌর” এই কথা মাত্র উচ্চারণ করাইয়া লওয়া হয় ।

(পদ্মাপার বগুড়া জেলা হইতে এইটী সংগ্রহ করিয়াছিলাম—পদকর্তার নাম ধাম ইহাতেই পাইবেন ।)

গৌৰ্ভচন বা কর্ণকথা ।

পতি নিন্দা শুনে সতী, প্রাণ ত্যজিল হৈমবতী
উপনীত হয়ে পিত্রালয় ।

যজ্ঞে হর উপনীত, যজ্ঞ করে বিবর্জিত
সতী বিনে দেখে শূন্যময় ॥

শব শক্তি হর স্বন্ধে করে নৃত্য নানা ছন্দে,
টলমল ত্রৈলোক্য করয় ।

কম্পবান ত্রিভুবন সৃষ্টি হয় বিনাশন
রক্ষা কর প্রভু দয়াময় ॥

সুরগণ যুক্তি করি, রাখ সৃষ্টি চক্রধারী
নৈলে সৃষ্টি নাশে মৃত্যুঞ্জয় ।

চক্রে কাটেন শক্তি অঙ্গ, দেখে সবে হয় আতঙ্ক
শক্তি অঙ্গে ৫১ পিট হয় ॥

নৃত্য ভঙ্গ করি হর, ধ্যানে মগ্ন যজ্ঞেশ্বর,
শক্তি জন্ম হৈল হিমালয় ।

জগৎ মাতা জগদীশ্বরী মেনকার গর্ভে হল গৌরী
অষ্টম বর্ষে উপনীত হয় ॥

শুভ বার্তা নারদ পেয়ে, হিমালয়ে উত্তরীয়ে
শিবের বিয়ের দেন পরিচয় ।

কথা বার্তা লগ্ন স্থির কিন্তু ভয় বাবাজীর
ভূতনাথের ভূতে করি ভয় ॥

নানাস্থানে হৈল তত্ত্ব নিমন্ত্রিত স্বর্গ মর্ত্য,
উপনীত হইল হিমালয় ।

দেব দেবী আদি করি, বক্ষ বক্ষ বিগাধরী,
নানা বাণ্ডে মহাশব্দ হয় ॥

বিঘাধরী করে গান, বাজে বাস্ত্র অপ্রমাণ,
 নৃত্য করে নর্তকী নিচয় ।
 বিনা স্মৃতে গাঁথে হার, শুবর্ণ মাণিক ঝাড়
 আত্র কলা রোপণ করয় ॥
 আনিয়া মঙ্গল ঘট, অশ্বথ, পাকুড়, বট,
 ধুনাতে করিল ধূমময় ।
 উপনীত দেবগণ বরিলেন পঞ্চানন
 আনন্দিত হৈল হিমালয় ॥
 সঙ্কমে বসিল পাত্র, বরণ ধরিল ছত্র
 শচীপতি মুকুট পরায় ।
 নূতন বস্ত্র অগ্রে দান পাদ্য অর্ঘ্য সপ্রমাণ
 তুলসী চন্দন তুলি লয় ।
ব্রহ্মা হইলেন পুরোহিত দান কৰ্ম্ম সমুচিত
 স্বস্তি বচন বিধিমতে কয় ॥
ইন্দ্র কয় চন্দ্রের কানে “গৌর” মোক্ষণ বিনে
 বিভাঙ্ক শাস্ত্রমতে নয় ॥
 জানিয়া বচন কৰ্ম্ম বচন ও নাপিত কৰ্ম্ম
 দেব সভায় হৈল নির্ণয় ।
মহাদেবের নাভি হতে জন্মে নাপিত আচম্বিতে
 তাইতে সবে “নাই” করে কয় ॥
 হৈল নাপিত আগুয়ান, ব্রহ্মার নিকটে যান,
 শিখায় ব্রহ্মা নীতি সমুদয় ।
 চূড়াকৰ্ম্ম উপনীতে মৃত্যুশৌচ বিবাহেতে
 তোমা বিনে না হবে নিশ্চয় ॥

যাবৎ চন্দ্র দিবাকর

নাপিত বামুন একেশ্বর

পুরোহিত রৈলে ছজনায় ।

ব্রাহ্মণের উপনীতে

ক্ষৌরী করে ব্রাহ্মণেতে

চরাচর প্রকাশ আছে ॥

নাপিত ব্রহ্মার শিষ্য

গৌর বচন নাপিতশু

মহাদেবের কানে “নাই” কর ।

হরের বন্ধন গাভী ছিল,

নাপিত হইতে মুক্ত হৈল

হরিধ্বনি হৈল সভাময় ॥

ব্রহ্মার শিষ্য ব্রহ্মদাস

হাটসের পুরে বাস,

ঈশ্বর চন্দ্র নাম হয় ।

এ বচন পুরাতন

নাহি তার নিরূপণ

এই মতে কণ্ঠে কণ্ঠে রয় ॥

ডানি শঙ্কর বায় গৌরী

বিপ্রে হয় হরগৌরী

“গৌর, গৌর, গৌর ।”

সভাশুদ্ধ দেও জয়

বর কন্যে ঘরে যায়,

গৌর-গৌর-গৌর ॥

পাঠক দেখিতেছেন যে দীর্ঘ ত্রিপদী ছন্দে রচিত উপরি উক্ত পদ্যটির প্রত্যেক চরণের শেষে “য়” রহিয়াছে ; এরূপ ক্ষতি-কটু অথচ নৈপুণ্যসূচক কবিতা আজকাল বড় দেখা যায় না । কবিতাটী এত বড় কেন ? খুব সংক্ষেপেও ত উহা শেষ করা যাইতে পারে ।—ইহার উত্তরে উক্ত ঈশ্বর চন্দ্র শীল মহাশয় বলিলেন যে, বিয়ের ক’নেকে উপদেশ ও আশীর্বাদ করা এবং বিবাহের দ্রব্যগুলি যথাবিধানে প্রস্তুত রাখা আমাদের উদ্দেশ্য । “সে কি রকম ?”—উত্তর—

ঐ দেখুন “পতিনিন্দা শু:ন সতী, প্রাণ ত্যজিল হৈমবতী”—বাসর

ঘরে যাইবার পূর্বে নববিবাহিতা মেয়েটিকে বলিয়া দেওয়া হইল—যে পতির যদি কেহ নিন্দা করে তাহা হইলে তোমার ঘেন অসহ্য হয়, অর্থাৎ তুমি পতি ভক্তি করিতে ক্রটি করিবে না, কেননা জগন্মাতা দুর্গা পতির নিন্দা শুনে প্রাণত্যাগ করিয়াছিলেন। আর ঐ দেখুন ধূপ, কলা, অশ্বথ, আত্মশাখা, নূতন বস্ত্র, মুকুট, তুলসী, চন্দন, গাভী ইত্যাদি বিবাহের আবশ্যকীয় অনেক জিনিষ আছে যাহা মেয়েরা সকলে জানেনা। বিয়ের পাত্রীটিকেও শিখান হইল, আবার ঐ বিবাহ বাড়ীতে সমুপস্থিত অপর সকল মেয়েকেও জানান হইল। “আর আশীর্বাদ ?” হাঁ, আমরা রীতিমত ধান-দুর্বা সহকারে বর কনেকে আশীর্বাদ ক’রে থাকি।

আমি দেখিলাম “ছেঁড়া সাঁকালে খাসা চাউল” পাওয়া গেল।

আচ্ছা, এখন দেখা যাউক উল্লিখিত বচন দ্বারা আমরা কি কি পাইলাম। বুঝিলাম ঐ বচনানুসারে হরগোরীর বিবাহকালে মহাদেবের নাভি হইতে নাপিত উৎপন্ন হইল এবং সেই জন্তই নাপিতের নাম “নাভি” বা “নাই” হইল। আর সৃষ্টি কর্তা ব্রহ্মা ঐ নাপিতের বৃত্তি নির্ধারণ করিয়া দিলেন এবং তাহাকে একটা মন্ত্র দিলেন, সেই মন্ত্র উক্ত নাপিত বরকে (অর্থাৎ শিবকে) শুনাইল, তাহাতে “শিবের বন্ধন গাভী মুক্ত হইল” এবং বিবাহও নিষ্পন্ন হইল।—সেই মন্ত্রটী কি, আর “গোর গোর” এর অর্থই বা কি, ইহা বুঝা গেল না। এই বার বেদে হাত দিতে হইল। বৈদিক মন্ত্রাদির মর্মভেদ না করিতে পারিলে আর উপায় নাই। কিন্তু বেদমাতা সরস্বতী কি আমায় তেমন শক্তি দিবেন ? যে জটিল কূট-জালে নাপিত-রহস্য সমাচ্ছন্ন, তাহা ভেদ করিয়া প্রকৃত তথ্য নির্ণয় করা মাদৃশ অভাজনের পক্ষে বাস্তবিকই সুকঠিন। অতএব গুরুজন ও স্বজাতি মহাশয়গণের আশীর্বাদ মস্তকে করিয়া অতঃপর গন্তব্য পথে অগ্রসর হইতে হইবে।

সপ্তম অধ্যায় ।

সাহিত্য-দূষণ

আমি পূর্বেও কয়েক জায়গায় গ্রন্থ দূষণের দৃষ্টান্ত দেখাইয়াছি । সাধারণের বিশ্বাস যে শাস্ত্রাদি কি কখনও দূষিত, লুপ্ত বা প্রক্ষিপ্ত হইতে পারে ! ঐ সকল যে আমাদের পরম পূজ্য প্রাচীন ঋষিদিগের লিখিত !! বাস্তবিক এরূপ ধারণা হওয়া স্বাভাবিক, কিন্তু যেমন সে “রামও নাই সে অযোধ্যাও নাই” তেমনি সে ব্রাহ্মণও নাই আর সে শাস্ত্রও নাই, সব “সাত নকলে আসল খাস্ত” হইয়াছে । বিশেষতঃ সদাশয় ইংরাজ গবর্ণ-মেন্টের অনুগ্রহে আজ কাল ছাপাখানা যেরূপ সহজ-লভ্য হইয়াছে, তাহাতে যদি কোন মুনি ঋষির কৃত হাতে লেখা পুঁথি সৌভাগ্যক্রমে কোন মহাত্মার হস্তগত হয়, তিনি যথেষ্টভাবে উহা পরিবর্তিত করিতে অথবা মনের মত করিয়া ছাপাইতে পারেন, রামায়ণ, মহাভারতও এই সকল দোষ হইতে নিষ্কৃতি পায় নাই । গ্রন্থকর্তা যিনি তিনিই থাকেন, অনুবাদক বা প্রকাশক উপসত্ত্ব ভোগ করিয়া যথাকালে স্বর্গারোহণ করিলে আর তাকে পায় কে ! ইংরাজীতে একটি উপদেশপূর্ণ প্রবাদ আছে The goose's quile hurts more than the lion's claws.

অর্থাৎ হাঁসের পাখনা সিংহের খাবা অপেক্ষা অধিক জোরে আঘাত করে ।

ভাবার্থ কিনা—সিংহের খাবার আঘাতও কালে বিলুপ্ত হইতে পারে, কিন্তু কলমের খোঁচা কিছুতেই মিলাইবার নহে । সেই জন্য আমাদের শাস্ত্রেও আছে “শতংবদ মা লিখ”—শতবার মুখে বলিতে হয় বলিও, কিন্তু

কোন বিষয় সহজে লিপিবদ্ধ করিও না। কিন্তু ভারতের জাতিনাশা জাতি স্বজাতিকে সেই সাংঘাতিক কলমের খোঁচা দ্বারা বহুকাল হইতে প্রতিনিয়ত যন্ত্রণা দিতেছে! ইহা ভাবিতেও কষ্ট বোধ হয়! লেখনী জ্বাব দেয় !! বিবেকের তাড়নায় হৃদয় জ্বলে যায় !!!

আমরা এইখানে পাঠককে বঙ্গীয় জাতি-তত্ত্ববিদ অশ্রাণ্ড ২।১ জন পণ্ডিতের মত উদ্ধৃত করিয়া উপহার দিতে মনস্থ করিতেছি।

১। “পরশর-সংহিতা—

দাস-নাপিত-গোপাল-কুলমিত্রাঙ্ক-সীরিণঃ ।

এতে শূদ্রেষু ভোজ্যান্নাম্ যশ্চাআনং নিবেদয়েৎ ॥ ২০

শূদ্র কন্তা সমুৎপন্নো ব্রাহ্মণেন তু সংস্কৃতঃ ।

সংস্কৃতস্ত ভবেদাসো হসংস্কারে তু নাপিতঃ ॥ ২১

ক্ষত্রিয়াচ্ছূদ্র কন্তায়াং সমুৎপন্ন যঃ স্মৃতঃ ।

স গোপাল ইতি জ্ঞেয়ো ভোজ্যা বিপ্রর্ন সংশয়ঃ ॥ ২২

বৈশ্বকন্তা সমুৎপন্নো ব্রাহ্মণেন তু সংস্কৃতঃ ।

আর্দ্রিকঃ সতু বিজ্ঞেয়ো ভোজ্যা বিপ্রৈর্ন সংশয়ঃ ॥ ২৩

বঙ্গবাসী যজ্ঞালয়ে মুদ্রিত পরশর সংহিতা ১১ শ অঃ ।

“দাস, নাপিত, গোপাল, কুলমিত্র, অর্কসীর কিষ্কা যে আত্ম-সমর্পণ করিয়াছে, শূদ্রের মধ্যে এই কয়জনের অন্ন ভোজন করা যায়। শূদ্রকন্তা হইতে ব্রাহ্মণ ঔরসে জাত অথচ ব্রাহ্মণ দ্বারা সংস্কার প্রাপ্ত না হইলে তাহাকে দাস বলা যায়, কিন্তু অসংস্কৃত থাকিলে সে নাপিত হয়। যে পুত্র শূদ্র কন্তার গর্ভে ক্ষত্রিয়ের ঔরসে জন্ম গ্রহণ করে, তাহাকে গোপাল বলিয়া জানিবে। ব্রাহ্মণ নিশ্চয়ই তাহার গৃহে অন্ন ভোজন করিতে পারেন। বৈশ্ব কন্তার গর্ভে, ব্রাহ্মণের ঔরসে জন্মিলে এবং ব্রাহ্মণ কর্তৃক সংস্কার-প্রাপ্ত হইলে তাহাকে আর্দ্রিক, (অর্কসীরি) বলিয়া জানিবে।

বিপ্র নিঃসংশয়ই তাহার গৃহে ভোজন করিতে পারে ।”—বঙ্গবাসী যন্ত্রালয়ে মুদ্রিত পরাশর সংহিতার অনুবাদ ২১ পৃঃ ।

এই চারিটা শ্লোক অথবা শেষ তিনটি শ্লোক যে “প্রক্ষিপ্ত,” তাহা বিবেচনা করিবার অনেক কারণ আছে । যথা,—১ম । আদিপুরাণে দেখা যায় যে কলির আদিতে মহাত্মাগণ কয়েকটি আচার ও ব্যবহার ব্যবস্থা পূর্বক নিষেধ করিয়া গিয়াছেন, তন্মধ্যে দাস, গোপাল, কুলমিত্র ও অর্কসীরিদিগের অন্নভোজন দ্বিজাতির পক্ষে নিষেধ করা হইয়াছে যথা—
—শূদ্রেষু দাস গোপাল কুলমিত্রাৰ্কসীরিণাম্ । ভোজ্যান্নতা গৃহস্থশ্চ এতানি
লোক গুণ্ড্যর্থং কলেরাদৌ মহাত্মভিঃ নিবর্ত্ততাণি কৰ্ম্মাণি ব্যবস্থাপূৰ্বকং
বুধৈঃ ॥” কিন্তু কলিযুগের প্রবর্ত্তিমাণে, কৃতাদি যুগের ধৰ্ম্ম নষ্ট হওয়ার, ঋষিগণ ব্যাসের নিকট যাইয়া কলিযুগে মনুষ্যগণের হিতধৰ্ম্ম কি জিজ্ঞাসা করায়, ব্যাস বলিয়াছিলেন, “আমি সৰ্ব্বতত্ত্বজ্ঞ নহি, পিতাকে জিজ্ঞাসা করুন ।” তাহাতে ঋষিগণ ব্যাসকে অগ্রে করিয়া বদরিকাশ্রমে যাইয়া ধৰ্ম্মতত্ত্বকামী হইয়া পরাশরকে জিজ্ঞাসা করায়, পরাশর কলিযুগের শৌচাচার ও প্রায়শ্চিত্ত ধৰ্ম্ম ঋষিদিগকে বলিয়াছিলেন । কলির আদিতে বুধগণ যাহা ব্যবস্থাপূর্বক নিবর্ত্তিত করিয়াছিলেন, তাহার বিপরীত পরাশর কলিধৰ্ম্ম ব্যাখ্যায় কেন বলিবেন ? যদি কেহ এইরূপ তর্ক করেন যে পরাশর প্রথমে কলিধৰ্ম্মের উপদেশ দিয়াছিলেন, তৎপরে পণ্ডিতগণ তাহার উপদিষ্ট বিয়ের মধ্যে দাস গোপালাদির ভোজ্যান্নতা সম্বন্ধে যে মত প্রচার করিয়াছিলেন তাহা নিবর্ত্তিত করিয়াছেন । তদন্তরে আমরা বলিব যে সৰ্ব্বতত্ত্বদর্শী পরাশর কি ইহাও বুঝিতে পারেন নাই যে তাহার এই উপদেশ কলিকালের উপযোগী নহে ও সমাজের বিশৃঙ্খলতা ঘটাইবেক ও বুধগণ বাধ্য হইয়া ব্যবস্থাপূর্বক নিষেধ করিবেন ? সুতরাং পরাশর স্মৃতির এই বচনের বিপরীত আদি পুরাণের নিষেধ বচন সকল স্থান প্রাপ্ত

হয় না ও বৃধগণ সর্বতদ্বদর্শী ঋষির উপদেশকে অবজ্ঞা করিতেন না । এমত অবস্থায় আমরা বুঝিয়া লইব যে, পরাশরের এই বচনটী অথবা আদি-পুরাণের বচনের উক্ত অংশটুকু প্রক্ষিপ্ত । নাপিতের অন্ন ভোজনের নিষেধ আদিপুরাণে নাই ।

২২ শ্লোকে আছে,—

ক্ষত্রিয়াচ্ছূদ্রকণ্ঠায়াং সমুৎপন্ন যঃ সূতঃ ।

স গোপালো ইতি জ্ঞেয়ো ভোজ্যো বিপ্রৈর্গমংশয় ॥

যথার্থ অনুবাদ—“ক্ষত্রিয় হইতে শূদ্র কণ্ঠাতে যে সূত হইয়াছে, তাহাকে গোপাল জানিবে । সে বিপ্রকর্তৃক ভোজ্য ।”—এখানে “ভোজ্য” পদ “স” অর্থাৎ গোপাল পদের বিশেষণ । পরাশর মুখ হইতে যে এই— অর্থদুষ্ট বাক্য বহির্গত হইয়াছে, তাহা বোধ হয় না । সম্ভবতঃ প্রমাদী “তৈলবটজীবী” ভোজ্যান্ন পদ ব্যবহার করিতে গিয়া ছন্দ মিলাইতে না পারিয়া ভোজ্য পদের প্রক্ষেপ করিয়াছেন ।

২৩ শ্লোক—বৈশ্বকণ্ঠা সমুৎপন্নো ব্রাহ্মণেনতু সংস্কৃতঃ ।

আর্দ্রিকঃ সতু বিজ্ঞেয়ো ভোজ্যো বিপ্রৈর্গমংশয়ঃ ॥

এই শ্লোকের অর্থ যথা—“বৈশ্ব কণ্ঠাতে উৎপন্ন হইয়াছে, কিন্তু ব্রাহ্মণের দ্বারা সংস্কৃত হইয়াছে । তাহাকে আর্দ্রিক বলিয়া জানিবে, সে বিপ্র কর্তৃক ভোজ্য তাহার সংশয় নাই । “আর্দ্রিক” পদের স্থানে “আর্দ্রিক !” ও “ভোজ্যো” পদের স্থলে “ভোজ্যো” পদ মুদ্রায়দ্বারা ছাপাইবার সময় হইয়াছে । বঙ্গবাসী যন্ত্রালয়ের পুস্তকের অনুবাদক মহাশয় “বৈশ্বকণ্ঠা সমুৎপন্ন” বাক্যের অর্থ “বৈশ্বকণ্ঠার গর্ভে ব্রাহ্মণের ঔরসে জন্মিলে” এই অর্থ কোথা হইতে পাইলেন ? সামান্ততঃ এই সমাস বাক্যের অর্থ “বৈশ্ব কণ্ঠার গর্ভে জাত ।” ঐ পুত্র ব্রাহ্মণ, কি ক্ষত্রিয়, কি বৈশ্ব, কি শূদ্র হইতে বৈশ্বকণ্ঠাতে জাত, তাহা শ্লোক দৃষ্টে অর্থ করা যায় না ; তবে এতে

শূদ্রেণ ভোজ্যান্না” বাক্যের সহিত অশ্বিত্ত হওয়ার ইহাদিগকে শূদ্র বলা হইয়াছে ; সুতরাং এই পুত্র শূদ্র পুরুষ হইতে বৈশ্য কণ্ঠাতে জাত “আয়োগব” এইরূপ বুঝা যায়, কারণ মনুসংহিতার ১০ ম অঃ, ৪১ শ্লোক ও ৬৯ শ্লোক অনুসারে শূদ্র ভিন্ন অপর বর্ণের পুরুষ হইতে বৈশ্য কণ্ঠার গর্ভোৎপন্ন পুত্র দ্বিজ হয় ।

৪র্থ । মনু “দাস” শব্দ নৌকর্ম্মজীবী কৈবর্ত্তাখ্যা সংকীর্ণ শূদ্র জাতিতে ব্যবহার করিয়াছেন যথা :—

“নিষাদো মার্গবং সূতে দাসং নৌকর্ম্মজীবিনম্ ।

কৈবর্ত্তমিতি যৎ প্রোহুর্য্যোবর্ত্ত নিবাসিনঃ ॥”

১০ম অঃ, ৩৪ শ্লোক ।

ব্রাহ্মণ হইতে শূদ্রাগর্ভোৎপন্ন পুত্রকে মনু যাজ্ঞবল্ক্য, ব্যাস প্রভৃতি পারশর ও নিষাদ নাম দিয়াছেন । ঐ সকল ঋষি ক্ষত্রিয় হইতে শূদ্র কণ্ঠার গর্ভোৎপন্ন পুত্রকে “উগ্র” নাম দিয়াছেন ও ব্রাহ্মণ হইতে বৈশ্য কণ্ঠার গর্ভোৎপন্ন পুত্রের “অশ্বষ্ঠ” নাম দিয়াছেন । আর্দ্ধিক, দাস, গোপাল নাপিত প্রভৃতি পদ বৃত্তিবাচক না হইয়া যদি জাতিবাচক হইত, তাহা হইলে মনু, যাজ্ঞবল্ক্য প্রভৃতি ঐ সকল পদের পরিবর্ত্তে অশ্বষ্ঠ, নিষাদ, উগ্র প্রভৃতি পদসকলের ব্যবহার করিতেন অথবা অর্দ্ধসীরি, দাস, গোপাল, নাপিত প্রভৃতি পদ প্রচলিত অর্থে ব্যবহার না হইলেও ঐ সকল পদ জাতিপর হইলে তাহাদের অর্থ অথবা লক্ষণা করিতেন ।”

উদ্ধৃত সমস্ত অংশটুকু পণ্ডিতবর শ্রীযুক্ত যোগীন্দ্র নারায়ণ রায়ের প্রণীত “জাতিতত্ত্বে” দ্রষ্টব্য ।

বৃহদ্রশ্ম পুরাণ

২ । ১৩০০ সালে বঙ্গবাসী প্রেসে মুদ্রিত ও পণ্ডিতবর শ্রীযুক্ত

পঞ্চানন ভট্টাচার্য্য তর্করত্ন দ্বারা অনুবাদিত ও প্রকাশিত বৃহদ্বাঙ্গপুত্র উত্তর খণ্ড ত্রয়োদশ অধ্যায়ে আছে।—

“কত্রিয়াচ্ছুদ্র কন্তায়াঃ জাতৌ নাপিতমোদকৌ” ইহার বঙ্গানুবাদ করা হইয়াছে—শূদ্রের গুহরসে ব্রাহ্মণ কন্তার গর্ভে নাপিত ও মোদক জাতির জন্ম।” বা! বাহোবা!! কত্রিয় দ্বারা শূদ্রার গর্ভে নাপিত ও মোদকের জন্ম—ইহাই হইল উক্ত শ্লোকের প্রকৃত অর্থ; তাহা না হইয়া একেবারে শূদ্রের গুহরসে ব্রাহ্মণ কন্তার গর্ভে! অর্থাৎ মনু যে ক্ষেত্রে চণ্ডাল জন্মাইবার ব্যবস্থা দিয়াছেন! কেহ হয় ত বলিবেন যে এই দোষটী ইচ্ছাকৃত নহে, ভ্রমক্রমে বা মুদ্রা বস্তুর দোষে ঐরূপ হইয়াছে। কিন্তু পণ্ডিত মহাশয় আবার এক অযাচিত কৈফিয়ৎ দিয়া কাজ খারাপ করিয়াছেন। পুস্তকের গোড়ায় ভূমিকাতে তিনি বলিতেছেন—“এই গ্রন্থের অনুবাদক পণ্ডিত শ্রীরামানুজ বিষ্ণার্ণব, শ্রীজগন্নাথ বিষ্ণার্ণব. আমার ছাত্র দ্বারকেশ কাব্যার্থী এবং আমি। পূর্ব খণ্ডের প্রথম কয়েক অধ্যায় এবং উত্তর খণ্ডের শেষ ৭ অধ্যায় এবং মধ্যো মধ্যো দুই এক অধ্যায় আনার কৃত”।

এই পুরাণের উত্তর খণ্ডে মাত্র ২১টি অধ্যায়, তন্মধ্যে শেষ ৭ অধ্যায় (যাহা পঞ্চানন তর্করত্ন মহাশয়ের নিজের অনুবাদিত বলিতেছেন, তাহা) বাদ দিলে, ত্রয়োদশ অধ্যায়ের দায়িত্ব তাঁহার স্বক হইতে নামিল, সুতরাং উক্ত দোষটীও ঐ অধ্যায়েই ঘটিল! ঐটি জাতি বিভ্রাটের অধ্যায় কি না!!

ব্যাস-সংহিতা

৩। ব্যাস-সংহিতার সৃষ্টিকর্তা ভগবান কৃষ্ণদ্বৈপায়ন বেদব্যাস, যিনি বেদ বিভাগ করিয়া অষ্টাদশ পর্ব মহাভারতও সৃষ্টি করিয়াছিলেন। হিন্দুর পরমারাধ্য প্রাতঃস্মরণীয় সেই মহাত্মার স্মৃতিখানিও দূষিত হইয়া

গিয়াছে । ইহা আলোচনা করিতেও কষ্ট বোধ হয় । বিগত ১৩০৯ সালের বৈশাখের “কায়স্থ পত্রিকাতে” এ সম্বন্ধে যাহা লিখিত হইয়াছিল, এখানে তাহার কতকাংশ উদ্ধৃত হইল ।

“বর্দ্ধকী নাপিতো গোপ আশাপঃ কুম্ভকারকঃ ।

বণিকিয়াত কায়স্থ মালাকার কুটুম্বিনঃ ॥

বরাটো মেদ চাণ্ডালো দাসখপচ কোলকাঃ ।

এতোস্ত্যজাঃ সমাখ্যাতা যে চাণ্ডে চ গবাশনাঃ ॥

উক্ত বচন দৃষ্টে কোন কোন তীক্ষ্ণবুদ্ধি কায়স্থ জাতিকে অন্ত্যজ বলিয়া প্রকাশ করিতে কুণ্ঠিত নহেন । এমন কি “কায়স্থের বর্ণনির্ণয়” গ্রন্থে, উক্ত মণ্ডিত বচনের প্রকৃত পাঠ প্রকাশিত হইলেও এখনও কোন কোন বিকৃত মস্তিষ্ক বিগ্ণাভূষণ-মুদ্রিত ব্যাস-সংহিতার বিকৃত পাঠের সমর্থনে বদ্ধ পরিকর হইয়াছেন ও আত্মপক্ষ সমর্থনের জ্ঞেয় এশিয়াটিক সোসাইটির II A II নং পুঁথি এবং ভবানীচরণ বন্দ্যোপাধ্যায়, বঙ্গবাসী প্রেস ও বোম্বাই নগরের মহাদেব শাস্ত্রী কর্তৃক প্রকাশিত ব্যাস সংহিতার দোহাই দিতেছেন ! বেঙ্গল গবর্ণমেণ্টের যে ১১৫২ সংখ্যক ব্যাসসংহিতা পুঁথির সাহায্যে “কায়স্থের বর্ণনির্ণয়” গ্রন্থে প্রকৃত পাঠ উদ্ধৃত হইয়াছে, সেই পুঁথিখানির অস্তিত্ব সম্বন্ধে কেহ কেহ সন্দেহান হইয়াছেন । এমন কি, কেহ বা পুঁথির সংবাদদাতাকে মিথ্যাবাদী বলিতেও বিমুখ হন নাই ।

বিদ্বেষীগণ এশিয়াটিক সোসাইটির যে হস্তলিপির প্রমাণ দিতেছেন, তাহা প্রাচীন পুঁথি বলিয়া গৃহীত হইতে পারে না ; তাহা একখানি বাঁধান খাতা ও ফোর্ট উইলিয়ম কলেজের একজন আধুনিক পণ্ডিতের লেখা । তদৃষ্টে ভবানীচরণ বন্দ্যোপাধ্যায় ব্যাসসংহিতা মুদ্রিত করেন । আশ্চর্য্যের বিষয় এই মুদ্রিত গ্রন্থ দৃষ্টে বোম্বাই নগরে মহাদেব শাস্ত্রী ও কলিকাতায় বঙ্গবাসী প্রেস কর্তৃক ব্যাসসংহিতা প্রকাশিত হইয়াছে,

কাজেই এই কয়েকখানি ব্যাস-সংহিতা এক ছাঁচে ঢালা । যদি পরবর্তী প্রকাশকবর্গ পূর্ব মুদ্রিত গ্রন্থের উপর নির্ভর না করিয়া ছই পুথির সাহায্য গ্রহণ করিতেন, তাহা হইলে বোধ হয় মুদ্রিত ব্যাস-সংহিতার এরূপ দুর্দশা দেখিতে পাইতাম না । যাহারা ষত প্রাচীন সংস্কৃত পুথি মিলাইয়া দেখিয়াছেন, তাঁহারাই জানেন, এক গ্রন্থের বহু প্রাচীন পুথিতে পাঠান্তর থাকে । ব্যাস-সংহিতার প্রাচীন পুথিতেও পাঠান্তরের অভাব নাই ; ১৪০৯ শকে ও ১৬৫৭ সংবতে লিখিত ছই খানি ব্যাস-সংহিতার প্রাচীন হস্তলিপিতে,

“বর্দ্ধকী নাপিতো গোপো আশাপঃ কুস্তকারকঃ ।

বণিক্কিরাত-কায়স্থমালাকার কুটুম্বিনঃ ॥”

—এই শ্লোকটী এককালে নাই । ভট্টপল্লীর পণ্ডিত শ্রীযুক্ত পঞ্চানন তর্করত্নও কায়স্থ-তত্ত্ব সমালোচনা কালে লিখিয়াছেন ;—“আমরা বলি কায়স্থ, মালাকার, নাপিত, কুস্তকার, এতগুলি প্রচলিত উচ্চজাতি যে শাস্ত্রমতে অস্ত্যজ, তাহা কখনই নয় । শ্লোকটী প্রক্লিপ্ত হইবার বিশেষ সম্ভব ।” কারণ ব্যাস-সংহিতার অন্তস্থানে দেখা যায়,—

“নাপিতাম্বয় মিদ্ভার্কসীরিণোদাসগোপকাঃ ।

শৃঙ্গানাংপ্যমীষান্তু ভুক্তান্নং নৈব ছ্যতি ॥”

(ব্যাস ৩য় অঃ ২০ শ্লোক)

যে ব্যাস, নাপিতের অন্ন ব্রাহ্মণের ভোজ্য বলিয়া নির্দেশ করিতেছেন, সেই ব্যাসই নাপিতকে অস্ত্যজ বলিয়া উল্লেখ করিবেন, তাহা কখনই সঙ্গত নয় ; দেব নাগরাকরে লিখিত বেঙ্গল গবর্ণমেন্টের ১১৫২ নম্বর

ব্যাস-সংহিতার পুঁথিতে এইরূপ প্রকৃত পাঠ গৃহীত হইয়াছে ।—

বর্দ্ধকী নাপিতো গোপোঃ দাসোবৈ কুস্তকারকঃ ।

বণিক্ বিরাটকায়স্থ মালাকার কুটুম্বিনঃ ॥

এতে চান্ত্রে চ বহবঃ শূদ্রাভিন্নাঃ স্বকর্ষভিঃ ।

চর্মকারস্তথা ভিন্নো রজকঃ পুকসো নটঃ ॥

বরাটো মেদ চণ্ডালদালসশ্চৈব লৌকিকাঃ ।

এতেহস্ত্যজাঃ সমাখ্যাতা যে চান্ত্রে চ গবাশনাঃ ॥

অর্থাৎ বর্দ্ধকী, নাপিত, গোপ, দাস, কুস্তকার, বণিক বিরাটকায়, মালাকার, কুটুম্বী ও অন্ত বহু শূদ্র স্ব স্ব কর্ষদ্বারা ভিন্ন হইয়াছে। চর্মকার, ভিন্ন, রজক, পুকস, বরাট, মেদ, চণ্ডাল, দালস ও লৌকিকগণ এবং যাহারা গোমাংশ ভোজন করে, তাহারা অন্ত্যজ বলিয়া গণ্য।

উক্ত শ্লোকে নাপিত-গোপাদি কেবল শূদ্র বলিয়া গণ্য হইয়াছে, অন্ত্যজ বলিয়া নিদিষ্ট হয় নাই অথবা ব্যাসের অপর শ্লোকের সহিত ইহার কিছুমাত্র অসঙ্গতি নাই। আশ্চর্যের বিষয় যে, মুদ্রিতব্যাস-সংহিতা সমূহে—

এতেচান্ত্রে চ বহবঃ শূদ্রা ভিন্নাঃ স্বকর্ষভিঃ ।

চর্মকারস্তথা ভিন্নো রজকঃ পুকসো নটঃ ।

এই আবশ্যকীয় চারিচরণ এককালে পরিত্যক্ত হইয়াছে। এতদ্ভিন্ন “বিরাট-কায়স্ত” এই প্রকৃত পাঠের স্থানে “কিরাত কায়স্ত” এই বিকৃত পাঠ গৃহীত হইয়াছে। বেঙ্গল গবর্ণমেন্টের সংগৃহীত সমস্ত পুঁথি এসিয়াটিক সোসাইটিতে রক্ষিত আছে। তন্মধ্যে ১১৫২ নম্বর পুঁথিখানি যে কেহ গিয়া দেখিয়া আসিয়া চক্ষুর্গণের বিবাদ ভঞ্জন করিতে পারেন। মহামহো-পাধ্যায় চন্দ্রকান্ত তর্কালঙ্কার প্রমুখ পণ্ডিতগণ স্বচক্ষে এই পুঁথিখানি মন্দর্শন করিয়াছেন। চন্দ্র সূর্যের অস্তিত্ব যেরূপ মিথ্যা নয়, এই পুঁথি খানির অস্তিত্বও সেইরূপ প্রকৃত। আমাদের সংগৃহীত প্রাচীন ব্যাস-সংহিতার পুঁথির সহিত বেঙ্গল গবর্ণমেন্টের উক্ত পুঁথির অনৈক্য নাই। গবর্ণমেন্টের পুঁথি প্রকাশ্য স্থানে রহিয়াছে এবং সাধারণের সহজেই নয়ন-গোচর হইতে পারিবে বলিয়াই ঐ পুঁথিখানির কথা বলিলাম।

এখন যাহারা ব্যাসসংহিতার বিকৃত পাঠ দৃষ্টে কায়স্থকে অন্ত্যাজ মধ্যে গণ্য করিতে অগ্রসর : বিচার করিয়া দেখুন, তাঁহাদের যুক্তি কতই অসার ও ভিত্তিশূন্য ।”

ইহার উপর টীকার আবশ্যিকতা নাই, তবে ব্যাসদেব নাপিতের কোন অনিষ্ট চিন্তা বা অন্তায় করিতেই পারেন না । কারণ শ্রীযুক্ত পঞ্চানন তর্করত্ন মহাশয়ের ব্যাখ্যানুসারেই—বলিতে ভয় হয়—হে পরাশরাঅজ, সর্ষাস্তুর্যামিন, নর-নারায়ণ, কৃষ্ণ-ঐশ্বর্যান বেদব্যাস !—আমার অপরাধ হইলে ক্ষমা করিবেন—আমি ভবদীয় প্রিয় পাত্রদিগের প্রদর্শিত পথই অনুসরণ করিতেছি, অতএব জ্ঞানতঃ আমি কোন দোষই করিতেছি না । বেদান্ত, মহাভারত, সংহিতা, পুরাণ, উপপুরাণাদি ভবদীয় ষাবতীয় শাস্ত্র গ্রন্থ প্রধানতঃ বঙ্গবাসী প্রেসেই মুদ্রিত হইয়াছে এবং এখনও হইতেছে । এই সকল শাস্ত্রীয় গ্রন্থের অনুবাদক পণ্ডিত-মণ্ডলীর কর্তাও উক্ত তর্করত্ন মহাশয়—আর কলিযুগ ধর্মের প্রবর্তক আপনার পিতা মহামুনি পরাশর ! সূত্রাং শ্রীশ্রীশ্রী-সংহিতার বচন এবং পণ্ডিত-মণ্ডলীর ব্যাখ্যা— অর্থাৎ শূদ্র কন্যা হইতে ব্রাহ্মণের ঔরসে-জাত অথচ ব্রাহ্মণদ্বারা অসংস্কৃত থাকিলে সে নাপিত হয়—একথা সত্য হইলে—হে বেদবিভাগ-কর্তা মৎস্যগন্ধা-নন্দন ব্যাসদেব ! আপনিই ত নাপিতের বীজপুরুষ !!! কারণ আপনি তপঃসিদ্ধ, পরম ব্রাহ্মণ পরাশরের ঔরসে, শূদ্রকন্যা মৎস্যগন্ধার গর্ভে জাত এবং আপনার সংস্কারও হয় নাই—একথা ভারতবাসী পণ্ডিত মণ্ডলী সকলেই জানেন । পাঠক পুস্তকের “সূচনা” দেখুন, আর বিচার করিয়া বলুন, যে পুরাণ, উপপুরাণাদি যাহা ব্যাসদেব রাখিয়া গিয়াছেন তাহা নাপিতেরই পৈতৃক সম্পত্তি কি না ? আর ঐ সকল সম্পত্তি হইতে নাপিতকে বঞ্চিত, অপিচ বিকৃত করিয়া বিক্রয় করায়, উক্ত পণ্ডিত মহাশয়েরা দোষী, সূত্রাং দণ্ডিত ও অভিশপ্ত হইবেন কি না ।

সাহিত্য ও সমাজ ।

সাহিত্য মনুষ্যজাতির দর্পণ-স্বরূপ । কোন দেশের কোন মানব সমাজের অবস্থা, আচার ব্যবহার, শক্তি, সামর্থ্য রাজনীতি প্রভৃতি বিষয়ে সেই জাতির সাহিত্যই সাক্ষ্য দিয়া থাকে । যদি কোন সুধী কোন নূতন দেশের আভ্যন্তরীণ অবস্থা অবগত হইতে ইচ্ছা করেন অথবা সেই দেশে বাইতে ইচ্ছা করেন, তবে তিনি সেই দেশের সামাজিক ও রাজনৈতিক অবস্থা অগ্রে সেই জাতির সাহিত্য-দ্বারা অবগত হইয়া থাকেন । সং-সাহিত্য সজ্জাতির গৌরব ও সভ্যতার পরিচায়ক । হুঃখের বিষয় আমাদের দেশের বিশেষতঃ বাঙ্গালীর এমন সাহিত্য নাই বলিলেও চলে । যে জাতির শাস্ত্রীয় পুস্তকের পাতায় পাতায় উল্লিখিতরূপ জাতিনাশা আশা ও কস্মনাশা ভাষার ভূরি ভূরি প্রয়োগ ও প্রচলন বিদ্যমান, বিদ্যাশিক্ষাও তাহাদের বিফল । শাস্ত্রে তো আছে “বিদ্যা বিনয়ং দদাতি”—কিন্তু বাঙ্গালী যতই বিদ্যা শিখিতেছে, যতই উচ্চশিক্ষা পাইতেছে, ততই যেন তাহাদের অহঙ্কার, উচ্ছৃঙ্খলতা ও জাত্যাভিমান বাড়িয়া বাইতেছে । প্রাচীন শাস্ত্রাদির আলোচনা ছাড়িয়া দিলেও আধুনিক নব্য বাঙ্গালীর সাহিত্যেও তাই আঁতি-বিষেব ও চিরবিচ্ছিন্নতার “গুপ্তচুরী সদা হেরি, আলিঙ্গন মাঝে” ! সুবিজ্ঞ চিন্তাশীল পাঠক, একটু মনোযোগ সহকারে বাঙ্গালীর আধুনিক সাহিত্যের ধারা পর্যালোচনা করিলে দেখিতে পাইবেন, নাটক নভেল, ইতিহাস এমন কি স্কুল কলেজের পাঠ্যপুস্তকের মধ্যেও জাতি-ভেদের তীব্র হলাহল স্থানে স্থানে ছড়ানো রহিয়াছে । Caste system অর্থাৎ বাঙ্গালীর জাতিভেদ প্রথা এদেশবাসীগণের হৃদয় ও মস্তিষ্ক যেন বিকৃত করিয়া ফেলিয়াছে । পরিণামে ধর্ম্মান্তর গ্রহণ করিয়াও পূর্বসংস্কার বশে তথাকথিত জাতির গণ্ডী সম্পূর্ণরূপে পার হইতে পারিয়াছেন এমন হিন্দু প্রায়ই দেখা যায় না । জাতিভেদ প্রথা হিন্দুর হৃদয়কে এতই সংকীর্ণ

ও বিবেচনাপূর্ণ করিয়া রাখিয়াছে যে অনিচ্ছাসহে বা অজ্ঞাতসারেও এক ভাই অপর ভাইকে 'নীচ', 'ইতর', "ছোটজাত," Backward, Depressed Class" প্রভৃতি অভিনব অশ্লীল শব্দের বিষয়ীভূত করিতেও ছাড়িতেছেন না। উচ্চশিক্ষাপ্রাপ্ত, উচ্চপদে অধিষ্ঠিত, "উচ্চশ্রেণী" বলিয়া পরিচিত অনেক সাহিত্য-ব্যবসায়ীর পুস্তকেও জাতি লইয়া রঙ্গ ব্যঙ্গ, জাতিভেদের "মজা" লইয়া কত রস-তরঙ্গ, জাতি-প্রথার উপকারিতা বিষয়ে অসামান্ত রূপলাবণ্য-সম্পন্ন কত রকমের ব্যাখ্যা ও প্রশংসাই না দেখিতে পাওয়া যায়! যে প্রথা বাঙ্গালী জাতিটাকে ছিন্ন বিচ্ছিন্ন করিয়া রাখিয়াছে, বাঙ্গালীর বর্তমান অবস্থায় যে প্রথার মত শত্রু আর নাই বলিলেও চলে, সেই "সর্বনেশে" প্রথার সমর্থক ও সংরক্ষকেরও অভাব নাই। বাস্তবিক বিচ্ছিন্নতা-প্রীতিই যেন বঙ্গীয় হিন্দুজাতির বিশিষ্টতা দাঁড়াইয়াছে। এই জাতির আবার শিক্ষা ও সভ্যতার গৌরব। ইহাদের আবার স্বদেশ-প্রীতি, সমাজ-সংস্কার ও জাতি-সংগঠন। আত্মবিশ্বস্ত বাঙ্গালীজাতির অধঃপতন ও উচ্ছেদ সাধনের যাহা কিছু দরকার, এই জাতির সাহিত্যেই তাহা প্রচুর পরিমাণে মজুত আছে। রোগের কারণ বিদ্যমান রাখিয়া রোগ তাড়ানো যেমন অসম্ভব, বাঙ্গালীর সাহিত্য-সংস্কার না করিয়া সমাজ-সংস্কার, জাতি সংগঠনাদিও তেমনি অসম্ভব। কণ্টকিত আসনে দেশ-মাতৃকার অধিষ্ঠান কি সম্ভব? আন্তরিক মহানুভূতি ও সমপ্রাণতা জাতীয়তার নিদান; তাহা যতক্ষণ না হয়, ততক্ষণ জাতি-সংগঠন চেষ্টা আলেয়ার পেছনে পেছনে দৌড়ান মাত্র। আমার মনে হয় বর্তমান যুগে বাঙ্গালীর সাহিত্য-সংস্কারই সর্বপ্রথমে কর্তব্য। কারণ সং-সাহিত্য মানবের নির্জনের বন্ধু, অসময়ের সহল ও হিতৈষী শিক্ষক। জাতিভেদ-পীড়িত, দারিদ্র-কবলিত, অভাব অশান্তিগ্রস্ত বাঙ্গালীর দুর্ভাগ্যক্রমে সেই সাহিত্যেও প্রাণ জুড়াইবার স্থান নাই—সদা মনে ভয়, কখন কি হয়। সামাজিকের ভাবনাও যেরূপ,

সাহিত্যিকের ভাবনাও সেইরূপ, ফলও হইতেছে তদ্রূপ—
“যাদৃশী ভাবনা যস্য, সিক্সি ভবতি তাদৃশী।”

• অষ্টম অধ্যায়

বৈদিক আভাষ ।

বঙ্গদেশের অদ্বিতীয় পণ্ডিত স্বর্গীয় ঈশ্বরচন্দ্র বিদ্যাসাগর, সংস্কৃত কলেজের অধ্যাপক পণ্ডিত-প্রবর ৩মহেশচন্দ্র গায়রত্ন ও প্রসিদ্ধ ইতিহাস বেত্তা মহামহোপাধ্যায় পণ্ডিত শ্রীযুত হরপ্রসাদ শাস্ত্রী মহাশয়গণের অনুমোদিত ঋগ্বেদের অনুবাদে বঙ্গ-গৌরব স্বর্গীয় মহাত্মা রমেশচন্দ্র দত্ত লিখিয়াছেন—

“প্রাচীন হিন্দুদিগের মধ্যে অগ্নি একজন অগ্রগণ্য দেবতা ছিলেন । খৃষ্টের পূর্বে পঞ্চম শতাব্দে যাক্ক * জীবিত ছিলেন, তিনি দেবগণের সম্বন্ধে এইরূপ লিখিয়াছেন যথা—

নৈরুক্তদিগের মতে দেব তিন জন, পৃথিবীতে অগ্নি, অন্তরীক্ষে ইন্দ্র বা বায়ু এবং আকাশে সূর্য্য । তাঁহাদিগের মহাভাগ্যকারণ এক এক জনের অনেকগুলি নাম অথবা এটি পৃথক পৃথক কর্মের জগু, যথা—হোতা, অধুর্য্য, উগ্নাতা । অথবা তাঁহারা পৃথক পৃথক দেবই ছিলেন কেন না তাঁহাদিগের পৃথক পৃথক স্তুতি করা হইয়াছে এবং পৃথক পৃথক নাম দেওয়া হইয়াছে । নিরুক্ত ৭।৫।

“ঋগ্বেদ রচনার প্রারম্ভে চারি জাতি ছিল না । কেবল মাত্র দুই জাতি ছিল—অর্থাৎ আৰ্য্য এবং অনাৰ্য্য বা দস্যু । ঋগ্বেদ রচনা কালের শেষে আৰ্য্যদিগের মধ্যে ঋত্বিক বা পুরোহিত শ্রেণী, রাজপুরুষগণ, ও সাধারণ শ্রমজীবীগণ বা ব্যবসায়ী লোক এই তিনটি ভিন্ন ভিন্ন শ্রেণী

* যাক্ক—নিরুক্তকার, বেদের পদ-ব্যাখ্যাতা মুনি বিশেষ ।

হইয়াছিল কিন্তু তখনও এই ভিন্ন২ শ্রেণীস্থ লোকদিগের মধ্যে আহাৰাদি বা বিবাহাদি কার্য্য নিষিদ্ধ হয় নাই। প্রাচীনকালে ইদানীন্তন জাতি বিভাগের কোন উল্লেখ দেখিতে পাওয়া যায় না।

সূক্ত ১০

ঋক ১

টিকা ২

ঋগ্বেদে “ব্রহ্ম” অর্থে প্রার্থনা বা স্তুতি। ব্রহ্মা একজন স্তুতিবাচক পুরোহিত বিশেষ। “ব্রহ্মাণঃ” অর্থে স্তুতিবাদকগণ বা পুরোহিতগণ। সায়ণ * যে ব্রহ্মান অর্থে “ব্রাহ্মণ” করিয়াছেন সে অসঙ্গত। কেন না পুরোহিতেরা তখনও ব্রাহ্মণ নামে একটী ভিন্ন জাতি ভুক্ত হয় নাই। ঋগ্বেদের প্রথম অষ্টকে আদৌ ব্রাহ্মণ শব্দের ব্যবহার নাই।”

“ঋগ্বেদ রচনার সময়ে হিন্দুগণ একেশ্বর বাদী ছিলেন না। প্রকৃতির মধ্যে সুন্দর ও গৌরবান্বিত বস্তুসমূহকে উপাসনা করিতেন। কিন্তু যখন হিন্দুদিগের মধ্যে সভ্যতার সঙ্গে সঙ্গে জ্ঞানের বৃদ্ধি সাধন হইল, তখন তাঁহারা আলোচনা করিয়া দেখিলেন প্রকৃতির সমস্ত বস্তু ও সমস্ত কার্য্যই একই নিয়ম শ্রেণী দ্বারা আবদ্ধ ও পরিগণিত, তখন তাঁহাদিগের হৃদয়ে উদয় হইল যে সূর্য্য, আকাশ, বায়ু, অগ্নি ভিন্ন ভিন্ন দেব নহে—ইহাদিগের নিয়ন্তা, ইহাদিগের পরিচালক, ইহাদিগের সৃষ্টিকর্তা একজন মাত্র দেব আছেন। সে দেবকে কি নাম দিবেন ? “আরাধ্য” দেবের নাম নাই অথবা নাম আরাধ্য। আরাধনা বা প্রার্থনা পৃথক বেদে যে শব্দটি পাইলেন সেই “ব্রহ্ম” শব্দ দ্বারা জগতের সৃষ্টি কর্তাকে ব্রহ্মা নামে উপাসনা করিতে লাগিলেন। এইরূপে বৈদিক “ব্রহ্ম (প্রার্থনা) শব্দ হইতে পুরাণের সৃষ্টিকর্তা ব্রহ্মার উৎপত্তি হইল। ঋগ্বেদে স্থানে স্থানে একজন সৃষ্টিকর্তার কতক অনুভব আছে তাহা আমরা পরে পাইব, কিন্তু

তাহাকে “ব্রহ্মা” নাম দেওয়া হয় নাই । ঋগ্বেদে ব্রহ্মা একজন পুরোহিত মাত্র ।”

২২ সূক্ত ৫।১ ঋক

২। “সূর্য্য আদিম আৰ্য্যদিগের উপাশ্রয় দেব ছিলেন সূতরাং সে ই সেই আৰ্য্যজাতির ভিন্ন শাখায় তাহার উপাসনা দেখিতে পাওয়া যায় । সূর্য্য ও সবিতা একই দেব, কি ভিন্ন ভিন্ন দেব, এ বিষয়ে লইয়া তর্ক আছে । ষাঙ্ক বলেন—আকাশ হইতে যখন অন্ধকার যায়, কিরণ বিস্তৃত হয় সেই সবিতার কাল । সায়ন বলেন সূর্য্যের উদয়ের পূর্বে যে মূর্ত্তি তাহাই সবিতা । উদয় হইতে অস্ত পর্য্যন্ত যে মূর্ত্তি সেই সূর্য্য । অতএব আমাদিগের প্রাচীন পণ্ডিতদিগের মতে সূর্য্য ও সবিতা একই দেব । ইয়োৰোপীয় পণ্ডিতদিগেরও সেইমত এবং সূর্য্যও সবিতা সম্বন্ধে ঋগ্বেদের সমস্ত সূক্ত পাঠ করিলে সে বিষয়ে কোন সন্দেহ থাকে না ।”

১ম মণ্ডল ২২ সূক্ত শ্লোক ১৬।১৭ *

৪। বিষ্ণু সপ্তকিরণের সহিত যে প্রদেশ হইতে পরিক্রম করিয়াছিলেন সেই প্রদেশ হইতে দেবগণ আমাদিগকে রক্ষা করুন ।

৭। বিষ্ণু এই জগৎ পরিক্রম করিয়াছিলেন । তিন প্রকার পদক্ষেপ করিয়াছিলেন । তাঁহার ধূলিয়ুগ্মপদে জগৎ আবৃত হইয়াছিল ।

টিকা—সূর্য্যরূপ বিষ্ণুর জগতে পদ বিক্ষেপরূপ উপমা হইতে ক্রমে নানা উপাখ্যান রচিত হইতে লাগিল ।

“ঐতরেয় ব্রাহ্মণে” আছে যে দেব ও অসুরদিগের মধ্যে এই জগৎ বিভাগকালে ইন্দ্র বলিলেন “বিষ্ণু ষতটুকু তিন পদে বিক্রম করিতে পারিবেন, ততটুকু দেবগণের অবশিষ্ট অসুরদিগের । অসুরগণ সম্মত হইল

* বাহুল্যবোধে বেদের মূলমন্ত্রগুলি পরিত্যক্ত হইল, উহাদের অনুবাদ মাত্র দেওয়া গেল ।

এবং বিষ্ণু তিন-পদ-বিক্রমে জগৎ, বেদ ও বাক্য ব্যাপ্ত করিলেন । (এখানে) বিষ্ণু সূর্য্যের একটি নাম মাত্র, বেদের অনেক দেবগণের মধ্যে একজন দেবের একটি নাম মাত্র । তিনি পুরাণের জগৎ পিতা পরম দেব হইলেন কিরূপে ? ইহা মীমাংসা করা কঠিন নহে । পূর্বেই বলা হইয়াছে যে বেদ রচনার সময়ে সরলচিত্ত উপাসকগণ প্রকৃতির প্রত্যেক বিস্ময়কর দৃশ্যে বা কার্য্যে একজন দেব অনুমান করিতেন । কিন্তু সভ্যতার সঙ্গে সঙ্গে যখন জ্ঞানের উন্নতি হইল—তখন হিন্দুগণ প্রকৃতির সকল কার্য্যে একজন নিয়ন্তা দেখিতে পাইলেন, একজন পালনকর্ত্তা বুঝিতে পারিলেন । সূর্য্য আমাদিগকে পালন করেন, অগ্নি আমাদিগকে পালন করেন, বায়ু আমাদিগকে পালন করেন কিন্তু এগুলি কার্য্যমাত্র । একজন কর্ত্তা এই কারণ সমূহের দ্বারা বায়ু, অগ্নি ও সূর্য্য দ্বারা আমাদিগকে পালন করেন, সভ্য হিন্দুগণ তাহা বুঝিতে পারিলেন । সে দেবের কি নাম দিবেন ? বিষ্ণু জগৎ রক্ষা করেন, তিনপদ বিক্ষিপে সমস্ত জগৎ ব্যাপিরা থাকেন একরূপ বর্ণনা বেদে আছে, অতএব সভ্য হিন্দুগণ বেদ হইতে সূর্য্যের বিষ্ণু নামটী গ্রহণ করিয়া জগতের পালন কর্ত্তাকে সেই নাম দিলেন ।”

পৌরাণিক বিষ্ণু ত্রিমূর্ত্তি পরমেশ্বরের দ্বিতীয় মূর্ত্তি । বৈদিক ধর্ম্ম বহুল দেব-উপাসনা-মূলক অতএব বেদে সেই এক ঈশ্বরের ত্রিমূর্ত্তির কোন উল্লেখ নাই । যাস্ক খৃষ্টের পঞ্চম পূর্ব্ব শতাব্দিতে জীবিত ছিলেন, তাহারও নিরুক্তিতে ব্রহ্মা, বিষ্ণু শিবের কোন উল্লেখ নাই । তিনি অগ্নি, ইন্দ্র ও সূর্য্যকে প্রধান দেবতা বলিয়া গিয়াছেন । লক্ষ্মী পৌরাণিক বিষ্ণুর স্ত্রী কিন্তু ঋগ্বেদে লক্ষ্মী দেবীর কোন উল্লেখ নাই ।

ঋগ্বেদ—প্রথম মণ্ডল

১৬৪ সূক্ত

৪৪ ঋক

কেশ বিশিষ্ট তিনজন সম্বৎসরের মধ্যে ষথাসময়ে ভূমি পরিদর্শন করেন । আর একজনের রূপ দৃষ্ট হয় না কেবল গতি দৃষ্ট হয় ।

৬টীকা—অগ্নি, আদিত্য ও বায়ু এই তিন জন । সায়ন “বপতে” শব্দের অর্থ করেন “দাহেন বনস্পত্যাদিকচ্ছেদনে নাপিত কার্য্যং কৰোতি ।

১০ম মণ্ডলের ৭২ শ্লোকে আছে যে “অদিতির আটপুত্র তন্মধ্যে তিনি মার্ত্তণ্ডকে ত্যাগ করিয়া ৭ জনকে দেবগণের নিকট লইয়া যান যথা :—

অষ্টৌপুত্রা সো আদির্যো জাতাব্ৰম্পপরি

দেবা উপভ্রং সপ্তভিঃ পরা মার্ত্তণ্ডামাসাৎ । ৮ ঋক ।

অদিতির অর্থ কি ? দিতধাতু বন্ধনে বা খলনে বা ছেদনে,—যাহা অখণ্ড, অচ্ছিন্ন ও অসীম তাহাই অদिति ; অতএব অদिति অর্থে অনন্ত আকাশ বা অনন্ত প্রকৃতি সূতরাং অদिति সকল দেবের জনমিত্রী এবং

যাহ “আদিনা দেবমাতা” কহিয়াছেন ।

ঋগ্বেদ ১০ মণ্ডল ৮৫ শ্লোক

তৃষ্টমেতৎ কটুকামেতদ পাষ্টবদ্বিষবনৈদত্তবে ।

সূর্য্যাং যো ব্রহ্মা বিদ্যাৎস ইদ্বাধুয় মর্হতি ॥ ৩৪ ঋক

এই বস্তু দূষিত, অগ্রাহ্য মলিন যুক্ত ও বিষযুক্ত । ইহা ব্যবহারের যোগ্য নহে, যে ব্রহ্মা নামা ঋত্বিক সূর্য্যকে জানেন, সে বধুর বস্তু পাইতে

পারে । ৫ ॥”

আশসনং বিশসনমথো আধিবিকর্তনং

সূর্য্যায়াঃ পশু রূপাণি তানি ব্রহ্মা তু শুংধতি ॥ ৩৫

সূর্য্যের রূপ দর্শন কর । আশসন বস্তু, বিশসন বস্তু, অধিবিকর্তন বস্তু, আশীর্বাদ, গাত্রহরিদ্রা ও অধিবাসের কাপড় (৭) এ সকল ব্রহ্মা নামক ঋত্বিক শোধন করিয়া লইতে পারেন । ৩৫

৫ টীকা—এই ঋকগুলি বিবাহের আচার সম্বন্ধে । এক্ষণে

যেমন নাপিত বিবাহের বস্ত্র লাভ করে, তৎকালে সে বস্ত্র ঋত্বিকের প্রাপ্য ছিল ।”

পাঠক, এইবার আমাদের নিজের পালা আসিল,—সুতরাং নাপিতের সেই গোঁর্চন স্বরণ করুন ; আর ঋত্বিক কাহাকে বলে শুনুন ঋত্বিক পুরোহিতযাজনিক-ইত্যমর। সুতরাং ঋত্বিক ও পুরোহিত একার্থ-বাচক কিন্তু পুরোহিত কথাটাই সমধিক প্রচলিত ! যজ্ঞ করিতে হইলে ৪ জন প্রধান ঋত্বিক আর ১২ জন সহকারী আবশ্যিক । প্রধান ঋত্বিকের মধ্যে যিনি সামবেদ উচ্চারণ করেন তাহার নাম উদগাতা, যিনি বজুর্বেদ পাঠ করেন তাহার নাম হোতা, যিনি ঋগ্বেদ পাঠ করেন তাহার নাম অধ্বয়ু, আর যিনি সকলের উপর কর্তৃত্ব করেন তাহার নাম ব্রহ্মা । ব্রহ্মার স্বতন্ত্র

বেদ নাই কিন্তু তাহাকে সকল বেদ জানা চাই—(বিশ্রকোষ-ঋত্বিকশব্দ দ্রষ্টব্য) । যজ্ঞ, বিবাহ ও শ্রাদ্ধাদি ব্যাপারে এই সকল ঋত্বিকের প্রয়োজন । তবে কার্যের গুরুত্বানুসারে ঋত্বিক সংখ্যার হ্রাসবৃদ্ধি হইতে পারে । উপরে প্রধান ৪ জন ঋত্বিকের কার্যোল্লেখ করা হইয়াছে । অবশিষ্ট ঋত্বিকেরা বোধ হয় যজ্ঞাদির আবশ্যকীয় ঘৃত, কাষ্ঠ, ছর্কা, পুষ্প ও পবিত্র জলাদি সংগ্রহ করিতেন এবং আবশ্যিক হইলে প্রধান ঋত্বিকের কার্যও করিতেন । বৈদিকযুগে জাতিভেদ না থাকাতে* বেদজ্ঞ যে

* In the time of Rig-Veda, the caste system was not well organised, if, indeed it existed at all. The same man might be a priest, warrior and husband man. The women of the upper classes were educated and held in great respect. They sometimes even performed sacrifices and composed hymns. The people led very simple lives. Agriculture formed their principal occupation, and cattle constituted their chief wealth. Several of the industrial and fine arts were also cultivated.

কোন আৰ্য্যজাতি গুণানুসারে এই সকল কার্য্যে ব্রতী হইতেও পারিতেন বোধ হয়। যাহা হউক আমরা এক্ষণে পুরাণাদিতে যে চতুর্শুখ ব্রহ্মার উল্লেখ দেখিতে পাই, তিনি বৈদিক যুগের ব্রহ্মা নামা পুরোহিত মাত্র, ইহা আমরা বঙ্গের বিখ্যাত পণ্ডিতগণানুমোদিত মহাত্মা রমেশচন্দ্র দত্তের ব্যাখ্যাতে পাইয়াছি। এখনও শ্রদ্ধাদি ব্যাপারের ফর্দ চাহিলে ভট্টাচার্য্য মহাশয়েরা গুরুবরণ, পুরোহিতবরণ, হোতাবরণ, ব্রহ্মাবরণ, বিরাট-

Mention is made in the Rig-Veda of Artsians Goldsmiths, the Blacksmiths Weavers, Carpenters and Barbers (?). Vide History of Indian people By Adhor Chandra Mukherjee. M. A. B. L.)

এইখানে ঋক্ বেদের অনুবাদক ও প্রকাশক বিশ্ব-বিখ্যাত আচার্য্য Max Mullerএর ভারতীয় জাতিভেদ সম্বন্ধে একটি মত উদ্ধৃত হইল।

If then, with all the documents before us, we ask the question, Does caste, as we find it in Manu and at the present day, form part of the most ancient religious teaching of the Vedas? We can answer with a decided No. There is no authority whatever in the hymns for the complicated system of castes. no authority for the offensive privileges claimed by the Brahmans, no authority for the degraded position of the Sudras.

অর্থ—“এখন যদি কেহ প্রশ্ন করেন—মনু-সংহিতার এবং বর্তমান হিন্দু সমাজের জাতিভেদ প্রথা সুপ্রাচীন বৈদিক ধর্মের অঙ্গ স্বরূপ ছিল কি না? আমরা যে সকল দলিল প্রমাণ পাইয়াছি, তদ্ব্যতীত আমরা নিঃসন্দেহ চিন্তে উত্তর দিব,—না। এই জটিল জাতিভেদ প্রণয় কোন উল্লেখ বা প্রমাণ বৈদিক মন্ত্রাদিতে দৃষ্ট হয় না। ব্রাহ্মণগণের এতাদৃশ অপরাধ-জনক সুবিধার দাবীরও কোন দলিল নাই, শূদ্রদিগের এই শোচনীয় পতনের কোন প্রমাণ নাই।

বরণ, প্রভৃতি ষোড়শ বরণের তালিকা প্রদান করিয়া থাকেন । কার্যতঃ কিন্তু অধিকাংশ স্থলে এক ক্ষৌরকার আর এক দ্বিজ-বরকে এই সকল কৰ্ম সম্পন্ন করিতে দেখা যায় । কৰ্মস্থলে ইঁহারা ষজ্জ্ঞানের “নাপিত” ও “পুরোহিত” বলিয়া অভিহিত হইলেন । উক্ত বরণগুলি ভিন্ন ভিন্ন ঋত্বিকের প্রাপ্য হইলেও তাঁহাদিগের অনুপস্থিতি-নিবন্ধন, অধিকাংশ স্থলে এক পুরোহিত মহাশয়ই সব পাইয়া থাকেন ! নাপিত কিন্তু ক্ষৌরকৰ্মছাড়া অশৌচনাশ, ছুৰ্ব্বা, পুষ্পাদি উপকরণ সংগ্রহ-পূৰ্ব্বক যতদূর সম্ভব ষজ্জ্ঞানের হিত সাধন ও পুরোহিতের সাহচর্য্য করিয়া থাকে এবং স্বল্প-লাভেই সন্তুষ্ট হয় । মূল দক্ষিণা ও ভোজন দক্ষিণান্তে গৃহে প্রত্যাগমনকালে হয়ত পুরোহিত মহাশয় উক্ত ব্রহ্মাদি-বরণ সমূহ ও চাউল-রস্তাদি-পরিপুষ্ট বোচ্কাটী ঐ নাপিতের মস্তকে চাপাইয়া “নরাণাং নাপিতো ধূর্তঃ”—এই নাতিশীতোষ্ণ বচনটী আওড়াইতে আওড়াইতে নিখরচায় সগুণক জিনিষগুলি বাড়ী লইবার চেষ্টা করেন । বর্ষের নাপিত ঐ বচন শুনিলে বড়ই আমোদ প্রাপ্ত হয়, কারণ মঙ্গলময় খুড়োঠাকুর যখন বলিতেছেন “নরের মধ্যে নাপিতের মত চালাক আর নাই,” স্মতরাং নিশ্চয়ই জগদীশ্বর তাহাকে এক বিশিষ্ট উপাদানে তৈয়ারি করিয়াছেন, ইহাই তাহার ধারণা !

পাঠক, মহাত্মা রমেশচন্দ্র যাবতীয় হিন্দু শাস্ত্রকে বঙ্গ ভাষায় অনুবাদ করিয়া রাখিয়া গিয়াছেন, সকলেই ঐ সমস্ত পাঠ করিতে পারেন । পূৰ্ব্বোক্ত বিবাহ সংক্রান্ত শ্লোকটির টিকাতে তিনি লিখিতেছেন “এক্ষণে যেমন নাপিত বিবাহের বস্ত্র লাভ করে তৎকালে সে বস্ত্র ঋত্বিকের প্রাপ্য ছিল” অর্থাৎ ঐ ঋত্বিকের বংশই নাপিত, একথা তিনি স্পষ্ট করিয়া বলেন নাই । কিন্তু ঐ ঋত্বিকের অনুবাদের অগ্র এক স্থলে তিনি লিখিয়াছেন—“ঋত্বিকে সরলভাবে একজন ঋষি বলিতেছেন—দেখ আমি স্তোত্রকার, আমার পিতা চিকিৎসক, আমার মাতা প্রসূতের উপর যব-ভর্জন-কারিণী । আমরা সকলে

ভিন্ন ভিন্ন কর্ম করিতেছি । যেরূপ গাভীগণ গোষ্ঠ মধ্যে ভূণ কামনার ভিন্ন দিকে বিচরণ করে, তদ্রূপ আমরা ধন-কামনায় তোমার পরিচর্যা করিতেছি অতএব হে সোম ! তুমি ক্ষরিত হও” —এইখানে রমেশবাবু লিখিতেছেন—
 “ধাহারা বৈদিক সময়ে জাতিভেদ ছিল বলিয়া মনে করেন তাঁহারা ই বলুন, যে পরিবারের পুত্র মন্ত্র-প্রণেতা ঋষি, পিতা বৈদ্য এবং মাতা ময়দাওয়ালী, তাহারা কোন্ জাতি ভুক্ত ?”

রমেশবাবুর এই লিখন-ভঙ্গীতেই বুঝা যাইতেছে যে তিনিও প্রকারান্তরে নাপিতের ঋষিকতার স্পষ্টই সমর্থন করিয়াছেন । কিন্তু পাঠক মহাশয়ের বোধ হয় এখনও সন্দেহ যায় নাই ; আর সহসা যাইবেই বা কেন ? প্রায় আড়াই হাজার বৎসর ধরিয়। যে ময়লা জমিয়াছে তাহা সহজে উঠিবে কি ! যাক্, হিন্দুর বিবাহ প্রথা যে একটি প্রধান বৈদিক সংস্কার এবং উহা যে ভারতের যাবতীয় আৰ্য্য-জাতির মধ্যেই প্রচলিত ছিল এবং আছে ইহা বোধ হয় সকলেই জানেন । বিবাহ সংস্কারেও অগ্নিস্থাপনা করিতে হয় । সূতরাং ইহাও একটি ষষ্ঠ বিশেষ । যজ্ঞ সমাধা করিতে অস্ততঃপক্ষে ৪ জন (হোতা, উদগাতা, অধ্বর্যু ও ব্রহ্মা) ঋষিক বা পুরোহিতের দরকার । আমরা কিন্তু এক্ষণে পাত্রপক্ষের নাপিত, পুরোহিত আর কণ্ঠা পক্ষের নাপিত, পুরোহিত এই ৪ জন দ্বারাই প্রধানতঃ উক্ত সংস্কার সমাধা হইতে দেখি । বরপক্ষের নাপিত, পাত্রীর (ক'ণের) বস্ত্র তিন ধানি (আশোষণ, বিশেষণ ও অধিবিকর্ত'ণের বস্ত্র) এবং ক'ণে পক্ষের নাপিত, বরের বস্ত্র ও দক্ষিণা পায় । অধিকন্তু শাস্ত্রীয় ব্যবস্থানুসারেই “গৌর গৌর” বলিয়া পুরোহিতের সহিত প্রত্যক্ষই সাহচর্য্য করিয়া থাকে । (৬ষ্ঠ অধ্যায় কর্ণকথা দেখুন)

ভবদেব ভট্টের পদ্ধতিতে “নৃপিতেন গো-
 র্গে ১-র্গে ১ঃ” উচ্চারণের পর “ওঁ মাতা রুদ্রানাং হৃহিতা বসুনাং” ইত্যাদি

মন্ত্রদ্বারা গাভীকে স্তব করিবার ব্যবস্থা আছে । নাপিত কিন্তু “গৌ-গৌ-গৌঃ” বলিতে যাইয়া “গৌর, গৌর, গৌর” বলিয়া থাকে । নাপিতের মধ্যে অধিকাংশই গৌর ভক্ত ও বৈষ্ণব । গৌর চৈতন্তের নাম শুনিলে তাহাদিগের চৈতন্ত লুপ্তপ্রায় হয় । কিন্তু আৰ্য্যদিগের প্রতিষ্ঠিত এই সকল বৈদিক সংস্কারের সহিত চৈতন্যদেবের নামোল্লেখের কোন কারণ নাই । পতিত-পাবনাবতার গৌরাঙ্গদেব তো সেদিন নবদ্বীপে অবতীর্ণ হইয়াছিলেন । কোন্ অনাদি অনন্তকাল পূর্বে বৈদিক সংস্কার প্রতিষ্ঠিত হইয়াছিল তাহার ইয়ত্তাই হয় না । ফলতঃ রজাত বিসর্গ যুক্ত সংস্কৃত “গৌঃ” শব্দটি তিনবার সন্ধিবদ্ধভাবে উচ্চারণ করিতে গেলে, ব্যাকরণনিয়মানুসারে “গৌ-গৌ-গৌঃ” হইয়া পড়ে । সংস্কৃতে জ্ঞান না থাকায় মূর্খ, সরলপ্রাণ নাপিত ঐ শব্দ তিনটিকে নাপিতশ্রু “গৌর গৌর গৌর” করিয়া ফেলিয়াছে । গৌরাঙ্গ-প্রেমাবেশেই যেন তাহারা ঐ কথা বলিতেছে । প্রকৃতপ্রস্তাবে নাপিতের পক্ষে ঐকথাটি মিথ্যা স্বাক্ষ্য স্বরূপ । কারণ—

গোভিল-গৃহ-সূত্রে দেখা যায় যে বিবাহের দক্ষিণা একটা গরু । (গৌর্দক্ষিণা—দ্বিতীয় প্রপাটক ২য় খণ্ড ২২) বৈদিক যুগে গরুই আৰ্য্যদিগের প্রধান সম্বল ছিল । সৃষ্টির প্রারম্ভে তো আর রজত-মুদ্রা বা কাঞ্চন-মুদ্রা তৈয়ারি হয় নাই, সূতরাং তখন পশ্বাদির বিনিময়েই আদান প্রদান প্রচলিত ছিল । বিবাহের পণও গরু দ্বারা পূরণ করা হইত । তদু যথা—

একং গো মিথুনং হেবা বরাতাদায় ধর্মতঃ ।

কণ্ডাপ্রদানং বিধিবদার্ষৌ ধর্ম স উচ্যতে ॥

(মনু ৩য় অধ্যায়—২৯ শ্লোক)

অশ্রুার্থ—বরের নিকট হইতে একটা বা দুইটা গাভী বা বৃষ লইয়া যথাবিধানে যে কণ্ডাদান করা হয় তাহাকে আৰ্য বিবাহ বলে । *

* সাম বেদীয় ধর্মসূত্রের মধ্যে গৌতমীয় ধর্মসূত্রই প্রসিদ্ধ । × × × এই

অধুনা প্রাজাপত্য বিবাহই সমধিক প্রচলিত । সভ্যতা প্রচারের সঙ্গে সঙ্গে ক্রমশঃ অপর প্রথাগুলি প্রায় উঠিয়া গিয়াছে এবং গোদক্ষিণার পরিবর্তে “রজত-খণ্ডঃ” ব্যবস্থা হইয়াছে । অপিচ দেখা যাইতেছে যে মজ্জাদি শেষ হইবার অব্যবহিত পূর্বেই “দক্ষিণাস্ত” করিতে হয় ! কিন্তু সরলপ্রাণ ঋষিগণ যখন প্রথমে ব্যবস্থা করেন তখন কার্য সমাধান্তে দক্ষিণাস্তের ব্যবস্থা ছিল । (গোভিল-গৃহ সূত্র দ্রষ্টব্য) । যাহা হউক বৈদিক বিধানে বিবাহের দক্ষিণা যখন ১টী গরু, তখন বিবাহের দক্ষিণা-স্বরূপ পুরোহিতকে গো-দান করাই এখনও কর্তব্য । কিন্তু সকল বজ্জমান তো আর আজকাল গরু দান করিতে পারে না, আবার পুরোহিতের পক্ষেও বিশেষ অসুবিধা । আর্য্যদিগের যে কৃষি-কার্য্য প্রধান উপজীবিকা ছিল, কালে ব্রাহ্মণদিগের মধ্যে তাহা যখন লোপ পাইল, তখন পুরোহিতের পক্ষেও গো দক্ষিণা গ্রহণ করা বোধ হয় যুক্তিসিদ্ধ হইল না । হাতে বাজারে গরু বিক্রয় করিয়া বেড়ানর চেয়ে কিঞ্চিৎ কম হইলেও যাহা পকেটে করিয়া অনায়াসে লইয়া যাওয়া চলে, তাহাই দক্ষিণা ব্যবস্থা হইল । গো-হাটাও আবার সকল বাজারে নাই,—“ভাদা’লে, আর পদ্মবিলে !” কিন্তু বৈদিক মন্ত্রের ত অঙ্গহানি করা যায় না ! অতএব “গরু আছে, পুরোহিত মহাশয় কার্য্য সমাধা করুন”—এরূপ সাক্ষ্য যদি কোন প্রধান (প্রামাণিক) ব্যক্তি

(ধর্ম্মসূত্রের) গৃহস্থ ধর্ম্ম বিবরণের মধ্যে চতুর্থ অধ্যায়ে গোতম আট প্রকার বিবাহের উল্লেখ করিয়াছেন । যথা—ব্রাহ্ম, দৈব, আর্য্য, প্রাজাপত্য, আত্মর গন্ধর্ষ, রাক্ষস ও পৈশাচ । তাহার মধ্যে প্রথম চারিটি উৎকৃষ্ট এবং শেষ চারিটি অপকৃষ্ট, এই অধ্যায়ে মিশ্র জাতির বিবরণও আছে । সে সময়ে অশ্বঠ, উগ্র, নিবাদ, দৌষন্ত, পারশব, সূত, মাগধ, আয়োগব, ক্ষত্ৰা, বৈদেহিক, চণ্ডাল, ধীবর, পুকস, ভূজ, কণ্ঠ, মাহিষ, যবন ও করণ এই অষ্টাদশ বিধ মাত্র মিশ্রজাতি বলিয়া জ্ঞাত ছিল । (৩রমেশচন্দ্র দত্তের হিন্দু শাস্ত্র ৩য় ভাগের ৮ পৃষ্ঠা)—

বলেন, তবে অনায়াসে ঐ কার্য সমাধা হইতে পারে । তাই নাপিতের দ্বারা (পূর্বোক্ত ছড়াটা বলিবার অভ্যুহাতে) “গৌ-গৌ-গৌ বলান হয় । কোন কোন মতে আবার গবালস্ত্যও বুঝায় । মধুপর্কে পশুবধ যখন নিষিদ্ধ হইল, তখনই এই অভিনব প্রথা প্রচলিত হইয়াছে । দক্ষযজ্ঞে সতীর দেহত্যাগের পর দ্বিতীয় বার হরগৌরীর বিবাহের সময় বোধ হয় পূর্বোক্ত আর্ষ বিবাহ প্রচলিত ছিল । কারণ আর্ষবিবাহে যে গরু (গাভী বা বৃষ) কণ্ঠায় পিতা পণ স্বরূপ গ্রহণ করিতেন, উহা আবার যৌতুক স্বরূপ জামাতাকে ফেরৎ দেওয়াও হইত । তাই বোধ হয় ‘ষাঁড়’ শিবের বাহন হইল । এক্ষণে পাঠক বোধ হয় বুঝিয়াছেন যে গৌর বচন কথাটা ভ্রম-প্রমাদ-পূর্ণ । উহা “গৌর্বচন” এইরূপ হইবে । অধুনা গরু বা গাভী কুত্রাপি বিবাহ সভায় দেখা যায় না, তবে অগ্নিহোত্রী স্বরূপ ছাঁকো কল্কে হাতে করিয়া নাপিত ঠাকুরকে প্রায়ই বিবাহের সঙ্গে চেতন পদার্থ অথচ জড়শ্ৰুতিস্তম্ভ স্বরূপ বিদ্যমান দেখা যায় ! এখন বলিতে পারি কি—

“এ দুঃখের কথা আমি কার কাছে কই ।

যার ধন তার ধন নয়, নেপো গারে দই ॥”

नापित-बामुन ।

महाभारते भरद्वाज मुनि, महर्षि ङुके जिज्ञासा करितेछेन—
“ब्राह्मणो केन भवति” इत्यादि—अर्थां किरूपे ब्राह्मण ह्य ? इहार
उत्तरे ङु कहिलेन—

जातकर्मादिभिर्वस्तु संस्कारैः संस्कृतं शुचिः ।

वेदाध्ययनं सम्पन्नं षट्सु कर्मसु बस्थितः ।

शौचाचारं स्थितः सम्यग ब्रह्मनिष्ठं गुरुप्रियः ।

नित्यं व्रतौ सत्यं परं सर्वैः ब्राह्मणो उच्यते ॥

अर्थां याहारा जात-कर्मादि संस्कारे संस्कृत, पवित्रं ओ वेदाध्ययने
अनुरक्तं हईया प्रतिदिनं सक्या बन्दन, स्नान, तपः, होम, देवपूजा ओ
अतिथि संस्कारं এই षट् कर्मैर अनुष्ठानं करेन, याहारा शौचाचारपरायण,
नित्यब्रह्मनिष्ठ, गुरुभक्त ओ सत्य-निरतं ताहाराई ब्राह्मण ।

महर्षि ङु ब्राह्मणत्वेर ये सकल उपादानं देखाईयाछेन तन्मध्ये
प्रथमेई जातकर्मादि अर्थां सृष्टिकागृहे जनना-शौच-नाश, चूडाकरणं ओ
उपनयनादि संस्कारं द्वारा शुचिं हईवारं व्यवस्था देखा याईतेछे । এই
सकल कार्या के वा काहारा करिबे ताहार कोन उल्लेख नाई, दशविध
संस्कारैर मध्ये जातकर्म, चूडाकरण (मोज्जीबन्धन), उपनयन (पैंताग्रहण)
ओ विवाहं এই कयटी प्रधान । এই कयटी संस्कारेई नापितेकर कार्या
अपरिहार्या अर्थां प्रथमे नापित द्वारा मुञ्जित ना हईले कोनरूपेई शुचिं
हईवार उपाय नाई । तुलसी, गङ्गाजल प्रभृति द्वारा ब्राह्मण ये कोन
अपवित्रके पवित्र करिते पावेल किन्तु नापितेकर कार्या नापितं भिन्न
कोन रूपेई समाधा करिते पावेल ना आर ई सकल संस्कार ना प्राप्त

হইলে সে যে জাতিই হউক শূদ্র থাকিবে । যোনিসম্বৃত মানব যাত্রাই প্রথমে শূদ্রাবস্থায় থাকে, কেননা ধর্মশাস্ত্র বলিতেছেন—

জন্মনা জায়তে শূদ্র সংস্কারাৎ দ্বিজো উচ্চতে ।

বেদপাঠে ভবেৎ বিপ্র ব্রহ্ম জানাতি ব্রাহ্মণঃ ॥

অস্যার্থ—মানব জন্ম দ্বারা শূদ্র ; জাতকর্ম, চূড়াকরণ উপনয়নাদি সংস্কার দ্বারা দ্বিজ, বেদ পাঠ করিলে বিপ্র, আর ব্রহ্মজ্ঞান দ্বারা ব্রাহ্মণ হইয়া থাকে ।

অতএব ব্রাহ্মণের ছেলে হইলেই ব্রাহ্মণ হয় না, এইজন্মই ভৃগু মহাশয় সর্বত্র জাতকর্মাদি সংস্কারের নাম করিতেছেন, পাঠক, এ বড় শক্ত কথা ; স্মৃতরাং হিন্দুশাস্ত্রের প্রবর্তক ভগবান মনুর মত এখানে উল্লেখ করা আবশ্যিক, কারণ অত্রের মত উড়াইয়া দিলেও মনুর মত খণ্ডিত হইবার নহে । শূদ্রের বেদাধিকার কেন উচ্ছেদ হইল তাহাও বোধ হয় বুঝিতে পারিবেন । (মনু—২য় অধ্যায় দেখুন)

বৈদিকৈঃ কর্মভিঃ পুণ্যানিষেকাদি দ্বিজন্মনাম্ ।

কার্য্যঃ শরীর সংস্কারঃ পাবনঃ প্রেত্য চেহচ ॥ ২৬

গার্ভে হোমৈর্জাতকর্মচৌড় মৌঞ্জী নিবন্ধনৈঃ ।

বৈজিকং গার্ভি কষ্টেনো দ্বিজানাং পমূজ্যতে ॥২৭

অস্মার্থ—বৈদিক পূণ্যকার্য্য দ্বারা দ্বিজাতিগণের শরীর সংস্কার করা কর্তব্য । এই সকল বৈদিক সংস্কার ইহকাল ও পরকালের পক্ষে পাবন স্বরূপ । ২৬ । (ন পাতং কৃতে ইতি নপাত মনে করুন)

গর্ভকালীন গর্ভাধানাদি যে যে হোম করা যায়, জাতকর্ম, চূড়াকরণ ও উপনয়নাদি সংস্কার দ্বারা দ্বিজাতিগণের বীজ পবিত্র ও গর্ভজাত জন্ম পাপ সমূহ ক্ষয় হইয়া থাকে । ২৭ ॥

পাঠক বোধহয় বুঝিয়াছেন যে উক্ত শ্লোক দ্বিজাতি শব্দের প্রয়োগে ব্রাহ্মণ, ক্ষত্রিয় ও বৈশ্য তিন বর্ণকেই বুঝাইতেছে । উপনয়ন সংস্কারের

পর, ক্ষত্রিয়, বৈশ্য যথাসাধ্য বিদ্যার্জন করত সংসারধর্ম অবলম্বন করিবেন আর ব্রাহ্মণসন্তান উপনয়নান্তে ব্রহ্মচর্য্য অবলম্বন পূর্ব্বক গুরুগৃহে অবস্থান এবং তথায় বেদাদি অধ্যয়ন পূর্ব্বক বিপ্রত্ব প্রাপ্ত হইবেন, তৎপরে ব্রহ্মজ্ঞান অবলম্বনপূর্ব্বক সংযম, আত্মশুদ্ধি ও তপস্যাদি দ্বারা সিদ্ধ হইলে ব্রাহ্মণ্য লাভ করেন এবং তখন ব্রাহ্মণ বলিয়া অভিহিত হইবেন ।

কোন সময়ে চূড়াকরণ ও উপনয়ন সংস্কার করা উচিত ? মনু বলিতেছেন—

চূড়াকর্ম্ম দ্বিজাতানীং সর্বেষামেব ধর্ম্মতঃ ।

প্রথমে অর্দ্ধে তৃতীয়ে বা কর্তব্যং শ্রুতি চোদনাৎ ॥ ৩৪ ॥

গর্ভাষ্টমে অর্দ্ধে কুর্বাণীত ব্রাহ্মণশ্রোপনয়নম্ ।

গর্ভাদেকাদশে রাজ্ঞো গর্ভাদ্বাদশেবিশঃ ॥ ৩৬ ॥

ব্রহ্মবর্চ সকামশ্চ কার্য্যং বিপ্রশ্চ পঞ্চমে ।

রাজ্ঞো বলার্থিনঃ ষষ্ঠে বৈশ্বশ্রেহার্থিনোহষ্টমে ॥ ৩৭ ॥

আ যোড়ষাদ্ভ্রাহ্মণশ্চ সাবিত্রী নাতি বর্ততে ।

অ!—দ্বাবিংশাৎ ক্ষত্রোবন্ধোয়্য চতুবিংশতেবিশঃ ॥ ৩৮

অত উর্দ্ধং এয়োহপ্যেতে যথাকালমসংস্কৃতাঃ ।

সাবিত্রী পতিতা ব্রাত্যা ভবন্তি—আর্য্যবিগর্হিতাঃ ॥ ৩৯

নৈ তৈর পূতৈ বিধি বদাপত্তপি হি কর্হিচিৎ ।

ব্রাহ্মণ যৌনাংশ্চ সম্বন্ধা নাচরেদ ব্রাহ্মণঃ সহ ॥ ৪০

অর্থ—

শ্রুতির বিধান মতে দ্বিজাতিগণের প্রথম বা তৃতীয় বর্ষে কুলধর্ম্ম অনুসারে চূড়াকরণ সংস্কার বিধেয় ॥ ৩৫

গর্ভ মাস ধরিয়া অষ্টম বর্ষে ব্রাহ্মণের, একাদশ বর্ষে ক্ষত্রিয়ের এবং দ্বাদশ বর্ষে বৈশ্যের উপনয়ন প্রাপ্ত ॥ ৩৬

প্রকৃষ্ট ব্রহ্মতেজঃকামী ব্রাহ্মণের, বলাৰ্ণী কত্রিয়ের এবং ধনকামী বৈশ্যের যথাক্রমে গর্ভ-পঞ্চম, গর্ভ-ষষ্ঠ, গর্ভ-অষ্টম বর্ষে স্ব স্ব বালকের উপনয়ন দেওয়া কর্তব্য ॥ ৩৭

ব্রাহ্মণের গর্ভ ষোড়শ বর্ষ পর্য্যন্ত, কত্রিয়ের গর্ভ দ্বাবিংশতি বর্ষ পর্য্যন্ত এবং বৈশ্যের গর্ভ চতুর্বিংশতি বর্ষ পর্য্যন্ত উপনয়ন কাল অতিক্রম হয় না । এই তিন বর্গ যদি এতাবৎ কাল পর্য্যন্ত সংস্কৃত অর্থাৎ সংস্কারপ্রাপ্ত না হয়, তবে উপনয়ন ভ্রষ্ট ও সাবিত্রীপতিত হইয়া সাধু সমাজে নিন্দনীয় হন এবং ইহাদিগকে “ব্রাত্য” বলা হয় ॥ ৩৯


এই সকল অকৃত-প্রায়শ্চিত্ত ব্রাত্যের সহিত ব্রাহ্মণগণ আপদ কালেও যাজনাধ্যাপনাদি বেদসম্বন্ধ অথবা কণ্ঠাদানাদি যোনি সম্বন্ধ রাখিবেন না ॥ ৪০


আচ্ছা পাঠক, এক্ষণে বলুন দেখি বাঁহারা আমাদের হিন্দু শাস্ত্রের প্রবর্তক তাঁহারা সকলেই ব্রাহ্মণ অথবা দ্বিজ বটে ত ! আর ঐ দ্বিজত্ব লাভ করিতে হইলেই জাত-কর্ম্ম, চূড়াকরণ ও উপনয়নাদি যথাকালে তাঁহাদিগকে সমাধা করিতে হইয়াছিল । কারণ ঐ সকল সংস্কার প্রাপ্ত না হইলে দ্বিজবরকে শূদ্র অথবা ব্রাত্য হইতে হয় । সুতরাং তাঁহার বেদাধিকার বা ব্রাহ্মণত্ব পাওয়া অসম্ভব । আবার জাতকর্ম্ম, চূড়াকরণ ও উপনয়ন নাপিত ভিন্ন কোনরূপেই সমাধা হয় না, তাহা পূর্বেই সপ্রমাণ করিয়াছি । তাহা হইলে নাপিতকে ব্রাহ্মণ সৃষ্টির পূর্বেই ক্ষুরহস্তে এ ভারতে আসিতে হইয়াছিল । আর নাপিতের যিনি আদি পুরুষ তাঁহাকেও প্রাপ্তবয়সে ব্রাহ্মণের বীজ পুরুষগণের জাতকর্ম্মাদি সংস্কার সমাধা করিতে হইয়াছিল ; একথা বোধ হয় সকলকেই মানিতে হইবে, অতথা ভগবান স্বায়ম্ভুব মনুর উক্ত বচনসমূহ বার্থ হইয়া পড়ে । আবার ইহাও প্রত্যক্ষ যে কক্ষী সৃষ্ট হইবার পূর্বেই

কর্মের সৃষ্টি হওয়া আবশ্যিক । তাহা না হইলে সে কর্মী আসিয়া করিবে কি ? একটা দৃষ্টান্ত দ্বারা বুঝিবার চেষ্টা করা যাউক, মনে করুন একটা নূতন রেলওয়ে স্টেশন খোলা হইল (অবশ্য Flag station) কর্তৃপক্ষ বড় জোর প্রথমে একজন স্টেশন মাস্টার, একজন Signal man ও একজন খালাসীর দ্বারা ঐ স্টেশনের কার্য আরম্ভ করিলেন, পরে যেমন যাত্রী ও মালপত্র বাড়িতে লাগিল ক্রমশঃ আসিষ্ট্যান্ট স্টেশন মাস্টার, তারবার, মালবার, টিকেটবার ইত্যাদিও আবশ্যিক হইল । (এইরূপে Post create হইল) কিন্তু যাহারা ঐ স্টেশন তৈয়ারি করতঃ উহার কার্য নির্বাহের জন্য ঐ সকল স্টেশন মাস্টারদি বাবুকে পাঠাইলেন, তাহারা ত ঐ স্টেশন সৃষ্টির পূর্বেই জন্মিয়াছিলেন, নৈলে স্টেশন ও তাহার কার্যাদির বিধি-ব্যবস্থা হইল কিরূপে ? আবার ঐ সকল কর্মচারীদিগের মধ্যে যাহার যখন আবশ্যিক হইয়াছিল, তাহাকে সেই সময়েই পাঠান হইয়াছিল, অর্থাৎ যখন টিকেট বিক্রয়ের সময় হইল, তখন বুকিংক্লার্ক আসিলেন, যখন মাল পত্র বুক করিবার দরকার হইল, তখন গুডসক্লার্ক আসিলেন, যখন বৈদ্যাতিক তারের কার্যারম্ভ হইল, তখন তারবার আসিলেন, কিন্তু এই সকল ভিন্ন ভিন্ন কার্যও যতদিন একজনের সাধ্যায়ত্ত থাকে, ততদিন এক স্টেশন মাস্টারই সমস্ত নির্বাহ করিয়া থাকেন ।

এই মানব সৃষ্টির ব্যাপারেও ঠিক ঐরূপই হইয়াছিল । শাস্ত্রানুসারে ব্রাহ্মণ যখন সর্বজাতির অগ্রে সৃষ্ট হইলেন, আর নাপিত না হইলেও ব্রাহ্মণত্ব অসম্ভব, কারণ জাত-মাত্রই নাপিতের আবশ্যিক, তখন নাপিতও ব্রাহ্মণেরই অব্যবহিত-পূর্বে সৃষ্ট হইয়াছিল । যদি তাহা না হইয়া থাকে, তবে কতক গুলা মানব, সৃষ্টির প্রথমে অসংস্কৃত অবস্থায় থাকিয়া নাপিতের কার্য অবলম্বন করিয়াছিল, এবং তাহাদের পরবর্তী মানবের জাত-কর্মাদি সংস্কার করিয়া তাহাদের ব্রাহ্মণত্ব পাইবার উপায় করিয়া দিয়াছিল ।

অথবা প্রয়োজন বোধে একজন লোককে ভগবান সর্বাগ্রেই নাপিতের
বীজ পুরুষরূপে পাঠাইয়াছিলেন । তিনিই বয়োপ্রাপ্ত হইলে ব্রাহ্মণ সৃষ্টির
শুরু হইয়াছিল । পাঠকের বোধ হয় ধৈর্য্য-চ্যুতি হইয়াছে, সুতরাং
এইবার আমার উদ্দেশ্য প্রকাশ করি—শাস্ত্রে মানব সৃষ্টি বিষয়ে এইরূপ
বিধান আছে যে ব্রহ্মা, প্রজাপতি প্রভৃতি কয়েকজন ঋষিকে সৃষ্টি
করিয়া তাঁহাদিগের দ্বারা অপরাপর মানবের সৃষ্টি সাধন করিয়াছিলেন—
(এই পুস্তকের ১৩।১৪ পৃষ্ঠা দেখুন) । মানব সৃষ্টি বিষয়ে এই মতই বোধহয়
সর্ববাদী-সম্মত । ব্রহ্মার মুখ, বাহু, উরু ও পাদ হইতে ৪ রকনের মানব
জন্মিয়াছিল, ইহা কল্পনা মাত্র । তবে প্রথমে দেবতা, পরে ব্রাহ্মণ পরে
ক্রমশঃ ব্রাহ্মণেরাই অপরাপর জাতির নিদান ইহা স্বীকার করিতে হইবে ।
নচেৎ পাশ্চাত্য পণ্ডিতগণের মত (Darwin theory) আমাদিগকেও
মানিতে হয় । এইখানে একটী বংশাবলীর চিত্র দিলে বোধ হয় ব্যাপারটী
পরিষ্কাররূপে বুঝা যাইবে ।





উপরে যে দশজন ঋষির নাম দেখিতেছেন, ইঁহারা ব্রহ্মার মানস পুত্র এবং প্রজাপতি বা আদিম ঋষি বলিয়া খ্যাত । এই প্রজাপতিগণ হইতে সপ্ত মনুর উৎপত্তি হয় । প্রজাপতিগণ ও মনুবর্গ প্রজাসৃষ্টির নিমিত্ত ব্রহ্মার মানস অনুসারে স্বায়ত্ত্ব মনুর নিকট পুত্রত্ব স্বীকার করেন । ঐ সকল ঋষি এবং মনু হইতে প্রাণীর উৎপত্তি হইয়াছে, এজন্য ঋষিগণ জগতের পিতৃপর্য্যায় এবং ব্রহ্মার সহিত পিতামহ সম্বন্ধ । প্রজাপতিকে মানব সাধারণের পিতা আর ব্রহ্মাকে পিতামহ বা ঠাকুরদাদা বলে । এক্ষণে দেখুন ঐ সকল ঋষিই লোক সমূহের বীজপুরুষ কি না । সপ্তম স্থানে যে বশিষ্ঠ ঋষিকে দেখিতেছেন উনিই সুদূর ভবিষ্যতে কুরু পাণ্ডবের সৃষ্টি করিবেন । কারণ বশিষ্ঠের পুত্র শঙ্কু, শঙ্কুপুত্র পরাশর, পরাশরের পুত্র ব্যাসদেব, ব্যাসদেবের ঔরসেই নিয়োগবিধিতে ধৃতরাষ্ট্র পাণ্ডু ও বিদুরের জন্ম হয় । তন্মধ্যে ধৃতরাষ্ট্রের দুর্ঘ্যোধন, দুঃশাসনাদি এক শত পুত্র আর পাণ্ডুর যুধিষ্ঠির ভীমার্জুন নকুল সহদেব এবং ধর্ম্মপ্রাণ বিদুরেরও অনেকগুলি সন্তান হয় । কুরুক্ষেত্র যুদ্ধে কুরুপাণ্ডব ও বিদুরের বংশ নিস্মূল হইয়াছিল, এরূপ কোন প্রমাণ নাই । অর্জুনের পুত্র অভিমন্যু, অভিমন্যুর পুত্র

পরীক্ষিত, পরীক্ষিতের জন্মেজয়—এই পর্য্যন্ত সকলেই জানেন কিন্তু জুর্যোধনের অপরাপর ভ্রাতার বিশেষতঃ বিদুরের সম্মানগণের কি হইল তাহার প্রকৃষ্ট প্রমাণ নাই। কে বলিবে যে কুরু পাণ্ডবের বংশধরগণের মধ্যে ভারতবর্ষে কেহ অদ্যাপি বর্তমান নাই! বেশ বুঝা গেল যে ঐ দশজন ঋষি এবং সপ্তমতুর সম্মানসম্বন্ধিত্তে এই পৃথিবী জুড়িয়া গিয়াছে। যেমন ক্ষুদ্র একটি সুপারি পরিমাণ ফলের মধ্যে শাখা-প্রশাখাদি বৃক্ষ প্রকাণ্ড অশ্বথ বৃক্ষের বীজ সঞ্চিত থাকে, সেইরূপ ঐ দশজন ঋষি ও সপ্তমতুর সম্মানই কালে এই বৃহৎ মনুষ্য সমাজ সৃষ্টি করিয়াছে। দেব, দৈত্য, যক্ষ রক্ষদিও উহাদেরই বংশধর। যাহাহউক নাপিত তাহা হইলে কোন্ তারিখে জন্মিল! নিশ্চয়ই ঐ সকল ঋষির গুরসে যাহারা জন্মিয়াছিলেন তাঁহাদের পূর্বেই নাপিতকে জন্মিতে হইয়াছিল! নচেৎ তাঁহারা জাতকর্মাদি সংস্কার পাইলেন কাহা দ্বারা? পাঠক এইবার ব্রহ্মা নামা ঋষিক ও নাপিতের গোর্বচনে “যাবচ্চন্দ্র দিবাকর, নাপিত বায়ুন একেশ্বর” স্মরণ করুন আর ঐযে Flag stationএর দৃষ্টান্ত দিয়াছি মিলাইয়া লউন—

নবম স্থানে যে ভৃগু মহর্ষির নাম দেখিতেছেন, উনিই বলিয়াছেন যে ব্রাহ্মণ হইতে হইলে প্রথমে জাতকর্মাদি সংস্কার হওয়া আবশ্যিক। এই ভৃগু মহাশয় আবার মনুর আজ্ঞাতে মনুসংহিতা প্রনয়ন করিয়া আমাদেরকে বাধিত করিয়া গিয়াছেন। সুতরাং উক্ত ঋষির বচন ও তদনুযায়ী অনুষ্ঠান গুলি ব্রাহ্মণকে অসংকোচে অগ্নান-হৃদয়ে মানিতেই হইবে। তাহা হইলেই নাপিতকেও চূড়াকরণ উপনয়নাদি বৈদিক অনুষ্ঠানের পূর্বেই জন্মিতে হইয়াছিল, ইহাও স্বীকার করিতে হইবে। কেহ যদি প্রশ্ন করেন যে ঐ কয়জন ঋষি এবং সপ্তমতুর জাতকর্মাদি সংস্কার করিল কে? উত্তর, উহাদের সংস্কার দরকার হয় নাই, কারণ উহারা ব্রহ্মার অর্থাৎ সৃষ্টি-কর্তার মানসে উৎপন্ন, ঘোনি-সিদ্ধ হইল। সুতরাং যাহারাই মানস-পুত্র রূপে

জন্মিয়াছেন, তাঁহাদের জাত কৰ্ম্মাদি সংস্কার না হইলেও কোন দোষ হয় না। সংস্কারের উদ্দেশ্য কি ? ওজঃবীর্যের দোষ ও গৰ্ভজাত জন্ম পাপ সমূহের ক্ষয় করিবার জন্মই সংস্কার আবশ্যক (১৩০ পৃষ্ঠা ২৭ শ্লোক দেখুন)। তাহা হইলে নাপিত কি ব্রাহ্মণের অগ্রে জন্মিয়াছিল ? নিরুপেক্ষভাবে বিচার করিলে তাহাই হইবে, কেননা এদিকেও “নাপিত-বামুন” ! “বামুন-নাপিত” বলিতে কেহ শুনিয়াছেন কি ? কোন “একঘ’রে”লোককে জাতি তুলিবার সময় অথবা কোন বৈদিক ক্রিয়াকলাপের সময়, “নাপিত-বামুন ঠিক হয়েছে কি ?”—এই কথাটী অনায়াসলব্ধভাবে আজিও জিহ্বাষন্ত্রে উচ্চারিত হয় । পক্ষান্তরে ‘নাপিত-বামুন’ একটী সমস্ত পদও হইতে পারে, যেমন “রামেশ্বর” অর্থাৎ যিনি রাম তিনিই ঈশ্বর, তেমনি যিনি নাপিত তিনিই ব্রাহ্মণ, কারণ ষট্‌কৰ্ম্মান্বিত ব্রাহ্মণকে আবার “অগ্রজন্মা” বলা হইয়া থাকে । ব্রাহ্মণের জন্ম অগ্ৰাণু বর্ণের অগ্রে হইয়াছিল বলিয়া ব্রাহ্মণের একটী নাম ‘অগ্রজন্মা’ কিন্তু আমরা পূর্বেই দেখিয়াছি যে নাপিত ব্রাহ্মণের পূর্বে না জন্মিলে ব্রাহ্মণত্বের পথে অনেক ব্যাঘাত পড়ে,—হইতেই পারে না! সুতরাং প্রকৃতপ্রস্তাবে নাপিতই “~~অগ্রজন্মনঃ~~!”

সর্বনাশ কি করিলাম ! বামন হয়ে চাঁদে হাত !!

পঙ্গু হ’য়ে সাধ করে, গিরি লজ্জ্ববারে !!! পাঠক, যদি সত্যের অপলাপ না করিতে হয়, যদি জগতে নিরুপেক্ষ সমালোচক কেহ থাকেন যদি কলির তমঃ এক মুহূর্ত্তের জন্ম অবসর দেয়, তাহা হইলে আশাকরি আমার যুক্তি ও উক্তি অসঙ্গত বলিয়া কেহ প্রতিবাদ করিবেন না। কলিযুগ ধর্ম্মের প্রবর্ত্তক মহামুনি পরাশর নাকি বলিয়াছেন—

শূদ্র কণ্ঠা সমুৎ পন্নো ব্রাহ্মনেন তু সংস্কৃতঃ ।

সংস্কৃতস্ত ভবেদাসো অসংস্কারে তু নাপিতঃ ॥

বিবাহিত শূদ্র কণ্ঠাতে ব্রাহ্মণ দ্বারা যে সন্তান উৎপন্ন হয় সেই সন্তান

জাত কৰ্ম্মাদি সংস্কার না পাইলে “নাপিত,” আর সংস্কার পাইলে “দাস” হয়। পরাশরের এই বচনে এক অতি গূঢ় রহস্য আছে, এই শ্লোক অবলম্বন করিয়াই আমি নাপিতের জন্ম বিষয়ে আলোচনা করিতে এতদূর অগ্রসর হইতে পারিয়াছি। ব্রাহ্মণ সন্তান সংস্কার না পাইলে নাপিত হইল, ইনিই নাপিতের বীজ পুরুষ ! কিন্তু সেই বীজ-পুরুষের সংস্কার হওয়া যে অসম্ভব, তাহা প্রভু প্রকাশ করিলেন না ! কারণ নাপিত না জন্মিলে জাতকৰ্ম্মাদি সংস্কার হয় না সুতরাং উক্ত বীজ পুরুষেরও সংস্কার হইল না। আবার ঐরূপে ব্রাহ্মণ ক্ষত্রিয় ও বৈশ্যের সংস্কারও হইতে পারে না ; তাহা হইলেই নাপিতকে সৃষ্টির গোড়াতে পত্তন করিতে হইল ! পক্ষান্তরে একই ক্ষেত্রে অপর সন্তানটার সংস্কার হইলেও তিনি “দাস” হইলেন ! বা ! বাহবা শাস্ত্রকার !! কেহ হয়ত বলিবেন যে দাসের সংস্কার বলিলে চূড়াকরণ ও উপনয়ন বাতীত মাত্র জাত-কৰ্ম্ম ও বিবাহাদি বুঝাইবে। আমি বলি “আত্মা বৈজায়তে নরঃ”-অসবর্ণ-বিবাহ যখন প্রচলিত ছিল, আর মনুর বিবাহবিধিমতেই শূদ্রাকে বিবাহ করিয়া ব্রাহ্মণ তাহাতে যখন সন্তান উৎপাদন করিলেন, তখন সেও ত ব্রাহ্মণ হইবে। সেই শূদ্রা পত্নীকে বিবাহ করিয়া অবশ্য তাঁহাকে মাঠে ছাড়িয়া দেওয়া হইয়াছিল না। তাঁহা দ্বারা অন্ন ব্যঞ্জনাদি তৈয়ারি করিয়া যথাকালে উদরসাৎ করত স্বামী-স্ত্রীরূপে গার্হস্থ্য জীবন যাপন করা হইয়াছিল। “আত্মাই যদি পুত্ররূপে স্ত্রীরগর্ভে জন্মগ্রহণ করে” তবে তো সে সন্তান ব্রাহ্মণ হইবেই, তাঁহার সংস্কার হইবে না কেন ? সেও ত অনুলোমজ সন্তান ! প্রত্যুতঃ নাপিত না জন্মিলে হিন্দুত্বের উপকরণ গুলিরই অভাব হইয়া পড়ে। স্বার্ত্তপ্রবর রঘুনন্দনের শুদ্ধিত্বের গোড়াতেই রহিয়াছে—“অশোচান্তু দিনে কৃত্যং জননেহপিচ মুণ্ডনং” ব্রাহ্মণাদি বর্ণের যে সকল অশোচ বিধি আছে অর্থাৎ পিতা মাতা মরিলে বা মপিণ্ডের

সন্তানাदि जन्मिने ब्राह्मण दश दिन, ऋत्रिय १३ दिन वैश्व १५ दिन एवं
शूद्रके ३० दिन अशौच पालन करिष्या मस्तकादि मुञ्चन करिते हईवे ।
(के करिबे ताहा रघुनन्दनओ बलेन नाई ।)

आवार मनु बलितेछेन ये—

हीनक्रियं निष्पुरुषं निश्चन्दो रोमशाशाम् ।

ऋयामर्शाप्य पश्चरि श्वित्रि कुष्ठिकुलानिच ॥

अर्थात् हीनक्रिय (जात कर्मादि संस्कार क्रिया रहित) निष्पुरुष
अर्थात् वे कृले पुरुष जन्माय ना, केवल कथांमात्र प्रसृत हय ; निश्चन्द
अर्थात् वेदाधायन रहित, रोमश अर्थात् बहु लोमयुक्त, अर्श,
राजयक्षा, मृगी, धवल ओ कुष्ठरोगग्रस्त वंशेर कथा विवाह करिबे ना ।

अर्थात् विवाह करिबार समय अग्रे ब्राह्मणके देखिते हईवे ये
पात्रीटिर पितृकुल षथाविधाने नापितद्वारा संस्कृत ओ अशौचादि नाश
पूर्वक शुद्धीकृत किना । पाठक बोध हय जानेन ये सकल वर्णेर गुरु
ब्राह्मण किन्तु ब्राह्मणेर गुरु के ? “ब्राह्मणश्च ब्राह्मण गुरु,” ताहा हईले
ब्राह्मणेर अशौच नाशेर बेलाओ ब्राह्मणेर आवश्यक । अपेक्षाकृत
निर्गुण, हीनवीर्या वा आचार-विहीनेर द्वारा कि ब्राह्मणेर अशौच नाश
सम्भव ? शुद्धि, शोधन करिबार शक्ति ना थाकिले कि नापितके अशौच
नाशेर निदान मने करा यय वा ताहाके “स्पर्शमनि” बला यय ?
सकलेई जानेन—

“प्रयागे मुड़ाये माथा

म'रगे पापि षथा तथा”

प्रयागतীर्थ सर्वपापनाशकरी एवं हिन्दु तीर्थ-क्षेत्र-मध्ये श्रेष्ठ ; किन्तु
सेখানেओ नापित भिन्न पाप नाश हईवार उपाय नाई, कारण नापित भिन्न
मुञ्चन करिबे के ? फलतः संस्कारादि व्यापारे ओ अशौचनाश पक्षे

নাপিতাই হিন্দু সমাজের প্রধান সহায় । কিন্তু তাহা হইলেও তো বড় কঠিন সমস্যায় পড়া গেল ; শুধু যুক্তিবলে আর কতই বা বলিব আর লোকেই বা মানিবে কেন ? দেখা যাউক ব্রাহ্মণ স্বহস্তে এখনও নাপিতের কার্য্য করেন কিনা এবং ২১টা নমুনা নাপিত-বামুন এই পৃথিবীতে আছে কি না ?

১৩১৯ সালের বটকৃষ্ণ পালের পাজীতে “চূড়াকরণের” উপকরণ লিখিতে নাপিতকেও একটা উপকরণ অর্থাৎ অচেতন পদার্থ স্বরূপ ধরা হইয়াছে । ব্যবস্থাটা দেখিয়া বড়ই বাধিত হইলাম । নাপিতকেও যে পূজার দ্রব্য সম্ভার মধ্যে গণ্য করা হইয়াছে, সেটা নাপিতের কতকটা সৌভাগ্য বটে । এক্ষণে এই চূড়াকরণ ব্যাপারটা কি সকলে স্বচক্ষে দেখুন এবং নাপিত কে তাহা বিচার করুন ।

পুরোহিত দর্পণোক্ত ব্যবস্থা

(গোভিল-গৃহসূত্রানুযায়ী ।)

সামবেদীয় চূড়াকরণ—পিতা অগ্নির দক্ষিণেস্থিত ক্ষুরপাণি নাপিতকে দেখিয়া পরবর্ত্তি মন্ত্র পাড়বেন—প্রজাপতিঋষিঃ সবিভা দেবতা চূড়াকরণে বিনিয়োগঃ । “ওঁ অন্নমাগাৎ সবিভা ক্ষুরেন ।” পরে কাংশপাত্ৰস্থিত গরমজল দেখিয়া পরের মন্ত্র পাড়বে,—প্রজাপতিঋষি বায়ুর্দেবতা চূড়াকরণে বিনিয়োগঃ । ওঁ উষোন বায়ুউদকে- নৈষি । এই সময় বাম হস্ত দ্বারা পুত্রের দক্ষিণ কর্ণের কিঞ্চিৎ উপরিভাগের কেশ লইয়া দক্ষিণ হস্তদ্বারা পূর্বস্থাপিত কিঞ্চিৎ উষোদক লইয়া এই জলে ঐ কেশ ভিজাইয়া দিবে, মন্ত্র—“প্রজাপতিঋষি রাপো-দেবতা চূড়া করণে বিনিয়োগঃ । ওঁ আপ উদন্তজীবসে ।”

অনন্তর ক্ষুর দেখিয়া পরবর্ত্তী মন্ত্রে—

“প্রজাপতি ঋষি বিষ্ণুর্দেবতা চূড়াকরণে বিনিয়োগঃ । ওঁ বিষ্টোর্দ্বিষ্টোহসি” বলিবেন । পরে পূর্ব প্রতিষ্ঠিত দর্ভপিঞ্জলীর একটি লইয়া দক্ষিণ কর্ণের উপরিভাগের আত্রকোণে উর্দ্ধমূল করিয়া বন্ধন করিবে, মন্ত্র যথা—“প্রজাপতি ঋষিরোষধির্দেবতা চূড়াকরণে বিনিয়োগঃ । ওঁ ওষধে ত্রায়-শ্চৈনঃ” । পরে বাম হস্ত দ্বারা গৃহীত দর্ভপিঞ্জলী সহিত কর্ণের উপরিভাগে দক্ষিণ হস্তস্থিত ক্ষুর দ্বারা নিম্নলিখিত মন্ত্রে স্পর্শ করিবে ; মন্ত্র যথা—“প্রজাপতি-ঋষি স্বধিতির্দেবতা চূড়াকরণে বিনিয়োগঃ । ওঁ স্বধিতেমৈনঃ হিংসীঃ” । আবার ঐ স্থানের কেশ পূর্ববৎ মন্ত্রদ্বারা স্পর্শ করিয়া এই মন্ত্র পড়িবে ;—“প্রজাপতিঋষি পুষাদেবতা চূড়াকরণে বিনিয়োগঃ—ওঁ যেন পুষা বৃহস্পতে-র্কায়োরিন্দ্রশ্চ চাবপৎ তেন তে বপামি ব্রহ্মণা জীবাতবে জীবনায় দীর্ঘায়ুর্দায় বলায় বর্চসে !” পরে ঐ ক্ষুর দুই বার নাড়িয়া দক্ষিণ কর্ণের উপরি-ভাগের চুল কর্তন করিয়া বৃষ-গোময় পাত্রে দর্ভপিঞ্জলী সহিত রাখিবে । পরে সস্তানের মস্তকের পশ্চাদ্ভাগে নিম্ন স্থানের কেশ উষ্ণজল দ্বারা ধৌত করিয়া ক্ষুর দর্শন ও দর্ভপিঞ্জলী সংযোগ প্রভৃতি মন্ত্র পড়িয়া করিতে হইবে । ঐরূপ বামকর্ণের উর্দ্ধ স্থানের কেশো-উষ্ণজল ব্রহ্মণ প্রভৃতি কার্য্য মন্ত্রপাঠ পূর্বক পূর্ববৎ করিতে হইবে । পরে পিতা উভয় করতল দ্বারা কুমারের মস্তক আবৃত করিয়া এই মন্ত্র পড়িবেন—

“প্রজাপতিঋষি রুষ্ণিকছন্দো যমদগ্নিকশ্চাপাগস্ত্যাদয়ো দেবতাশ্চূড়া-করণে বিনিয়োগঃ । ওঁ জমদগ্নে ত্র্যায়ুষং, অগস্ত্যশ্চ ত্র্যায়ুষং ষদেবানাং ত্র্যায়ুষং । তন্ত্বেহস্ত ত্র্যায়ুষং” । তৎপরে বস্ত্রাদি ভূষিত নাপিত পূর্ব বা উত্তরাশ্চ কুমারের মস্তক মুণ্ডন ও কর্ণবেধ করিবে । সকল কেশ বাঁশবনে বা অরণ্যে বা মৃত্তিকা গর্ভে নিক্ষেপ করিবে । পরে পিতা ব্যস্তসমস্ত-মহাব্যাহতি হোম করিয়া অগ্নিতে সমিধপ্রক্ষেপ পূর্বক উদ্দীচ্য কশ্ম করিবেন ।

প্রাচ্যবিদ্যা মহার্ণবও বলিতেছেন—

“চূড়াকরণ—(ক্রী) চূড়াকরণং ৬ তৎ । ১০ দশবিধ সংস্কারের অন্তর্গত ১টা সংস্কার, গর্ভাধান প্রভৃতি সংস্কারের স্তায় এই সংস্কারটাও হিন্দু-গণের বিশেষ আদরণীয় ও অবশ্যকর্তব্য । “মুহূর্ত্ত চিন্তামণি”র মতে গর্ভাধান বা জন্মদিন হইতে তৃতীয়, পঞ্চম বা সপ্তম বর্ষে চূড়াকরণ করিবে । কিন্তু মনুর মতে প্রথম বর্ষেও চূড়ার বিধান আছে, “পীষুধারার” মতে গৃহস্থত্রে যাহার যে বিধান আছে, তাহার তদনুসারেই চূড়াকরণ করা উচিত । অনেক স্থানে উপনয়নের সহিতই এই সংস্কারটা হয় ; আবার কোনও স্থলে পৃথকরূপে প্রচলিত আছে । বিবাহাদির স্তায় চূড়াকরণও বেদভেদে ভিন্ন ভিন্ন হইয়া থাকে ।”

“ভবদেব ভট্টকৃত “দশকর্ম্ম-পদ্ধতি”তে সামবেদীয় চূড়াকরণ এই প্রকার লিখিত আছে ।--যে দিন চূড়াকরণ হইবে, সেই দিন প্রাতে বালকের পিতা যথানিয়মে প্রাতঃস্নান ও বৃদ্ধিশ্রদ্ধ করিবে । তৎপরে কুশাণ্ডিকার নিয়মানুসারে বিরূপাক্ষ-জপান্ত কুশাণ্ডিকা করিবে । ইহাতেও সন্ধ্যা নামক অগ্নি স্থাপন করিতে হয়, তৎপরে একবিংশতিদর্ভ পিঞ্জুলি অর্থাৎ প্রত্যেক ভাগে ৭টা অপর ১টা কুশপাত্রে বেষ্টন করিবে । উষ্ণজল পরিপূর্ণ কাংশ্যপাত্র, তামার ক্ষুর, তাহার অভাবে দর্পণ আনিয়া রাখিতে হয় এবং নাপিতকে লৌহক্ষুর হাতে করিয়া রাখিতে হইবে । অগ্নির উত্তর দিকে বৃষগোময়, তিল, তণ্ডুল ও মাষযোগে পক্ককুশর (খিছুড়ী), অগ্নির পূর্বদিকে ধান, যব, তিল ও মাষ এই সকল দ্রব্য পরিপূর্ণ তিনটা পাত্র রাখিবে, ইহার পরে বালকের গর্ভধারিণী একখানি পরিষ্কার বস্ত্রে আচ্ছাদিত বালককে ক্রোড়ে লইয়া অগ্নির পশ্চিমে স্বামীর বাম পার্শ্বে উত্তরাগ্র কুশার উপরে পূর্বমুখী হইয়া উপবেশন করিবে । ইহার পরে বালকের পিতা প্রাদেশ পরিমিত ১টা সমিধ ঘৃত মাথাইয়া অমল্লক অগ্নিতে নিক্ষেপ করিবে । তৎপরে

কুশলিকার নিয়মানুসারে ব্যস্তসমস্ত মহাব্যাহতি করিতে হয়। বালকের পিতা উঠিয়া পূর্বমুখী হইয়া পশ্চিম দিকে অবস্থিত নাপিতের প্রতি দৃষ্টি নিষ্ফেপ পূর্বক তাহাকে সূর্যের ন্যায় ভাবিয়া “প্রজাপতি ঋষিসবিতা দেবতা চূড়াকরণে বিনিয়োগঃ। ওম্ আয়মগাৎ সবিতা ক্ষুরেণ—এই মন্ত্রটী ও উষ্ণজলপূর্ণ কাংশ্য-পাত্রে দৃষ্টি নিষ্ফেপ এবং মনে মনে বায়ুকে চিন্তা করিয়া “প্রজাপতিঋষি বায়ুদেবতা চূড়াকরণে বিনিয়োগঃ। ওঁ উষ্ণেন বায় উদকে নৈধি”—এই মন্ত্রটী জপ করিবে। ইহার পরে পূর্বস্থাপিত কাংশ্যপাত্র হইতে কিঞ্চিৎ উষ্ণজল ডান হাতে লইয়া বালকের ডান দিকের কপুষ্কিকা ভিজাইয়া দিবে। (শিখা স্থানের নীচে ও কর্ণের নিকটবর্তী উচ্চস্থানকে কপুষ্কিকা বলে) মন্ত্র যথা—“প্রজাপতিঋষি রাপো দেবতা চূড়াকরণে বিনিয়োগঃ। ওঁ আপ উদন্তু জীবসে।” অনন্তর তাম্রক্ষুর বা দর্পণ অবলোকন করিয়া “প্রজাপতিঋষি বিষ্ণুদেবতা চূড়াকরণে বিনিয়োগঃ। ওঁ বিষ্ণো দংষ্টোহসি।” এই মন্ত্রে পাঠ করিবে। ইহার পরে কুশবেষ্টিত সেই দর্ভ পিঞ্জলটী লইয়া “প্রজাপতিঋষি রোষধিদেবতা চূড়াকরণে বিদ্যোগঃ। ওঁ স্বধিতে মৈনং হিংসী।” এই মন্ত্র উচ্চারণে তথায় সংযোজিত করিতে হয়। ইহার পরে সেই স্থানে তাম্রক্ষুর বা দর্পণ স্পর্শ করাইয়া “প্রজাপতিঋষিঃ পুষাদেবতা চূড়াকরণে বিনিয়োগঃ। ওঁ যেন পুষা বৃহস্পতে বায়োরিন্দস্য চাবপত্তেন তে ব্রহ্মণা জীবাতবে ব্রহ্মানি দীর্ঘায়ুষ্ঠায় জীবনায় বলায় বর্চসে’—এই মন্ত্র পড়িয়া একরূপ ভাবে চালনা করিবে যেন একটীও কেশ ছিন্ন না হয়। ইহা ছাড়া বিনা মন্ত্রেও দুইবার চালনা করিতে হয়। ইহার পরে লৌহক্ষুর দ্বারা সেই কপুষ্কিক দেশের কেশ ছেদন করিয়া বালকের কোন মিত্র ব্যক্তির হস্তস্থিত সেই বৃষগোময় পূর্ণ পাত্রের উপরে দর্ভ পিঞ্জলীর সহিত কেশগুলি রাখিয়া দিবে। তৎপরে কপুচ্ছল দেশের কেশ ছেদন করিতে হয়। (মাথার পিছন

শিখাস্থানের নীচ ও নাপিতের ক্রোড়াভিমুখ উচ্চস্থান “কপুচ্ছল” শব্দে
বুঝিতে হইবে) ।” (বিশ্বকোষ—“চূড়াকরণ” দ্রষ্টব্য)

পাঠকের সন্দেহটা বোধ হয় অনেক পরিমাণে অপসারিত হইয়াছে ।
কারণ বেদজ্ঞ ব্রাহ্মণকে স্বহস্তে আধুনিক নাপিতের গ্রাস বালকের
কেশ জল দ্বারা সিক্ত ও সজ্জিত করিয়া যথাকালে মৃগুন করিতে দেখিয়া-
ছেন আর নাপিত মহাশয়কে সবিতা অর্থাৎ সূর্য্যদেবের প্রতিনিধি স্বরূপ
মনে করিয়া ব্রাহ্মণ ধ্যান করিলেন তাহাও দেখিয়াছেন । নাপিতের বেশ
ভূষা আবার কিরূপ না “**শাল্যাদ্যালঙ্কৃতঃ নাপিতঃ**” ইতি (ভবদেব
পদ্ধতি) স্মৃতরাং জীবন্ত দেবতা বলিলেও বোধ হয় অত্যাঙ্কি হয় না ।

হায় রে ! যে যজ্ঞস্থানে শূদ্রগণের আদৌ প্রবেশাধিকার নাই, এমন
কি দূর হইতে বেদ-মন্ত্র-উচ্চারণও শুনিবার অধিকার নাই, সেই যজ্ঞের
পুরোভাগে নাপিত পুষ্পমালাদি ভূষিত হইয়া বিরাজিত, ও দ্বিজাদি দ্বারা
ধ্যাত ! কিন্তু সাধারণ্যে শূদ্র বলিয়া পরিচিত !! তাই আবার বলিতে
হয় নাকি—

“এ দুঃখের কথা আমি কার কাছে কই ।

যার ধন তার ধন নয় নেপো মারে দই ॥”

পাঠক বোধ হয় অবগত আছেন যে রঘুনন্দনের স্মৃতি আর ভবদেব
ভট্টের বিধি এই দুইটাই আধুনিক হিন্দুত্বের ভিত্তি । ইঁহারা উভয়ে
নাপিত সম্বন্ধে যতটুকু বলিয়া গিয়াছেন তাহা যথাস্থানে সন্নিবিষ্ট হইল ।
কালে হয়ত ঐ সকল নক্ষীরও লোপ পাইবে । কারণ নাপিত জাতি
অনুস্মর বিসর্গের মর্শ্ব বুঝিতে শিখিয়াছে দেখিলে, হয়ত প্রভুরা ঐ নিদর্শন
গুলিও বিলুপ্ত করিবার চেষ্টা করিবেন । যাহা হউক ভবদেব ভট্ট চূড়াকরণে
নাপিতের স্থান ও সাজসজ্জা যেরূপ বর্ণনা করিয়াছেন, তাহাতে বুঝিবার
ও শিখিবার অনেক আছে ; কোন পুস্তকে “**পুষ্পাদ্যালঙ্কৃতঃ নাপিতঃ**”

আবার কোন পুস্তকে “মালাদ্যলকৃতঃ নাপিতঃ”—এইরূপ বলিয়াছেন ।
পুষ্পাদি বলাতে পুষ্পের মালা, চন্দন ও নববস্ত্রে শোভিত এইরূপই
বুঝাইতেছে, আর চূড়াকরণে সত্যনামক অগ্নিস্থাপন করতঃ যজ্ঞীয় অনুষ্ঠানই
করা হয়—সুতরাং ভাগ্যাধীন অর্কাচীন নাপিতকে যজ্ঞস্থানে শূদ্রজ্ঞানে
এবেশে দাঁড়াইতে দেওয়া হয় কি ? আচ্ছা মালা-চন্দন পায় কে দেখা
যাউক । ব্যাসদেব বলিতেছেন—

সংপূজ্য গন্ধপুষ্পাদৈ্য ব্রাহ্মণাম্ স্বস্তি বাচয়েৎ ।

ধর্ম্যে কর্ম্মনি মাঙ্গল্যে সংগ্রামাদ্ভুত দর্শনে ॥

ধর্ম্য কর্ম্মে, মাঙ্গল্য কর্ম্মে, যুদ্ধে এবং অদ্ভুত দর্শনে হইলে ব্রাহ্মণদিগকে
গন্ধ পুষ্পদ্বারা পূজা করিয়া স্বস্তি বাচন করিবে ।

আবার বিষ্ণুধর্ম্মোক্তরে আছে—

মালাগুলেপনাদগ্রং ন প্রদদ্যাভু কশ্চিৎ ।

অগ্নত্র দেবতা বিপ্রগুরুণাং ভৃগু নন্দন ।

অর্থ—হে ভৃগুনন্দন, ব্রাহ্মণ এবং গুরু ভিন্ন কাহাকেও মালা এবং
গন্ধ হইতে অগ্রভাগ দিবে না (রঘুনন্দনকৃত উদ্বাহতত্ব দ্রষ্টব্য) সুতরাং
যজ্ঞস্থলে “মালাদ্যলকৃতঃ নাপিতঃ” (X X) বই আর কে ? এইবার বলি না
কেন—

হায়রে, হতভাগ্য নাপিত !

ফুল-মালা-ভূষিত,

চন্দন-চর্চিত,

ব্রাহ্মণ-পূজিত

আজিও ভবে !

শুধু দেখি অবিচার,

তমঃ আর ব্যভিচার,

ধরিয়েছে শাস্ত্র-কার,
 আলোকে তাই অন্ধকার,
 দেখিছে সবে !!

নাপিতের মঙ্গলকামী একজন ব্রাহ্মণ অধ্যাপক সংপ্রতি যাহা ব্যবস্থা
 দিয়াছেন তাহাও অবিকল নিম্নে উদ্ধৃত হইল।—

সামগানাং চুড়াকরণে কুমারস্য মাতুঃ পশ্চিমতোবাহিতং
 ক্ষুর-পাণিঃ নাপিতং পশ্যন তমেব সবিতৃরূপধায়ন জপেৎ,
 প্রজাপতিঞ্চাষি সবিতা দেবতাঃ চুড়াকরণে বিনিয়োগঃ। আয়মাগাৎ
 ক্ষুরেণ অশ্বার্থ—সবিতা সবিতাদেবঃ অয়ং নাপিত ক্ষুরেণ
 উপলক্ষিতঃ আ আগতবান্ ইতি। যো জন্ম মাসে ক্ষুর-কশ্ম
 যাত্রাং কর্ণস্য বেধং কুরুতে মোহাৎ নুনং স রোগং ধনপুত্র
 নাশং প্রাপ্নোতি মৃঢ়ঃ বধবন্ধনানি, ইতি স্মার্ত্ত রঘুনন্দনীয়ঃ
 বচনপ্রমাণাচ্চ দ্বিজানাং স্বংস্কার সমকালীন নাপিতানামুৎপত্তি
 প্রতীয়তে। অতঃ বৈদিক যুগ এব তেষামুৎপত্তি কাল
 অবগম্যতে অন্যথা উক্ত বচনং বৈয়র্থাপণ্ডে।

নপ্তা

পাঠক এইবার সেই “নপ্তা” কথাটির ব্যাখ্যা করিয়া বর্তমান অধ্যায় শেষ করা যাউক—নপ্তা শব্দে পৌত্র, দৌহিত্র অর্থাৎ নাতিকে বুঝায়। লোক-পিতামহ ব্রহ্মা মরিচি, অত্রি, প্রভৃতি যে দশ প্রজাপতিকে সৃষ্টি করেন, তাহার পরই নাপিতের উৎপত্তি একান্ত আবশ্যিক তাহা পূর্বেই সপ্রমাণ করিয়াছি। তাহা হইলে প্রজাপতি-সৃষ্ট-নাপিত সম্পর্কে ব্রহ্মার নপ্তা অর্থাৎ নাতি হইল! যে সূত্রে ব্রহ্মা লোকের পিতামহ অর্থাৎ ঠাকুর দাদা সে সূত্রেই নাপিত ব্রহ্মার নপ্তা অর্থাৎ নাতি! ঐ নপ্তা কথাটাই সেই বৈদিককাল হইতে চলিয়া আসিতে আসিতে এক্ষণে “নাপিত” এইরূপ দাঁড়াইয়াছে। পূর্বে যে “নপাত” শব্দের উল্লেখ করিয়াছি, উহা খাঁটি বৈদিক শব্দ, এবং নিরুক্তকার উহার অর্থ করিয়াছেন—“নপাত-অপত্যম্”! তাহা হইলে নপ্তা ও নপাত উভয়েই একার্থ অর্থাৎ অপত্যার্থবাচক হইল। নঞ্ পূর্বক পত ধাতু (বর্দ্ধনে) + ক্ত করিলেও “নপ্তা” হইতে পারে। ভাষ্যকার নপাত শব্দের যে ব্যাখ্যা করিয়াছেন, তাহা পূর্বেই প্রকাশ করিয়াছি, (৩৬—৩৮ পৃষ্ঠা দেখুন)।

পক্ষান্তরে “ব্রহ্মন্” শব্দ হইতে যদি “ব্রাহ্মণ” শব্দ তৈয়ারি হইয়া থাকে, তবে বৈদিক “নপাত” শব্দ হইতে সংস্কৃত “নাপিত” শব্দ কেন না প্রচলিত হইবে! “নাপিত” শব্দটী লইয়া অনেক সাহিত্যরথী লড়িতেছেন, কিন্তু তাঁহাদের এই একটা বিষম ভুল যে তাঁহারা নাপিতের বর্তমান শোচনীয় অবস্থার দিকে লক্ষ্য করিয়াই স্ব স্ব অভিমত জ্ঞাপন করিতেছেন; নাপিতের উৎপত্তি, বৃত্তি ও অধিকার বিষয়ে তাঁহাদের লেখনী যেন জবাব দিয়াছে। আমি ব্যক্তিগত ভাবে কাহাকেও কিছু বলিতে চাই না।

ভুল আমারও হইতে পারে, কারণ “মুনিনাঞ্চ মতিভ্রমঃ”—সুতরাং সংশোধন হয় হউক। আমি বুঝিয়াছি—জগৎ পরিবর্তনশীল; এবং সেই পরব্রহ্ম পরম কারুণিক জগত-পিতার সন্তান সকলই সমান। বিদ্বেষির পাপচক্ষুই ভেদ-নীতির অনুসরণ করে, কিন্তু পতিত-পাবনাবতার চৈতন্যদেবের ঞ্চায় মহাপুরুষ, যবনের মধ্যেও ব্রাহ্মণ আবিষ্কার করিয়াছেন এবং নাম দিয়াছেন “ব্রহ্ম-হ্রিদ্ভাস”! আমার বক্তব্য এই যে, যখন সূর্য্যদেবকে “জগৎ-প্রসবিতা মনে করিয়া অত্যাধি দ্বিজগণ গায়ত্রী জপ করিয়া থাকেন এবং চূড়াকরণে নাপিতকে “সবিতা” মনে করিয়া ধ্যান করা হয়, তখন আমি যে সূত্র অবলম্বন করিয়া নাপিতকে “নপাত” বলিতেছি, সুধী সজ্জন একটু প্রনিধান করিলেই তাহা বুঝিতে পারিবেন।—“অবিৎসি নপাতঃ বিক্রমণঞ্চ বিষ্ণোঃ”—ইহা বেদবাক্য এবং উহার অর্থ—বিষ্ণুর অপত্য এবং তাঁহার মহাশক্তি বলিয়া আমাকে জানিবে। এই বচনের “বিষ্ণু” কে—মীমাংসা হইলেই বোধ হয় গোল চুকিয়া যায়। পূর্বে দেখান হইয়াছে—পূষা, সবিতা, বিষ্ণু, আদিত্য, মার্ত্তণ্ড এ সকল সূর্য্য দেবেরই নামমাত্র। আধুনিক কোন কোন সাহিত্যিক আবার মহাদেব শিবকেই ঋক্-বেদের পূষা বা বিষ্ণু বলিতে চাহেন। (১৩১৯ অগ্রহায়ণের “প্রবাসী” দেখুন)। পুরাণকার শিবকে তমঃগুণের আধার এবং সংহার-কর্ত্তা সাজাইয়াছেন। কার্য্যতঃ কিন্তু শিব সংহার-কর্ত্তা না হইয়া সত্ত্বগুণের আধার হেতু শ্বেতবর্ণ ধারণ করিয়াছিলেন এবং সন্তান-কামনার লোকে সৃষ্টিকর্ত্তা ব্রহ্মাকে ছাড়িয়া শিবের আরাধনাই বেশী করিয়া থাকে। লোক-রক্ষার্থে বাবা বৈদ্যনাথের মাহাত্ম্য সর্বজন বিদিত! পক্ষান্তরে শীতলা ও মনসা পূজা পর্য্যন্ত আমাদের দেশে প্রচলিত, কিন্তু সৃষ্টিকর্ত্তা ব্রহ্মার পূজা করিতে কজনকে দেখা যায়? শিব সংহার-কর্ত্তা হইলে লোকে তাঁহার নিকট সন্তান কামনা করিবে কেন? শিব ও সূর্য্য উভয়েই আবার রুদ্রদেব!

বৈদিক ঋষিগণ সূর্য্যদেবকে নপাত বলিয়াও সম্ভাষণ করিতেন চারি-বেদেই ইহার যথেষ্ট প্রমাণ আছে । এইখানে একটীর উল্লেখ করিলাম ঋগ্বেদ ১ম মণ্ডল ৪২সূক্ত গায়ত্রী ছন্দ :—

সং পুষ্পনধবস্তির ব্যংহো বিমুচো নপাত ।

সক্ষাদেব প্র নস্পুর ॥ ১

ঋষি কাতরপ্রাণে প্রাঙ্ঘু হইয়া প্রার্থনা করিতেছেন—হে নপাত পুষ্পন, আকাশের অন্ধকার বাহ বিমুক্ত হইয়া দর্শন দাও । আমি বিপন্ন পথিক, আমার পথ দেখাইয়া অগ্রে অগ্রে চল । যেহেতু তুমিই সাক্ষাৎ দেবতা !

প্রবীন সাহিত্যিক দীনেশচন্দ্র সেন মহাশয় বলেন,

প্রাচীন হস্তলিখিত পুস্তক গুলির ভাষা ক্রমশঃ পরিশুদ্ধ হইয়া আসিয়াছে । সেই সব পুঁথিতে অনেক শব্দ দৃষ্ট হয় যাহা এখন লিখিত ভাষায় ব্যবহৃত হয় না । (বঙ্গভাষা ও সাহিত্য—১ম ভাগ ৭ পৃষ্ঠা দ্রষ্টব্য) । তাহা হইলে “নপাত” শব্দ হইতে “নাপিত” হইলেও পারে !

যাহা হউক পৌরাণিক-চিত্রনৈপুণ্যের ফলে প্রকৃত ব্রহ্মা বা বিষ্ণু কে তাহা নির্ণয় করা বড় সুকঠিন । অতএব স্বর্গীয় মহাত্মা রমেশচন্দ্র দত্ত প্রমুখ বাঙ্গলার শ্রেষ্ঠ পণ্ডিতগণ যে মত প্রকাশ করিয়াছেন আমাদিগকেও তাহাই গ্রহণ করিতে হইল ।—তঁাহারা বলেন “বিষ্ণু সূর্য্যের একটি নাম মাত্র । × × × × পৌরাণিক বিষ্ণু ত্রিমূর্তি পরমেশ্বরের দ্বিতীয় মূর্তি । বৈদিক ধর্ম্ম বহুল-দেব-উপাসনা মূলক । অতএব বেদে সেই এক ঈশ্বরের ত্রিমূর্তির কোন উল্লেখ নাই । যাক্ষ খৃষ্টের পঞ্চম পূর্ব শতাব্দীতে জীবিত ছিলেন । তঁাহারও নিরুক্তিতে ব্রহ্মা, বিষ্ণু, শিবের কোন উল্লেখ নাই ।” অতএব অনুমান (বর্তমান ১৯২৭+৫০০) আড়াই হাজার বৎসর পূর্বে সূর্য্যদেবকেই আর্ষ্যগণ বিষ্ণু ও সবিতা

বলিয়া জানিতেন। আর তিনি (সবিতা)—পালনকর্তাই বা না হইবেন কেন ? জগতের উপকারক মাত্রই (গো, বিষ্ণু, তুলসী পর্য্যন্ত) দেবতা-পদ বাচ্য। সবিতা ত দূরের কথা, নদী, বৃক্ষ, পশাদির মধ্যেও যাহারা জগতের উপকার করিয়া থাকে, হিন্দুগণ তাহাদিগকেই দেবতা জ্ঞানে পূজা করিয়া থাকেন। অপিচ পুরাণের অনেক দেবতাকে কল্পনার দ্বারা অনুমান করিয়া লইতে হয়, কিন্তু গ্রহেশ্বর জ্যোতিষ্ময় সূর্য্য প্রত্যক্ষ দেবতা—ত্রাতা ও পালনকর্তা ! ভূত, ভবিষ্যৎ ও বর্তমানের সাক্ষী!! অতএব বেদের ঋষিগণ সূর্য্যদেবকে বিষ্ণু বা পালনকর্তা বলিয়া ধ্যান করায় কোন ভুলই করেন নাই !* পক্ষান্তরে চূড়াকরণে দেখান হইয়াছে—“যেন পুষা বৃহস্পতে বায়োরিন্দ্রশ্চ চাবপত্তেন তে বপামি ব্রহ্মণা জীবাতবে জীবনায় দীর্ঘায়ুষ্টায় বলায় বর্চসে”—এই মন্ত্রের ঋষি প্রজাপতি, পুষা দেবতা চূড়াকরণে বিনিয়োগ—পুষা নামক দেবতাকে চূড়াকরণ উপলক্ষে প্রজাপতিঋষি যে মন্ত্রে আরাধনা করিয়াছিলেন সেই মন্ত্র। “যেন পুষা”—এই “পুষা” সূর্য্যদেব ভিন্ন আর কেহই নহেন। ঋগ্বেদে সূর্য্যদেবকেই পুষা ও সবিতা বলিয়া উল্লেখ করা হইয়াছে। (বৈদিক আভাষ ১৪২ দেখুন)। তাহা হইলে উক্ত মন্ত্রটির অর্থ হইল—“যে ক্ষুরের দ্বারা সবিতৃদেব বৃহস্পতি, বায়ু ও ইন্দ্রকে মুণ্ডন করিয়াছিলেন, সেই

* সংপ্রতি ১৯১৩ দিনাজপুর সাহিত্য-সলিম্মনের সভাপতি জষ্টিশ আশুতোষ চৌধুরী মহাশয় স্বীয় অভিভাষণে কয়েকটি বৈদিক মন্ত্র উদ্ধৃত করিয়া অনুতাপ সহকারে বলিয়াছেন—“সূর্য্যোদয়” হয় পূর্বে, আমরা পরাঙ্গুগ হইয়া আছি। x x হে ইন্দ্র আমাদিগকে জ্ঞান দাও, যেমন পিতা পুত্রকে জ্ঞান দান করে। এমন পথে শিক্ষা দাও, জীবনে যেন সূর্য্যকে দেখিতে পাই, হে পুরুহৃত, আমরা যজ্ঞের জীব, আমরা যেন প্রত্যহ সূর্য্যকে প্রাপ্ত হই।

ইদং ঋতং ন আ ভর পিতা পুত্রোভ্যো যথা ।

শিক্ষা নো অন্নিম পুরুহৃত যামনি, জীবা জ্যোতিরশীমহি ॥

যদি আমরা এই প্রার্থনা করিতে পারিতাম ঈশ্বরও আমাদিগকে সুপথ দেখাইয়া দিতেন ।

ক্ষুরের দ্বারা আমি এই বালকের ব্রহ্মজীবন, দীর্ঘায়ু, তেজ, ও বলবর্দ্ধনের
কল্প ক্ষৌর করিতেছি । “বপামি” শব্দের অর্থ—আমি ক্ষৌর করিতেছি ।
এখানে “আমি” কথাটি দ্বারা অবশ্য পুরোহিত মহাশয়কেই বুঝাইতেছে ।
আর নাপিত মহাশয় ফুলমালা-বিভূষিত হইয়া শ্রামসুন্দর রূপে দণ্ডায়মান !
বালকের মাথার চুলগুলি বালকের কোন মিত্র ব্যক্তির দ্বারা বাঁশবনে
পুঁতিয়া ফেলিবার ব্যবস্থা । অতএব সূর্য্যদেব, বৃহস্পতি ইত্যাদি দেবতাকে
ক্ষৌর করিয়াছিলেন বলিয়াই নাপিতকে সবিতারূপে ধ্যান করা হয় ।
কেন না বিষ্ণুর অর্থাৎ সূর্য্যদেবের সহিত নাপিতের অপত্য সম্বন্ধ, যেহেতু
“অবিৎসি নপাতং বিক্রমণশ্চ বিষ্ণোঃ” ।—আমাকে
বিষ্ণুব অর্থাৎ সবিতার নপাত অর্থাৎ অপত্য এবং মহাশক্তি বলিয়া
জানিও (অবিৎসি-বেদি) । সুতরাং সূর্য্যের অপত্যকে সূর্য্যরূপে ধ্যান করিতে
আপত্তি কি ?

এইখানে আর্ষা ঋষিদিগের অসাধারণ ও অলৌকিক কীর্তি “যজ্ঞের”
বিষয় কিঞ্চিৎ উল্লেখ করা কর্তব্য মনে করিতেছি ।

অগ্নিষ্টোম—সাতটি সোম সংস্থা যাগ আছে । তাহাদের নাম
—অগ্নিষ্টোম, অত্যগ্নিষ্টোম, উক্থ, ষোড়শী, অতিরাত্র, বাজপেয় এবং
আস্তুর্যাম । ইহার মধ্যে অগ্নিষ্টোমই সর্বপ্রধান, অগ্ন্যন্তুগুলি প্রায় ঐরূপ,
কেবল কোন কোন স্থলে কিছু কিছু বিভিন্নতা মাত্র । অগ্নিষ্টোমকে
প্রকৃতি যাগ এবং অপর ছয়টিকে বিকৃতি যাগ বলা যায় ।

যে সময় পুষ্পাদিতে অতিরিক্ত মধু উৎপন্ন হয় সেই বসন্ত ঋতুতে অগ্নি-
ষ্টোম যাগ অনুষ্ঠিত হইয়া থাকে ।

এটি সোম যাগ । ইহার দ্রব্য সোম । সোম যাগ সবনত্রয়ে সম্পন্ন
হইয়া থাকে । সোম-ঘটিত ক্রিয়াকেই সবন বলে ।

অগ্নিষ্টোম যাগ পাঁচ দিনে সমাপ্ত হয় । ষিনি অধীত-বেদ ও আহিতাগ্নি
তিনিই এই যাগ করিবার অধিকারী । ইন্দ্র ও বায়ু আদি ইহার দেবতা ।

এই যজ্ঞের কার্য্য সম্পন্ন করিবার জন্ত ১৬ জন ঋত্বিক আবশ্যিক । এই ঋত্বিকগণ চারিভাগে বিভক্ত হইয়া আপন আপন কার্য্য সমাধান করেন । (১) হোতৃগণ (২) অধ্বযুগণ (৩) ব্রহ্মাগণ (৪) উদগাতৃগণ । এই চারিগণের প্রত্যেকগণে যে চারিজন করিয়া ঋত্বিক থাকেন, তাঁহাদের প্রত্যেকের নাম ষথাক্রমে লিখিত হইল ।

হোতৃগণে—হোতা, প্রশাস্তা, অচ্ছাবাক ও গ্রাবস্তোতা ।

অধ্বযুগণে—অধ্বযুঃ, প্রতিপ্রস্থতা, নেষ্ঠা ও উন্নোতা ।

ব্রহ্মাগণে—ব্রহ্মা, ব্রহ্মণাচ্ছশী, অগ্নীতৃ ও পোতা ।

উদগাতৃগণে—উদগাতা, প্রস্তোতা, প্রতিহর্তা ও সুব্রহ্মণ্যঃ ।

পূর্বে বলা হইয়াছে এই যাগ পঞ্চাহসাদ্য । ইহার প্রথম দিনে দীক্ষা ও দীক্ষনীয়াদি ও তদনুষ্ঠান । দ্বিতীয় দিবসে—প্রায়নীয যাগ ও সোমলতা ক্রম । তাহার পর দ্বিতীয়, তৃতীয় ও চতুর্থ দিবসে প্রাতে ও সায়ংকালে প্রবর্গোপসন্নামক যাগের অনুষ্ঠান করিতে হয় । এই অগ্নিষ্টোম যাগে যে যে কার্য্য করিতে হয় ও তৎসমূদয় কার্য্য সম্পাদন সময়ে যে সমস্ত মন্ত্র পাঠিত হওয়া উচিত তাহা যজুর্বেদ সংহিতায় বিস্তৃতরূপে বর্ণিত আছে । আমি তাহার সার সংগ্রহ করিয়া নিম্নে প্রকাশ করিতেছি ।

১ । যজ্ঞশালায় প্রবেশ করিবার সময় এই মন্ত্র পাঠ করিতে হইবে ।— (অনুবাদ)

যে স্থলে সমস্ত দেবগণ প্রীতি উপভোগ করেন, আমি সেই পৃথিবীর দেব-জনন ভূমিতে বাইতেছি । হস্তর জলধির গায় অতি বিস্তৃত এই দেব-জনন-কার্য্য যেন আমরা গদ্যময় বানী যজুর, পদ্যময় বানী ঋকের এবং গীতিময় বানী সামের সাহায্যে অনায়াসে সন্তরণক্ষম হই ও উৎকৃষ্ট অম্লনাভ ও বলপুষ্টি সাধন পূর্বক অতুল ঐশ্বর্য্য প্রাপ্ত হইয়া পরিতৃপ্ত হইতে পারি । (১)

অনন্তর যজ্ঞমানের মস্তকের কেশ এবং শ্মশ্রু মৃগিত হইবে ! কেশমূল
সকল উত্তমরূপে জল সিক্ত করিবার সময় এই মন্ত্র পাঠ করা হয় “এই
জল দেবতারা নিশ্চয় আমার কল্যাণকর হউন ।” (২)

তৃতীয় মন্ত্রে অচিরজাত কতকগুলি কুশা ছেদন করতঃ শাণিত ক্ষুরের
তৈক্ষ্ণ পরীক্ষা করিবে ।—

“হে কুশা সকল ! অতীক্ষ্ণধার (ভোঁতা) ক্ষুরের দ্বারা ক্ষৌরেই
যে কষ্ট হ’তে পারে, তাহা হইতে ত্রাণকর অর্থাৎ ভোমাদের দ্বারাই তাহা
পরীক্ষিত হউক ।” (৩)

চতুর্থ মন্ত্রে ক্ষৌর করিবে ।

“হে ক্ষুর ! তুমি যেন ইহার রক্তপাত করিও না” (৪)

ইহার পর স্নান করিবে, স্নান করার মন্ত্র—“মাতৃবৎ জীবন-রক্ষক
জল দেবতারা আমাদিগকে শুদ্ধ করুন আমরা যুতে পরিপ্লুত হইয়াছি,
আমাদিগকে পবিত্র করুন, মস্তকোপরি দীর্ঘমান বা বহুমান এই জলধারার
সহিতই আমাদের সমস্ত পাপ ভাসিয়া যাউক ।” (৫)

মহাত্মা রাধিকা রমণ চট্টোপাধ্যায় সম্পাদিত ১৮৯৫ সালের “ভারত
দর্পণ”—২য় ভাগ ৫৫।৬৬ পৃষ্ঠা দ্রষ্টব্য) ।

“নাপিত্ত-দর্পণ” লিখিতে লিখিতে সৌভাগ্যক্রমে “ভারত-দর্পণ”
আসিয়া মিলিল । নাপিত্ত-দর্পণের প্রতিবিম্ব পাঠকের হৃদয়ে প্রতিফলিত
না হইলেও ব্রাহ্মণ-সম্পাদিত “ভারত-দর্পণ” দ্বারা নিশ্চয়ই সে কার্য
সমাধা হইবে আশা করি । সুতরাং অনেক উল্লেখযোগ্য বিষয় সংগৃহীত
থাকিলেও অতি সংক্ষেপে কয়েকটি কথা বলিয়া পাঠকের নিকট হইতে
আপাততঃ বিদায় গ্রহণ করিতেছি ।

১ । উপরিউক্ত যজ্ঞের মন্ত্রে যে জলধারা ঢালিবার উল্লেখ আছে
তদনুসারে অদ্যাবধি হিন্দু নাপিতেরা বিবাহ বা অভিষেক কালে কোন

কোন স্থলে যজ্ঞমানের মাথায় জল ঢালিয়া থাকে । নাপিতের ত আর বেদে অধিকার নাই ! সূত্রাং অধীতবেদ ও আহিতাগ্নি পুরোহিত মহাশয় মন্ত্র পড়েন আর নাপিত মহাশয় জল ঢালেন ! ফলে বেদ বিত্তা-হীন নাপিতকে দাস ভাবাপন্ন দেখায় । নাপিতের উপাধির মধ্যে দাসও আছে । এই দাস মহাশয়দিগের অধিকাংশই কিন্তু কলিকাতা অঞ্চল নিবাসী । কিন্তু দাসশ্রুতি ত দূরের কথা ইঁহাদের অনেকে ক্ষৌর বৃত্তিটাও বহুপুরুষ হইতে ত্যাগ করিয়াছেন । পক্ষান্তরে দাস শব্দ দ্বিবিধ । একটী (দস্তা) স্নাত্ত আর একটী (তালব্য) স্নাত্ত যথা—“দাস ঋত্বিজি তালব্যঃ ভৃত্যে দস্তাঃ ।”—ইতি কৃৎপ্রদীপিকা । অর্থাৎ ঐ শব্দটির দ্বারা ঋত্বিক্ বুঝাইলে স্নাত্ত আর ভৃত্য বুঝাইলে স্নাত্ত হইয়া থাকে । নাপিত ঋত্বিক্ ছিল কি না, তাহা পাঠক বিচার করিবেন অপিচ “দাশ” ধাতু সম্প্রদানে (ভূাদিতে) অন্ করিয়া যে দাশ শব্দ হইয়াছে তাহার অর্থ, দানের পাত্র সূত্রাং ঐ দাশের অর্থ ব্রাহ্মণ ; আবার উড়িয়া পঞ্জাব ও হিন্দুস্থানে দাশ-শর্ম্মা উপাধি যুক্ত ব্রাহ্মণ এবং ভারতের নানাস্থানে “ঠাকুর” উপাধিযুক্ত নাপিত অনেক দেখিতে পাওয়া যায় । অতএব আমরা মনে করি চৈতন্য মহাপ্রভুর কৃপায় অথবা নাপিতদিগেরই মূর্ত্ত্যবশতঃ দস্তা স্নাত্ত দাস উপাধি নাপিত সমাজে প্রচলিত হইয়াছে । “অভিব্যেকের বারি” যজ্ঞমানের মাথায় দিত বলিয়াই নাপিতের একটী উপাধি **বারিক** । ৩২ পৃষ্ঠা “উপাধি” দেখুন ।

২। বাঙ্গালা দেশের ব্রাহ্মণদিগের মধ্যে যেরূপ রাঢ়ী ও বারেঙ্গ দুই শ্রেণীতে দা-কুমড়া সম্বন্ধ, নাপিতদিগের মধ্যেও রাঢ়ী বারেঙ্গের ঐরূপ ভেদ আছে । বিশেষতঃ রাঢ়ের “সপ্তগ্রামী” সমাজের সহিত বারেঙ্গ শ্রেণীর “মামুদসাহী” দিগের পাশাপাশি অবস্থান হেতু ইঁহাদিগের মধ্যে পূর্বে প্রায়ই সামাজিক সংঘর্ষ বাধিত । পরিণামে মামুদসাহীরা নাম পাইয়াছে “মামুদাবাজ” ! সূত্রটি এই—“সাত গেঁয়ের কাছে মামুদাবাজী !”—তাই

আদম সুমারীর কাগজে, রিজলী সাহেবের রিপোর্টে ও নগেনবাবুর বিশ্বকোষে “মামুদাবাজ” বলিয়া নাপিতের একটি শ্রেণীর উল্লেখ আছে । কিন্তু নাপিত যে বর্ণই হউক, তাহারা যে জল আচরণীয় হিন্দু—একথা বোধ হয় সকলই জানেন সুতরাং যাবনিক “মামুদাবাজ্” কথাটা কি তাহাদের কোন শ্রেণীর নাম হইতে পারে? নদীয়া ও যশোহর জেলার মধ্যে মহারাজ কৃষ্ণচন্দ্রের সময়ে “মামুদসাহী” নামে যে “পরগণা” হইয়াছিল, ঐ পরগণার নামানুসারেই “মামুদসাহী” শ্রেণীর উৎপত্তি । মহারাজ কৃষ্ণচন্দ্রের সভাসদ নাপিত-কুল-ধুরন্ধর গুণী, জ্ঞানী ও সুরসিক গোপাল ভাঁড়ের চেষ্টাতেই নাকি নাপিতদিগকে রাঢ়ীবারেন্দ্র দুই দলে বিভক্ত হইতে হয় । গোপালভাঁড় যেন নাপিত-তত্ত্ব বিলক্ষণ জানিতেন, এখনও বাজারে যে সকল “গোপালভাঁড়” বিক্রয় হয় তাহাতেও গোপালের বাক্যবাণ দ্বারা নাপিতের শ্রেষ্ঠত্বের প্রমাণ পাওয়া যায় ।

৩। সংশুদ্ধের মধ্যে পরিগণিত হইয়াও নাপিত জাতির মধ্যে বিদ্যা ও ধনের সম্পূর্ণ অভাব, বিশেষতঃ স্ত্রীলোকদিগের মধ্যে বিদ্যাচর্চা নাই বলিলেই হয় । এতাদৃশ অবস্থায়ও তাহাদিগের মুখে “ছেলেদের চুড়া দেওয়া” কথাটা অদ্যাবধি শুনিতে পাওয়া যায় । কার্যতঃ কিন্তু “কর্ণবেধ” হইয়া থাকে । কর্ণবেধ অর্থাৎ কান-ফুড়ানকেই তাঁহারা অধুনা চুড়াকরণ বলিয়া গ্রহণ করেন । চুড়াকরণ-সংস্কার দ্বিজ্ঞাতি ভিন্ন শুদ্ধের হয় না । অধিকন্তু নাপিতেরা ঐ কর্ণবেধে “রজত-সূচী,” অর্থাৎ রূপার গুঁজি ব্যবহার করিয়া থাকেন । এই সূচী-সম্বন্ধে শাস্ত্রের নির্দেশ এই যে— ব্রাহ্মণ ও বৈশ্য রজত-নির্মিত সূচী ব্যবহার করিবেন । ক্ষত্রিয় স্বর্ণ-নির্মিত সূচী ব্যবহার করিবেন এবং শূদ্র লৌহ-সূচী দ্বারা কর্ণবেধ করিবেন ।

৪। বৌদ্ধযুগের অবসানে হিন্দুধর্মরাজ-চক্রবর্তী পঞ্চগৌড়েশ্বর বল্লাল-

সেন নাপিতকে নাকি “ঠাকুর” উপাধি দিয়াছিলেন অপিচ বল্লল-চরিতে লেখা আছে—

নীচ-সেবি নাপিতা যে নীচজাতি-বিজাতয়ঃ ।

অযাজ্যা পতিতাস্তে চ তেষাং শুদ্ধির্নজায়তে ।

দানাদি গ্রহণাক্কেতোস্তেষাং পাতিত্য নিশ্চিতম্ ।

সৎসেবি-নাপিতা যেতু সংযাজ্যা সদ্ভিজাতিভিঃ । ৩৪।৩৫ ।

তেষাং দানাদি গ্রহণাৎ পাতিত্যং নৈব যাস্ততি । ৩৬ ।

সেবায়াং নাপিতো শ্রেষ্ঠস্তথা সংস্কার কৰ্ম্মসু

গোপ-নাপিতানাং কার্যে দেহাশৌচং ন মন্যতে ॥

অর্থ—যে সকল নাপিত নীচজাতির সেবা (ক্ষৌরাদি) করিবে, তাহারা যাজনের অনুপযুক্ত হইবে এবং যে সকল ব্রাহ্মণ নীচজাতির পৌরহিত্য করিবে তাহারাও পতিত হইবেন তাহাদিগের কখনও শুদ্ধি হইবে না। কারণ নীচজাতির দান প্রভৃতি গ্রহণ হেতু তাহাদের পাতিত্য দোষ স্থির থাকিবে। কিন্তু যে সকল নাপিত সজ্জাতির সেবা করিবে সুব্রাহ্মণেরা তাহাদিগের পৌরহিত্যাদি করিতে পারিবেন এবং তাহাদিগের দান প্রভৃতি গ্রহণ করিলে পাতিত্য হইবে না। নাপিত জাতি সেবা (দেবসেবা) বিষয়ে এবং বিবাহাদি সংস্কার কার্যে শ্রেষ্ঠ। গোপ এবং নাপিতদিগের কার্যে তাহাদিগের দেহাশৌচও গণনীয় নহে।

পাঠক যদি ইংরাজি ভাষাভিজ্ঞ হইয়েন, তবে অবশ্যই বুঝিয়াছেন—যে উপর্যুক্ত বচনাবলী বর্তমান কালের একটি রাজকীয় সাকুলার মাত্র! এবং উহার ইংরাজী অনুবাদ করিতে গেলে—It is hereby notified that on and from date the Napits of Bengal will not be allowed to serve the low castes etc—এইরূপ বয়ান আসিয়া পড়ে; তবেই বুঝুন নাপিতের পূর্বতন অবস্থা কিরূপ ছিল! কিন্তু

আমরা নাপিতের এই বর্তমান শোচনীয় অবস্থার জন্ত বলালসেনকে দায়ী করিতে পারি না। দেশ-কাল বিবেচনা করিয়াই তিনি নাপিতগণের মৌলিকত্ব রক্ষার্থে ঐরূপ আইন জারী করিয়াছিলেন, বলালসেনের জন্মের বহুকাল পূর্বে নাপিতের অধঃপতন ঘটিয়াছিল। এবং সেই জন্তই নাপিতের ইতিহাসের খেঁই (ধারা) হারাইয়া গিয়াছে। বলালসেন বিদ্বান বুদ্ধিমান, মহাবল, পরাক্রান্ত, হিন্দু-কুল চুড়ামণি, সদাশয় নরপতি ছিলেন। যিনি দেবভাষায় “দানসাগর” রচনা করিয়া গিয়াছেন এবং যিনি—

আচারো বিনয়ো বিদ্যা প্রতিষ্ঠা তীর্থদর্শনম্ ।

নিষ্ঠাবৃত্তিস্তপোদানং নবধা কুললক্ষণম্ ॥— ইত্যাদি

আবিষ্কারপূর্বক সনাতন হিন্দুত্বের প্রকৃত উপকরণগুলি বিধিবদ্ধ করিয়া-
ছিলেন, তিনি কি কখনও স্বেচ্ছাচার বা কোন লোক বিশেষের উপর ক্রোধ-
বশতঃ কোন জাতিকে চিরদিনের জন্ত লাঞ্ছনা ও মনঃপীড়ায় নিষ্পেষিত
ও পাতিত করিতে পারেন? আর তিনি পারিলেও বর্ণগুরু সমাজনেতা
ব্রাহ্মণগণ তাঁহার সেই অবিম্ব্যকারিতার কোন প্রতীকার করেন নাই
কেন? তিনি তো ব্রাহ্মণের বাক্য কখনও অমান্য করেন নাই! নিজের
রাজত্বটাই একরূপ তিনি ব্রাহ্মণদিগকে বিভাগ করিয়া দিয়াছিলেন!
অধিকন্তু পিতা-পুত্রের বিবাদ করিয়া যখন লক্ষ্মণসেন বল্লালের রাজধানী ত্যাগ
করিয়াছিলেন, তখন পিতার জীবনান্তে গোড়ের সিংহাসনে বসিয়া লক্ষ্মণ-
সেন বল্লালপীড়িত জাতিসমূহকে পূর্বপদে প্রতিষ্ঠা করিলেও তো পারিতেন!
বল্লালের অপরাধের বিষয়—এক নীচজাতীয়া পদ্মিনী-কন্যাকে অন্তঃপুরে
আনয়ন করা! কিন্তু ভাবিয়া দেখিলে ইহাতে আশ্চর্যের বিষয় কিছুই নাই।
পুরাকালে একাধিক স্ত্রী যে রাজার ছিল না, তিনি রাজোপাধির যোগ্যই
হইতেন না! মহারাজ দশরথের নাকি সাড়ে তিন শত মহিলা ছিলেন!
তন্মধ্যে কৌশল্যা, কৈকেয়ী ও সুমিত্রা ব্যতীত অপরগুলি কোন জাতীয়া

এবং কোথা হইতে কি ভাবে গৃহীতা হইয়াছিলেন, কেহ বলিতে পারেন কি ? অন্তরে কা কথা, ভগবান্ শ্রীকৃষ্ণ যখন দ্বারকায় রাজা হইয়াছিলেন, তাঁহারও তখন ষোলশত রমণী ছিলেন ! তন্তু সখা পরম ভাগবৎ অর্জুনই কি এ বিবয়ে কম দৃষ্টান্ত রাখিয়া গিয়াছেন ? যে রাজাসনে বল্লালসেন বসিয়াছিলেন, সেই সিংহাসনের প্রতিষ্ঠাতা হিন্দুগৌরব আদিশূরও অসবর্ণ বিবাহ করিয়াছিলেন ! সুতরাং ঐ পদ্মিনীকে গ্রহণ করায় বল্লালের বিদ্যা, বুদ্ধি, ক্ষমা, তিতিক্ষাদি গুণ একেবারে লোপ পাইয়াছিল ইহাও কি কখনও সম্ভব ? বিশেষতঃ তিনি শিবোপাসক ছিলেন, “যত্র জীব তত্র শিব”—ইহাই শৈব ধর্মের বিশেষত্ব। অতএব আমার বিশ্বাস যদি বল্লালসেন কোন জাতিকে “পতিত” করিয়া থাকেন, তবে তিনি সর্বাগ্রে ঐ জাতির নাপিত বন্ধ করিয়াছিলেন। বল্লালের উল্লিখিত শাসনই ইহার প্রমাণ। ফলতঃ ভারতের আর্য্য অনার্য্য নির্ণয় করিবার পক্ষেও হিন্দুনাপিতগণ প্রধান অবলম্বন স্বরূপ, অর্থাৎ মুসলমান অধিকারের পূর্বে হিন্দু নাপিতে যে সকল জাতির যাজনিক ক্রিয়া করিতেন এবং এখনও করিয়া থাকেন, তাঁহারা সকলেই আর্য্য। নাপিত সম্প্রদায়ের অধিকাংশই অভাবগ্রস্ত ও দীনভাবাপন্ন ; কিন্তু সহস্র মুদ্রা প্রদান করিলেও তাঁহারা কেহ স্বেচ্ছায় কোন অনার্য্য জাতিকে ক্ষৌর করেন না। যেখানে এই নিয়মের বিপর্য্য দেখিবে, সেইখানেই কোন বিষম গোলযোগ আছে বুঝিতে হইবে। প্রশ্ন হইতে পারে যে মুসলমান ও খৃষ্টানগণকে তো হিন্দু নাপিতে ক্ষৌর করিয়া থাকে ; অপিচ যখন মূর্চী, নমঃশূদ্র, ভূঁইমালী প্রভৃতি জাতি স্বধর্ম ত্যাগ করিয়া খৃষ্টান অথবা মুসলমান ধর্ম গ্রহণ করে, তখন তো আর তাহাদের হিন্দু নাপিত পাইতে কষ্ট হয় না ? ইহার সহজ এবং সংক্ষিপ্ত উত্তর এই যে—রাজবিধান লঙ্ঘন করিবার ও আর্য্য, অনার্য্য নির্ণয় করিবার শক্তি নাপিতের

আর নাই ; আর—“দারিদ্র্য-দোষঃ গুণ-রাশি নাশিঃ ।” কিন্তু পূর্ব পুরুষেরা অনার্য্যজ্ঞানে যাজনা করেন নাই—এই সংস্কার পুরুষানুক্রমে দৃঢ়বদ্ধ থাকায় অনার্য্যজাতির যাজনা করিতে শ্রোত্রিয় আৰ্য্য-নাপিত এখনও সম্পূর্ণ অনিচ্ছুক । তবে মহামহোপাধ্যায়দিগের কল্যাণে বোধ হয় নাপিতের এই গরিমাতুকুণ্ড আর থাকিবে না । (১৩২০, ৪ঠা আঘাটের “নায়ক” দ্রষ্টব্য) ।

৫ । ভগবতীর আদেশে মহাদেব হিমালয় পরিত্যাগ পূর্বক কাশীতে অধিষ্ঠিত হইবার জন্ত কন্দুক নামক এক নাপিতকে তাঁহার পূজা ও মাহাত্ম্য প্রচার-কার্য্যে নিযুক্ত করিয়াছিলেন । (ইতি—হরিবংশ)

৬ । ন্যূনাধিক ৯৪ বৎসর পূর্বেও বাঙ্গালার প্রান্তভাগে (কালা-পাহাড়ের পর) নাপিত পুরোহিতের কার্য্য করিয়াছেন ইহার প্রমাণ পাওয়া যাইতেছে । (১৩১৮ । ৩১শে চৈত্রের বঙ্গবাসীতে প্রভুপাদ শ্রীযুত অতুলকৃষ্ণ গোস্বামী লিখিত “উড়াপাঠ” শীর্ষক প্রবন্ধ দেখুন ।)

৭ । সন ১২৯৯ সালে মুদ্রিত পণ্ডিত-প্রবর মহেশচন্দ্র বিদ্যারত্নের “জাতিমালা”তে আছে—

“ব্রহ্মা নাভিদেশ হৈতে বৈশ্যের উৎপত্তি ।

এই মত বৈশ্য তাহে আগর বেনে জাতি” ॥

ব্রহ্মপাদ পদ্য হতে শূদ্র জাতি হয় ।

নিজ নিজ কর্ম্ম জন্ত পাঁচ জাতি কর ॥

শূদ্র ও কায়স্থ গোপ, বারুই, নাপিত ।

তার মধ্যে ভেদাভেদ কহিব নিশ্চিত ॥”

মন্তব্য—নাপিত তাহা হইলে শূদ্র ছিল না এবং এখনও নহে ।

৮ । “নাপিত অতি বিগুঢ় জাতি । নাপিতের সাহায্য ব্যতীত বিবাহ শ্রাদ্ধ প্রভৃতি কোন কার্য্যেই কোন হিন্দু গুচিৎসলাভ করিতে পারেন না । নাপিত জাতির উৎপত্তি সম্বন্ধে প্রবাদ প্রচলিত আছে যে প্রথম সৃষ্ট

নাপিতদ্বয় হাড়োদাস ও ব্রহ্মদাস, মহাদেব ও ভগবতীর ইচ্ছানুসারে জন্ম গ্রহণ করেন এবং ব্রহ্মদাস বংশীয়গণ ভগবতীর বরে উত্তরকালে মোদকবৃত্তি অবলম্বন করেন । এজ্ঞ মোদক বা ময়রা, সমাজে নাপিতের শাখা বলিয়া গণ্য ।” ইত্যাদি—(শ্রীযুত সতীশচন্দ্র রায় চৌধুরী কৃত “বঙ্গীয় সমাজ” দৃষ্টব্য) ।

সম্ভব—গোড়ায় খাঁটী কথাই বলিয়াছেন । ‘হাড়োদাস,’ ‘ব্রহ্মদাস,’ ‘বিষদাস,’ ‘ডিম্বদাস’ এখন অশ্বেতিস্ববৎ !

৯ । রামানন্দ স্বামীর শিষ্য মণ্ডলীর মধ্যে সেন নামে এক শিষ্য এই সম্প্রদায় (সেনপন্থী) সংস্থাপন করেন । এক্ষণে কেবল ঐ সম্প্রদায়ের ও তৎপ্রবর্তকের নাম মাত্র কেহ কেহ বিদিত আছেন । অপরাপর বৃত্তান্ত কিছুই জ্ঞাত হওয়া যায় না । সেন ও তাঁহার পুত্র পৌত্রাদি গন্যমান্যের অন্তঃপাতী বঙ্গগড়ের রাজবংশের কুলগুরু হইয়া সাতিশয় খ্যাতি ও প্রভুত্বলাভ করিয়াছিলেন । ভক্তমালা এই সংঘটনার হেতুচক একটা কোতুকাবহ উপাখ্যান আছে, পশ্চাৎ বর্ণিত হইতেছে ।

সেন পূর্বে বঙ্গগড়ের রাজাদিগের কুলনাপিত ছিলেন । তিনি বিষ্ণু-ভক্তি পরায়ণ হইয়া সর্বদা বৈষ্ণব সহবাসেই কালক্ষেপ করিতেন । একদা তিনি সাধুসঙ্গে প্রেমাভিভূত থাকিয়া কাল যাপন করিতেছিলেন, ক্ষৌর কর্মের কাল অতীত হইয়াছে ইহা তাঁহার অনুধাবিত হয় নাই । ভক্ত-বৎসল ভগবান স্বীয় ভক্তের এক্রপ অকপট প্রীতি দেখিয়া চমকিত হইলেন এবং কি জানি রাজা তাঁহার উপর ক্রুদ্ধ হন এই বিবেচনা করিয়া, সেনের আকার অবলম্বনপূর্বক রাজ সদনে গমন করিলেন ও সুচারুরূপ ক্ষৌরকর্ম সম্পাদন দ্বারা রাজার সমধিক প্রীতি জন্মাইয়া প্রত্যাগমন করিলেন । রাজা যদিও নাপিত-রূপী দেব-দেবের গাত্র হইতে একরূপ অসামান্য দৈব সৌরভের ভ্রাগ প্রাপ্ত হইয়াছিলেন, তথাপি বিষ্ণুমায়ী বৃত্তিতে পারিলেন না ।

তিনি মনে করিলেন, ইহা আপনার গাত্র বিমর্দিত সুগন্ধ তৈলেরই গন্ধ হইবে । কপট-বেশী নাপিত প্রস্থান না করিতে করিতেই প্রকৃত নাপিত উপস্থিত হইয়া আপনার বিলম্বের কারণ দর্শাইতে লাগিল । রাজা তাহাকে পূর্ববৃত্তান্ত সমুদয় অবগত করিলেন এবং উভয়েই তখন সাতিশয় বিস্ময়াপন্ন হইয়া রহিলেন ।

সুক্ষদর্শী রাজা অবিলম্বে সমস্ত ব্যাপার অনুভব করিয়া স্বীয় নাপিতের পদে শিরঃসমর্পণ করিলেন ও তাঁহাকে ভগবানের পরম প্রিয়পাত্র জানিয়া গুরুপদে বরণ করিলেন ।

(স্বর্গীয় অক্ষয় কুমার দত্ত প্রণীত ভারতবর্ষীয় উপাসক সম্প্রদায় ১ম ভাগ ৭৪।৭৪ পৃষ্ঠা দ্রষ্টব্য) । টিকা—অনাবশ্যক ।

ঔর্কবাচার ।

১০ । মানসপুত্ররূপে সৃষ্টিকর্তা (ব্রহ্মা) দশজন প্রজাপতিকে সৃষ্টি করেন ইহা পূর্বেই বলা হইয়াছে । ঐ দশজন ঋষি বা প্রজাপতি ছাড়া আরও কয়েকজন ঋষিকে ব্রহ্মা মানসপুত্ররূপে সৃষ্টি করিয়াছিলেন—ইহা পুরাণে প্রকাশ আছে । তন্মধ্যে ঔর্কঋষি একজন । ইনি ব্রহ্মার উরুদেশ হইতে জন্মিয়াছিলেন বলিয়া ইহার নাম ঔর্ক (উরুশব্দ + জাতার্থে ষ) হইয়াছিল । এখানে দেখিতেছি ব্রহ্মার উরুদেশ হইতে জাত হইলেও বৈশ্ব হয় না, ব্রাহ্মণ হয় ! অপিচ ব্যুৎপত্তিগত অর্থও বেশ রহিয়াছে, কিন্তু বৈশ্ব শব্দের সহিত ব্রহ্মার অঙ্গগত, নামগত, বা জাতিগত কোন সামঞ্জস্য নাই । যাহা হউক এই ঔর্ক ঋষির কন্যা কন্দলীকে দুর্কাসা মুনি বিবাহ করিয়াছিলেন । ইহা সৃষ্টির গোড়ার কথা । এই কালে দেবতাদিগের সহিত এই পৃথিবীস্থ মানবের আদান প্রদান চলিত । এই দুর্কাসা মুনিই আবার দ্বাপরের শেষভাগে ও পাণ্ডবদিগের ষনবাসকালে সশিষ্যে দ্রৌপদির হস্তে ভোজন

করিয়া দাদশীর পারণ করিয়াছিলেন । সুতরাং স্পষ্টই উপলক্ষি হইবে যে দ্বাপরের শেষভাগেও জাতিভেদ প্রথা প্রবল হয় নাই । কারণ মহাতপঃ সম্পন্ন, উগ্রপ্রকৃতি, ব্রাহ্মণত্ব-গর্ভিত দুর্কীর্ণা মুনি অবাধে ক্ষত্রিয়ার রন্ধনার ভোজন করিয়া পরিতুষ্ট হইয়াছিলেন । আবার এই দুর্কীর্ণার শশুর ঔর্ক ঋষি কি করিতেছেন দেখুন !

“সূর্য্য বংশে বৃকের পুত্র বাহুক নামে একজন প্রজ্ঞাশক্তিসম্পন্ন রাজা উৎপন্ন হইয়াছিলেন ; সেই ধর্ম্মপরায়ণ রাজা ধর্ম্মতঃ সমুদয় পৃথিবী পালন করিয়াছিলেন । ব্রাহ্মণ, ক্ষত্রিয়, বৈশ্য ও শূদ্র এই চতুর্বিধ মনুষ্য এবং অপর ভীষ সকল তৎকর্তৃক নিজ নিজ বৃত্তিতে স্থাপিত হইয়াছিল । এই নিমিত্ত বাহুক প্রকৃত ত্রিষাম্পতি শব্দের বাচ্য হইয়াছিলেন । কালক্রমে সেই রাজার সকল সম্পদের বিনাশক লোভের উদ্বীপক অহঙ্কার উৎপন্ন হইয়াছিল । সেই অহঙ্কার প্রভাবে তিনি অসুয়াবিষ্ট চিন্তা হইয়া যথেষ্ট আরম্ভ করিয়াছিলেন । পরিণামে সেই রাজা হৈহয়, তালজজ্ব প্রভৃতি শক্রগণ কর্তৃক পরাজিত ও রাজ্যচ্যুত হইয়া বনগমন করেন । ভীক শক্রগণ গর্ভস্থ বালকের বিনাশ সাধনার্থ ঐ রাজার গর্ভিণী ভার্য্যার শরীরে অতি তীব্র বিষ প্রয়োগ করিয়াছিলেন । সেই দুঃখী রাজা বাহুক গর্ভিণী ভার্য্যার সহিত বন হইতে বনান্তরে ভ্রমণ করিতে করিতে ঔর্ক ঋষির আশ্রমে উপস্থিত হইলেন । তথায় নানাকষ্টে রাজার দেহান্ত হইলে ঔর্ক ঋষির প্রসাদে উক্ত রাজমহিষীর গর্ভস্থ সন্তান “গর” অর্থাৎ বিষসহ ভূমিষ্ঠ হইল ।

গরেণ সহিতং পুত্রং দৃষ্টা তেজোনিধির্মুনিঃ ।

জাত-কর্ম্ম চকারসৌ নার্যাচ সগরং তথা ॥

(৯৯ শ্লোক—বৃহন্নারদীয় পুরাণ)

সেই তেজোনিধি মুনি যথাবিধি সেই সদ্যোজাত বালকের জাতকর্মাদি

সম্পাদন করিলেন ! এবং বিষের সহিত প্রসূত হইয়াছিল বলিয়া উহার নাম সগর রাখিলেন ।

কৃতা চৌড়াদি কৰ্ম্মাণি সগরশ্চ মুনীশ্বরঃ ।

শাস্ত্রাধ্যাপপামায় রাজ যোগ্যানি মন্ত্রবিৎ ॥

১০১ শ্লোক ।

অর্থ—শাস্ত্রবিৎ মুনীশ্বর ঔর্ক সগরের চূড়াদি কৰ্ম্ম সম্পাদন করিয়া তাঁহাকে রাজযোগ্য শাস্ত্রসকল অধ্যয়ন করাইলেন ।

এই ঔর্ক ঋষির প্রসাদেই সগর পুনরায় পিতৃরাজ্য অধিকার পূৰ্ব্বক ৬০ হাজার সন্তান লাভ করিয়াছিলেন । এই সগররাজ, সূর্য্য বংশে ভগবান রামচন্দ্রের একাদশ পুরুষপূৰ্ব্বে জন্মিয়াছিলেন । (বংশাবলীর চিত্র দেখুন) তখনও আমরা নাপিতের বৃত্তির, কার্যের ও অস্তিত্বের প্রমাণ পাইতেছি ; তবে সে কাল আর এ কাল—এই যা প্রভেদ ! এইখানে আমরা একজন ঋষিকে নাপিতের কৰ্ম্ম করিতে দেখিলাম ।*

১১ । ভগবান্ শঙ্করাচার্য্য খৃষ্টীয় ৮ম শতাব্দীর প্রারম্ভে জন্মগ্রহণ করিয়া কুমারীল ভট্ট ও মণ্ডন মিশ্রাদির সাহায্যে বৌদ্ধধর্ম্মকে ভারত হইতে বিতাড়িত করতঃ বৈদিক ধর্ম্মের পুনঃপ্রবর্তন করিয়াছিলেন ।—ইহা ঐতিহাসিক ও সমাজ-তাত্ত্বিক মনোবিগণ একরূপ স্থির করিয়াছেন । আমি কতিপয় নিরীহ, নিরক্ষর বয়োজ্যেষ্ঠ স্বজাতিকে শঙ্করাচার্য্যের বিষয় জিজ্ঞাসা করার তাঁহার অবাধে বলিয়া ফেলিলেন—“যিনি সঙ্কর করিয়াছিলেন” অর্থাৎ যিনি বর্ণ-সঙ্কর সাজাইয়া ছিলেন তিনিই “সঙ্করাচার্য্য” !—এই অদ্ভুত পরিভাষা তাঁহার কোথায় পাইলেন জানি না, কিন্তু ঐ কথাটার যেন একটু মূল্য আছে । তিনি শঙ্করবতার হইবার পূৰ্ব্বে তাঁহার অগ্র নাম ছিল ।

* মতান্তরে চ্যবন ঋষি সগরের জাতকৰ্ম্মাদ সম্পন্ন করিয়াছিলেন দেখা যায় । যাহা হউক ঔর্ক ও চ্যবন সম-প্রবর ছিলেন । এই পুস্তকের (৪০ পৃষ্ঠা বাৎসীসূত দেখুন) ।

কেহ কেহ আবার বলেন তিনি প্রচ্ছন্ন বৌদ্ধ ছিলেন । পক্ষান্তরে “কোরাণ আগে না পুরাণ আগে”—এবিষয় লইয়া হিন্দু মুসলমানে বহুকাল হইতে একটী কূটতর্ক চলিয়া আসিতেছে । মুসলমান ধর্মের প্রবর্তক মহম্মদের মদিনায় পলায়নের দিবস হইতে মুসলমানদিগের “হিজিরা” শকের আরম্ভ, উহা খৃষ্টীয় ৬২২ অব্দে সম্পন্ন হয় ।— ইহা যখন ঐতিহাসিক সত্য, তখন কোন্টা আগে হইয়াছিল বুঝা কঠিন নহে, তবে এই কূটতর্ক এবং পূর্বোক্ত ঐ অদ্ভুত পরিভাষার সাহায্যে একটী অতীত ঘটনার কাল নির্ণয় করা যাইতে পারে । যে ৮ম শতাব্দীতে ভগবান শঙ্করাচার্যের আবির্ভাব, ঠিক তার পূর্ব শতাব্দীতেই মুসলমানেরা ভারত আক্রমণ করিতে আরম্ভ করিয়াছিল । সুতরাং শ্রীমৎ শঙ্করাচার্যকে বৌদ্ধধর্মের নিরাকরণান্তে স্বকীয় অদ্বৈতমত সংরক্ষণ করলে, ভবিষ্যতে অণু কোন জাতির ধর্ম ভারতে একাধিপত্য সংস্থাপন করিতে না পারে, ইহাও অনুধাবন করিতে হইয়াছিল । সেই উদ্ধাবনীশক্তির পরিণামেও বর্তমান জাতিভেদ প্রথা প্রবর্তিত হওয়া সম্ভব এবং তদ্ব্যতীত ২১ খানা অনুশাসনও প্রচার করা হইয়াছিল । ফলে মুসলমানেরা এদেশে আসিয়া ২১ খানা পুরাণ তৈয়ারি হইতে দেখিয়াছিল । সেই জগুই তাহাদের ঐরূপ ধারণা বন্ধন হইয়াছে । আমার বোধ হয়, শ্রীশ্রীমৎ শঙ্করাচার্যের আবির্ভাবেই ব্রহ্মবৈবর্ত পুরাণ, বৃহদ্রহ্ম পুরাণ, পরশুরাম সংহিতাদি সঙ্কর-জাতি-সংক্রান্ত কতিপয় গ্রন্থ প্রণীত ও প্রচারিত হইয়াছিল । দেব ভাষার গুণে এবং “সালে”র স্থলে “পুরাকালে” বলিয়া উল্লেখ থাকায় অর্থাৎ কোন ঘটনার তারিখ উল্লেখ না করায়, ঐ সকল গ্রন্থ আমাদের নিকট অতীব প্রাচীন, অনাদি অনন্তকাল পূর্বে ঋষিগণের দ্বারা প্রণীত বলিয়া বোধ হয় । শ্রীমৎ শঙ্করাচার্য হিন্দুধর্ম রক্ষার্থ ভারতের চারিদিকে চারিটি মঠ স্থাপন করিয়া তাঁহার চারিজন প্রধান শিষ্যকে ঐ সকল মঠ রক্ষার ভারার্পণ করিয়া

যান । তন্মধ্যে শ্রীশ্রীজগন্নাথ-পুরীতে গোবর্দ্ধন মঠ অগ্রতম । এই গোবর্দ্ধন মঠের অধীশ্বর পরমহংস পরিব্রাজকাচার্য্য ১১০৮ শ্রীমধুসূদন তীর্থস্বামী গত বৎসর (১৯১২ খৃষ্টাব্দে) কলিকাতায় আসিয়াছিলেন—তাঁহাকে আমি এই প্রশ্নটা করিয়াছিলাম ।—“জগৎগুরু শঙ্করাচার্য্য বৌদ্ধধর্মকে ভারত হইতে নিরাকরণ পূর্বক বৈদিক ধর্মের পুনঃ সংস্থাপন করেন । কুমারিল ভট্ট ও মণ্ডন মিশ্রাদি মহাত্মাগণও তাঁহার ধর্মপ্রচাবকার্য্যে যথেষ্ট সাহায্য করেন । কিন্তু বুদ্ধদেব শঙ্করাচার্য্যের আবির্ভাবের অনূন এক হাজার বৎসর পূর্বে প্রাদুর্ভূত হইয়াছিলেন । এই সুদীর্ঘকালের মধ্যে বৌদ্ধধর্ম ভারতবর্ষে প্রতিষ্ঠালাভ করতঃ চীন, জাপান, সিংহলাদি দেশেও ব্যাপ্ত হইয়াছিল । ভারতবর্ষের তাৎকালিক সম্রাট অশোক চন্দ্রগুপ্তাদি মৌর্য্যবংশীয়গণ বৌদ্ধধর্মে দীক্ষিত হইয়া সেই ধর্মের প্রচার কল্পে বদ্ধ পরিকর হইয়াছিলেন । বৌদ্ধধর্মে জাতিভেদ না থাকায় অবশ্য এই ভারতবর্ষে বহুল পরিমাণে ঐ প্রথা তৎকালে বিনষ্ট হইয়াছিল, ৫০ বৎসর করিয়া এক একটা “পুরুষ” ধরিলেও ভারতবর্ষের তাৎকালীন অধিবাসীগণের প্রায় বিংশতি-পুরুষ বৌদ্ধ-ভাবাপন্ন হইয়া পড়িয়াছিল ! এতাদৃশ অবস্থায় শঙ্করাচার্য্য কিরূপে আবার প্রাচীন চতুর্কর্ণাশ্রম প্রতিষ্ঠা করিতে সক্ষম হইলেন ?”

স্বামীজি সংক্ষেপে অথচ সরলভাবে উত্তর করিলেন—“উয়ো ঠিকসে হয় নহী” । স্বামীজির কথার ভাবে বুঝিলাম—যাঁহারা পূর্বে ব্রাহ্মণ, ক্ষত্রিয়, বৈশ্য বলিয়া সুবিদিত ছিলেন, বৌদ্ধধর্মের প্রাবল্যে তাঁহারা প্রায় এক হইয়া গিয়াছিলেন, শঙ্করাচার্য্যের অভ্যুত্থানে প্রাচীন বৈদিক ধর্মের পুনঃ প্রতিষ্ঠা হইলেও উক্ত চতুর্কর্ণের “বাছাই” ব্যাপারে অনেক “গল্টি” ঘটয়াছিল । ফলে “ঘোষালের গরুও মিশালে পড়েছেন” এবং “হেঁটের মামুদও উপরে উঠেছেন । অতএব এই সূত্র ধরিয়া আমি আবার আমার বড় সাধের “জাতি-ভেদ-রহস্যের” অবশিষ্টাংশ পরে প্রকাশ করিব মনস্থ করিয়াছি ।

উপসংহারে আরও ২।১টি বিষয় উল্লেখ করা কর্তব্য মনে করিতেছি। হিন্দুমাত্রই অদৃষ্ট-বাদী এবং মহাভারত-ভক্ত। কৰ্মফলোপলক্ষে হিন্দুর পঞ্চম বেদ সেই মহাভারতে উল্লেখ আছে যে—“জীব তীর্গ্যক (পশু-পক্ষী) যোনি হইতে মনুষ্যত্ব লাভ করিয়া প্রথমতঃ পুকুর বা চণ্ডাল যোনিতে সহস্র বৎসর পরিভ্রমণ পূর্বক শূদ্রতা লাভ করে। তৎপর ত্রিংশৎ সহস্র বৎসর অতীত হইলে তাহার বৈশ্যতা, বৈশ্যতা লাভের পর একলক্ষ অশীতি বৎসর হইলে ক্ষত্রিয়ত্ব, এবং ক্ষত্রিয়ত্ব লাভের পর একশত অশীতি লক্ষ বৎসর অতীত হইলে পতিত ব্রাহ্মণত্ব লাভ হয়। তৎপরে সেই পতিত ব্রাহ্মণকুলে দ্বিশত যোড়শ কোটি বৎসর পরিভ্রমণ করিয়া অস্ত্রজীবী ব্রাহ্মণের কুলে, তৎপরে চতুষ্টি অষ্টশত কোটি বৎসর অতীত হইলে গায়ত্রী সেবী ব্রাহ্মণবংশে এবং পরিশেষে ঐ বংশে দুইশত উনয়টিলক্ষ বিংশতি সহস্র কোটি বৎসর পরিভ্রমণ করিয়া শ্রোত্রীয় গৃহে জন্ম পরিগ্রহ করে।” ইত্যাদি।

(কালীপ্রসন্ন সিংহের অনুবাদ মহাভারত-শান্তিপর্ষ—দৃষ্টব্য)
পাঠকগণ, আপনারা বোধ হয়—

“আশীলক্ষ যোনী ভ্রমণ,

করে দেহ পেলে এমন !”——— এইটুকু পর্য্যন্তই

অনেকে জানেন। অতএব উপরে যে কয়টি নাতি-ক্ষুদ্র (?) সংখ্যা দেওয়া হইল, উহার সঙ্গে উক্ত আশীলক্ষ যোনির ভ্রমণ-কালও যোগ করিতে হইবে বোধ হয় ! তবে ত শ্রোত্রিয় ব্রাহ্মণের কুলে জন্মলাভ !!

যাহা হউক উল্লিখিত রূপক-জড়িত বর্ণনাতেও আমরা চণ্ডাল, শূদ্র, বৈশ্য, ক্ষত্রিয়, পতিত-ব্রাহ্মণ, অস্ত্রজীবী-ব্রাহ্মণ, গায়ত্রী-ব্রাহ্মণ এবং শ্রোত্রীয়-ব্রাহ্মণের উল্লেখ দেখিতেছি। তন্মধ্যে অস্ত্রজীবী-ব্রাহ্মণ ব্যতীত আর সকলেরই অস্তিত্ব এই ভারতবর্ষেই দেখা যাইতেছে। অস্ত্রজীবী ব্রাহ্মণটাই

কি লোপ পাইল? খোলা কাটিতে অস্ত্রের দরকার হয় এবং “খোলাকাটা” বামুনের নামও শুনা যায় বটে, কিন্তু প্রকৃত প্রস্তাবে খোলাকাটাই কোন ব্রাহ্মণের জীবিকা নহে। প্রশ্ন হইতে পারে যে দ্রোণাচার্য্য, কৃপাচার্য্য, অশ্বখামা প্রভৃতি অস্ত্রজীবি-ব্রাহ্মণ ছিলেন, তাহাদের অস্ত্র আর আধুনিক নাপিতের অস্ত্র সম্পূর্ণ বিভিন্ন! আমিও ইহা স্বীকার করি। যেহেতু তাঁহারা অসিজীবি—ঘটনাক্রমে অথবা জীবিকা নির্বাহের জন্য ক্ষত্রিয়ধর্ম গ্রহণ করিয়া ছিলেন। কিন্তু তাঁহাদেরও চূড়া-করণ ও উপনয়নাদি সংস্কারে নাপিতের আবশ্যক হইয়াছিল। সুতরাং অস্ত্রজীবি নাপিত দ্রোণাচার্য্যাদির বহুকাল পূর্বে জন্মিয়াছিল। পক্ষান্তরে ঐ সকল অসিজীবি ব্রাহ্মণের বংশ লোপ পাইয়াছিল ইহারও প্রমাণ পাওয়া যায়। বলিবে, সূত্রধারও (ছুতার) ত অস্ত্রজীবি! আমার উত্তর—মহামাতৃ দয়ার সাগর শাস্ত্রকারগণ তাহাদিগকে “অস্পর্শির” দলভুক্ত করিয়া গিয়াছেন এবং সনাতন হিন্দুধর্ম-সম্মত পৌরহিত্য কর্মে তাহাদের কোন আবশ্যকতা প্রত্যক্ষ হয় না। কিন্তু নাপিত অস্ত্রজীবিও বটে, পৌরহিত্যে ব্রাহ্মণের সহকারীও বটে! মহর্ষি মনুও নাপিতকে স্বতন্ত্র বর্ণ বা বর্ণসঙ্কর জাতি বলিয়া উল্লেখ করেন নাই, কোন লক্ষণাও দেখান নাই। অপিত জাতকস্মাদি সংস্কারের ব্যবস্থা দিয়া নাপিতের অস্তিত্ব স্বীকার করিয়াছেন এবং নাপিতের অন্ত ব্রাহ্মণের ভোজ্য এ কথাও মনু স্বীকার করিয়াছেন। নাপিতের স্বকর্মও প্রায়শঃ ঠিক আছে; ইহার প্রচ্ছন্ন বা অস্পর্শী জাতিও নহে। অধিকন্তু ব্রাহ্মণত্বের প্রধান উপকরণ যে দারিদ্র্য ও স্বল্পে-সম্পত্তি, তাহারা নাপিতের চিরভূষণই আছে!

পক্ষান্তরে বৌদ্ধ শাস্ত্রানুসারে কোন ‘বেওয়ারিস’ মালপত্রের মধ্যে ক্ষৌরকরণোপযোগী অস্ত্রাদি পাইলে ঐ সকল পুরোহিতকে দিবার জন্য

রাজবিধান ছিল ! বৌদ্ধযুগে আমাদের সামাজিক অবস্থা কিরূপ ছিল তাহা এই পুস্তকের দ্বিতীয় খণ্ডে সবিশেষ বর্ণিত হইবে ।

পরিচিত আত্মীয় স্বজনের নিকট আমি বড়ই লজ্জিত আছি । চেষ্টার ক্রটি করি নাই । কিন্তু “ভাগ্যং ফলতি সৰ্বত্র ন দৈবং ন চ পৌরুষং” এক কথা যেন ঠিকই । তবু আশা করি অতি শীঘ্রই অপর খণ্ড ছাপান শেষ হইবে । তবে অব্যবসায়ীর হস্তে পড়িয়া “সাত রাজার ধন মানিক” পাছে নষ্ট হইয়া পড়ে, তাই স্বজাতি মহাশয়গণের আশীর্বাদ ও অনুগ্রহ প্রার্থনা করিতেছি । জীবন ক্ষণ-ভঙ্গুর, কপালও হাভাতে, ! স্মরণ্য আশাপূর্ণ হইবে কি না বলিতে পারি না, কাজেই আর একটা লুপ্তরত্ন স্বজাতি মহাশয়গণকে উপহার দেওয়া কর্তব্য মনে করিতেছি । ইহার মধ্যে নাপিতের অতীত জীবনের এক সংক্ষিপ্ত ইতিহাস নিহিত রহিয়াছে । যথা—

কেশবম্ আনর্ভপুরুং পাটলীপুত্রং পুরীমহিচ্ছত্রাম্ ।

দিত্তিমদিত্তিক স্বরতাং কৌরবিধৌ ভবতি কল্যাণম্ ॥

শান্তিঃ শান্তিঃ শান্তিঃ ।

ত ল বা ।



সমালোচনা

বঙ্গদেশের বিভিন্ন সংবাদপত্র ও সুধী সঙ্ঘের নিকট হইতে এই পুস্তকের প্রথম সংস্করণের যে সকল সমালোচনা ও প্রশংসাপত্র পাওয়া গিয়াছিল, তন্মধ্য হইতে কতকগুলি এইখানে সাধারণের অবগতির জন্ত প্রকাশিত হইল।

The "Bengalee" says :—The book is a valuable contribution to Hindu Sociology. Probably no question in the near future will occupy a more important place in the estimations of the Hindu than the Historical Study of his Social system and to such readers we can confidently recommend this book.

The "A. B. Patrika" says :—The book would prove interesting to those who are interested in Hindu Sociology and also to the members of the Nait community to enable them to learn their true position in Society.

হিতবাদী (শ্রীযুক্ত চন্দ্রোদয় বিদ্যাবিনোদ সম্পাদিত) :—

আমরা এই পুস্তকখানি পাঠ করিয়া গ্রন্থকারের অনুসন্ধিৎসার প্রশংসা না করিয়া থাকিতে পারি না। এই পুস্তকখানি নাপিত জাতির প্রাচীন ইতিহাস। অনেক শাস্ত্রীয় বচন ও প্রাচীন সংস্কৃত কাব্যের শ্লোক উদ্ধৃত করিয়া লেখক নাপিত জাতির প্রাচীনত্ব ও হিন্দুর সামাজিক ব্যাপারে নাপিতের প্রয়োজনীয়তা প্রতিপাদনের চেষ্টা করিয়াছেন। পুস্তকখানি প্রধানতঃ নাপিত জাতির সম্বন্ধে লিখিত হইলেও হিন্দু সমাজের প্রায় সকল জাতিরই বিবরণ অল্পাধিক পরিমাণে স্থান পাইয়াছে।

নায়ক (শ্রীযুক্ত পাঁচকড়ি বন্দ্যোপাধ্যায় সম্পাদিত) :—

গ্রন্থকার হিন্দুর জাতিভেদ-রহস্য নির্ণয় করিতে গিয়া নাপিত জাতির উৎপত্তি, বিস্তৃতি, স্থিতি, অবনতি, পরিণাম অবস্থার কথা শাস্ত্রীয় যুক্তি ও নাপিতের জাতিতত্ত্বগণের কথা হইতে সরলভাবে বর্ণনা করিয়াছেন। প্রাঞ্জল ভাষায় জটিল বিষয়ের আলোচনা করা হইয়াছে। গ্রন্থকার নাপিত জাতির ইতিহাস আলোচনার সঙ্গে সঙ্গে ভারতের বর্ণপরিচয় সম্বন্ধেও ধীরভাবে অনেক বলিয়াছেন। ভারতের জাতীয় ইতিহাসের বিষয় বাঁহারা মাথা ঘামাইতেছেন, বাঁহারা ইতিহাস পড়িতে, ও জানিতে চাহেন, বাঁহারা সমাজের হিতৈষী ও মঙ্গলকামী তাঁহারা নিশ্চয় এ পুস্তক পড়িবেন। প্রত্যেক শিক্ষিত ব্যক্তি ও সমাজ সংস্কার প্রয়াসীরই এ পুস্তক পাঠ করা কর্তব্য। দ্বিতীয় ভাগে কি বাহির হয় দেখিবার বিষয় বটে। গ্রন্থকার তাঁহার জাতির ইতিহাস আলোচনা করিয়া নিজের প্রাণকে ও তাঁহার সজাতীয় লোকদিগকে প্রবোধ দিয়াছেন—

প্রহৃত্যতি ন সম্মানে নাবমানেন কুপ্যাতি ।

নক্রুদ্ধঃ পুরুষ ক্রয়াদেতৎ সাধোস্তু লক্ষণম্ ॥

আমরাও বলি অনুতাপ করিয়া লাভ নাই, সকলেরই জাতির প্রকৃত উন্নতির প্রতি লক্ষ্য করিয়া চলা ও উন্নতিবিধায়ক কার্যে অগ্রসর হওয়া সঙ্গত।

যশোহর পত্রিকা—আমরা “জাতিভেদ-রহস্য” নামে একখানা পুস্তক প্রাপ্ত হইয়াছি। প্রকাশক শ্রীসত্যেন্দ্রনাথ রায়। পুস্তকে গ্রন্থকার নাম প্রকাশ করেন নাই। ফলাফল দেখিয়া দ্বিতীয় সংস্করণে নাম প্রকাশ করিবেন বলিতেছেন। বিংশ শতাব্দীর উজ্জল আলোকে সকল জাতিই উন্নতির

ପଥେ ଅଗ୍ରସର ହୁଅନ୍ତେ—ବହୁ ବିଭିନ୍ନ ଜାତି ଆପନାପନ ଜାତି-ତତ୍ତ୍ୱ ସହକ୍ରିୟ ବହୁ ଗ୍ରନ୍ଥାଦି ଶ୍ରୀମନ୍ତ୍ରଣ ଓ ଶ୍ରୀକାଶ କରନ୍ତାଛନ୍ତି । ଏହାନ୍ତାନ୍ତ ତାହାନ୍ତାନ୍ତ ଅନ୍ତତନ୍ତ । କିନ୍ତୁ ଇହାନ୍ତେ ଆମୂଳ ତନ୍ତ୍ୱେର ଆଲୋଚନାନ୍ତ ଓ ଭୂୟୋଦର୍ଶନେ ବିଶେଷ କୃତିତ୍ୱେର ପରିଚୟ ଶ୍ରୀଦାନ କରା ହୁଅନ୍ତାଛେ । ଶ୍ରୀକାର ଅନେକ ଶ୍ରୀକ୍ଷର ଓ ହୁକ୍ତାନ୍ତ ଶାନ୍ତ୍ରୀୟ ତନ୍ତ୍ୱେର ଆବିକ୍ତାର କରନ୍ତା ବା ଶ୍ରୀକାର ଜାତିତ୍ୱେଦେର ତୀବ୍ରତା ନାଶ କରନ୍ତେ ଚେଷ୍ଟା କରନ୍ତାଛନ୍ତି । ଶ୍ରୀକାରନ୍ତାନ୍ତେ ଶ୍ରୀଧାନତଃ ନାପିତ ଜାତିରହି ଇତିହାସ ବର୍ଣ୍ଣିତ ହୁଅନ୍ତାଛେ । ନାପିତ-ବାମୁନ ଏକ ନିଦାନ-ସନ୍ତୁତ ଇହାନ୍ତ ଶ୍ରୀକାର ସଂଶ୍ରମାଣ କରନ୍ତାନ୍ତ ଚେଷ୍ଟା ପାହିନ୍ତାଛନ୍ତି । ସୁ ତରାଂ ବିଷୟଟି କିନ୍ତୁପ ଶ୍ରୀକ୍ତର ଓ ଦାୟିତ୍ୱ-ପୂର୍ଣ୍ଣ ତାନ୍ତା ସହଜେହି ଅନ୍ତୁମେୟ । ଆମରା ଶ୍ରୀକାରେର ସାହିତ ସର୍ବାଂଶେ ଏକମତ ହୁଅନ୍ତେ ନା ପାରିଲେଓ ପୁନ୍ତକଥାନ୍ତା ପାଠ କରନ୍ତାନ୍ତର ଜନ୍ତୁ ସକଳକେହି ଅନ୍ତୁରୋଧ କରନ୍ତେହି । ହିନ୍ଦୁ ସମାଜେ ଜାତିତ୍ୱେଦେର ଉପକାରିତା ଓ ଅପକାରିତା କି ତାନ୍ତାଓ ଶ୍ରୀକାର ଏକଟା ଦୃଷ୍ଟାନ୍ତ ଦ୍ୱାରା ପୁନ୍ତକେର ସୂଚନାନ୍ତେହି ଦେଖାହିନ୍ତାଛନ୍ତି । ବର୍ତ୍ତମାନ ସୁଗେର ଏହି ନବ ଜାଗରଣେର ଦିନେ କ୍ତ ବିକ୍ତ ହିନ୍ଦୁ ସମାଜ ସଂକ୍ତ ଓ ପରମ୍ପର ମିତ୍ରତା ପାଶେ ଆବଦ୍ଧ ହୁଅନ୍ତାନ୍ତର ଜନ୍ତୁ ଚେଷ୍ଟା କରନ୍ତେଛେ, ସୁ ତରାଂ ପୁନ୍ତକଥାନ୍ତା ସମୟୋଚିତ ହୁଅନ୍ତାଛେ । ତାନ୍ତା ଅତି ସରଳ ଓ ସୁଧପାଠା ହୁଅନ୍ତାଛେ । କାଳମାହାନ୍ତାନ୍ତା ଯାହାହି ହୁକ୍ତ ବୈଦିକ ଓ ଶାନ୍ତ୍ରୀୟ ସୁକ୍ତି ଶ୍ରୀମାଣାଦିର ସାହାୟୋ ଶ୍ରୀକାର କୃତକାର୍ଯ୍ୟାନ୍ତାର ପଥେ ଅନେକ ଦୂର ଅଗ୍ରସରଓ ହୁଅନ୍ତାଛନ୍ତି । ଆମରା ଶ୍ରୀକାର ପକ୍ତାପାତୀ । ଶ୍ରୀକାର ବେକ୍ତୁପ ପାଣ୍ଡିତା, ସାହିକୃତା ଓ ଶ୍ରୀବେଶଣାର ପରିଚୟ ଶ୍ରୀଦାନ କରନ୍ତାଛନ୍ତି, ତାହାନ୍ତେ ତିନ୍ତା ବସ୍ତୁତଃହି ଶ୍ରୀଶଂସାର ପାତ୍ର । ତିନ୍ତା ବଳେନ ବ୍ରାହ୍ମଣେର ଅଧଃପତନହି ଜାତିତ୍ୱେଦେର ଶୌଣ କାରଣ । ପୁନ୍ତକଥାନ୍ତାନ୍ତର ଦ୍ୱାରା ନାପିତ ସମାଜେର ବିଶେଷ ଉପକାର ହୁଅନ୍ତାବେ । ବର୍ତ୍ତମାନ ସଂକ୍ତରେ ଯେ ସକଳ ସାମାନ୍ତ୍ର ଭ୍ରମ ଶ୍ରୀମାଦ ରହିନ୍ତାଛେ, ଆଶା କରନ୍ତା ଶ୍ରୀକାର ଦ୍ୱିତୀୟ ସଂକ୍ତରେ ତାହା ସଂଶୋଧନ କରନ୍ତେ ପାରିବେନ । ମୂଳା ୧୨ ଏକ ଟାକା ମାତ୍ର ।

ଶ୍ରୀନାମୀ—“ଜାତିତ୍ୱେଦ-ରହନ୍ତ୍ର” ୧ମ ଖଣ୍ଡ । ଏହି ପୁନ୍ତକଥାନ୍ତାନ୍ତର ଅପର ନାମ,

“নাপিত-কুল-দর্পণ”—প্রতিপাদ্য বিষয়ের পরিচয় জানাইয়া গায় । ইহাতে নাপিতের উৎপত্তি রহস্য ; ব্যাসদেব ও চন্দ্রগুপ্তের সহিত নাপিতের সম্বন্ধ, নাপিত সম্বন্ধে বল্লাল সেনের মত, চৈতন্যদেব ও মধুনাপিত, নাপিতের সাক্ষর্য্য ঋগুন, নাপিতের বর্তমান অবস্থা, বিবিধ নাম ও তাহার ব্যাখ্যা, সংখ্যা ও শিক্ষা প্রভৃতি বিষয় পাঁচ অধ্যায়ে বিবৃত হইয়াছে । এই গ্রন্থ জাতি বিশেষের উৎকর্ষ প্রতিপাদক হইলেও জাতিতত্ত্বে অনেক তথ্য ইহাতে আলোচিত হইয়াছে ।

কুশদেহ—“জাতিভেদ-রহস্য বা নাপিত-কুল-দর্পণ”—নাপিত সম্প্রদায়ের জাতি সম্বন্ধীয় ঐতিহাসিক অনুসন্ধানের ইহাই প্রথম চেষ্টা বলিয়া বোধ হয় । ইহাতে বিস্তারিত ভাবে নাপিত জাতির উৎপত্তি, বর্ণনির্ণয় এবং বৈদিক যুগ হইতে বর্তমান সমাজে স্থান নির্দেশ প্রভৃতি বেদসংহিতাদি হইতে উদ্ধৃত ও প্রমাণসহ প্রদত্ত হইয়াছে । গ্রন্থকার বিশেষ দক্ষতার সহিত বিষয় ও প্রমাণগুলি সন্নিবেশিত করিয়াছেন । তিনি যে সকল যুক্তি প্রদর্শন করিয়াছেন তাহা কুৎকারে উড়াইয়া দিবার নহে । অবস্থা বৈশিষ্ট্যে হীন ব্যবসায় অবলম্বন করিলেও নাপিতের উৎপত্তি ও বৃত্তি যে উচ্চতর ছিল তাহা তিনি সপ্রমাণ করিতে চেষ্টা করিয়াছেন । এই প্রসঙ্গে হিন্দুসমাজের অন্যান্য অনেক প্রয়োজনীয় ও জ্ঞাতব্য বিষয় আলোচিত হইয়াছে । ইহা নাপিত সমাজকে আত্মোন্নতির প্রবৃত্তি দান করিবে এবং আত্মসম্মানের ভাব জাগাইয়া তুলিবে । নাপিত সমাজ একত্র গ্রন্থকারের নিকট কৃতজ্ঞ হইবেন সন্দেহ নাই, কিন্তু গ্রন্থকার সাধারণেরও কৃতজ্ঞতা-ভাজন হইয়াছেন । তিনি বহু পরিশ্রমে সাধারণের অজ্ঞাত তথ্য সংগ্রহ করিয়া হিন্দুসমাজ ও জাতি-তাত্ত্বিকগণের এবং ভবিষ্যৎ অভিধানকারগণের ভাবিবার মত অনেক কথা লিপিবদ্ধ করিয়াছেন । পুস্তকের ভাষা সংযত ও সুখপাঠ্য ।

“মন্দারমালা”—সম্পাদক, “জাতিতত্ত্ব-বারিধি”—প্রণেতা
বেদজ্ঞ পণ্ডিত শ্রীযুক্ত উমেশচন্দ্র বিদ্যারত্ন মহাশয় বলেন—

“আমরা নাপিত জাতিকে একটা উচ্চজাতি বলিয়াই অবগত। কাল-
মাহাত্ম্যে ষাহাই হউক, হিন্দু রাজত্বে প্রকৃত আর্য্যযুগে মহোচ্চ ব্রাহ্মণগণও
দাস, নাপিত ও সগ্দোপ প্রভৃতির অন্নভোজন করিতেন। এই জাতির
মত বুদ্ধিমান ও কৃতজ্ঞ জাতি জগতে অতি বিরল। ইহাদের বুদ্ধিমত্তা ও
বিদ্যাবত্তা ও পাণ্ডিত্য সন্দর্শনে ইহাদিগকে কিছুতেই হীনপ্রভব বলিয়া
মনে হয় না। এই গ্রন্থের ভাষা প্রাজ্ঞ ও বিষয় সকল
সুশৃঙ্খলাবদ্ধ। গ্রন্থকারের গভীর গবেষণা ও পাণ্ডিত্য দেখিয়া আমরা
মুগ্ধ হইয়াছি। প্রত্যেক সাহিত্যসেবী ব্যক্তিরই এই গ্রন্থ অধ্যয়ন করা
উচিত।

সুবক্তা, সর্বজনপ্রিয়, ধর্মপরায়ণ পণ্ডিত শ্রীযুক্ত কুলদা
প্রসাদ ভাগবতরত্ন বি, এ, মহোদয় বলেন :—“জাতিভেদ-রহস্য
বা নাপিত-কুল-দর্পণ” গ্রন্থের প্রথমভাগ পাঠ করিয়া অত্যন্ত আনন্দিত
হইলাম। বৃহৎ ও প্রাচীন হিন্দু সমাজের অতীত ইতিহাস অন্ধকারে
আচ্ছন্ন, জাতিবিশেষের ইতিহাস আলোচনায় অপর জাতীয় লোক
অনেক সময়েই বিদ্রোহবুদ্ধি প্রণোদিত হইয়া অনেক কল্পিত ও ভ্রান্তমত
প্রচার করিয়াছেন, এইরূপ ঘটনা যে কেবল সেকালে হইয়াছে তাহা
নহে, একালেও তাহা যথেষ্ট পরিমাণ হইতেছে। আমরা বিচ্ছিন্নতার
দ্বারা পীড়িত, আমরা একতার জন্ত আকুল, সুতরাং এ সময়েও ষাহারা
জাতি বিশেষকে হীন বলিয়া সপ্রমাণ করিবার জন্ত কল্পিত ব্যাখ্যার আশ্রয়
গ্রহণ করেন, তাঁহাদের হস্ত হইতে ষিনি আমাদের রক্ষা করিবেন,
তিনি কেবল বর্ণবিশেষের নহে, আমাদের সকলেরই বন্ধু। এই গ্রন্থে

গ্রন্থকার দেখাইয়াছেন যে বর্তমান সময় পর্য্যন্ত অনেক লেখক এই নাপিত জাতিকে হীন বলিয়া প্রতিপাদন করিতে চেষ্টা করিয়াছেন। গ্রন্থকার এই সমস্ত লেখকের অদার যুক্তি খণ্ডন করিয়া শাস্ত্র ও ইতিহাসের সাহায্যে নাপিত জাতির প্রকৃত বিবরণ জন-সমাজে প্রতিষ্ঠা করিতে চেষ্টা করিয়াছেন ও কৃতকার্য হইয়াছেন।

এই নাপিত জাতি চিরকাল ষাটতীয় শাস্ত্রবিহিত ক্রিয়াকর্মে ব্রাহ্মণ-দিগকে সাহায্য করিয়া আসিতেছেন তাঁহাদের সাহায্য ব্যতীত হিন্দু সমাজের বেদবিহিত কোন ক্রিয়াই সমাধা হয় না। তাঁহাদিগকে যদি হীন বলিয়া বিবেচনা করা যায় তাহা হইলে বড়ই দুঃখের বিষয়।

প্রত্যেক জাতি স্বকীয় অতীত গৌরব অবগত হইয়া অগ্র জাতির সহিত প্রকৃত মৈত্রীয়া সম্বন্ধ অক্ষুন্নভাবে রক্ষা করিয়া এ কালের উপযোগী উন্নতিপথে অগ্রসর হউন। এই গ্রন্থখানি নাপিত জাতির মধ্যে এই নবজীবনের উদ্দীপন আনয়ন করুক, এই গবেষণা ও পাণ্ডিত্যপূর্ণ গ্রন্থখানি অন্ত্যন্ত সকলেও মনোযোগের সহিত অধ্যয়ন করুন, হিন্দুসমাজের অনেক গুঢ় তত্ত্ব বুঝিতে পারবেন। আমরা এই গ্রন্থের দ্বিতীয় খণ্ড দেখিবার জন্য উৎসুক রহিলাম। এই গ্রন্থে যে কেবল নাপিত জাতির ইতিহাসই আলোচনা করা হইয়াছে তাহা নহে। হিন্দু সমাজ, বর্ণাশ্রম ও জাতিভেদ সম্বন্ধে অনেক সারগর্ভ বিষয়েও বহু শাস্ত্রবাক্যের সাহায্যে সুন্দর যুক্তির সহিত আলোচিত হইয়াছে। সুতরাং এই গ্রন্থপাঠে সকলেই উপকৃত হইবেন। গ্রন্থকার বহু পরিশ্রমে এই গ্রন্থ রচনা করিয়া সকলেরই ধন্যবাদাই হইয়াছেন।

কাশিমবাজারাধিপতি স্বনামধন্য, বিদ্যোৎসাহী মহারাজ শ্রীল শ্রীযুক্ত মণীন্দ্রচন্দ্র নন্দী বাহাদুর বলেন :—

“জাতিভেদ-রহস্য ও নাপিত-কুল-দর্পণ” পুস্তকখানির লিখিত বিষয়ের মন্থ আলোচনা করা হইয়াছে। বিংশ শতাব্দীর সভ্যতাপ্রাপ্ত জনগণ

সকলেই যে স্ব স্ব জাতির তথ্যালোচনার জ্ঞান চেষ্টা করিতেছেন, ইহা ভূয়সী প্রশংসার যোগ্য। লেখকের সংস্কৃত শাস্ত্রের তথ্যানুসন্ধানে সবিশেষ উৎসাহ আছে। গ্রন্থখানিতে নাপিত জাতির বহুতর তথ্য আবিষ্কৃত হইয়াছে, ইহা দেখিয়া আমি সুখী হইলাম। চাতুর্ভূষণ্য সৃষ্টির উদ্দেশ্য বুঝিয়া স্ব স্ব জাতির উন্নতি করিলে বিশেষ সুখী হওয়া যাইবে।

কলিকাতার প্রবাসী পণ্ডিতপ্রবর শ্রীযুক্ত চণ্ডীচরণ দেবশর্মা তর্ক চূড়ামণি, কাব্য-ব্যাকরণ-তীর্থ মহাশয় বলেন—

“জাতিভেদ-রহস্য” পুস্তকখানি পাঠে আশাতীত প্রীতিলাভ করিয়াছি। পুস্তকখানি যে এত মূল্যবান হইবে, ইহা সংগ্রহ-কর্ত্তাও মনে স্থান দিতে না পারিয়া নিজের নাম প্রকাশ করেন নাই। পুস্তকখানি পড়িতে প্রথমেই বোধ হয় যেন ব্রাহ্মণকে গালি দিবার জ্ঞানই গ্রন্থকার লেখনি ধরিয়াছেন; কিন্তু প্রকৃত প্রস্তাবে তাহা নহে। তাঁহার উদ্দেশ্য মহৎ এবং পুস্তকখানি গবেষণাপূর্ণ। গ্রন্থকর্ত্তাকে ভূয়োভূয়ো আশীর্বাদ ও ধন্যবাদ দিতেছি যে তিনি মূল্যবান এবং হৃৎকেন্দ্র বেদ, পুরাণ ও ইতিহাসের উক্তি উদ্ধৃত করিয়া সুললিত বঙ্গ ভাষায় জাতিতত্ত্ব প্রকাশ করিয়াছেন। পুস্তকখানি জাতি তত্ত্বের ভিত্তিস্বরূপ। বিশেষতঃ ইহাতে নাপিত জাতির নিদান নির্ণীত হওয়ায়, জাতিতত্ত্বান্বেষী সাহিত্যিকগণকে ও নাপিত সমাজের সকলকেই ইহা পাঠ করিতে অনুরোধ করি। পুস্তকের ১৬৯ পৃষ্ঠায় গ্রন্থকার প্রাণের আবেগে যে কয়টি কথা বলিয়াছেন তাহাতেই তাঁহার হৃদয় ও উদ্দেশ্য মোটামুটি বুঝা যাইবে। যথা—

হয় রে, হতভাগ্য নাপিত !

ফুলমালা-ভূষিত

চন্দন-চর্চিত

ব্রাহ্মণ-পূজিত

আজিও ভবে !

শুধু দেখি অবিচার

তমঃ আর ব্যভিচার

ধরিয়াছে শাস্ত্রকার

আলোকে তাই অন্ধকার

দেখিছে সবে !!

নদীয়া—গোস্বামী দুর্গাপুর চতুষ্পাঠীর, অধ্যাপক শ্রীযুক্ত
আচ্যনাথ শর্মা বিদ্যাভূষণ কাব্যার্থ মহাশয় বলেন—

জাতিভেদ-রহস্য নামক পুস্তকখানি প্রাপ্ত হইয়া আত্মোপাস্ত
পাঠ করিয়া পরিতুষ্ট হইলাম । গ্রন্থকার মহাশয়ের অধ্যাবসায় ও গবেষণা
প্রশংসনীয় । আশা করি এই পুস্তকের দ্বিতীয় খণ্ডে গ্রন্থকার অধিকতর
অগ্রসর হইতে সমর্থ হইবেন । উল্লিখিত পুস্তকে নাপিত জাতির উৎপত্তি
বিষয়ে শাস্ত্রকারদিগের যে অসামঞ্জস্য প্রদর্শিত হইয়াছে তাহা বিচার্য্য ।
বস্তুতঃ নাপিত জাতিকে যাই কেন হীন মনে করা যাউক না, উহারা
প্রকৃত পক্ষে ততটা হীন নহে । দ্বিজ-পদবাচ্য জাতির উপনয়ন, বিবাহ
শ্রাদ্ধ প্রভৃতি কার্য্যে উক্ত জাতির প্রধান সহায়তা দৃষ্ট হওয়ায় উক্ত জাতি
দ্বিজকুলের সমসাময়িক বলিয়াই প্রতীতি হয় । দ্বিজকুলের সমকালীন
যদি বর্ণসঙ্কর জাতির উৎপত্তি না হইয়া থাকে, তাহা হইলে নাপিত বর্ণসঙ্কর
হইল কিরূপে এই প্রশ্নের মৌমাংসা হওয়া আবশ্যিক । দ্বিজ-উপনয়ন সংস্কার
কালে নাপিতের উল্লেখ দৃষ্ট হয় । উপনয়ন সংস্কার যখন হইতে আরম্ভ
হইয়াছে নাপিতও তখনই প্রাদুর্ভূত হইয়াছে—ইহা যুক্তির অনুরোধে
অবশ্যই স্বীকার করিতে হইবে । নাপিত ভিন্ন অগ্ৰজাতি নাপিত পদবাচ্য
নহে এবং উহাদের বৃত্তিও কেহই আশ্রয় করেন নাই । লোম-নখাদি-

বপন-কার্য হীন বলিয়া লোকের প্রতীতি হওয়ায়, অনেকে উহাদিগকে ঘৃণিত বলিয়া বিবেচনা করেন। কিন্তু অদ্যাপি “জল আচরণীয়” হিন্দুজাতি মধ্যে নাপিতই শ্রেষ্ঠ বলিয়া গণ্য হইয়া থাকে। মুসলমান ও খৃষ্টান জাতি, রাজ-বংশীয় বলিয়া দণ্ডভয়ে উহারা ঐ দুইজাতির ক্ষৌর করিয়া আসিতেছে। বংশানুক্রমিক বৃত্তি যদি উহাদিগকে পরিত্যাগ করিতে হয়, তাহা হইলে প্রধান বর্ণ দ্বিজগণের উপনয়ন, বিবাহাদি সংস্কার বিলুপ্ত হইবে। অতএব উক্ত জাতির অথবা অনাদর প্রকাশ না করিয়া যথাযোগ্য মর্যাদা প্রকাশ করাই সুধীজনের কর্তব্য। আশ্রিত ও অনুগত জাতির প্রতি সহানুভূতি প্রকাশে সমাজের লাভ ভিন্ন ক্ষতি নাই। ভিন্নরুচিসম্পন্ন মনুষ্য যাহা ইচ্ছা বলিতে পারেন, আমার যাহা মত্বেচনা হইল তাহাই প্রকাশ করিলাম।

কলিকাতা সেন্ট্রাল কলেজের সহকারী অধ্যাপক কথক-প্রবর শ্রীযুক্ত অমূল্যকৃষ্ণ গোস্বামী তত্ত্বরত্ন, কাব্য-ব্যাকরণ-তীর্থ মহাশয় লিখিয়াছেন—

প্রিয় গ্রন্থকার মহাশয়,

আপনি “জাতিভেদ রহস্য” স্বজাতি-রহস্যে উজ্জ্বল করিতে যে প্রকার পাণ্ডিত্যের পরিচয় দিয়াছেন ও যে সকল যুক্তিপূর্ণ তথ্য সংগ্রহ করিয়াছেন বাস্তবিকই এ সকল আপনার বহু গবেষণার ফল। একটু ভাবিয়া দেখিলে আপনাকে ধন্যবাদ না দিয়া থাকিতে পারা যায় না। কিন্তু বঙ্গীয় নাপিত জাতি ব্রাহ্মণের পাশে সহচররূপে থাকিয়া বঙ্গের সকল জাতির নিকট পরিচিত হইয়া আসিতেছে। অতএব সিদ্ধ জাতির জন্য এতটা শ্রম কেন? তবে যাহারা এ জাতিকে অগ্র চক্ষে দর্শন করেন, তাঁহারা এ গ্রন্থ পাঠ করিলে ভিতরকার রহস্য অনেকটা বুঝিতে পারিবেন। ইতি—

কাশিমবাজার রাজ-সভার সভাপণ্ডিত অশেষ গুণালঙ্কৃত, কবিরত্ন, বাচস্পতি, ভাগবত-ভূষণ উপাধি-সমন্বিত শ্রদ্ধেয় শ্রীযুক্ত রাসবিহারী সাজ্জ্যতীর্থ মহাশয় লিখিয়াছেন—

“জাতিভেদ রহস্য ও নাপিত-কুল-দর্পণ” নামধেয় গ্রন্থ খানি আমি আদ্যন্ত মনোযোগ সহকারে পাঠ করিয়াছি। গ্রন্থকারের নাম প্রকাশ না থাকিলেও তাঁহাকে আমি বহু বহু ধন্যবাদ প্রদান করি। “উগ্র-ক্ষত্রিয়-প্রতিনিধি” ও “মাহিষা বিস্তুতি” প্রভৃতি জাতি-তত্ত্ব মূলক অনেক অনেক গ্রন্থই দেখিয়াছি, কিন্তু এখানিতে যেমন আমূল তথ্যানুসন্ধান এবং ভূয়োদর্শন পরিলক্ষিত হইল, এরূপ কোনও পুস্তকে লক্ষিত হয় নাই!

এই গ্রন্থের বিশেষত্ব এই যে, তিনি বর্তমান উপবীত-বিভ্রাটের যুগেও সে দিকে শ্রদ্ধালু নহেন। গ্রন্থের প্রায় সমস্ত তথ্যই শাস্ত্রীয় প্রমাণমূলক হইয়াছে, যে ২।৪টা স্থলে তাহা লক্ষিত হয় নাই, লেখকের যেরূপ অসামান্য উদ্যম, তাহাতে সে সকলও যে সংগৃহীত হইবে, ইহা নিঃসন্দেহ। শ্রীশ্রীভগবান লেখকের মনোরথ সফল করুন। ইত্যলং বাহুল্যেন।

“ভূ-প্রদক্ষিণ” প্রণেতা, স্বনাম-ধন্য ব্যারিষ্টার ও প্রবীণ সাহিত্যিক শ্রীযুক্ত চন্দ্রশেখর সেন মহোদয় লিখিয়াছেন—

জাতিভেদ সম্বন্ধে আমার মত স্বতন্ত্র, আমি দেশ ভেদে জাতিভেদ বিদ্যমান, ইহা স্বীকার করি। আধুনিক জাতিভেদ প্রথা যে হিন্দুসমাজের একটা জুলুম ও জবরদস্তি এবং তদ্বারা যে ভারতের ভীষণ অনিষ্ট হইতেছে সে বিষয়ে কোনই সন্দেহ নাই, ব্রাহ্মণের জাতিগণ এতকাল আপনা-দিগকে “ছোট” বলিয়া ভাবিয়া আসার দরুণ তাঁহারা তদ্রূপ ভাবনা বশতঃ বাস্তবিক যেন “ছোট” হইয়াই পড়িয়াছেন। পুরুষানুক্রমে “আমি ছোট” এইরূপ ভাবিতে ভাবিতে আমাকে প্রকৃতই ছোট হইতে হইবে, ইহা যেমন

অনিবার্য স্বাভাবিক নিয়ম, আবার তেমনি “আমি বড়” এই ~~আমি বড়~~ দ্বারাও আমরা উন্নত হইতে পারি। এই জন্য আবার বলি, নাপিতের ত্রায় নবশায়কদের চেষ্টা সাধু, আর কায়স্থগণ যে ক্ষত্রিয় হইবার জন্য ব্যস্ত হইয়াছেন ইহাতে আমি দুঃখিত, আমি তাহাদের উপদেশ দেই, একেবারে ব্রাহ্মণ হইবার উদ্যোগ করিতে। কারণ কায়স্থজাতির মধ্যে এমন বিস্তর লোক আছেন, যাহারা আধুনিক বহু ব্রাহ্মণ হইতে কোন অংশে বিদ্যা, বুদ্ধি, আচার, মহত্ব প্রভৃতি সঙ্গুণে কম নন, বরং কোথাও কোথাও এক কাঠি সরেশই দেখা যায়।

এই পুস্তকে নাপিতগণ নিজেদের দ্বিজত্ব প্রমাণ করিতে যেরূপ চেষ্টা করিয়াছেন তাহা প্রশংসাই সন্দেহ নাই। তাঁহাদের মধ্যে আজকাল অনেকে বিশেষ উন্নত হইয়াছেন, ব্রাহ্মণ, বৈদ্য, কায়স্থগণ সে সকল লোককে সহজে অগ্রাহ্য করিতে পারেন না। স্মৃতরাং সমাজ এই জাতিকে আর ছুঁড়িয়া ফেলিতে পারিতেছেন না, তাঁহাদিগকে হাত ধরিয়া তুলিতে আমরা বাধ্য। রাজপুতানা প্রভৃতি অনেক প্রদেশে আজও নাপিতগণ পাচকের কার্য্য করিয়া থাকেন। পৌরাণিকযুগেও দেখা যায় যে তাঁহারা বরাবর পাচকের কার্য্য করিয়াছেন। নাপিত, অর্দ্ধশিরা, গোপাল এই তিন জাতির প্রস্তুত অন্ত যে সমাজের উচ্চ নীচ সকলেই ব্যবহার করিতেন, তাহার বিশিষ্ট প্রমাণ পাওয়া যায়। তারপর পৌরহিত্যের কার্য্য সম্বন্ধে নাপিতগণ যেরূপ অধিকার প্রাপ্ত ছিলেন, গ্রন্থকার বিশেষ গবেষণা দ্বারা তাহা সাব্যস্ত করিতে চেষ্টা পাইয়াছেন। পাঠকগণ সে বিষয়ে অনুশীলন করিলেই সহজে বুঝিতে পারিবেন। এরূপক্ষেত্রে নাপিতগণকে আমরা অত্যান্য আর্য্য সম্ভানের ত্রায় দ্বিজ বলিয়া গ্রহণ করিতে কোন আপত্তি করিতে পারি না।

